

m. 694. 1

GASPERIS SCIOPPII
GRAMMATICA
PHILOSOPHICA

Non modò Tironibus linguæ latinæ ad artem illam unò
trimestri perfectè addiscendam, sed & Latinè doctissi-
mis ad recedendam eorum rationem, quæ legunt aut
scribunt, in primis utilis, vel necessària.

*Accessit Præfatio de Veteris ac Novæ Grammaticæ
Latinæ origine, dignitate & usu.*

Editio nova beneficio V.A. PETRI SCAVENII
plurimis in locis nunc demum insigniter aucta
& schedis ipsius auctoris, à quo omnia,
paulò ante mortem, accuratius
recognita & emendata.

694
1



AMSTELIODAMI,

Apud JUDOCUM PLUYMER Bibliopolam,
M.DC.LXIV.




Clarissimo, Doctissimoque

V I R O

D. THEOPHILO HOGERSIO,
Juris Consulto & Humaniorum Litera-
rum Daventriæ Professori
Dignissimo

P. S. D.

7 O D O C V S P L V R M E R.

C I O P P I A N A M Gramma-
ticam, tantô Desideriô olim
in hóc & Vicinis gentibus ex-
petitam, tantôque studiô,
quum ante non multos annos à me ede-
retur, exceptam, exemplarium penu-
riâ & desiderantium Votis admonitus
denuò prælis subjiendam statui. Com-
modum verò accidit, ut, dum Novæ
huic editioni manus admoveo, copia
mihi quasi divinitus fieret exempli, quod
doctus Danus ad Scioppianum *αὐτόγραφον*
multis modis auxerat, & emendaverat;
ut talr facie nunc prodeat hæc Gram-
matica, quam ipse S C I O P P I U S illi
induerat, quum ultimam manum ei im-
posuisset; sic excultam & mutatam ab


illâ editione priore ad te fero , Vir Do-
ctissime , quia tu unus omnium optimè
de his litteris existimare potes , ad quas
magna curâ & magnis processibus in
florentissimô gymnasiô , ac in celeberrimâ
cathedrâ , tam propter tui nominis ,
quam prædecessorum tuorum G R O-
N O V I I & G R Æ V I I decus & fa-
mam , bonæ mentis adolescentes insti-
tuis ; & quia multis nominibus tibi sum
obstrictus. Hæbe ergo hoc meæ erga
te Observantiæ , & Amoris , signum , &
meis curis , quas bono litterario dedica-
vi , porrò fave ; Amstelodami Kal. Au-
gusti , 1664.

IN-

V

INDEX LIBRORUM
GASPERIS SCIOPPII,
Quos de Latinæ Linguæ, & Lite-
rarum præsertim humaniorum stu-
diô conscripsit.

*Quæ asteriscô * notantur, Amstelodami apud
JUDOCUM PLUYMERUM
Prostant.*

- * 1.  *Grammatica Philosophica
pro Lat. Linguæ Magi-
stris & Tironibus; ut sci-
licet Tirones Magistri, Magistri au-
tem Tirones fiant. Mediolani, 1628.*
Nova ejus editio, quam hic da-
mus, beneficiô V. Ampl. Petri
Scavenii plurimis in locis insigni-
ter aucta & recognita ex sche-
dis ipsius Auctoris. *Amstelod.*
1664.
- * 2. *Mineræ Sanctiæ, hoc est,
Francisci Sancti Brocensis de Lin-
guæ*
- * 3

guæ Latinæ causis, ipsi etiam Cicero-
ni, Varroni, Quintiliano ignotis, Com-
mentarius: cum observationum Sciop-
pianarum auctariô. Patavii 1663.
& multô correctius Amstelod.
1664.

* 3. *Paradoxa literaria*, in quibus mul-
ta de literis novè contra Ciceronis,
Varronis, Quintiliani, aliorumque
litteratorum hominum, tam veterum,
quam recentiorum sententiam dispu-
tantur, sub nomine Psc. Grosippi.
Mediol. & Amstelod. 1659.

* 4. *Auctarium Grammaticæ Philoso-
phicæ*, in quô etiam de Lexicorum
Latinorum virtutibus, ac vitiis, quæ-
que ratio in conficiendô linguæ Lati-
næ thesaurô tenenda sit distinctè dis-
seritur. Mediolani 1629. & Am-
stel. 1659.

5. *Rudimenta Grammaticæ Philoso-
phicæ in usum Tironum*. Ibid. 1629.

6. Mer-

6. *Mercurius bilinguis*, sive nova & compendiosa ratio Latinae, aut Italicae linguae intra vertentem annum perdiscendae, in eorum usum, qui alterutram linguam jam intelligunt. Mediolani.

7. *Septem rationes*, quae religionem seu scrupulum Episcopis injicere debent, ne veterem Grammaticam diutius in scholis tolerare, sed novam in eas inducere velint.

8. *Editiones novae aliquot auctorum*, Cornelii Nepotis, Velleii Paterculi, & Diety Cretenfis, cum Indicibus novis ad observandi & excerpti rationem usui futuris.

* 9. *Priapeia*, sive diversorum Poetarum in Priapum lusus, cum Commentariis Gasperis Scioppii Franci. Francofurti. 1601.

10. *Propædia Rhetoricæ*. Opus novum omnibus, non modò Rhetoricæ, &

*Poëtica Studiosis, sed & auctores qua
sacros, qua profanos cum studii sui
pretiô legere cupientibus in primis con-
ducibile. Cujus fragmentum de
Exercitationibus Rhetoricis e-
ditum est Mediolani. 1629.*

I 1. *Elementa Philosophiæ Stoicæ Mo-
ralis, quæ in Ciceronem, Senecam, Plu-
tarchum, aliosq^{ue} veteres Commentarii
locô esse possunt. Moguntiae anno
1606.*

*** I 2.** *Consultatio de studiorum ratio-
ne, deque Prudentiæ & Eloquentiæ
parandæ modis: Patavii & Amste-
lod. 1660.*

*** I 3.** *De naturâ, & officiô Historiæ,
deque virtutibus & vitiis styli Histo-
rici. Item*

*** I 4.** *Infamia Famiani: sive castiga-
tiones Famiani Stradæ rerum Belgi-
carum Scriptoris, Soræ Danorum.
1658. & Amstelod. 1662.*

15. Mi-

15. *Miscellanea Latini sermonis, in usum eorum, qui interiores literas cognoscendi desiderio tenentur.*
16. *Observationes novæ Latini sermonis ex Plautô, Varrone, Vitruviô, veterum poëtarum fragmentis, Livio, Hyginô, Phædrô, Celsô, Asconio, Curtiô, Senecis, Quintilianô declamatore, Iustinô, aliisq; auctoribus.*
17. *Observationes juveniles Lat. Linguae pro tironibus ad imitationem Ant. Schori Helmstad. & alibi in Germaniâ.*
- * 18. *Animadversiones in V. Cl. Ger. Io. Vossii librô de Vitiis Sermonis. Ravennæ 1647. & Amstel. 1660.*
- * 19. *Verisimilium libri quatuor. Norimbergæ 1595 & Amstel. 1662.*
- * 20. *Ars Critica, sive mendosos Latinorum auctorum locos ex ingenio emendandi ratio. Ibidem 1596. & Amstelod. 1662.*

- * 21. *Suspectarum lectionum libri quinque.* Ibidem 1597. & *Amsf.* 1664.
- * 22. *Symbola Critica in L. Apuleii Opera.* Ibid. & *Amstelod.* 1664.
23. *Hercules Coprophorus*, in quô virorum doctorum, qui nostrâ, aut patrum nostrorum memoriâ maximè videntur latinè scripsisse, plurimæ corruptæ & vitiosæ locutiones notantur & castigantur. Laudat librum illum in *Alexipharmacô* suô & aliquid ejus generis inter reliquias schedarum *Patavi* extat.
24. *Thesaurus Scioppianus*, sive *Romanæ Eloquentiæ Promptuarium.* Auctores quibus in hóc promptuario *Sciopp.* perpetuò usus est *M. TULLIUS CICERO*, *M. ACCIUS PLAUTUS*, *P. TERENTIUS*. Quibus frequenter usus est *T. LUCRETIVS CARUS*, *CORNELIVS NEPOS*,

POS, TITUS LIVIUS. Quibus rarius usus est. Omnes Philosophi, Medici, Oratores, Jurisconsulti, Historici & Poëtæ Latini: ex his enim nomina, & omnium ferè rerum appellationes excerptæ hîc leguntur. Cujus operis quia summa est omnium literatorum hominum expectatio, ne nimis facili spe ducantur, monere visum est, hætenus nihil certò promitti posse, sed expectari & quotidianis votis expeti ab humanitate celeberrimi Viri Io. Michaëlis Pieruccii antiquum jus Patavii magnâ cum laude publicè docentis.

25. *Philotheca Scioppiana, sive Gasp. Scioppii Narratio annis distincta de Benefactoribus, amicis & familiaribus suis, quos in omni vitâ habuit. Servatur Patavii inter* *manuscriptos.*

26. Sym-

DE
VETERIS,
AC NOVÆ
GRAMMATICÆ
LATINÆ ORIGINE,

dignitate, & usu.

Etsi nullam ipse in puerili ætate meâ Grammaticam Latinam didici, sed octo jam annos natus, post nominum verborumque declinationes memorizæ mandatas, ex quotidianâ Latinè loquentes audiendi, loquendique consuetudine, ex admodum mensium intervallô unâ cum multis condiscipulis & convictoribus meis tantum profeci, ut quicquid ætatis illius usus posceret, non multô minore negotiô vernaculâ, quam Latinâ linguâ enunciare possem: etsi etiam procedente ætate assiduâ *Ciceronis, Cesaris, Livii, Plauti, Terentii, Nepotis, Virgilii, Lucretii, Horatii, Catulli, Tibulli, Properti & Ovidii* lectione eam Latini sermonis non quidem facultatem, sed intelligentiam certè consecutus mihi videbar, ut, cur cognoscendis Grammaticorum præceptis quicquam operæ consumerem, ratio nulla esset: postea tamen quam in *Hispaniâ* in *Francisci Sancti Brocensis*, viri omnium divinarum & humanarum rerum

** scientia

scientia admirandi, *Minervam*, sive *Librum de lingua Latina causis* incidi, in eoque aliquot errorum millia Grammaticis impingi, acriterque exagitari comperi, non ego jam me continere potui, quin per otium subinde Grammaticorum libros evolverem, ut quò jure, *Sanctio* vapulassent, explofatò judicare possem. Sic factum est, ut veteres omnes quotquot ante mille hos annos aliquid in eà arte literis consignatum reliquerunt (qui quidem duobus voluminibus *Francofurti* anno M. DC. V. editis continentur) tum recentiorum complures, ut quisque in *Hispaniâ*, *Galliâ*, *Germaniâ* & *Italiâ* præter cæteros in eà præstitisse visi sunt, cognitos haberem. Inter quos, ut verum fatear, *Emmanueli Alvaro* primas deberi animadverti: nam & ipse longè cultius dicendi genus, quam non dico veterum quisquam (nam illi pessimè omnes Latinè scripserunt) sed quam recentiores plerique in arte tradendâ præstitit, & ea ex optimò quòque veterum auctorum exempla seligere curæ habuit, quibus regulæ artis plurimum stabiliri & sine negotiò à tironibus intelligi possent. Verum enim quoniam ille à veterum Grammaticorum præceptis, omnium præsertim consensu traditis, discedere religioni habuit, effugere non potuit, quin eosdem ferè omnes errores, quos in aliis *Sanctius* agitavit, in ipsius quoque arte inveniamus. Hæc porrò res desiderium mihi injecit cognoscendi, cum originem tam vitiosæ artis, tum tantarum virium

rium causam, quantas oportet eas fuisse, quæ mille quingentis annis amplius ipsam artem tueri potuerint. Oportunè autem in manus meas *Suetonii* de illustribus Grammaticis libellus incidit, cujus secundò capite id quod quærebam, satis planè traditum inveni. Sic enim scribit ille :

Primus quantum opinamur studium Grammaticæ in Urbem intulit Crates Mallotes Aristarchi aequalis, qui missus ad Senatum ab Attalò rege inter secundum ac tertium bellum Punicum, sub ipsam Ennii mortem, cum in regione Palatii prolapsus in Cloacæ foramen crus fregisset, per omne legationis simul & valetudinis tempus plurimas Acroases (id est, prælectiones) subinde fecit, assiduèque disseruit, ac nostris exemplo fuit ad imitandum.

Hæc ergo ut legi, minimè jam mirandum mihi visum est, tanti flagitii erroribus inquinatam esse veterem Grammaticam, quæ omine tam malò ex *Cloacæ foramine* unà cum claudò magistrò emerferit. Neque verò admirabile duxi ne illud quidem, *Cloacinam* istam Grammaticam inde ab eò, quò *Romæ* primum exorta est, tempore ad hanc usque diem per ipsos M. DCC. XCVI. annos inconcussam perstitisse, & omnium non tironum modò, sed & ipsorum eloquentiæ Latinæ principum ingenia excarnificare potuisse. Jus quippe gentium violare sibi Romani videbantur, si hanc invictam à Regiò

Legatô artem parum cômiter habuissent, cum præsertim Regi *Attalo* tantum se devinctos agnoscerent, quippe qui regnum suum testamentô ipsis legasset, aditumque eô pactô ad *Asia* totius imperium mox armis vindicandum patefecisset.

Hôc locô exaudire jam videor, qui mihi dicat: Quæ (malum!) tua ergo est temeritas novam istam *Sanctii* Grammaticam orbi universo obtrudentis? tamquam fieri possit, ut eam locô moveas, quam tantâ cum auctoritate Romæ ortam mille octingentis annis perdurasse tutemet confiteris? Accipe ergo benevole Lector, quæ res spem mihi afferant, fore ut *Cloacina* illa huic *Sanctiana* locum mox cedere necesse habeat. Longè major videlicet hanc, quam illam, commendat auctoritas, cumque primum novæ hujus utilitas fuerit cognita, nemo tam fatuus fore videtur, ut fruges divinô beneficiô inventas aspernatus victitare malit.

Glandibus, & purarursum procumbere lymphæ.
Nam quod ad auctoritatem attinet, tantum abest, ut hæc illi concedere debeat, ut ad hanc illa ne comparanda quidem videatur. Illam scilicet *Attali* quidem Regis legatus, sed idem tamen homo Grammaticus ex cloacâ, in quam prolapsus fuerat, unâ cum fractâ tibiâ extulit. At *Sanctianam* ipse Romam ex *Clarissimâ Europæ* Academiâ, quæ *Salmantica* est, attulisse me glrior, nihil prorsus veritus, ne cujus erga Ecclesiam & remp. *Christianam* merita,

merita, Pontifices, Imperatores, Reges, Principes, & optimus ac doctissimus quisque, privatis publicisque tabulis, tam magnificè prædicant, & quisquam hominem *Grammaticum* ex *Cloacâ*, in quam prolapsus fuerat, cum fractâ tibiâ emersum, vel potius, fune subductum, præferendum contendat, nam quod quis eundem *Attali Pergameni* Regis legatione apud *Romanos* functum fuisse dicat, nihilò vincibiliorem eâ re Artis ejus causam fecerit, cum & ipse *Roma* Principis *Attalô* haud paulò majoris, hodierni scilicet Imperatoris nostri Augustissimi Legationem apud *Paulum V.* obie-
rim, & Catholici fœderis fundamenta jecerim, cui fœderi multorum Regnorum ac Provinciarum salutem, & Catholicæ fidei in universâ pœnè *Europâ* conservationem, omnium intelligentium consensus superioribus annis non dubitanter acceptam referebat, nec minùs hodiè quoque referret, nisi fidelium meorum monitorum contemptum Deus regnorum clade, & provinciarum excidiò, atque urbium & opidorum strage vindicandum censuisset. Quò minus dubito, quin illi saltem, qui tanti quidque pendere solent, quanti ejus auctorem & adstipulatorem faciunt, *Cloacinam* illam Grammaticam illuc tandem, unde emerfit, jubeant *χαλεπῶς, ἀνφιμῶντις ἐκτίμῃται δέμων*, quod est *Cicerone* interprete, *Efferre latò prosequentes omine.*

Multò tamen magis de cæteris hoc mihi polliceor, qui utriusque veteris & novæ hujus

Grammaticæ commoda , quæ inde peti possunt , inter se contendere voluerint. Veterem enim nec magnopere discentibus prodesse , & non minimum etiam nocere deprehendent. Prioris argumentum est , quod nec ullum discendi compendium , nec (δέλωσι) certitudinem præstet. Si enim in illis , qui artem meliorem , quam cæteri , ordine & elegantiam scripsisse judicantur , numerum inire velint , de solâ *Nominum* , *Verborum* & *Participiorum* Syntaxi plus quingentas regulas traditas invenient , quibus ediscendis haud scio an quinquennium solidum satis sit. Sed etiam cum quis eas memoriæ mandârit , tamen vel propter earum turbam , vel propter tot exceptiones , quibus potestas earum restringitur , semper hæsitet animique incertus sit , necesse est , cum meritò vereatur , ne aliqua ei sive regula , sive exceptio , sive appendix effluerit : quò accedit , quod ipsi quoque qui *Ciceronis* æquales , aut suppare fuerunt Grammatici , apertè tulerunt regulas suas plerasque ab optimò quòque linguæ auctore parum observari : id quod ipsi eorum verbis in medium allatis *Paradoxa* nostra *literaria* ostendunt. Hinc porrò fieri nequit , quin sibi diffidant , qui regulas easdem didicere , jureque adeo metuant , ne cum maxime ex artis præscriptò fecerunt , bonorum auctorum multum dissimiles inveniuntur. Damna porrò quæ id genus regulæ discentibus afferunt , jacturâ cum temporis , tum rei familiaris , tum deni-

denique existimationis spectantur. Primum enim non ferè ante quintum vel sextum annum addiscuntur, cum interea sine ullis præceptis vel usu solò (quemadmodum de me meisque condiscipulis retuli) Latinæ linguæ notitia acquiri potuisset, adeoque tempus, quod gravioribus addiscendis impendi poterat, in primæ elementis conteritur: quâ quidem haud scio an major fieri jactura possit. Simul tamen tot annorum impensis res plerorumque familiaris atteritur, ut primæ istæ literulæ majoris etiam constent, quam vel Philosophiæ vel Theologiæ, aut Jurisprudentiæ studia. Tandem cum quis ætatem in literis omnem exegerit, magnumque nomen, & si forte Principatum multis & egregiis libris editis compararit, non erit nullò prorsus periculò, cum ei vel scriptorum à se rationem reddendi necessitas, vel judicii de alienis faciendi occasio in hominum doctorum congressu evenerit, ne regulis illis veteris Grammaticæ in errorem inductus aliquid flagitii faciat, ea respondendò, quæ vix quoquam literarum tirone satis digna videantur. Hoc ipsum certe viro sine controversiâ doctissimo & disertissimo usu venit, qui rogatus cur à me, Græcò more *latet me* potius, quam Latinò *latet mihi* scripsisset, se verò Latinè scripsisse *Plinii* auctoritate ab *Alvarò* relatâ contendit. Sed postquam ei reposui, minime locupletem Latinitatis auctorem esse *Plinium*, neque nos verbis ejus aliter, quam ab

inopiâ uti, quando scilicet Latinas rerum appellationes unde petamus alium habemus neminem: cum *Quintilianus* ætate illâ totum prope modum sermonem in deterius mutatum esse apertè tulerit. Sed rectius eum hòc *Virgilii* exemplò usurum fuisse: *Nec latuère doli fratrem Iunonis & ira.* Et si non idem aliis, quod in versu poëtis permittitur, ut liberius græcificent: nam *Varonem* aliàs pro consuetudine bene loquentium *latet mihi* dixisse (ut lib. 8. de linguâ latinâ; *Similia nan solum à facie dici, sed etiam ab aliquâ conjunctâ vi, quæ & oculis & auribus latere soleat*) aliàs more suò extra *Latium* peregrinantem *latet me*, ut lib. 1. rei rust. cap. 40. *Unum genus seminis, quod latet sensum nostrum: alterum, quod apertum.* Sed nullò genere melius hoc ab eò dictum esse, quam quod ibidem sequitur, *Illud quod apparet ad agricolas, pro agricolis apparet, aut patet, aut apertum est.* Meminisse eum debere, quid in *Brutò Tullius* monuerit, suâ scilicet ætate, linguam latinam corrumpi ab iis cœptam, qui à peregrinis, qui in urbem confluxerant & inquinatè loquebantur, non satis cavissent: adeoque operam iis, qui diligenter loqui velint, dandam esse, ut antiquitatem imitentur, & rationem tanquam obrussam adhibentes à similitudine se Græcæ locutionis abstrahant, & consuetudinem vitiosam & corruptam purâ & incorruptâ consuetudine emendent. Cui *Ciceronis* monito si paruiisset, facturum *Varronem* fuisse,

fuisse, ut ipsius *Ciceronis*, *Lucretii* & *Plantii* exemplô loqui mallet. Esse verò hoc *Ciceronis* post reditum in Senatu: *Ubi nobis hac auctoritas tam diu tanta latuit.* Et *Catil.* 1. *Nihil moliris, quod mihi latere valeat.* Hoc autem *Lucretii* lib. 3. vers. 280. *Sic tibi nominis hac experis vis facta minutis corporibus latet.* Hoc denique *Plantii* *Trin.* act. 4. sc. 2. *Quid ergo ille mihi latitabat.* Ad has auctoritates & optimæ ætatis consuetudinem accedere rationem, quæ non magis patiatur, ut dicas *latet me*, quam *patet me*, cum utrumque eodem modô verbi substantivi vim in se contineat, nec aliam, quam internam actionem & foras non transeuntem significet. Est enim hoc apertum, illud occultum esse, ac propterea fieri non potest, ut aliud quam internum & (ut *Logicorum* linguâ utar) essentialem ac formalem accusativum adsciscat, qui *Nomine verbi*, velut *Grammatici* vocant, hoc est verbô infinitô nominis vim habente significatur, *latere* puta & *patere*, quasi dictum sit: *Hac res latet mihi latere*, id est, *latebram* seu *latens abditumve negotium*, & *patet mihi patere*, id est, *patens*, seu *patulum* aut *propatulum negotium*: quô modô in hóc: *Fulminat illa oculis & quantum fœmina sævit*, subauditur *sævum*, hoc est, *sævum negotium*, rem *sævam*, ut *Horat.* *Fortuna sævô leta negotiô*, id est, *quæ sævitiâ latatur*: ex quô discamus licet, in *Dulce ridet*, *amarum renidet*, *turbidum latatur*, *lucidum fulgent oculi*, subaudiri *negotium*, quod

Latinis illud ipsum, quod *res*, Græcis *οὐσία*
 aut *αἴμα* significat. Sicut ergo *vivere* alium
 accusativum regere nequit, quam cognatum,
 sive apertum, sive tectum, cum interna sit ejus,
 quæ significatur, actio (ut *Vivere vitam. Vi-*
vere bacchanalia, id est, *vitam quæ bacchanā-*
liorum tempore vivi solet) similiter nec *latere*
 aut *patere*: adeoque illud *latet me*, pariter ra-
 tionī ac meliorum auctorum consuetudini ad-
 versatur: Sed quoniam Græcum *λίδω, λατύνω*,
 unde *lateo* formatum videtur, actionem exter-
 nam significat, non aliter, quam Latina *fu-*
gio & prætereo, hinc factum est, ut multi nati-
 væ ac vernaculæ loquendi consuetudinis pa-
 rum observantes, sicut *fugit* aut *præterit me*, si-
 militer & *latet me*, dicere cœperint; quo-
 modo Græci, *ἐ μὲ λίδει, non me latet*. Hæc
 talia cum ex me vir ille literatissimus audisset,
 ipsius mihi *Ciceronis* auctoritatem impegit,
 cujus oratione pro *Syllâ* perspicuè scriptum aje-
 bat: *Lex dies fuit proposita paucos, ferri cœpta*
numquam, posita est in Senatu, populum Ro-
manum latuit. Sed eâ re turpem antiquita-
 tis ignorantiam prodidit, qui nesciret, nec
Populus Romanus, nec *Res publica* ullô casu
 integrè à veteribus perscribi, sed notari tan-
 tum solitum, ut esset *P. R.* & *R. P.* id quod
 omnes illi, qui veterum monumentorum usum
 habent, verissimè à me dici fatebuntur. Itaque
 in veteribus *Ciceronis* libris fuit: *P. R. latuit*,
 quod jam vernaculæ & incorruptæ Latinitatis
 periti

periti non accusandi, sed dandi casu legendum esse sciunt.

Paris flagitii est, quod tot disertissimi homines libris editis ab *Austrius*, *Castrius*, & id genus aliis vocandi casum formant in i exeuntem. Sic enim palam faciunt, se quid nomen proprium, quid appellativum seu commune sit, prorsus non intelligere. *Austrius*, *Austria*, *Austrum* nomen possessivum est, ab *Austrô* derivatum, quod nomen ejus provinciæ proprium est, quæ olim *Pannonia* superior, hodie *Austria* vocatur: pro quô alii *Austriacum* dicere malunt exemplô *Homeriaci*, *Iliaci*, *Olympiaci*, *Corinthiaci*, *Hellespontiaci*, *Titaniaci*, ac similitum. *Castrius*, *castria*, *castrum* nomen est similiter possessivum ab aliô communi nomine *Castrum* derivatum, pro quô alius *Castrensis* dixerit. Jam satis apparere arbitror, si quis *Ioannes Princeps Austrius*, aut *Franciscus comes Castrius* vocetur, valde imperitè appellationes illas pro nominibus propriis haberi, quippe quæ tot aliis rebus sint communes. Sunt enim *Austrii populi*. *Austrie terra*. *Austria oppida*, similiterque *Castrii* aut *Castrenses homines*, *Castria ades*, *castria tecta*. Si quis autem hominum tali cognomine designetur, id per *Tropum* fieri nec pueri ignorant, qui est *Synecdoche* totius pro parte, & quidem illa ejus species, quam *Antonomasiam* Rethores vocant: quô pactô & *Apostolus*, pro *Paulô* & *Philosophus*, pro *Aristotele*, & *Poëta*, pro *Virgiliô* dicitur. *Tropus* autem non natu-

ram

ram verbi, sed significationem modò mutat, adeoque nec *Austrius*, nec *Castrinus* communia esse desinunt, etsi ad hunc vel illum ab *Austrò*, aut de *Castrò* hominem significandum adhibentur. Certè si quis Romanorum aut *Salamine* expugnatâ, aut *Rhodò* sub ditionem redactâ *Salaminii* aut *Rhodii* cognomine insignitus fuisset, nemo ei bonâ cum *Orbilii* gratiâ, ô *Salamini*, ô *Rhodi* diceret, sed ô *Salaminie*, ô *Rhodie*, quemadmodum *Iovi Saturni* filio *Saturnie*, *Evandri Pallanti* *Evandrie*, *Telamonis Ajaci* *Telamoniæ* dicendum esse rectè Priscianus monet: quâ de re tam perspicuâ me verbum facere piguisset, nisi maximi nominis viros in eò errasse, quosdam etiam, in quibus est *Hieronymus Alexander*, pertinaciter pro errore tam deformi propugnare animadverterem.

Non minus turpiter se dedit vir omnium confessione eruditissimus, *Antonius Quæringus* qui versuum, quos scribit, latinitate atque cultu non temere cuiquam Augustæi ævi priores concedat, cum in elegiâ *Virginii Cesarini*, herois illustrissimi, verèque literarum Phœnicis, quam de Serenissimi *Bavaria Ducis* victoriâ *Bohemicâ* conscripserat, solœcismi insinulavit, quod ibi legebatur.

privata filebo

Damna: queri nobis publica causa vetat.

Sic: licet me facere, & mihi facere. Cicer. 5. Verrin. Hodie Syracusanum in eâ parte habitare non licet. Virgil. non licet me exire servitiô

Sic:

Sic: *Suadet me facere. Lucr. l. 1. Sed tua me virtus tamen, & sperata voluptas Suavis amicitiae quemvis perferre laborem Suadet. Terent. Hecyra à 3. sc. 5. Me pietas matris commodum suadet sequi. Sicut Virgil. Inturnam misero, fateor, succurrere fratri Suasi. Horat. Vetuit me tali voce Quirinus. Virg. Is me laudare quae vellem, calamò permisit agresti.*

Negabat enim Latinè dici, *Vetat mihi queri*, sed *vetat me queri*: in quâ censurâ suâ quantum *Avius à verâ longè ratione feratur*, quivis ephēbus, qui *Sanctianæ* Grammaticæ præcepta teneat, sine negotiō demonstraverit. Dativus videlicet cuicumque orationi adjungi potest, in quâ *acquisitio* vel *ademptio*, *commodum* aut *incommodum*, aut *finis*, quem in Scholis Logici *Finem* cui dicunt, significatur. Omne verò verbum infinitum pro suppositō habet accusativum sive expressum, sive per figuram *Ellipsin* suppressum. Omne denique verbum activum adsciscit accusandi casum sive expressum, sive suppressum, sive infinitō verbō aut aliâ oratione commutatum. Per primam trium istarum regularum, quam *Iubet mihi*, tam *vetat mihi*, rectè dicitur. *Cic. 9. Attic. 15. Dolabella literæ jubent mihi ad pristinas cogitationes reverti*: per secundam verò, *Queri & me queri*: per postremam denique, *Iubet* vel *vetat mihi queri*, ut *querar*, *questum* vel *querelam*. *Plant. Capt. 21. f. 1. Non licet mihi me loqui?* Per *Hellenismum* verò accusativō nominativi vicem positō,

sitô , jubet vel vetat me ut querar : quarum locutionum exempla in *Minervâ Sanctianâ* red-
 demus : nunc satis erit illud confirmasse, quod insolentius dictum videbitur, *vetat ut querar*.
 Habet ergo *Tibullum* auctorem lib. 2. eleg. 7. *Illius ut verbis sis mihi dura veto*, quod est, *ut ne sis mihi dura*. Et *Persium* : *Hoc juvat, hic inquit, veto quisquam faxit oletum*, pro ; *ut ne faxit*. Et *Plautum* *Pseud.* act. 1. sc. 2. *Amor amatoribus prohibet, faciant adversum lenones quod volunt*. Et *Mil.* act. 4. sc. 8. *Cave istuc feceris*, pro, *ut ne faciant, ut ne feceris*. Neque tamen acumen viri tam insignis, quem multiplicis doctrinæ nomine colo & suspicio, hâc in re tam facili & expeditâ delirasse mirandum est, cum ipsis etiam *Ciceroni*, *Varroni* & *Quintiliano* (nam *Agellium* si cum eô comparem, sim injurius) istas veteris Grammaticæ regulas non semel fraudi fuisse videamus, ut quæ rectè, quæ perperam Latinè dicta essent, aut prorsus discernere non possent, aut ita judicarent, ut eos consuetudine potius, quam ullâ ratione aut scientiâ, bene loqui, aut scribere planum fieret : cujus rei quoniam satis multa in *Paradoxis literariis* specimina dedi, nihil me hic longiorem esse attinet.

Jam ex diversô *Sanctiana* Grammatica eam facilitatem habet, quam prodigii similem omnibus videri necesse sit : nec enim quamvis ingeniô minus possit, qui ordine à nobis præscriptô in discendô procedet, amplius trimestri in

in eâ probè percipiendâ consumet. Jam enim *Mercurii bilinguis* magisteriô Latinam linguam intelliget, & *Nomina ac Verba* per *casus, numeros, tempora & personas* inflectere didicerit, ut vix sex de Etymologiâ pagellas memoriæ mandandas habeat. Syntaxis postea pro quingentis amplius veteris Grammaticæ regulis, quibus *Nominum, Verborum & Participiorum* constructionem dirigi dixi, non nisi xv præscribit, perspicuas illas nulliusque exceptionis patientes: quas qui mediocri sit ingeniô unâ die ludi- bundus edidicerit. Accedit regularum *certitudo*, certa satisque explorata firmitas, cùm ratione, tùm eorum consuetudine nixa, quos aureâ Latini sermonis ætate, quam literatissimè, emendatissimèque loqui ac scribere solitos constat: ut jam minus etiam in auctorum lectione versati omnium, quæ vel legunt, vel ipsi Latinè scribunt, certam rationem intelligant, nec ullum adeant periculum, ne qua regularum artis hujus, ubi semel eas memoriâ comprehenderint, obliviscantur, ex eoque alicubi læsæ Latinitatis ad Grammaticum tribunal rei agantur. Quod quidem quantivis momenti commodum cùm omnibus, tùm vel præcipuè Theologiæ ac Philosophiæ studiosis videri debet. His enim de planô polliceri possum, eos cognitis nostræ artis præceptis unô, ut prædixi, trimestri tantum profecturos, ut etsi parem dictionis puritatem, cultumque non afferant (nam

ea res aut totam hominis ætatem, aut tale saltem subsidium requirit, quale in *Commentariis lingua Latina* jam olim præparamus) non minus tamen Grammaticè præceptisque congruenter scribere queant, quam illi, qui omne vitæ tempus in Latinorum auctorum lectione scribendique exercitatione consumunt. Hunc quidem certè artis nostræ fructum huic ætati sententiâ suâ non dubiè despondebat *Scipio Paschalius Casalensis Episcopus*, vir Hebraicè & Græcè non mediocriter, Latinè verò præcipuè doctus & cum primis *Italiae* luminibus numerandus, qui quoad vixit, mihi gratiam habere numquam destitit, quod operâ meâ se à timore illô vindicasset, quô prius manum sibi, quoties scribere Latinè aggressus erat, contremiscere sensisset. *Rome* autem is, quem dixi, omnis sapientiæ & eruditionis princeps *Virginus Caesarinus* ^{o paxaelms} tantô gaudiô efferebatur ex eâdem arte nostrâ secum communicatâ, ut propemodum eam vulgari à me nollet, quod se non aliâ magis re, quam causarum linguæ latinæ tot sæculis, vel dicam perpetuò ignoratarum scientiâ à literatorum turbâ secerni longèque cæteris anteire judicaret, quod Achaten ejus *Iohannem Ciampolum*, virum cujuscumque prædicatione majorem, adhuc satis meminisse libenterque testaturum confido. In eâdem urbe, rerum dominâ familiarissimè usus fui *Guilelmô Setoniô*, nobili Scotô, Juris divini & humani, tum philosophiæ & Sacrarum ac profana-
fana-

fanarum antiquitatum consultissimô , Græcis-
 que ac Latinis literis perpolitô. Is ingentis pre-
 tii thesaurô se à me donatum arbitrabatur, post-
 quam ei multis precibus à me contendenti , ut
 artîs hujus cum maximè nascentis , ac necdum
 satis exactæ copiam describendi facerem, assensi.
 Negabat etiam vereri se , ne quisquam quanto-
 cumque cum ingeniô aut literis tam parum hu-
 manus inveniatur , quin mihi maximô se devin-
 ctum beneficiô agnoscat pro tam luculentâ fa-
 ce , quam omnibus abditissima quæque Latini-
 tatis mysteria penitus perspicere aventibus
 præluceam. Nec alia *Mantue* est sententia
 viri cum genere , tum libris Latinô & Hetruscô
 sermone summâ cum doctissimi cujusque gra-
 tulatione editis , præterea rerum atque homi-
 num usu domi militiæque partô illustrissimi
Balduni de Monte Simoncelli : sicut nec ejus ,
 quem ibidem non minus vitæ innocentia com-
 mendat , quam Ecclesiastica dignitas exornat ,
Antonii Salmatiae , summi Theologi , nec eo-
 rum , qui Græcarum & Latinarum literarum
 laude hodie florent , cuiquam secundi. Jam
Mediolani nota est *Ludovici Septalii* , viri
 priscâ cum fide , tum nobilitate præcellentis ,
 non Medicinæ tantum & Philosophiæ Peripa-
 teticæ , in quibus planè regnat , sed & humanio-
 rum literarum scientiâ : nec etiam sui *Iosephum*
Paulum Meronum modestia usque eo notitiæ
 hominum subducit , quin optimum quemque
 ac doctissimum suæ pietatis , sapientiæ , eloquen-
 tiae

tiæ & interioris literaturæ conscium, approbato-
rem testemque habeat. Uterque autem iis
præconiis artem hanc nostram diligenter à se
inspectam quotidie prosequitur, tantòque ejus
cognoscendi desiderio omnes inflammat, ut
multos non mediocriter editionis ejus torqueat
expectatio, eisque ego non nisi serò satisfactorius
videar. Quid? quod ipsius Pontificis Maximi
URBANI VIII. judicium & optatum arti
nostræ successum, nec dubiam ejus experimen-
tum capturis utilitatem despondet. Is enim cum
adhuc Cardinalis annis superioribus in rus sub-
urbanum rebus prolatis concessisset, inibique
per otium Syntagma meum *de Stili Historici
virtutibus*, diligentissimè translegisset, non mo-
dò causam se nactum censuit, cur sibi & suis de
amicitiâ meâ gratularetur, sed etiam cur ma-
gnum Latinis literis lumen operâ meâ allatum
iri Princeps Græcè ac Latinè minimè indoctus
confideret. Itaque cum Româ nuper discessurus,
vale postremum ei dicerem, & de hâc arte meâ
percunctanti distinctè rem omnem explicarem,
magnopere se aliis gratulari ostendit, quibus
posthac tantò cum temporis ac laboris compen-
diò literas discere liceret, quas sibi, præsertim-
que Græcas, quibus jam magnò natu dedisset
operam, ingenti studiò ac labore constitisse re-
cordaretur. Et quoniam Ecclesiæ ac Reipub.
Christianæ plurimum in omnem partem inte-
resse judicabat, me *Commentarios de linguâ La-
tinâ* jam olim à me cœptos ad umbilicum addu-
cere,

cere, ne mihi aliena impròbitas, injusto quæ-
 stui semper inhians, debitum speratumque ex
 multis lucubrationibus meis fructum intercipe-
 ret, quò me ad operis vasti laboriosique impen-
 sas uti est æquius, denunciatio anathemate fan-
 cire ei visum est, ne quis quicquam ex officinâ
 meâ profectum, non modò typis, nisi bonâ cum
 gratiâ meâ describere, sed nec ab aliò sine veniâ
 meâ descriptum vâno exponere animum indu-
 cat. Hoc amplius autem, ut in eandem rem Cæ-
 saris Augusti, alio remque Regum & Princi-
 pum diplomatis mihi caveretur, impendiò an-
 nifus est.

Hæc ergo sunt, quorum causâ meritò mihi
 futurum pollicear, ut qui ratione utuntur *San-
 ctianam* hanc Grammaticam, velut à summò
 Philosophò primum inventam, tantò cum vi-
 rorum clarissimorum plausu & acclamatione à
 me perpolitam, *Cloacina* illi posthabere nolint.
 Cæterum, ut quò ea ordine ac modò disci de-
 beat nemini possit esse dubium, de Magistri
 prius, qui eam præcipere cupiet, tum de Disci-
 puli officiò, quæ mea sit sententia, distinctè
 libet exponere.

Mediol. Calend. Febr. Anni M. DC. XXVIII.

MAGISTRI OFFICIUM.

I. Ipse omnium primum discet *XII* illas *Maximas*, regulas totius Syntaxis Latinæ fundamentum continentes, una cum earum interpretatione, quam in Annotationibus ad Syntaxin, pag. 138. inveniet.

II. Regulas omnes de *Nominum*, *Verborum* & *Participiorum* Syntaxi cum *Maximis* illis componet; tam *falsas*; quam *veras*, ut causas veritatis & falsitatis singularum probè intelligat.

III. Leget, quæ ad Etymologiam pertinent unà cum Annotationibus.

IV. Consulet *Paradoxa* nostra, ubi de multis accuratius disputatum inveniet. Sed omnia quæ ad rem pertinent, præcipuéque auctorum exempla, *Minerva* nostra repræsentabit.

DISCIPULI OFFICIUM.

I. Discet partem generalem Grammaticæ, tum ea, quæ de *Nomine*, *Verbô*, *Participiô*, *Præpositione* & *Conjunctione* traduntur: quæ cum paucas pagellas impleant, minimè difficulter memoriæ mandabit. Quæ de *Adverbiis* traduntur, satis erit sæpius legisse.

II. Discet versus *Sanctii* de *Genere nominum*, deque *Declinationibus*, ut & probè eos intelligat & memoriâ contineat.

III. Ediscet *XII* illas *Maximas*, quæ Syntaxis fundamentum sunt.

IV. E-

IV. Ediscet omnēs regulas de verâ *Concordiâ & Rectione Nominum, Verborum & Præpositionum*, quæ omnino sunt quindecim, sic tamen ut pleraque in duodecim illis *Maximis* contineantur. Regulas de falsâ *Rectione* aut *Concordiâ*, ut memoriæ mandet, nihil necesse est, modò sæpius eas relegat, causamque falsitatis rectè intelligat. Quot de *Conjunctionum & Adverbiorum Syntaxi* præcepta sunt, non tam Regulæ sunt, quam exemplorum observationes, quas sæpius legissè satis erit.

V. Ediscet *Definitiones Figurarum*, cum unô alteroque exemplô. *Ellipseos* tamen genera satis erit si Magistrô diligenter explanante probè intelligat. Si quis tamen ea quoque memoriæ mandare velit, tantô majus operæ fecerit pretium.

VI. Ediscet *Alvari* versus de *Verborum Præteritis & Supinis*.

VII. Ediscet ejusdem versus de *syllabarum quantitate*.

Comparatio *Cloacinae* & *Sanctianae* Grammaticæ.

<i>Cloacina</i> est	{ <i>Turpis</i> , quia mendax, cùm de sexcentis ejus regulis, vix decima pars sit vera.	
	{ <i>Molesta</i> , quia impedita & difficilis, ob tot	{ <i>Regulas</i> , <i>Appendices</i> , <i>Observationes</i> , <i>Exceptiones</i> ,
		{ <i>Rei familiaris</i> , <i>Temporis</i> , <i>Existimationis</i> .
<i>Sanctiana</i> est	{ <i>Honesta</i> , quia verax, cùm omnes regulas ratione & incorruptâ consuetudine stabilitas habeat.	
	{ <i>Fecunda</i> , cùm sit expedita & perfacilis, ob	{ <i>Regulas paucissimas</i> . <i>Nullas</i> prorsus in Syn- taxi <i>exceptiones</i> .
		{ <i>Summuum</i> . <i>Temporis</i> , quippe quæ tribus mensibus disci queat. <i>Existimationis</i> , quia regulis ejus instructus de Latinitate melius judicare potest, quam qui omnem in literis ætatem exegerit.

Magistri nunc est etiam atque etiam considerare, utra Grammatica discipulis præcipienda, viri boni officium custodire, majoremque Dei & hominum gratiam inire possit.

SYNOPSIS ARTIS GRAMMATICÆ.

TABVLA PRIMA.

Gram- māti- cæ.	Subje- ctum, Partes oratio- nis,	Definitio, Finis, { Dirigere locutionem vel sermonem : Offi- cium, { Corrigere locutionis vitia		{ Barbarismum, Solæcismum.		
		Primæ, ut Li- tera, cujus	{ Defi- nitio, Divi- sio, in	{ Voca- lem Conso- nantem	{ Simpli- cem Com- positam Simplicem Com- positam	{ Diphth. Triphth. pag. 1. Semivo- calem & Liquidā, Mutam.
		Expri- mit or- tæ, ut	{ Syllaba, cujus	{ Definitio Divisio in	{ Brevem, Longam, Ancipitem.	
		Orthoepia, seu regulæ de lite- rarum pron- unciatione.	{ Vox, cujus	{ Definitio Accidentia	{ Accentus, Figura, pag. 3. Species.	
		Profodia, seu regulæ de Syllabarum quantitate.	{ Divisio in Numeri	{ Partici- pium Ex- per- tem	{ Nomen, Verbum, Particip. Præposi- tionem, Adverb. Conjun- ctionem, Interje- ctionem.	
	Instru- menta,	Etymologia de singula rum vocum acciden- tibus & partibus		{ Nominis, Tab. II. Verbi, Tab. III. Participii, pag. 9. Præpositionis, pag. 10. Adverbii, pag. 11. Conjunctionis, pag. 17. Interjectionis, pag. 18.		
		Syntaxis, seu regulæ de vocum debitâ inter ipsas compositione, Tabul. IV.				

T A B U L A I I.


Etymologia Nominis.

No- mi- nis	Acci- den- tia	Definitio , pag. 4.				
		{	Commune cum verbò, Numerus.			
			{	Casus	{	Masculinum.
	Genus	Fæmininum.				
	{	Propria	{	Neutrum.		
				{	Prima,	
	{	Secunda,				
		{	Tertia,			
	{		Quarta,			
		{	Declina- tio	{	Quinta.	
{	Substan- tivum		{		Proprium,	
		{		Commune. pag. 5.		
{	Generis in		{	Absolutū,	{	Generale
		Relativū,		Recipro- cum.		
Divi- sio ra- tione	{	Speciei in	{	Primitivum	{	Possessivum.
				{		Derivativum
			{		{	Comparativum.
{	Superlativum.					
	{	{	pag. 6.			
{			Verbale.			

T A-

T A B U L A I I I.

Etymologia Verbi.



T A B V L A I V.

Syntaxis in	{	Genere, est vel	{	Regularis,	{	Concordia, pag. 27.
				eaque vel		Rectio, pag. 27.
				Irregularis seu Figura,		Tab. XI.
	{	Specie, est vel	{	Nominis,		Tab. V.
Verbi,					Tab. VI.	
Participii,					Tab. VII.	
Præpositionis,					Tab. VIII.	
Adverbii,					Tab. IX.	
				Conjunctionis,		Tab. X.

T A B V L A V.

Syntaxis Nomi- nis, est vel	Concor- dia No- minis	{	Substantivi cum Adjectivò, pag. 28.	
			Relativi generalis cum antecedente.	
			Reciproci cum Antecedente, p. 28.	
			Cujuscumque cum verbò personali. pag. 29.	
	Rectio	{	Vera	Substantivi cujuscumque , pag. 30.
			No- minis	Substantivi verbalis.
				Adjectivi ex participiò activò facti, pag. 31.
				Adjectivi participio passivo si- milis, pag. 31.
		{	Falsa	Nominativi, pag. 31.
			Genitivi, pag. 32.	
Dativi,				
Accusativi, pag. 33.				
		Vocativi,		
		Ablativi. pag. 34.		

TABULA VI.

xxxix

Syntaxis Verbi, est vel	Concordia Verbi	{	Finiti seu personalis, cujus duæ sunt regulæ, pag. 35.
			Infiniti sive Impersonalis, cujus duæ sunt Regulæ, pag. 37.
	Vera in	{	Genere cujuscumque verbi, sive Finiti, sive Infiniti, pag. 39.
			Specie verbi activi Infiniti, pro no- mine substantivò positi, p. 40.
	Re- ctio	{	Substantivi, cujus duæ falsæ sunt re- gulæ, pag. 42.
			Activi, cujus tres falsæ sunt regulæ, pag. 42.
	Falsa Verbi	{	Passivi, cujus qua- tuor falsæ sunt re- gulæ, 43.
			Gerundi, cujus duæ falsæ sunt re- gulæ, pag. 45.
		{	Supini, cujus una falsa est regula, pag. 45.

TABULA VII.

Syntaxis Par- ticipii, est vel	{	Concordia, pag. 46.
		Vera, pag. 46.
		Falsa, cujus duæ falsæ sunt re- gulæ, pag. 47.

T A-

T A B U L A V I I I.

Syntaxis Præpositionis, est vel	{	Concordia, pag. 48. *	{	Accusativò,
		Rectio Præpositionis cum		Ablativò, pag. 48.
				Utròque, pag. 48.

T A B U L A I X.

Syntaxis Adverbii, est vel.	{	Concordia, cujus novem sunt regulæ, pag. 50.	{	Nominativò,
				Genitivò, pag. 52.
				Dativò,
				Accusativò,
				Ablativò, pag. 55.

T A B U L A X.

Syntaxis Conjunctionis, est vel	{	Concordia, cujus sex sunt regulæ pag. 55.	{	Rectio, cujus una est regula pag. 58.

T A B U L A X I.

Syntaxis irregularis seu Figurata, est vel	{	Vernacula vel	{	Simplex	{	Pleonasmus. Ellipsis. Zeugma. Syllepsis. Hyperbaton.	{	Cum artis regulæ negliguntur propter orationis	{	Exsuperantiam, pag. 60. Defectum, Tab. XII. Defectum, Tab. XIII. Discordiam, Tab. XIV. Ordinem turbatum, Tab. XV.
						Composita ut cum Ellipsis conjuncta est cum		Syllepsi		Generis. p. 49. Numeri.
								Græcismo.		
						Peregrina, id est, Græcismus, Tab. XVI.				

T A-

TABULA XII.

Idem pag. 61.	
Nomen, sive	Aliud, sive idque vel
	Cognatum sive sit
	Alienum, sive sit
	Solitarium
	Consociatum. p. 78.
	Nomen est vel
Verbum sive	Infinitum & vel
	Cognatum, pag. 82.
	Alienum. pag. 83.
	Finium, pag. 83.
Prepositio, pag. 85.	
Adverbium aut Conjunctio, pag. 91.	
Idem pag. 61.	
Suppositum	Adjectivi sive
	Abfoluti
	quæ ellip- p. 64.
	Tector, Relati, pag. 73.
Nominis	Verbi
	Finium, pag. 73.
	Infinitum, pag. 74.
	Prepositionis, pag. 75.
Appositum	Nominis Substantivum;
	idque vel Adjectivum, pag. 75.
	Verbi, pag. 76.
	Conjunctionis, pag. 78.

T A B U L A X I I I.

Zeugma { Verum,
 { Falsum, pag. 93.

T A B U L A X I V.

Syllepsis { Absoluta, vel { Generis, pag. 94.
 { Numeri, pag. 95.
 { Utriusque, pag. 96.
 { Relativa, pag. 96.

T A B U L A X V.

Hyperbaton, est vel { Anastrophe, pag. 97.
 { Tmesis,
 { Parenthesis,
 { Synchysis,
 { Anacoluthon. pag. 98.

T A.

1111

TABULA XVI.

Græcis- mus, est vel	Generum, cum	Masculinum ponitur pro
		Neutrô, pag. 98.
		Fæmininum ponitur pro
		Neutrô, pag. 99.
		Neutrum ponitur pro Mascu-
		linô, pag. 99.
	Casuum, cum	Nominativus ponitur pro Ac-
		cusativô, pag. 99.
		Genitivus po-
		nitur pro
		Accusativô,
		Ablativô.
		Dativus ponitur pro Accu-
		fativô.
		Accusativus
		ponitur pro
		Nominativô,
		Dativô, p. 100.
		Ablativô.
		Ablativus ponitur pro Accusa-
		tivô, pag. 100.

Duodecim Maxime, feu

Regulæ fundamentales Syntaxeos Latine.

- | | |
|---|--|
| <div style="display: flex; align-items: center;"> <div style="writing-mode: vertical-rl; transform: rotate(180deg); font-weight: bold; margin-right: 5px;">Regulæ
alæ.
pertinent
ad</div> <div style="display: flex; flex-direction: column; align-items: center;"> <div style="margin-bottom: 20px;"> <div style="writing-mode: vertical-rl; transform: rotate(180deg); font-weight: bold;">Oratio-
nem
totam,
ut</div> <div style="margin-left: 10px;"> <p>1 Omnis affirmatio & negatio Nomine & Verbò constar.</p> <p>2 Præter Nomen & Verbum sunt quædam particulæ certis significationibus assignatæ, quibus Nomen & Verbum aliæque minores orationis partes velut nervis colligantur: quæ particulæ secundum regulas exprimuntur, per figuram supprimuntur.</p> </div> </div> <div> <div style="writing-mode: vertical-rl; transform: rotate(180deg); font-weight: bold;">Oratio-
nis par-
tes, id
est, vel
ad</div> <div style="margin-left: 10px;"> <div style="display: flex; flex-direction: column; align-items: center;"> <div style="margin-bottom: 20px;"> <div style="writing-mode: vertical-rl; transform: rotate(180deg); font-weight: bold;">Nomen
ejus-
que
vel</div> <div style="margin-left: 10px;"> <p>3 Adjectivum. Omne nomen Adjectivum habet suum substantivum.</p> <p>4 Relativum. Omne nomen seu pronomen Relativum habet suum nomen Antecedens quod refert.</p> <p>5 Comparativum. Omne nomen Comparativum habet suum Positivum cum quò comparatur.</p> <p>6 Omnis Nominativus est Verbi finiti suppositum, aut ad suppositum pertinens, sive verbum illud sit expressum, sive suppressum. pag. 52. 62.</p> <p>7 Omnis Genitivus Latinâ constructione à nomine substantivò expressò aut suppressò regitur, Græcâ verò constructione etiam à præpositione ex expressâ vel suppressâ. pag. 32. 144.</p> <p>8 Omnis Accusativus à Verbò activò. aut à Nomine verbali, aut Præpositione regitur.</p> <p>9 Omnis Ablativus à Præpositione regitur.</p> </div> </div> <div> <div style="writing-mode: vertical-rl; transform: rotate(180deg); font-weight: bold;">Ver-
bū,
ut</div> <div style="margin-left: 10px;"> <p>10 Omne Verbum accidentale, aut activum est aut passivum, quorum illud semper accusativum expressum aut suppressum regit.</p> <p>11 Omne Verbum finitum habet pro supposito Nominativum expressum aut suppressum.</p> <p>12 Omne Verbum infinitum habet pro supposito Accusativum expressum aut suppressum Latinâ constructione; Græcâ verò sæpe Nominativum.</p> </div> </div> </div> </div> </div></div></div> | |
|---|--|

VL
I

INSTITUTIONES GRAMMATICÆ LATINÆ.

Quid est Grammatica?



St ars rectè loquendi.

*Quis est finis Grammaticæ, cujus
causâ discitur?*

Oratio congruens, id est, cujus nulla
pars sit, quæ præceptis artis non con-
gruat.

Circa quid versatur ars Grammatica?

Circa partes orationis.

Quotuplices seu quot generum sunt partes orationis?

Duplices: Aliæ primæ, ut *Literæ*: aliæ ex pri-
mis ortæ, ut *Syllabæ*, & *Voces* seu *vocabula*, quæ vul-
go malè vocantur *Dictiones*.

Quid est Litera?

Est individui soni comprehensio.

Quotuplex est Litera?

Duplex: Alia *Vocalis*, alia *Consona* vel *Consonans*.

Quid est Vocalis?

Est litera, quæ per se syllabam efficit.

Quot generum sunt Vocales?

Duorum: Aliæ sunt *Simplices*, aliæ *Compositæ*.

Quæ sunt Vocales simplices?

A, e, i, o, u, & Græcay.

Quot generum sunt Vocales compositæ?

Duorum: Aliæ sunt *Diphthongi*, compositæ ex
duabus simplicibus vocalibus: aliæ *Triphthongi*,
compositæ ex tribus.

Quot sunt Diphthongi?

Viginti duæ. *Ae, ai, ao, au*: *Ea, ei, eo, eu*: *Ia, je,*

A

ji,

ji, jo, ju : *Oa, oe, oi, ou* : *Va, ve, vi, vo, vu*. Ex his quatuor magis cognitæ sunt , *Ae, oe, au, eu*.

Quot sunt Triphthongi ?

Octo. *Vae, vai, vau, vea, vej, vie, voa, & voi*.

Quid est Consonans ?

Est litera, quæ sine vocali syllabam non efficit.

Quotuplex est consonans ?

Duplex. Alia *Simplex*, alia *composita*.

Quot sunt consonantes simplices ?

Quatuordecim. *B, c, d, f, g, h, l, m, n, p, q, r, s, t*.

Quot generum sunt consonantes simplices ?

Duorum. Aliæ sunt *Semivocales* eædemque *Liquida*, ut *L, m, n, r, s*: aliæ *Mutæ*, ut *B, c, d, f, g, h, p, q, t*.

Quot sunt consonantes compositæ ?

Quinque, quarum tres apud Latinos propriam figuram, quâ scribantur, non habent, ut *CH, PH, & TH*. duæ verò suis characteribus depinguntur, ut *X & Z*. Sed etiam istis prisca carebant & posteriores carere poterant, cum *X*, sit *CS*, vel *GS*, *Z* sit *DS*.

Quid est Syllaba ?

Est integri soni comprehensio, ut *Mons, nox, flos*.

Quotuplex est Syllaba ?

Triplex. Alia *Brevi*, quæ unum tempus consumit : alia *Longa*, quæ duo tempora consumit, ac si eadem vocalis bis pronunciaretur, ut in *Felix*, quod pronunciatur & antiquitus scribebatur *Feelix* : alia *Anceps*, cujus pronunciatio indifferenter uno, aut duobus temporibus absolvitur, ut media in *Steterunt, Tenebræ*.

Quid est Vocabulum ?

Quo unumquodque vocatur. Aliter dicitur *Vox*.

Quæ sunt quæ voci accidunt ?

Accentus, Figura & Species.

Quid est Accentus ?

Est modulatio vocis eam in pronunciando vel atollens, vel deprimens.

Quæ

Quæ sunt Regulæ Accentûs ?

- „ Vox ipsa accentum in sese monosyllaba ponit.
- „ Exacuit sedem dissyllabon omne priorem.
- „ Ex tribus extollit primam penultima curta.
- „ Extollit se ipsam quando est penultima longa.

Quid significat Figura ?

Sit ne vox simplex, an composita, ut *Iustus*, est vox simplex : *Injustus*, est vox composita ex *in* & *Iustus*.

Quid significat Species ?

Sit ne vox prima, an aliunde flexa, five, sit ne primitiva, an derivativa, ut *Pater* est vox primitiva, *paternus* & *patrius*; sunt voces derivativæ. *Sanctus* est vox primitiva, *sanctior*, *sanctissimus*, *sanctitas*, *sanctimonia* & *sanctè*, sunt voces derivativæ.

Quot sunt genera vocum ?

Duo. Aliæ enim voces sunt participes numeri, aliæ expertes numeri.

Quid est Numerus ?

Est differentia vocis secundum unitatem aut multitudinem.

Quotuplex est Numerus ?

Duplex. *Singularis*, qui unum significat, ut *Homo vivit*. *Pluralis*, qui plura significat, ut *Homines vivunt*.

Quot sunt Voces numeri participes ?

Tres. *Nomen*, *Verbum*, & *Participium*.

Quot sunt voces numeri expertes ?

Quatuor. *Præpositio*, *Adverbium*, *Conjunctio*, & *Interjectio*: quæ quatuor communi nomine vocantur, *Particulæ*.

Quot sunt Instrumenta artis Grammaticæ ?

Quatuor. *Orthoepia*, sive regulæ de recta literarum pronuntiatione. *Prosodia*, sive regulæ de syllabarum quantitate. *Etymologia*, sive regulæ de vocum singularum accidentibus & partibus, ut de nominum generibus & declinationibus, de verborum conjugationibus, &c. *Syntaxis*, sive regulæ de vocum debita inter ipsas compositione.

ETYMOLOGIA

De Nomine.

Quid est Nomen ?

Est vox particeps numeri casualis cum genere, id est, quæ numerum, casum & genus, aut saltem terminationem generi quadrantem habet.

Quid est Casus ?

Est specialis differentia numeri nominalis.

Quot sunt Casus ?

Sex. *Nominativus, Genitivus, Dativus, Accusativus, Vocativus, & Ablativus.*

Quid est Genus ?

Est differentia nominis secundum sexus notam.

Quot sunt Genera ?

Tria. *Masculinum*, cujus nota est *hic*, ut *Hic dominus*. *Fæmininum*, cujus nota est *hæc*, ut *Hæc mensa*. *Neutrum*, cujus nota est *hoc*, ut *Hoc templum*.

Quot sunt Declinationes Nominum ?

Quinque: nam est vel *prima*, cujus genitivus singularis definit in *a*, ut *Mensa, mensæ*: vel *secunda*, cujus genitivus singularis exit in *i*, ut *Dominus, domini*: vel *tertia*, quæ facit genitivum singularem in *is*, ut *Sermo, sermonis*: vel *quarta*, cujus genitivus singularis terminatur in *us*, ut *Sensus, sensûs*: vel *quinta*, cujus genitivus singularis exit in *ei*, ut *Dies, diæi*.

Quot modis dividuntur Nomina ?

Duobus: Ratione generis, & speciei.

Quotuplex est nomen ratione generis ?

Duplex: *Substantivum & Adjectivum.*

Quid est nomen Substantivum ?

Quod cum uno genere declinatur, ut *Pater, mater*.

Quotu-

Quotuplex est nomen Substantivum ?

Duplex : *Proprium*, quod uni soli rei, personæve ivenit, ut *Cicero, Roma, Tiberis, Ego, Tu, Sui*. Et *commune* five *Appellativum*, quod multis convenit, *Homo, urbs, flumen*.

Quid est nomen Adjectivum ?

Quod nullum genus habet, sed tantum generibus suis quadrat vel sub uno fine, ut *Felix, par, oriens* : vel sub duobus, ut *fortis & forte* : vel sub tribus, ut *bonus, bona, bonum*. Italicè & Hispanicè ferè semper significat *cosa*, Gallicè *chose*, Germanicè *ding*.

Quotuplex est nomen Adjectivum ?

Duplex : *Absolutum*, quod ad aliud non refertur : *Relativum*, quod ad antecedens nomen refertur.

Quotuplex est nomen Relativum ?

Duplex : Aliud *Generale*, quod ad antecedens sic refertur, ut in se ipsum non reflectatur, ut *Qui, hic, ille, ipse, iste, qualis, quantus, quotus*. Aliud *Speciale*, quod *Reciprocum* dicitur, & in se ipsum reflectitur, *tuus, sua, suum* ; nam *sui & sibi & se* sunt substantia.

Quotuplex est nomen ratione speciei ?

Duplex : *Primitivum*, seu primæ positionis, quod nomen aliunde non formatur, ut *Beatus*. Et *Derivatum*, quod ab alio nomine habet originem, ut *Beatus, beatulus, beatior, beatissimus*.

Quot sunt genera nominum Derivativorum ?

Sunt quidem plura, sed hæc quinque præcipua, *Possessiva, Deminuta, Comparata, Superlata, & Verbalia*.

Quid est nomen Possessivum ?

Quod idem significat, quod genitivus unde derivatur, ut *Paternus, meus, tuus, suus* : nam *Paternus* etiam significat idem quod *Patris amor*.

Quid est nomen Deminutum seu Deminutivum ?

Quod minus significat, quam suum primitivum, cuius semper genus & significationem servat, à *fune, funiculus* ; à *rege, regulus* ; à *pistrina, pistrilla*.

Quid est nomen Comparatum seu Comparativum ?

Quod fit à positivo, id est, nomine adjectivo, addita syllaba *or*, ad primum casum in *i*, ut à *Doctus*, *docti*, *doctior*, & significat idem, quod positivum, addita voce *magis*: nam *Doctior* est *magis doctus*. *Prudentior* est *magis prudens*.

Quid est nomen Superlatum seu Superlativum ?

Quod fit à positivo seu nomine adjectivo addita *ssimus* ad primum ejus casum in *i*, ut à *Doctus*, *docti*, *doctissimus*, à *Prudens*, *prudens*, *prudens*, *prudensissimus*, & significat idem quod positivum cum *valde*: nam *Doctissimus* significat *valde doctus*. Quædam tamen Superlativa in *limus*, *rimus*, *timus*, aliterque exeunt, ut ab *Exterus* fit *extimus* & *extremus*: à *Superus*, *summus* & *supremus*: à *Posterus*, *postumus*, sive *postimus* & *postumus*.

Hæc tria dant *limus*, *similis*, *facilisque*, *humilisque*.

Cum rectus fit in *ER*, ternus gradus in *Rimus* exit:

Ut *veter* & *deter*, quæ *matur* jungito *priscum*.

Sex *Timus* accipiunt, *dexter*, *citer* atque *sinister*,

Interus atque *ulter*, *extremus* & *extimus*, *exter*,

Inferus *insimum* habet, *superus* cum *posterus* *Einus*.

Dic alia Comparativa & Superlativa Anomala.

Bonus, *melior*, *optimus*.

Malus, *pejor*, *pestimus*.

Magnus, *major*, *maximus*.

Parvus, *minor*, *minimus*.

Multum, *plus*, *plurimum*.

Maledicus, *maledicentior*, *maledicentissimus*.

Beneficus, *beneficentior*, *beneficentissimus*.

Benevolus, *benevolentior*, *benevolentissimus*.

Pris, *antiquum*, *prior*, *primus*.

Sic *Poster* & *postris*, *priscum*, *posterior*.

Sicut *Sacer* & *facris*.

Senex, *senior*.

Juvenis,

Juvenis, junior.

Propior, proximus.

Pius, piissimus.

Invitus, invitissimus.

Novus, novissimus.

Ocyor, ocyssimus, à Græco *ὠκύς*, id est, *celer*.

Quid est nomen Verbale?

Quod ab aliquo verbô ducit originem.

Quotuplex est nomen Verbale?

Triplex: Aliud est verbi expers: aliud verbi particeps, quod Participium vulgo dicitur; aliud participiale. *Vid. infra Aucluarium Annotationum.*

DE VERBO.

Quid est Verbum?

Est vox particeps numeri personalis cum tempore, id est, quæ numerum, personam & tempus habet.

Quid est Persona vel, potius Facies?

Est specialis differentia numeri verbalis.

Quotuplex est Persona?

Triplex. Singularis prima, ut *Amo*. Singularis secunda, ut *Amas*. Singularis tertia, ut *Amat*. Pluralis prima, ut *Amamus*. Pluralis secunda, ut *Amatis*. Pluralis tertia, ut *Amant*.

Quid est tempus?

Est differentia verbi secundum præsens, præteritum, & futurum.

Quot sunt Tempora Verbi?

Quinque. *Præsens*, *Præteritum imperfectum*, *Præteritum perfectum*, *Præteritum plusquamperfectum*, & *Futurum*.

Quot sunt verbi conjugationes?

Quatuor: nam est vel *Prima*, cujus secunda persona primi præsentis exit in *as*, ut *Amo*, *amas*: vel *Secunda*, cujus secunda persona primi præsentis exit

in *es*, ut *Doceo*, *doces*: vel *Tertia*, cujus secunda persona primi præsentis exit in *is*, & infinitum in *ere* breve, ut *Lego*, *legis*, *legere*. Vel *Quarta*, cujus secunda persona primi præsentis exit in *is*, & infinitum in *ire* longum, ut *Audio*, *audis*, *audire*.

Quot modis dividuntur verba?

Duobus. Ratione accidentium suorum, & ratione significati.

Quotuplex est verbum ratione accidentium?

Duplex: *Personale*, seu *Finitum*, & *Impersonale*, sive *Infinitum*.

Quid est Verbum Personale seu Finitum?

Quod certâ personâ, tum etiam numero & tempore certò finitur, seu determinatur, ut cujus personæ, numeri & temporis sit, dici possit, ut *Amo*, *legisses*, *curritur*, *pluit*, *ningit*, *lucescit*.

Quid est verbum Impersonale sive Infinitum?

Quod certâ personâ non finitur, sed nec numerum aut tempus certum habet, ut *Amare*, *amavisse*. Plaut. Curc. a. 1. s. 1. Ita conferto tuum amare, pro tuum amorem. Vulgo vocant verbum Infinitivi modi, quod sæpe nominis substantivi vim habet, ut *Virtus est vitium fugere*, pro, *fuga vitii est virtus*. *Tempus est abire*, pro, *abitionis*. *Magis paratus servire, quam imperare*, pro, *magis paratus servituti, quam imperio*. *Non tanti emo pœnitere*, pro, *pœnitentiam*. *Ibo videre*, pro, *ad videre*, sive *ad visionem*. *Dignus legi*, pro, *lectu vel lectione*. *Dignus amari*, pro, *amore*. *Tribul. Causa perire*, pro, *interitus*. Plaut. Aul. a. 2. s. 5. *Ne operam perdas poscere*, i. e. in poscendò.

Quotuplex est verbum ratione significati?

Triplex: *Substantivum*, quod substantiam sive subsistentiam significat, ut *Sum*, *sio*, & priscum suo. *Activum*, quod actionem significat, ut *Vivo*, *ama*, *curro*, *confolor*. *amplector*: nam ista in Or, deposuerunt passivam significationem, ex eoque *Activa* deponentia dicuntur. *Passivum*, quod passionem significat, ut *Vivitur*, *amatur*, *curritur*. Nul-

Nullumne est verbum Gerundum seu Gerundium?

Nullum : nam *legendi* & *legendô*, quæ vulgo verba *Gerunda* dicuntur, non sunt verba, quoniam nec tempus, nec personam habent, sed sunt participia passiva cum genere, casu & numero. Nam *legendi* est genitivus singularis neutri *legendum* : *legendô* autem est ablativus singularis neutri *legendum*, ac propterea præpositio ei præponi potest hoc modò : *In legendô fieri doctus* : ubi subauditur verbum infinitum *legere*, quod nominis vim habet in ablativô, quasi dictum esset : *In legendô lectu*, sive *in legendâ lectione fieri doctus*. Tempus est *legendi*, subauditur *legere*, quod vim habet nominis in genitivô, quasi esset : Tempus est *legendi lectus* seu *legendâ lectionis*. Nunc est *legendum*, subauditur *legere*, quod vim habet nominis in nominativô. *Legere* autem valet idem quod *lectio*, nisi quod illud neutrum est, hoc fœmininum. Idem enim sunt, *Legere jucundum est*, & *lectio jucunda est*.

Nullumne est verbum Supinum?

Nullum : nam *lectum* & *lectu*, quæ vulgo Verba *supina* dicuntur, non sunt verba, quoniam in iis nec persona, nec tempus, nec numerus apparet, sed sunt nomina substantiva quartæ declinationis accusativi & ablativi vel dativi casus, adeoque cum præpositione inveniuntur, ut *Oves eunt pastum*, vel *ad pastum*, sive *ad pastionem*. *Redeunt pastu*, vel *è pastu*, sive *à pastione*. *Visu mirabile*, pro *visui* : nam dativus facit *visui* & *visu*. Similiter autem dictum est, ut *Oculis mirabile*. *Acerbus sensu* & *acerbus sensibus*.

DE PARTICIPIO.

Quid est Participium?

Est vox particeps numeri casualis ; tempus & constructionem à verbô ducens, sive quod numerum, casum, tempus & verbi constructionem ha-

bet, ut *Amans, amaturus*, omnia tempora significat in activo, sicut *Amatus & amandus* in passivo. Dicimus enim: *Sum amans & amaturus. Sum amatus, vel amandus. Fui amans, amaturus, amatus, amandus. Ero amans, amaturus, amatus, & amandus.* Quare dicitur Participium. *Vid. infra Anctuarium Annotationum.*

DE PRÆPOSITIONE.

Quid est Præpositio?

Est vox expers numeri, quæ casibus præponitur, & in compositione reperitur.

Quotuplex est Præpositio?

Duplex: Alia *Casualis*, quæ casibus natura sua præponitur; alia *Compositiva*, quæ cum aliis vocibus composita, unum vocabulum efficit, sive ex voces sint nomina, sive verba, sive particulæ.

Quotuplex est Casualis Præpositio?

Triplex: Alia accusativo tantum præponitur, alia ablativo, alia promiscuè utrique.

Quæ Præpositiones præponuntur Accusativo?

Ad, apud, ante, adversus vel adversum, cis, citra, circa, circum, contra, erga, extra, intra, infra, juxta, ob, pone, per, propter, post, præter, penes, supra, secundum, trans, ultra.

Quæ Præpositiones præponuntur Ablativo?

A, ab, abs, absque, cum, coram, de, è, ex, foras, pro, præ, palam, sine (ex prisco *se* vel *sed*) tenus.

Quæ Præpositiones utrique casui præponuntur?

Clam, in, sub, subter, super.

Quotuplex est Præpositio Compositiva?

Duplex. Alia extra compositionem habet propriam significationem, alia nisi in compositione nihil significat.

Quæ habent propriam significationem?

Abhinc, admodum, antehac, contra ea, dehinc, dein,

dein, deinde, de repente, de subito, de super, de loco, ex tempore, ex ante, ex adversum, ex hinc, ex amussim, ex in, ex inde, extraquam, in ante, im præsentiarum, in ibi, in loco, in super, in terea, in interim, in teribi, in terdiu, in terdum, postea, posthac, posthinc, postibi, postilla, postinde, postmodo, præterea, præterhac, præterquam, præut, pro in, pro inde, pronuper, propalam, propemodum, proporrò, propterea, proquam, protenus, prout, subinde, superquam.

Hujus generis sunt omnes Præpositiones, quæ cum Nominibus aut Verbis sunt compositæ, ut *Adesse, adprobus, avocare, evocare, deducere, inimicus, inducere, obvius, obducere, perducere, praire, subire, transire, &c.*

Quæ Præpositiones nihil significant extra compositionem?

Ambe, vel ambi, am, an, con, di, dis, re, se, ut in Ambecisus, ambio, am sanctus, anquiro, concors, diversus, dispar, reliquus, separatus. Et hæ præpositiones à priscis Grammaticis *Loquelares* vocantur, quia extra compositionem loquelæ tantum, sed nullius significationis sunt.

DE ADVERBIO.

Quid est Adverbium?

Est vox expers numeri, quæ aliis vocibus tamquam adjectivum adjungitur, ut *Valde bonus, Discit cito, Bene mane.*

Quotuplex est Adverbium?

Multiplex, ratione variarum significationum, ut interrogandi, respondendi, affirmandi, negandi, prohibendi, jurandi, quantitatis, qualitatis, similitudinis, comparandi, intendendi, remittendi, hortandi, congregandi, separandi, excludendi, eventus, moris, principii & originis, dubitandi, &c.

Quomodo

Quotuplicia sunt Adverbia interrogandi & respondendi ?

Sextuplicia : Quærun^t enim & respondent vel de *Factô*, sitne aliquid, nec ne : vel de *Causâ* : vel de *Tempore* : vel de *Locô* : vel promiscuè de *Tempore & Locô* : vel simul de *Tempore & Numerô*.

Quæ Adverbia quærun^t de Factô ?

An, anne, ne : enclitica, num, numnam.

Quæ Adverbia respondent de Factô ?

Ita, sic, etiam, quippeni. Respondetur etiam per verba *Licet & Censeo*.

Quæ Adverbia quærun^t de Causâ ?

Cur, quin, quianam. Quæritur etiam per nomina *Quare*, seu *quâ* de re, & *quam ob rem*.

Quæ adverbia respondent de Causâ ?

Quia & quoniam, quod factum est, ex *Quom jam* seu *Cum jam*. Respondetur etiam per Nomina, *Eô* quod, *ideo*, *eâ* re, *hac* re, *propterea* quod.

Quæ adverbia quærun^t de Tempore ?

Quando, quamdiu & quantisper.

Quæ adverbia respondent ad Quando ?

Hodie, heri, cras, pridie, postridie, perendie, nudius tertius, quartus, quintus, decimus, nunc, jam, nuper, tandem, aliquando, olim, pridem, dudum, tum, quum vel cum, interim, statim, protinus, illico, extemplo, actutum, repente. Respondetur etiam per Nomina, *Mane*, *serò*, *tempori*, *serius*, *temporarius*, *ocys*.

Quæ adverbia respondent ad Quamdiu, & Quantisper ?

Tantisper, paulisper, aliquantisper, parumper, usque pro affiduò, diu, olim, dudum.

Quotuplicia sunt adverbia, quæ quærun^t & respondent de Locô ?

Quintuplicia. Alia enim significant locum sine motu, alia motum ad locum, alia motum per locum, alia motum ex locô vel à locô, alia motum versus

versus locum. *Plaut. Merc. a. 5. f. 2.* Quò ego scio, subaudi, locò. Sic, quo, pro, quâ in parte, propè, propius, proximè, quæ sunt adverbia, non præpositiones.

Quæ adverbia quærent de locò sine motu?

Ubi & ut, pro ubi positum.

Quæ adverbia respondent ad Ubi?

Hic, istic, illic, ibi, ibidem, inibi, intus, foris, utrobique, passim, supernè, infernè, infra, utrimque, undique, undiquaque, usquequaque, intus, subtus, necubi, ubiubi, alibi, neutrubi, ubivis, uspiam, usquam, nusquam (*pro quò plebs Romana dicebat, nullibi*) altrinsecus, utrinquesecus, extrinsecus, intrinsecus. Respondetur etiam per nomina, ut *Romæ, Toleti, Carthagini, Egypti, Cypri, Ciliciæ, domi, belli, militiæ, humi, ruri* vel *rure*.

Quæ Adverbia quærent de motu ad locum?

Quo. Sed hoc adverbium non est *nativum* adverbium, sed *repertum* sive *usurpatum*: nam ex natura sua seu prima impositione est nomen accusativi pluralis à *quod*. Dicebant enim veteres *quo*, *pro*, *quæ*, & supprimebant præpositionem *ad*. Itaque *quo* valet: *Ad quæ loca vel negotia*. *Quo mihi fortunam*, significat, *ad quid mihi fortunam*, sive *cui rei mihi fortunam?* nam *quo* dativus etiam est pro *quoi*, abjectò *i*, ut in Paradigmatum annotationibus monui.

Quæ Adverbia quærent de motu versus Locum?

Quorsum, quod formatum est, ex *quoversum*, pro, *versum ad quo*, seu *quæ loca*.

Quæ Adverbia respondent ad Quo?

Istuc, huc, eò, illò, intro, utròque, aliò, neutrò, versus, versum; *Liv.* Neutrò inclinatâ spe. Foras, quoquo, peregre, obviam, ultro, citro. Respondetur etiam per accusativos locorum præpositione expressa aut suppressa, ut *Eo Romam, in Romam. Venit Italiam. Ibo rus, domum, in domum, urbem, larem. Nusquam, Plaut. Capt. n. 1. f. 2.* Num quo foras

vocatus

vocatus es ad cœnam ? R. nusquam. *Horat. 2. sat. 7.*
Si nusquam es fortè vocatus ad cœnam.

Quâ, est *in quâ parte*. Itaque propriè significat quietem seu statum, non motum.

Quæ Adverbia quærent de motu per locum ?

Quâ.

Quæ Adverbia respondent ad Quâ ?

Hâc, istâc, illâc, quaqua, quacumque, quavis, quaquaversus. Respondetur etiam per Ablativos locorum præpositione suppressâ, ut *Totâ vagatur Italiâ. Vebitur flumine vel per flumen.*

Quæ Adverbia quærent de motu ex locô ?

Unde.

Quæ Adverbia respondent ad Unde ?

Hinc, istinc, illinc, indè, indidem, eminus, cominus, aliundè, necundè, foris, unde unde, undecumque, utrîque, nusquam. Respondetur etiam per ablativos locorum præpositione expressâ aut suppressâ, ut *Lapsus cœlô, de cœlô. Venit Româ, à Româ, de Româ. Mercator Rhodô, vel de Rhodô. Vinum Chiô, vel de Chiô, Sargus Ægyptô, de Ægyptô, id est, Ægyptius. Sic Joannes ab Austriâ, & de Austriâ, id est, Austrius, quod nequaquam est nomen proprium, sed commune possessivum. Sic Cn. Magius Cremonâ, pro Cremonensis. Sed si ablativus sit personæ, præpositio exprimenda est, ut *Unde emisisti ? à mercatore, de mercatore. Unde didicisti ? à te, de te, ex te.**

Quæ Adverbia respondent ad Quorsum ?

Horsum, istorsum, fursum vel susum (priscè *sus*, ut in *sustineo*) deorsum, rursum, (*Rusum* & *rususum* dicebant, sublatâ R litera. Velius Longus.) prorsum, dextrorsum, lævorsum, sinistrorsum, aliorsum, retrorsus, introrsus, quoquò versus, vænum, pessum: quæ duo postrema naturâ sunt nomina.

Quæ Adverbia quærent promiscuè tam de Locô, quam de Tempore ?

Quousque: etsi hæ naturâ duæ sunt voces, deest-
que

que ad loca vel tempora, ut integra oratio sit: *Usque ad quo, vel, quæ loca, aut tempora.*

Quæ Adverbia respondent ad Quousque?

Hucusque, illucque, eousque, hæctenus, etsi in istis sunt nomina, pro *usque adhuc*, id est, hoc temporis vel loci, *usque ad illud temporis & loci*, *usque ad eo*, id est, ea tempora vel loca, *hæc sine tænis temporis aut loci.* Sic *Romam usque* pro, *usque ad Romam.* Nusquam de loco: *Terent. Heaut. a. 2. sc. 3.* Hinc sciri potuit aut nusquam alibi, quò studio vitam te absente exegerit. *Cor. Nepos. Miltiad.* Auxilium nusquam, nisi à Lacedæmoniis, petiverunt.

Quæ Adverbia quærent de Tempore & Numero?

Quoties.

Quæ Adverbia respondent ad Quoties?

Sæpe, identidem, plerumque, quotidie, toties, nunquam, unquam, semel, bis, iterum, ter, quater, quinquies, sexies, septies, octies, novies, decies, vicies, tricies, quadragies, quinquagies, sexagies, octogies, nonagies, centies, ducenties, millies. *Multoties* non dicitur, nec enim usquam apud auctores invenitur, nisi in Livii epitome incerti auctoris, ubi & alia non satis Latina leguntur.

Quæ sunt Adverbia Affirmandi?

Næ, certè, nimirum, nempe, scilicet, videlicet, verè, sanè, profectò.

Quæ sunt Adverbia Negandi & Prohibendi?

Non, *ne*, *neque*, *nequaquam*, *haud*, *haudquaquam*, *neutiquam*, *minimè.*

Quæ sunt Adverbia Jurandi?

Herculè, *Herclè*, *meherclè*, *pol*, *ædepol*, *æcastor*, *mediusfidius.*

Quæ sunt Adverbia Qualitatis?

Bene, *pulchrè*, *eleganter*, *longè*, *latè*, *audacter*, *fortiter*, *celeriter*, *vicissim*, *amanter*, *dolenter*, *potenter*, *fraudulenter*, *arroganter*, *diffimulanter*, *obedienter*, *latenter*, *largiter*, *liberaliter.*

Quæ

Quæ sunt Adverbia Quantitatis ?

Valde, oppidò, oppidoquam, nimis, fatis, impensè, parum, affatim, abundè, perquam.

Quæ sunt Adverbia Comparandi ?

Magis, tam, quam, æquè, secus.

Quæ sunt Adverbia Similitudinis ?

Ut, uti, velut, veluti, sic, ficut, sicuti, ita, item, itidem, quasi, ceu, quomodo.

Quæ sunt Adverbia Intendendi ?

Prorsus, penitus, omnino, apprimè, non modò, nedum, immò, quin.

Quæ sunt Adverbia Remittendi ?

Sensim, paulatim, pedetentim, vix, ægrè, pænè, ferè, fermè.

Quæ sunt Adverbia Hortandi ?

Eia, age, agite, agedum, ehodum, quin.

Quæ sunt Adverbia Congregandi ?

Simul, unà, pariter, conjunctim, generatim, universim, universaliter.

Quæ sunt Adverbia Separandi ?

Seorsum, seorsus, separatim, privatim, egregiè.

Quæ sunt Adverbia Excludendi ?

Tantuinmodo, solummodo, modò, demum, duntaxat.

Quæ sunt Adverbia Eventûs ?

Forte, fortuitò, temerè.

Quæ sunt Adverbia Moris ?

Meatim, tuatim, suatim, pro meò, tuò, suò more. Prisci canatim, suatim, bouatim dicebant, pro canum, suum, boum more. Humanitus pro hominum more. Urbanatim, rusticatim, catervatim.

Quæ sunt Adverbia Principii & Originis ?

Radicitus, stirpitus, funditus, divinitus, antiquitus, quasi sit incipiendo à radice, à stirpe, à fundò, à Deò, ab antiquò.

Quæ sunt Adverbia Dubitandi ?

Fortasse, fortassis, fors, forsean, fortassean, forsit, forsitā, forsuat.

DE

DE CONJUNCTIONE.

Quid est Conjunctio ?

Est vox expers numeri, quâ orationes conjunguntur, ut *Vir bonus & doctissimus. Homo præstantis ingenii & insigni virtute. Non ruri, sed Romæ vivit.*

Quot modis dividuntur Conjunctiones ?

Duobus. Ratione significationis seu potestatis, & ratione collocationis.

Quotuplex est conjunctio ratione significationis ?

Multiplex, ut *Copulativa, Disjunctiva, Conditionalis, Adversativa, Concessiva, Illativa, & Causalis.*

Quæ sunt Conjunctiones Copulativæ ?

Et, que, ac, atque, quoque, etiam, quum, seu cum, tum.

Quæ sunt Conjunctiones Disjunctivæ ?

Aut, vel, ve, five, seu, an, nec ne, nec, neque.

Quæ sunt Conjunctiones Conditionales ?

Si, fin, ni, nisi, modò, dum, dumtaxat, siquidem, hæctenus.

Quæ sunt Conjunctiones Concessivæ ?

Quidem, eequidem, sanè, etsi, quamquam.

Quæ sunt Conjunctiones Adversativæ ?

At, ast, sed, atqui, tamen, tamenetsi, tamenetsi, autem, attamen, verò.

Quæ sunt Conjunctiones Illativæ, quas scilicet ratio præcedit ?

Ergo, igitur, itaque, idcirco.

Quæ sunt Conjunctiones Causales, quas scilicet ratio sequitur ?

Nam, namque, enim, enimvero, etenim, quia, quoniam, siquidem, quippe, utpote.

Quotuplex est Conjunctio ratione Collocationis ?

Triplex. Alia est *Præpositiva*, quæ in orationis principiò ponitur: alia *Postpositiva* seu *Subjectiva*,

quæ uni aut pluribus vocabulis jam positis subjicitur: alia *Media* seu *Communis*, quæ aliàs præponitur, aliàs subjicitur.

Quæ sunt Conjunctiones Præpositive?

Et, ac, atque, nec, si, etsi, quamquam, at, ast, aut, vel, nisi, seu, &c.

Quæ sunt Conjunctiones Postpositive?

Enim, autem, verò, que, quoque, quidem, ne, ve.

Quæ sunt Conjunctiones Mediæ?

Ergo, igitur, itaque, equidem, quia, quoniam tamen.

DE INTERJECTIONE.

Quid est Interjectio?

Est vox expers numeri, varios animi motus sive affectus exprimens.

Quotuplex est Interjectio?

Duplex: Alia uni tantum affectui præcipuè, alia pluribus exprimendis inservit.

Quæ Interjectiones unum præcipuè affectum exprimunt?

Evax, eu, io, evohæ, *exprimunt gaudium.*

Ha, ha, he, *exprimit gaudii effectum, qui est Risus.*

Euge, eugepæ, *exprimit voluptatem gratulantis.*

Hui, *exprimit voluptatem insultantis, & irridentis.*

Papæ, *exprimit voluptatem admirantis.*

Heu, eheu, ah, *exprimunt dolorem.*

Hoi, oh, oh, *exprimunt seu comitantur fletum, doloris effectum.*

Hem, ehem, hau, *exprimunt stomachum sive indignationem.*

Utinam, *exprimit cupiditatem optantis.*

Heus, eho, *exprimunt cupiditatem vocantis.*

Eja, *exprimit cupiditatem blandientis.*

En, ecce, eccum, ellum, *exprimunt cupiditatem demonstrantis.*

Atat,

Atat, exprimit metum in genere.

St, au, exprimunt metum timentis ne ab alio audiat.

Phy, phuy, apage, exprimunt metum aliquid fastidientis vel aversantis.

Quæ Interjectiones pluribus affectibus serviunt?

O, servit gaudio, dolori, exclamationi & optationi, seu voto.

Hei, servit dolori & minis, seu diris aut imprecationibus.

Vah, servit voluptati admirantis & irridentis, tum dolori indignantis.

Ohe, servit stomacho seu tædio ob dictum aut factum aliqujus, & cupiditati ejus, qui ab eo dicto aut facto cessare expetit.

DE GENERE NOMINUM

Regulæ Generales.

De Genere Significationis.

F Æmina masque genus nullò monstrante docebunt.

Propria cuncta vixum, fluviorum & nomina montium

Mascula censentur: nullum tamen est genus illis.

Insula, navis, avis, gemma, urbs, arborque, poema

Femineis dantur, sed causâ significati,

Non variata putes neutra, & pro nomine posita, &

Hippomanes, cacoëthes, nat, gith, spinter & I. U.

Cape, ador & cete, tempe, Soraëte, melosque,

Gausape, eposque, chaos, nil & frit, fasque, nefasque.

De Genere Dubio.

Hic aut hæc sit adeps, calx, cortex, clune, canalis,

Atque dies, finis, forceps, tum grossus & imbrex,

*Linter, margo, & onyx, pulvis, pumexque penusque,
Scrobs, specus, atque silex, stirps trunci, torque
varixque,
Multaque, quæ à Græcis Os in Us vertère Latini.*

De Genere Terminationis.

Fæmineum *A* primæ est, veluti *panthera, sagitta,
Adria*, sed finis est *mias*, atque *cometa, planeta*.
Nomen in *A* ternæ neutrum est, ut *stigma, poema*.
E latiale puta neutrum esse, *cubile, monile*.
Fæmineum est *alot, rhodopeque & cætera Græca*.
I. neutris tribue, *O.* maribus, ceu *pugio, gummi*.
Fæmineis verbale in *IO, caro, talio. DO. GO,*
Hic ordo, udo, ligo, cudo, burdo, harpago, cardo.
C. T. L. UM, neutrum : *sal, mugil, Solque virile*.
N. mas, MEN, neutrum : *gluten simul, unguen &
inguen*.
Atque *ON*, non ternæ : *Hæc Sindon, icon, aëdon*.
Nomen in *AR* neutrum : sed in *ER* distingue
virile :
Hoc iter, hoc tuber, laser, piper atque papaver.
OR, mas. *Hæc arbor. neutrum cor, marmor &
aquor*.
UR, neutrale dabis. *Mas, turtur, fursicre, vultur*.
AS, dic fæmineum. *Hic elephas, adamasque tiaras,*
Atque *As* cum turba. Neutrum *vas, fasque, ne-
fasque*.
Esto nomen in *ES* muliebre : at mascula Græca,
Et *gurges, poples, verres, parisque, ariesque*.
Limes, pes, fomes, termes, cum palmite trames,
Meridies, cespes, stipis : pluraleque ut *antes*.
Est quoque nomen in *IS* muliebre : *NIS* esto
virile,
Et *retis, corbis, fascis quoque piscis & axis,*
Et *collis, vermis, tum callis, follis & ensis,*
Mensis cum vectis, postis, glis, fustis & anguis,

Et *torris*, *caulis*, *lapis*, *unguis*, jungitur *orbis*,
 Et *sanguis*, *cucumis*, junges cum *vomere pollis*.
 OS, mas. Hæc *dos*, *cor*. Neutrum est *os*, *oris* & *offis*.
 US, maribus jungas seu quartæ, five secundæ,
 Hæc *humus*, hæc *alvus*, *vannus*, *domus* & *colus*, *idus*,
Porticus atque *tribus*, cum *ficus*, *acusque*, *manusque*.
 Hoc *pelagus*, *pelagum*, *vulgus*, *vulgum*: hoc quo-
 que *virus*.
 US, ternæ neutrum. Mas, *mus*, *grus*, *pous*, *lepus* &
sus
 Hoc *Æs*. Hæc capiunt variata per *Uis* & *Udis*.
 S. muliebre. Hic *pons*, *dens*, *pons*, *mons*. Græca
 quoque in PS.
 X. dato fæmineis, *pax*, *fax*, *fornaxque*, *suppellex*,
Carex, *lex* & *halex*, *nix*, *pix*, *perdixque*, *flixque*,
 Cum *lodice tomix*, *sandix*, *mastix* quoque *ribix*,
 Et *spadix*, *nox*, *vox*, *nux*, *crux*, cum *luce*, *calyxque*,
Calx mas atque *corax*, *dropax*, *storax*, quoque *pollex*,
Index atque *latex*, *ramex*, tum *grexque* *culexque*,
Lynx, *fornix* & *orix*, rarus cum *calice phœnix*.

DE NOMINUM

Declinatione.

Ex Sanctiô.

IN neutris primus, quartus, quintus similes sunt,
 Tres iidem casus plurales A retinebunt:
 Est quintus recto similis, S. tollito Græcis:
 Tertius & sextus plurales assimulantur.

Prima Declinatio.

Prima dat A nostris, AS, ES, E, Græca dabuntur.
 E, dabit ES patrio: quarto EN, atque E, dato
 sexto.

Auras, *aurai* patrio dant sæpe poëtæ.

Secunda Declinatio.

Altera ER, US, UM, virque Saturque EUS ponito Græcis.

Vir, puer excrescunt: velut R, si RUS dedit olim.

US, per E, mutabit quintus: Deus excipe tantum:

Sed proprium per I U S, dabit I. dic mi quoque
fili,

Dique dei, atque deis dis. Hic sed sæpe poëtæ
Orpheos, Androgeo patrio, dantque Orphea quarto.

Tertia Declinatio.

Tertia dat varios fines tamen IS genitivo.

A, præstabit ATIS. Non crescunt nomina per E.

ONIS ab O: caro carnis, nemo, cardo, homo, Apollo.

DO, GO, famineum, margo, ordo, turbo dat
INIS.

Unedo fert ONIS: Anio, Nerioque dat ENIS.

Crescit IS, L, N, R, T. lac lactis, caput, itis.

MEN, CEN, petten, INIS, jungas simul inguen
& unguen.

ON, aliquando ONTIS Græcis: cor nataque
cordis.

E, perdunt imber cum turbâ, acerque, alacerque,

Et celebrer. Latium in STER, TÊR, tollito later.

Robur, ebur. femur atque jecur mittuntur in Oris.

Postulat AS, ATIS, sed ADIS dat Græcus &
ANTIS,

Vas, vadis & vasis, as, assis, mas, maris optat.

ES, dat ITIS, Cererisque, Ceres, ETIS, ariete,
perper.

Præpes, hebes, paries, teres, indiges, interpretæque,

Inquies & locuples, magnes & cætera Græca.

EDIS, pes, merces, hæres, IDIS, à sedeo ortum.

Non crescit vater, verres, proprium & muliebre;
Sed

Sed *teges* atque *seges*, *abiesque*, *quiesque* dat *ETIS*.
IS, non crescit : *IDIS*, fac Græca, *lapis* quoque
cuspis.

ITIS, dic *Samnis*, *lis*, *Quiris* : *glis* sed in *IRIS*.

Impubis, *cucumis*, *pulvis*, *vomis*, *cinis* *ERIS*.

Pollis, *sanguis* *INIS* : *Simois* *Pyrois*que dat *ENTIS*.

OS, *ORIS*, ceu *flos* : *OTIS*, sed *compos* &
impos,

Et Græca atque *nepos*, tum *dos*, *cor* atque *sacerdos*.

Quædam *OIS*, ut *Minos*, *custodis*, *bos bovis*, *offis*.

US, dat *ERIS* : sed *ORIS*, *lepus*, atque *decus*, *facinus*que,

Et *nemus*, & *tergus*, *pectus* cum *tempore*, *frigus*,

Hoc pecus & *littus*, *corpus*, cum *fœnore*, *pignus*.

UDIS, dat *subscus*, *palus*, *incus*, dat *salus* *UTIS*,

Intercus, *virtus*, *servitque* *juvenque* *senectus*.

Grus & *sus* dat *UIS*. *Tellus* monosyllabaque
URIS.

POUS deducit *ODIS*, sed in *UNTIS* oppida
quædam.

Æs, *ævis*, *præs prædis* habent : *Laus* *fraus* petit
AUDIS.

S, sine vocali (ut *frons*, *lens*, *puls*) vertitur in *TIS*.

Lens, *frons*, *glans*, *nesrens*, *libripens* *DIS* : *aucupis*
auceps.

I. mediat cum *BS*, *PS*, syllaba finit, *biems*que.

E, per *I*, mutabunt poly syllaba, *principe*, *calcbs*.

X, in *CIS* verte, ut *fax*. *LECTILIS* edo
suppellex.

(*Dempto halex*, *vervex*) *E* per *I*. poly syllaba
vertunt.

In *GIS*, *lex*, *grex*, *rex*, *remex*, *Phryx*, *conjuges*,
mastyx,

Frugis & *impetigis*, *Styx*, *stryx* & pleraque Græca.

CHIS dat *Onyx* : *nox noctis* habet, *nivis* & *senis*
ede.

Fæmineum *IS*, non crescens *EM*, five *IM*, dato quarto.

IM, *sitis* & *tuffis*, *vis*, *buris*, *pelvis* habebunt.

Græca in *IS*, *IM*, five *IN* mittunt parisyllaba, ut *IRIS*.

Sextus *E* vult semper; sed *E* aut *I*. postulat *imber*, Atque adjectiva, ut *pugil* & *TRIX*: adde *suppelle*,
pellex,

Amne, *ignis*, *postis*, *veclis*, *rus*, *anguis* & *unguis*.

Quartus in *EM*, five *IM*, sexto *I*, semper dabit aut *E*.

AL, *AR*, *E*, neutrum *I*, dat; sed *E*, *far*, *nectar*, *jubar* *hepar*.

Plus, *pluri* melius: sic *IM* aut *IN* dantia quarto.

ES, recto & quarto: sed *IA*, cum sextus habet *I*.

Comparativa tamen per *A*, solum, *plusque* *vetusque*.

UM, patrius, sed *apis* dat *IUM*, *imber*, *uter*, *caro*, *linter*.

Quæque in *IA* mittunt rectum, quæis addito *aplustra*.

ES, *IS*, non crescunt (*panis*, *juvenis*, *canis*, *UM* dant.)

Sed monosyllaba *IUM*, præter, *dux*, *nux*, *sue*,
grus, *frux*,

Ren, *sur*, *flos*, *mos*, *Tros*, *grex*, *lex*, *rex*, *vox*, *laus*, *per*,
prex.

Atque *boum*, *bos*, *bubus*, *bobus* pone dativo.

Tertius est in *IBUS*, sed *ATIS* magè neutra *Pelafga*.

Tres casus Græcos retinent hic sæpe poëtæ,
Si crescat nomen, ceu *Pallados*, *Hectora*, *Troas*.

Quarta Declinatio.

Quarta dat *US*, recto dat & *U* prius invariaturum.
Dant *UBUS*, hæc quatuor, *portus*, *tribus*, *arcus* &
artus.

Quinta

Quinta Declinatio.

ES, olim patrius : sed & *E, II*, sæpe poetæ.
*ERUM, EBUS*que caret pluralis : tolle *dies, res*.
 Non Cicero voluit *specierum*, nec *speciebus*.

REGULÆ DE VERBORUM

Præteritis & Supinis.

OMnes has Regulas centum & septuaginta verbis hexametris feliciter complexus est Emmanuel Alvarez è Societate Jesu, quos ex ejus Grammaticâ pueros petere, memoriæque mandare suadeo. Etsi enim dubium non habeo, quin ediscendis 1141. sententiis illis in *Mercurio bilingui* positis, verba pleraque omnia inflectere jam didicerint, minimè tamen disconducat, eos regulam certam habere, ad quam timentes memoriæ fidem ac dubitantes respiciant. De *Supinis* supra demonstravi, ea perperam pro verbis haberi, cum vera & germana sint nomina quartæ declinationis, ex participiis passivis in *TUS* formata : nihilominus tanti est, pueros verbis illis ediscendis certo scire, cum quæ singulorum verborum participia sint passiva, tum quæ quartæ declinationis nomina saltem in accusativo & ablativo casu ex participiis illis effecta extent : nam neque omnium verborum *Supina* sunt tradita, neque eorum ferè alii casus, quam in *UM* & *U* exeuntes, sunt inventi. Verbi gratia : *Promptu*, est ablativus è participiò factus, quod præpositio arguit, cum legitur, *In promptu est*. Si quis jam dicatur *Ivisse promptum ex arca pecuniam*, erit accusativus suppressa præpositione *ad*, velut in *Syntaxi* planum fecimus. Sed *homo magnò natu*, *tantus natu*, *major natu* legimus, nec tamen *natum*. Simi-

liter nec *Suppetias*, *inficias*, *instar*, *impere*, aliò casu inventa sunt, quæ tamen propterea ex nominum censu nemo exegerit. *Impetibus* tamen crebris dixit Lucretius, & Septimius Serenus *Ad instar*, sicut *ad modum*. Paulus verò Jurisconsultus, *Ire ad inficias*, pro *inficiatum*, quo modò *Ire ad suppetias*, est *ire ad suppetiatum* sive *auxiliatum*. *Suppetiæ* est apud Plautum Amph. a. 5. f. 1. *Non metuo quin meæ uxori latæ suppetiæ sint divinitus*. Sabin. Epist. Demoph. *Non equidem infiteor, multum clamavit uterque*.

PROSODIA.

Regulæ de Syllabarum Quantitate.

OMnem Prosodiæ Latinæ rationem versibus quasi centum sexaginta idem Alvarez ita explicuit, ut nihil præterea desiderandum videatur. Magister meus Sanctius, & alii, qui eâdem de re versus contexuere, minus mihi satisfaciunt. Ad Alvari ergo Acroasin adolescentes mitto, nec eos modò, quibus ingenium ad poëticam factum sortito obtigit, sed etiam quos sive inter legendum, sive in cædendo sermones ignoratâ syllabarum quantitate ludibrium aliis debere pudet.

DE SYNTAXI

feu Constructione.

Quid est Syntaxis?

Est debita partium orationis inter se compositio.

Quotu-

Quotuplex est Syntaxis?

Duplex: *Regularis & Irregularis sive Figurata.*

Quid est Syntaxis Regularis?

Est compositio inter se partium orationis consentanea regulis artis.

Quotuplex est Syntaxis Regularis?

Duplex. *Concordia & Rectio.*

Quid est Concordia?

Est partium orationis, sive ejusdem, sive diversi generis inter ipsas convenientia, ut in *Vir bonus*, conveniunt inter se partes ejusdem generis, quia utrumque nomen est. Sed in *Virtus laudatur*, est convenientia partium diversi generis, cum altera nomen sit, altera verbum. Hæc autem *Concordia* vel propriè, vel impropriè dicitur. Propriè quidem de nominibus, verbis & participiis, quæ aliquid tertium habent, in quo convenient: Impropriè verò de particulis, cum ex consensu hominum sive institutò unà ponuntur, ut *Ne dicas*, *Non dices*, *Ne dic, utinam viveret.*

Quid est Rectio?

Est certi casus adsciscendi potestas. Ut in *Filius Dei*, nomen substantivum adsciscit sibi genitivum. In *posuit animam*, verbum activum adsciscit accusativum, *pro peccatoribus*, præpositio adsciscit ablativum.

D E

CONCORDIA NOMINIS.

Quotuplex est Concordia nominis?

Quadruplex: Alia enim est concordia nominis substantivi cum adjectivò, alia nominis relativi generalis cum nomine antecedente, alia nominis relativi specialis seu reciproci cum nomine antecedente, alia nominis cujuscunque cum verbò personali.

Quæ

*Quæ est regula Concordiæ nominis Substantivi cum
Adjectivò?*

Nomen substantivum sive expressum, sive suppressum, cum adjectivò consentit numerò & casu, ut *Mali corvi, malum ovum.* De meò sumtus facio, pro, meò ære. *Delphica laurus*, pro, *Delphica arbor laurus.* *Triste lupus stabulis*, pro, *triste negotium*, id est, *tristis res lupus est stabulis.*

Quæ est regula Concordiæ nominis relativi generalis cum nomine antecedente?

Nomen relativum generale semper collocatur inter duos casus unius nominis expressos aut suppressos, quorum antecedentem refert in genere & numerò, cum sequente convenit in numerò & casu, ut *Vidi hominem, qui homo sedebat.* Nihil autem refert sive casus sint expressi, sive suppressi ac subintelligendi: nam aliàs supprimitur antecedens casus, ut *Nemini credo, qui dives blanditur pauperi*, pro, *nemini diviti credo*: aliàs supprimitur sequens casus, ut *Odi sapientem, qui sibi non sapit*, pro, *qui sapiens*: aliàs uterque casus supprimitur, ut *Sunt quos arma delectant*, pro, *sunt homines, quos homines arma delectant.*

Quæ sunt regulæ Concordiæ nominis reciproci cum nomine antecedente?

Prima.

Ambiguitatis evitandæ causâ nomen reciprocum cum primò & præcipuò suppositò convenit, sed ubi nullum ambiguitatis est periculum, indifferenter reciprocum & quodvis aliud relativum cum suppositò consentit, ut *Homines à Deò discedunt propter peccata sua.* Hic reciprocum *sua*, cum primo supposito *homines* relativè convenit. *Cepi passerem in nido suo*, vel *ejus* vel *ipsius*, promiscuè dicitur: nam ubi prima est vel secunda persona, ibi non est periculum ambiguitatis, sicut etiam in tertiis personis sæpe

sæpe sermo dubius esse non potest, adeoque non refert reciproco, an quo alio relativo utaris, ut Cicero: *Camillus mihi scripsit te locutum esse cum eò*, pro, *secum*. — *Ulciscentur eum mores sui vel ipsius*. Plautus. *Suam rem sibi salvam sistam*; si illo advenerit, pro, *sistam ei rem ipsius salvam*.

Secunda.

Nomen reciprocum & alia relativa indifferenter cum præpositione *inter* consentiunt, ut *Contendunt inter se docti*. *Contentio est doctorum inter se*, vel *inter ipsos*. Plautus, *Dicam cognatis*, ut *bona mea inter eos partiant*, pro, *inter se*.

Tertia.

Nomen reciprocum cum nomine *quisque* consentit, ut *Iustitia suum cuique tribuit*. *Quisque suos patimur manes*.

Quæ est regula Concordiæ cujuscunque nominis cum verbò personali?

Nomen cum verbò personali in solò numerò convenit, ut *Probitas laudatur & alget*. In personâ non potest convenire, cum omnia nomina sint tertiæ personæ, præter *ego*, quod est primæ, & *tu*, quod est secundæ, & relativa pleraque, quæ sunt omnium personarum, ut *Qui sciam, qui scias, qui sciat, uter sumus, uter estis, utri sunt*. Nominativus in oratione affirmante aut negante cum verbò sive expressò, sive suppressò in numerò convenit, ut *Triste lupus stabulis. Dulce bellum inexpertis*.

D E

RECTIONE NOMINIS.

Quotuplex est Rectio Nominis?

Duplex, Vera scilicet & Falsa.

Quotuplex est vera Rectio Nominis?

Quadruplex: Alia enim est Rectio nominis substantivi cujuscumque: alia nominis substantivi verbalis, sive à verbo derivati: alia nominis adjectivi ex participiò activò facti: alia denique adjectivi participio passivo similis.

Quæ est regula Rectionis nominis Substantivi cujuscumque, sive in genere?

Solum nomen substantivum sive expressum, sive suppressum regit, sive adsciscit casum genitivum, sive: Omnis genitivus à nomine substantivo expresso aut suppresso regitur, ut *Lectio librorum Ciceronis. Nummus auri. Accuso te furti, subaudi, crimine. Natus Romæ, subaudi, in Urbe. Quanti emisisti? subaudi, æris pretiò: nam integra oratio secundum regulas est: Pro quanti æris pretiò emisisti? Lumborum tenuis mergitur, subaudi, sine, pro, usque ad finem lumborum.*

Quæ est regula Rectionis nominis Substantivi Verbalis?

Nomen substantivum verbale plerumque genitivum, interdum verbi sui casum regit, ut *Lectio poetarum, Classi propinqua domum itio dabitur. Meus è foro domum reditus. Justitia est obtemperatio legibus. Quid tibi me tactio est, vel tactus est? pro, Quid me tangis? Quid tibi ludos spectatio est, vel spectatus est, pro, Quid spectas ludos? Eo spectatum ludos, pro, ad spectatum vel spectationem ludos seu ludorum: Nam spectatum, non est verbum supinum, sed nomen verbale*

quartæ

quartæ declinationis. Plaut. Aul. *Hic eam rem vult mecum adire ad pactionem*, pro, ejus rei. Vide Annotationes in Syntaxin nominum.

Quæ est regula Rectiōis nominis Adjectivi ex Participiō activō facti?

Nomen adjectivum ex participiō activō factum regit genitivum, ut *Amans uxoris*, *appetens alieni*, *amantior* vel *amantissimus suorum*. Cujus regulæ causa est, quoniam talia adjectiva faciem tantum adjectivi habent, sed vim substantivi. Imò in particip. subauditur substant. ut *homo amans*. Plaut. Pseud. a. 1. f. 3. vers. 88. Poen. a. 3. f. 1. vers. 9. quia in eo latet substant. formale, ut *amans amorem uxoris*, *Appetens appetitum alieni*.

Quæ est regula Rectiōis nominis Adjectivi Participiō passivō similis?

Nomen adjectivum non nisi terminationem cum participiō passivō communem habens regit casum verbi sui, ut *Populabundus agros*, *Vitabundus castra hostium*.

Quot sunt regulæ falsæ Rectiōis nominis?

Sex, nimirum de sex casibus, qui à nominibus regi falso dicuntur.

Quæ est Règula de falsa rectiōe Nominativi?

Nominativus post verbum finitum, seu personale, à verbi ipsius supposito nomine regitur, ut *Cato scribit invitus*. Sed falsum est nominativum vel à nomine, vel à verbō regi, non enim hic *Rectio* est, sed *Concordia*, quia nominativus prior, qui est verbi suppositum, nempe *Cato*, convenit cum verbo *scribit* in numero: Sed posterior nominativus ad suppositum pertinens, nempe *invitus*, convenit partim cum supposito in numero & casu, partim cum verbō in numero.

Quæ

Quæ est regula de falsâ Rectione Genitivi?

Genitivus à variis nominibus adjectivis regitur, ut *Plenus vini, dives agri, peritus juris, conscius factis, ignarus omnium, miser animi, integer vitæ*. Sed falsum est istos genitivos regi ab adjectivis, cum regantur Græco more vel à præpositione suppressa *in* vel *inter* (quæ præpositiones significant Latinis, *De, Italis Di*, ut *Plenus vini*, sit *plenus de vinô, pieno di vino*) vel à suppressis nominibus causâ, ergo, quasi dictum esset, *Dives agri ergo, peritus juris causâ, miser animi causâ*, pro, quod attinet ad agrum, jus, animum. Potest etiam subaudiri nomen substant. cognatum Adjectivi, & formam ejus significans, ut *dives divitiis, peritus peritiâ, miser miseriâ*. De quo videatur Auctar. Rudiment.

Quæ est regula de falsâ Rectione Dativi?

Dativus à nominibus similitudinem, utilitatem, facultatem, aut contrâ significantibus regitur. Sed revera dativus à nullo nec nomine, nec verbò, nec aliâ quâvis parte orationis regitur, sed aptè cuivis orationi jungitur, cum acquisitionem aut ultimum finem, commodum, vel incommodum, objectum vel subjectum significat, ut *Sum dominus his ædibus. Iustitia est obtemperatio legibus. Abalienatio est rei traditio alteri. Dura est servitus homini opulento, id est, quæ servitur apud opulentum. Hic fur est mihi, pro, à me furatus est. Cupidus vino. Hoc mihi datur vitio, pro, hoc mihi additur ad meum vitium. Tibi deserit Hesperus Oetam, pro, tuâ causâ. Deus omnibus curat. Metuo tibi. Hoc vobis decet. Hoc mihi laet. Jussit mihi scribere, id est, scriptionem. Lucr. 6. Percolatur enim virus, retroque remanet Materies humoris, & ad caput, amnibus omnis confluit: ad caput amnium. Ibid. Flammæ tempestas Siculum dominata per agros Finitimis ad se convertit gentibus ora. Liv. 10. Bellum Samnitibus populo jussit. Et 1. 9. Bellum Hernicis jussum erat. Plaut. Bacch. a. 2. 1. 3. Exorta est mihi hæc tela, Cist. a. 4. f. 2.*

f. 2. *Exorditur sibi orationem.* Salust. *Insidiæ Consuli non procedunt* : quæ structæ erant Consuli. Plaut. *Trinum.* a. 3. f. 2. *Cum mihi cassidem sumsero in caput.* Idem *Bacch.* a. 4. f. 9. *Pugnam conserui soni.* Propert. l. 2. el. 28. vers. 10. *Præ se formosis invidiosa Dea est.* Plaut. *Aul.* a. 3. f. 6. *Cui agno exta in sole inspicere etiam vivo licet*, pro, *cujus exta.* Asin. a. 1. f. 1. *Neminem metuo mihi.* Horat. *Parum sepultæ distat inertiae calata virtus.* Terent. *Sapiens stulto quid interest.* Cic. *Quicquid apud Cæsarem valebo gratia, valebo tibi.*

Quæ est regula de falsa Rectione Accusativi?

Accusativus à nominibus dimensionem aut partem aliquam totius significantibus regitur, ut *Vixit annos centum.* Vitruv. *Pilæ altæ pedibus tribus, latæ quaternis. Latus duas ulnas. Albus dentes.* Révera enim accusativus semper à præpositione expressa aut suppressa regitur, nisi sit vel infiniti verbi suppositum, ut *Volo te scribere*, vel activi verbi appositum, ut *Rogo te.* Cum ergo dicitur: *Vixit annos centum*, subauditur præpositio *per*, quæ accusativum regit. *Latus duas ulnas*, subaudi *ad.* *Omnia Mercurio similis*, subaudi *per* vel *ad.* *Fractus membra. Albus dentes. Cætera latus, sanctus alia*, subaudi *ad*, pro quo barbarè vulgo dicunt *quoad*.

Quæ est regula de falsa Rectione Vocativi?

Vocativus à nominibus *tu* & *vos* regitur, ut *Leptole deliciis facte beate meis.* O dolor atque decus magnan rediture parenti: *Huc venias hodiernæ.* Révera enim vocativus à nulla orationis parte regitur, etsi sæpe cum interjectione *O* jungatur: sed tota composita oratio ad vocativum dirigitur, ut *Quid amice præmii erit, si hoc fecero. Esto tu Cæsar amicus. Audi Jupiter, audi tu populus Albanus. Dardaniæ stratus dextra miserrande jaceres. Nate meæ vires, mea magna potentia solus*: ubi subauditur *ens*, pro *tu, qui es meæ vires.* Plaut. Asin. a. 3. f. 3. vers. 101. *O Libane,*
C ocellus

ocellus aureus, donum, decusque amoris, Da meus ocellus, da mea rosa, da mi anime. Propert. l. 4. el. 10. vers. 17. Herculis ite boves nostræ labor ultime clava.

Quæ est regula de falsa Rectione Ablativi?

Ablativus à nominibus adjectivis gradum comparationis, instrumentum, causam, modum aut similem circumstantiam significantibus regitur, ut Doctior illò. Suò gladiò hunc jugulo. Revera enim omnis ablativus à solà præpositione expressâ aut suppressâ regitur, Indoctior illò, subaudi præpositionem præ, quæ ablativum regit. Suò gladiò hunc jugulo, subaudi cum. Dignus laude, subaudi, pro, Horat. Dignum præstabo me etiam pro laude. vel subaudi à, pro, quod ad laudem attinet: nam Dignus est à δεικνύμι, id est monstro, quasi δεικνύμι dicas seu digitò monstrabile. Itaque etiam dicitur, Dignus aliquid, sive ad aliquid, similiter ut Arte insignis, pro, ab arte, ut ait Ovidius. Ter. Andr. a. 5. l. 3. Dignus es cum tuâ religione odium. Sic est in Bembi codice, & agnoscit Donatus, quamvis nesciat quâ hoc ratione dictum sit. Plaut. Afin. Ne id quidem me esse dignum existimat. Et Capt. a. 5. l. 2. Non me censes scire, quid dignus sim. Et Pseud. Si tibi exoptem quantum dignus. Et Mil. Ad tuam formam illa sola digna est. Similiter contentus aliquò & aliquid Plaut. Capt. a. 1. l. 2. Si paucillum potes contentus esse. Plenus vinò, subaudi de. Magnò emere, subaudi, pro pretiò. Numerò militum impar, superior aliis, subaudi ab, pro, quod ad numerum, ad alia attinet. Horat. Viduus phætrâ, subaudi A. Virgil: Cur ego Ditis opacos Cogor adire lacus viduosque à lumine Phæbi. Hortensius fuit multis rebus Cicerone inferior, pro, fuit à multis rebus præ Cicerone inferior. Adolescens bonâ spe, magnò ingeniò, priscâ fide, prosequi odiò, afficere honore, pace tuâ, subaudi, cum. Dives nummis, Egeo nummis, subaudi, à, pro, quod ad nummos attinet. Sic natione Græcus, genere nobilis, domò Italus, subaudi à. Pallet metu, subaudi à vel

à vel ex. *Venit, mane, luci, vesperi, tempori*, subaudi cum vel in: nam ista sunt ablativi casus, sicut etiam *Natus Carthagini. Ruri vivit*, subauditur in. *Auctore Aristotele, Nerone Imperatore, Ardente sole*, subaudi sub. *Hoste superato, lectis tuis literis*, subaudi à, quod significat post. *Horâ tertiâ*, subaudi de vel in. *More veteri*, subaudi de vel ex. *Cantando aliquem vincere*, subaudi in. *Glorior opibus*, subaudi de. *Privor potestate*, subaudi à. *Sacrifico vitulâ*, subaudi cum. *Fruor villâ*, pro, fruor fructum ex villâ. *Utor libris*, pro, utor usum, id est, utilitatem capio ex libris. *Potior pecuniâ*, pro, potior potestatem à pecuniâ. *Carco molestiâ*, pro, careo, carere (id est, caritatem, sive ut vulgo dicunt, carentiam) à molestiâ. *Interdico tibi domo meâ*, pro, interdico tibi interdictum à domo meâ, id est, quod ad meam domum attinet. *Indigus omni auxiliô. Lucr. 5. Cæsar. 3. belli civil. Numerô equitum multis partibus erat inferior. Amictus veste*, pro, à veste. *Ovid. 5. Metam. Ille sibi ablatus fulvis amicitur ab alis. Expers malô*, pro, à malô. *Inexpers mali*, subauditur partem.

DE SYNTAXI VERBI.

De Concordiâ Verbi.

Quotuplex est Concordia Verbi?

Duplex: alia est concordia verbi finiti seu personalis, alia verbi infiniti sive impersonalis, quod vulgo infinitivi modi dicitur.

Quæ sunt Regule de Concordia Verbi Finiti?

Prima.

Omne verbum finitum, seu personale, habet suppositum, seu præcedentem nominativum, sive expressum, sive suppressum, sive infinitò verbo aut aliâ oratione commutatum, cumque illò nominati-

vo supposito in numero consentit, ut *Tu doces*, *Nos discimus*. Hic suppositum verbi, seu nominativus præcedens est expressus. *Legit, audimus, ajunt, ferunt, pluit, lucefcit*. In his suppositum verbi, seu nominativus præcedens est suppressus & subaudiendus, nimirum, *Tu, nos, homines, pluvia vel cælum, lux*. Sic in *Miseret, tædet, pudet, piget, pœnitet*, subaudiuntur nominativi, *Misericordia, tædium, pudor, pigritia, pœnitentia*. In *Vivitur, curritur, statur, sedetur, egetur*, subaudis *vivere* seu *vita*, *currere* seu *cursus*, *stare* seu *status*, *sedere* seu *sessio*, *egere* sive *egestus*. Plaut. Stich. a. 5. s. 4. *Haud tuum est te vereri*. Quid fit? *Ligna cæsum itur*, pro, *Via itur ad cæsum ligna*. *Libet me epigrammata facere*. Hic oratio hæc, *Me epigrammata facere*, ponitur pro nominativo, quasi esset: *Mea factio aut factura epigrammatum libet*, id est, *jucunda est, Fugere vitium est virtus*. Hic suppositum verbi, *Fuga vitiorum*, commutatum est verbo infinito, *Fugere vitia*. *Deprehendi miserum est*. Hic suppositum verbi, *Deprehensio*, commutatum est verbo infinito, *Deprehendi*. Plaut. Aul. *Certum est Silvano potius credam, quam Fidei*, pro, *Ut credam Silvano*, sive *credere certum est*. Ubi nominativus *Creditus* vel *creditio* commutatus est hac oratione, *Ut credam*. Sic Capt. *Est miserorum ut malevolentes sint & invideant bonis*, pro, *Malevolentia & invidia est res miserorum*. Sic quæritur, *quis naves primus invenerit?* Hic suppositum verbi seu nominativus præcedens, nempe *Primus inventor navium*, commutatus est hac oratione, *Quis naves primus invenerit?* Sic *Dicitur mulam peperisse*, nominativus præcedens, nempe *Partus mule*, commutatus est hac oratione, *Mulam peperisse*. *Maja peperisse dicitur*. Est Græcismus Nominativi pro Accusativo. Sic *Multos homines quotidie mori dicitur*, pro, *Mors quotidiana multorum dicitur*. In consilium iri videtur, subaudi, *Viam*: ubi *Viam iri* habet vim nominativi, quasi esset *Via itio*, sicut *Viam istam*

istam iri mirum est, cum sit latronibus infesta. Sic, Multos venturos esse creditur, pro, multorum adventus creditur. Liv. 42. 28. Mihi magistratus creare jussum est, pro, Creatio magistratus est negotium mihi jussum.

Secunda.

Verbum finitum seu personale sæpe habet appositum seu sequentem nominativum, ad suppositum verbi pertinentem, sive cum eo in numero consentiat, sive non, ut *Ego didici hoc puer. Ego vocor Marcus. Tu captus es arbitet. Deus est animus. Tu fili esto sobrius. Nos sumus docti. Propert. Nam cui non ego sum fallaci præmia vati. Idem: Una sit & cujus femina multa mala. Sic possum dicere: Quivis concubitus meretrici est nuptiæ. Quadrigæ fuere nota argenti. Nominativus porro appositus censetur etiam oratio nominativi vim habens, quem Scholastici nominativum *Virtuale* dicerent, non *Formale*, ut Plaut. *Ego videor me eam vidisse prius. Ubi hæc oratio, Me vidisse, vim habet nominativi, quasi esset, Ego videor ejus visor: sicut Me vidisse eam mihi dolet, pro, Visus aut conspectus ejus mihi dolet. Ita idem valent, Servus videtur cunctator, & Servus videtur eum cunctari: nam eum cunctari est nominativus, ut eum cunctari apparet vel molestum est.**

Quæ sunt regulæ de Concordia Verbi Infiniti?

Prima.

Omne verbum infinitum, sive impersonale, habet pro supposito Accusativum expressum aut suppressum, ut *Scio te amare vel amari. Cupio scire. Vereor facere. Opto videre diem illum. Malo manere quam abire. In his suppositum sive accusativus præcedens Me supprimitur, cum integra oratio sit, Cupio me scire, &c. Ita Lucretius secundum regulam dixit,*

Multa tibi me fingere possum. & Sallust. Omnes homines qui se student præstare cæteris animantibus. Plaut. Epid. Videor me vidisse eam prius, pro quò figuratè dici solet: Videor vidisse eam. Idem Curcul. Æsculapius mihi visus est eum ad me non adire, pro quo ἰδμεν πικρῶς dici solet: Visus est ad me non adire: Ita si dicam: Servus videtur cunctari, subauditur, eum. Arbores videntur cadere, subauditur, eas: ubi eum cunctari, valet idem quod nominativus cunctator: eas cadere, quod nominativus Caducæ vel Cadentes, sicut ex secundâ regulâ paulò prius apparuit. Sed plerisque tamen figuratè, quam regulariter loqui magis placuit, maximè ubi infinitum substantivi nominis vim habet, ut Sunt cantare pares, pro, à cantare sive à cantu, quod ad cantum attinet. Non mihi sunt vires inimicos pellere, pro, expulsionem inimicorum. Da mihi bibere, pro, potum. Disce tacere, pro, silentium. Eamus videre, pro, ad videre seu visum. Consilium cepit abire, pro, abitus. Cæptus est, desitus est, idem est, quod cæpit, desit. Hæc porrò Accusativum formalem aut virtualem regunt. Cæptus est contemni, vel, cæpit contemni valet, cæpit contemptum sui, desit videri, sive desitus est videri, pro, desit visum seu opinionem. Corn. Nepos Miltiad. Hostes fore tardiores, si animadvertent auderi adversus se tam exiguis copiis dimicare, pro, dimicationem auderi se intentari.

Secunda.

Verbum infinitum sæpe habet nomen appositum cum ejusdem verbi suppositò, id est, cum accusativò præcedente vel expressò, vel suppressò in casu consentiens, ut Cupio me videri doctum. Hic doctum appositum verbi infiniti videri, consentit in casu cum ejusdem verbi suppositò, id est, cum accusativò præcedente expressò, me. Dixit daturum esse. Hic daturum appositum verbi esse, consentit in casu cum

cum ejusdem verbi suppositō se, quod supprimitur. Sic *Licet vobis vos esse beatos*, vel *licet vobis esse beatos*. *Tibi expedit te esse bonum*, vel *tibi expedit esse bonum*. *Nocet mihi esse doctum*, vel *nocet mihi me esse doctum*. Sed Græcorum consuetudine dicitur: *Cupio videri doctus*. *Dixit daturus*. *Licet vobis esse beatis*. *Tibi expedit esse bono*. *Nocet mihi esse docto*.

DE RECTIONE VERBI.

Quotuplex est Rectio Verbi?

Duplex: vera scilicet & Falsa.

Quotuplex est vera Rectio Verbi?

Duplex: Alia enim in genere est Rectio verbi activi cujuscunque sive finiti, sive infiniti: alia in specie est Rectio verbi activi infiniti pro nomine substantivō positi.

Quæ est regula veræ Rectionis verbi activi cujuscunque?

Omne verbum activum tam finitum, quam infinitum semper regit accusativum sive expressum, sive suppressum, sive verbō infinitō aut aliā oratione commutatum, ut *Disco literas*. *Veneror Deum* (nam verbum deponens est activum, quod priscam passivi significationem deposuit) *Vivo*, *dormio*, *gaudeo*, *jocor*, *curro*. In his subaudi accusativos *vitam*, *dormitionem*, *gaudium*, *jocum*, *cursum*. *Terra movit*, *nox cælo præcipitat*, *illa jam lavit*, *nupsit viro*, *emerjit ex malis*, *volventibus annis*, *annō vertente*, *res bene vertat*, *res bene habet*. In his omnibus supprimitur accusativus se. *Objecit mihi facere lenocinium*, subaudi, *me*: & hæc oratio, *Me facere lenocinium*, vim habet accusativi. *Desidero videre te*, pro, *desidero conspectum tuum*. *Cupio vivere*, pro, *vitam*. *Odi tuum vociferari*, pro, *tuum clamorem*. *Volo facere*, pro, *volo factum*, quod ipsum in usu fuisse constat. In his accusativus com-

mutatus est verbo infinito. Sic volo obsecutum, pro, volo obsequi. Afīn. a. i. f. i. Dicotibi ne facias. Hic verbum actīvum regit accusatīvum aliā oratione commutatum, quomodo & in isto: Hæc res facit me confidere, facit ut confidam, pro, facit me confidentem. Scio filium meum amare scorta, scio ut amet, quam amet, quod amet vel amat, pro, scio filii amorem scortorum. Cic. Ganymedem raptum, ut Jovi bibere ministraret, pro potum. Sic jussit mihi scribere, jussit mihi ut scriberem, pro, jussit mihi scriptionem. Vetas me queri, vetas mihi queri, vetas mihi ne querar, pro, vetas mihi questum seu querelam. Iter istud à tam multis celebrari miror, pro, Miror multorum celebrationem istius itineris. Cupio me videri doctum. Hic oratio ista, Me videri doctum, posita est pro accusatīvō, quasi esset: Cupio opinionem doctrinæ. Terent. Adel. Quod te purges, hujus non faciam: Ubi Donatus, Figuratè, quod te purges, id est, purgationem tuam. Non necesse habeo me moneri. Hic me moneri positum est pro accusatīvō, quasi sit: Non habeo monitum mei necesse, ficut, Non habeo auditores attentos: nam necesse & necessum sunt adjectiva, quæ cum substantivō monitum vel moneri numero & casu conveniunt. Vide Annotat. ad Syntaxin, ibique regulam secundam de Verbō

Quæ est regula veræ Rectionis verbi actīvi infiniti pro nomine substantivo positi?

Verbum actīvum infinitum nominis locō positum, cumque participiō in numero & casu consentiens, sive exprimat, sive subaudiatur, aliàs genitīvum regit, ut nomen, aliàs accusatīvum, ut verbum.

Da exempla Genitivi, qui a verbō infinito regitur.

Cum dicimus, Tempus est legendi, subauditur legere, quod vim habet substantivi nominis in genitivo casu, quasi esset lectus, id est, lectioni, & hoc verbum infinitum suppressum cum participiō convenit in numero & casu. Jam cum dicimus, Tem-

pus

pus est legendi epistole, genitivus *epistole*, regitur non à participiò *legendi*, sed à suppresso verbo infinito *legere*, quod nominis vim habet: nam *Legere bonum est*, idem significat ac *lectio bona est*. Similiter Latine dicitur, *Tempus est legendi poetarum*, quia genitivus *poetarum*, regitur à suppresso verbo infinito *legere*, quasi dictum foret: *Tempus est legendi lectus poetarum*, id est, *legendæ lectionis poetarum*.

Da exempla Accusativi, qui à Verbo Infinito, pro nomine posito, regitur.

Cum dicimus, *Nunc est bibendum*, subauditur *bibere*, quod vim habet substantivi nominis in nominativo casu & cum participiò convenit in numero & casu. Jam cum dicimus, *Nunc est bibendum aquam*, accusativus *aquam* non regitur à participio *bibendum*, sed à supposito verbo *bibere*, quod nominis vim habet. Sic prisci dicebant, *pugnatum est pugnam*, subauditò verbo infinito *pugnare*, quod regit accusativum *pugnam*. Sic *ardeo desiderio discendi literas*, suppressum est verbum infinitum *discere*, quod accusativum *literas* regit. *Tempus est legendi*, subauditur *legere*, quod vim habet nominis in genitivo casu. Ergo cum dicitur, *Tempus est legendi poetas*, accusativus *poetas* non regitur à participio *legendi*, sed à verbo infinito suppresso *legere*. *Legendò fies doctus*, pro *in legendò legere*, id est, *in legendò lectu*, sive *in legendà lectione fies doctus*. Cum ergo dicitur, *Legendò libros fies doctus*: accusativus *libros* à suppresso verbo *legere* regitur. *Eo spectare ludos*, pro *ad spectare*, sive *ad spectatum* vel *spectationem*. Hic accusativus *ludos*, regitur à verbo infinito, quod nominis vim habet, cum ei præpositio addi possit, sicut Lucretius: *Ad sedare sitim fluvii fontesque vocabant*.

Quotuplex est falsa Rectio Verbi?

Duplex: Alia est verbi finiti: ejusque vel substantivi, vel activi, vel passivi: alia verbi infiniti: ejusque vel gerundi, vel supini.

Prima.

Verbum substantivum significans idem, quod *pertinere*, genitivum regit, ut: *Quod medicorum est, promittunt medici*. Sed falsum est hunc genitivum regi à verbò *est*, cum regatur à nomine substantivò suppressò, quod est *negotium*. Sic *Judicis est verum sequi*, subaudi, *officium*. *Vincere hostes laboris est*. *Hoc facere moris est*, subaudi *res*. Est autem apud Latinos & Græcos *res laboris*, idem quod *labor*, *res moris*, idem quod *mor*.

Secunda.

Verbum substantivum formam aut qualitatem alicui inesse significans, genitivum vel ablativum regit, ut: *Abrotanum est jucundi odoris*. *Homo est antiquâ virtute*. Sed falsum est istos casus à verbo substantivò regi, cum genitivus semper à nomine substantivò, ablativus semper à præpositione regatur. Ergo *Abrotanum est jucundi odoris*, subaudi, *herba*, à quò genitivus regitur. *Est majoris animi quam consiliis*, subaudi, *homo*. *Est honestâ facie, antiquâ virtute*, subaudi, *cum*. *Vitium est triste habitu*, pro, *ab habitu*, id est, *quod ad habitum attinet*.

Quæ sunt regulæ de falsâ Rectione Verbi Activi?

Prima.

Verbum activum regit duos accusativos, alterum personæ, alterum rei, ut: *Poscimus te pacem*, *daceo te artes*, *hoc te moneo*, *rogo*, *interrogo*, *condono te hoc argentum*, *sine te hoc exorem*. In his omnibus falsum est accusativum rei à verbo activo regi, cum regatur à præpositione Græca *κατὰ*, id est, *ad*, *circa*, *juxta* vel

vel *secundum*, quæ tamen Græcorum imitatione supprimitur. Regit quidem sæpe verbum acti-
uum duos accusativos, sed ita, ut unius accusativi vim habeant cum verbo esse, quod subauditur. Tota oratio, *Te esse virum*, ponitur pro Accusativô, ut *Præsta te virum, Deum vocamus patrem, Cepimus te arbitrum. Dedit agrum dotem.*

Secunda.

Verbum acti-uum significans motum ad locum, nomina *urbium*, *domus* & *ruris* in accusativô regit, ut: *Scripsi Romam, ibo Neapolim, rus se abdidit, domum tendo.* In his falsum est accusativum à verbô regi, cum regatur à suppressâ præpositione *ad* vel *in*.

Tertia.

Verbum acti-uum regit accusativum nominum, quæ spatium loci aut temporis significant, ut: *Abest iter unius diei. Cælum patet tres ulnas. Ne transversum quidem unguem ab officiô discedere. Triennium hinc abest. Fuimus unâ duas horas.* In his falsum est accusativum à verbô regi, cum regatur ab aliquâ præpositionum suppressâ, ut *ad, ante, circa, per.*

Quæ sunt Regule de falsâ Rectione Verbi Passivi?

Prima.

Verbum passivum regit accusativum rei ex duobus illis accusativis, qui ab acti-vo reguntur, ut: *Doceris artes, moneris utilia, poscor pecuniam.* In his falsum est accusativum à verbô regi, cum à præpositione Græcorum more suppressâ regatur, ut in regulâ primâ de Rectione acti-vi dictum est.

Secunda.

Verbum passivum regit ablativum cum præpositione à vel *ab*, rem agentem significante, ut: *amor à te*, pro, *tu amas me*. Sed falsum est ablativum à verbò regi, cum regatur à præpositione suà: falsum quoque est, præpositione rem agentem significari, cum à vel *ab*, nihil hic aliud significet, quam *Ex parte, hinc, istinc, illinc*. *Amaris à me*, id est, *ex parte meâ amaris*, *hinc amorem habes*, *amaris quod ad me attinet*.

Tertia.

Verbum passivum regit dativum, qui rem agentem significet, ut: *Non cernitur ulli*, *visus est mihi*. Sed falsum est, dativum ab ullò verbo aut nomine, aut particulâ regi, etsi cuivis orationi adjungi potest ad significandam acquisitionem, commodum aut incommodum. Itaque similiter per activum verbum dicemus. *Nullus eum sibi cernit*, id est, *nulli conspicuus est*. *Video illum mihi*. *Audivimus nobis sermonem illius*. *Hoc nobis non probas*. *Dixi te mihi*. *Non omnibus dormio*.

Quarta.

Verbum passivum regit accusativum cum præpositione *per* rem agentem significante, ut: *Res agitur per illum*, pro, *ille rem agit*. Sed falsum est accusativum regi à verbò, cum regatur à præpositione: falsum etiam est præpositione significari rem agentem. Similiter enim in activò dici potest, *Ego per te rem agam*. Ubi *per* significat instrumentum, alibi significat idem quod Græce *κατὰ*, ut *Per me quidem sint ista vera*, pro, *quod ad me attinet*. Prodiit

disi per Domitium, pro, à Domitiô, à parte Domitii, quod ad Domitium attinet. Per hanc cœnam tibi incœnatio esse licet, id est, quod ad hanc cœnam attinet.

Quæ sunt regulæ de falsa rectiõne Gerundi?

Prima.

Verba gerunda in *di* vel in *do* exeuntia regunt accusativum expressum vel suppressum, ut: *Ardeo desiderio discendi literas. Defessus sum legendô libros. Teneor cupiditate vivendi, subaudi, vitam.* Sed hæc rectio falsa est, partim quia nulla sunt verba gerunda, cum nec tempus, nec personam habeant; partim quia isti accusativi reguntur à suppressô verbô infinitô, nominis vim habente, quasi dictum foret: *Ardeo desiderio discendi discere literas. Defessus sum in legendô legere libros. Teneor cupiditate vivendi vivere.* Sicut in *Discitur*, subauditur, *discere*, in *Legitur*, *legere*, in *Vivitur*, *vivere*.

Secunda.

Verba gerunda in *dum* exeuntia regunt accusativum, ut: *Petendum est pacem. Bibendum est aquam. Legendum est poëtas.* Sed hæc rectio falsa est, cum ista in *dum* non sint verba, sed participia, cum quibus verbum infinitum suppressum, nominis vim habens, in casu & numero concordat, quasi dictum foret: *Petere pacem petendum est. Bibere aquam bibendum est. Legere poëtas legendum est.*

Quæ est regula de falsa Rectiõne Verbi Supini?

Verbum supinum cum verbis motum ad locum significantibus accusativum expressum aut suppressum regit, ut: *Eo visum ludos. Gratias actum nos Senatus misit. Dedit filiam nuptum*, subaudi, *se*, ut *se* nubat, sive caput velet viro suo. Sed falsum est ista esse verba, cum sint nomina quartæ declinationis accusativi

fativi casus, & regantur à præpositione *ad* suppressâ. Regunt autem nomina verbalia accusativum, velut verbi sui casum, ut supra de *Nominis Rectione* demonstratum est.

D E SYNTAXI PARTICIPII.

Quæ est Regula de Concordiâ Participii?

Omne participium cum substantivò nomine expressio, aut suppressio, aut verbò infinitò vel aliâ oratione commutato, in generis terminatione numero & casu concordat, ut: *Hic homo vigilans somniat: Venturò Cesare Roma trepidat. Pausanias à suis mori coactus est. Legendò Virgiliò fies poëta. Credendum est Ciceronem fuisse virum optimum.* Hic nomen substantivum commutatum est hac oratione. *Ciceronem fuisse virum optimum. Nunc est bibendum,* subaudi, verbum infinitum *bibere*, quod substantivi vim habet in nominativò. *Pugnatum est,* subaudi, *pugnare*, quod est locò substantivi. *Catoni fuit moriendum,* subaudi, *mori.* *Tempus est legendi,* subaudi, *legere*, sic *libertas loquendi*, subaudi *loqui.* Propert. *Sit modo libertas quæ jubet ista loqui.* Ita *consilium cæpit abeundi*, subaudi, *abire.* Quod pro genitivò substantivi nominis ponitur: *Charta inutilis scribendo*, subaudi, *scribere*, quod est locò nominis in dativò, quasi esset: *Inutilis scribendæ scripturæ. Locus amplissimus ad agendum*, subaudi, *agere*, id est, *ad actionem.* *Legendò fies doctus*, subaudi, *legere*, quod vim habet nominis in ablativò.

Quotuplex est Rectio Participii?

Duplex; *Vera* scilicet & *Falsa*.

Quæ est regula vera Rectiōis Participii?

Omne participium regit casum verbi, à quò derivatur, sive expressum, sive suppressum, sive verbò infi-

infinito aut aliâ oratione commutatum, ut: *Homerus sceptrâ poetarum potitus*: nam *Potior hanc rem veteres* dicebant. *Dona daturus regi occurrit. Adulantem omnibus, & adulantem omnes videmus.* Dicimus enim *Adulor tibi, subaudi, adulari, vel adulationem.*

Quæ sunt regula falsæ Rectionis Participii?

Prima.

Participia in *Dus* desinentia genitivum singularem & pluralem regunt locò accusativi, quamvis ipsa sint singularis numeri, ut: *Quæ fuit causa collocandi siderum. Non est nunc tempus videndi lunæ.* Hos genitivos falsum est regi à participiò, cum regantur à suppressò verbò infinito nominis vim habente, quasi dictum foret: *Causa collocandi collocare siderum, sive collocandi collocamenti, vel collocandæ collocationis siderum. Non est tempus videndi videre lunæ, sive videndi visus lunæ. Jesuitas tenet libido speculandi natium puerilium, cadendi puerorum.*

Secunda.

Participia quædam vel nullum casum, vel à verbi casu differentem regunt, ut: *Laureatus, Tunica-tus, Ocreatus. Populabundus agros. Vitabundus hostes. Amans uxoris. Alieni appetens.* Sed falsum est ista esse participia, cum sint nomina participalia, quorum alia terminationem tantum cum participiis communem habent, alia ex participiis facta, sunt nomina aliud significantia, quod quidem fit aut *Constructione*, ut *Appetens alieni*: aut *Comparisonem*, ut *Doctior, amantior, comitatio*: aut *Compositionem*, ut *Indoctus, indiligens.*

D E S Y N T A X I P R Æ P O S I T I O N I S.

Quæ est regula Concordiæ Præpositionis?

Præpositiones compositivæ cum aliis præpositionibus, item cum adverbis, conjunctionibus, verbis & nominibus ita conveniunt, ut in unam cum illis vocem coalescant. Et harum quidem octo sunt *Loquæles*, quæ extra compositionem loquæ tantum, sed nullius significationis sunt. *Significativæ* verò quinquaginta quatuor, quæ extra compositionem habent propriam significationem, de quarum usu Annotationes videantur.

Quotuplex est Rectio Præpositionis?

Triplex: Alia scilicet earum præpositionum, quæ præponuntur accusativo, alia earum quæ ablativo, alia dubiarum, id est earum, quæ utrique.

Quæ est regula Rectiõis Præpositionum cum Accusativõ?

Præpositiones sequentes viginti sex adsciscunt accusativum. *Ad, apud, ante, adversus vel adversum, cis, citra, circa, circum, contra, erga, extra, inter, intra, infra, iuxta, ob, pone, penes, per, post, propter, præter, supra, secundum, trans, ultra.* *Supra* cum Ablat. Lucret. 6. *Multaque humi cum inhumata jacerent corpora supra Corporibus.*

Quæ est regula Rectiõis Præpositionis cum Ablativo?

Præpositiones quindecim sequentes adsciscunt sibi ablativum. *A, ab, abs, absque, coram, cum, de, e, ex, foras, præ, pro, palam, sine, tenus.*

Quæ est regula Rectiõis Præpositionum dubiarum?

Præpositiones quinque. *In, sub, super, subter & clam*, aliàs accusativum, aliàs ablativum sibi adsciscunt.

Quando

Quando In regit Accusativum?

Primo, cum significat motum seu transitum, ut : *Via ducit in urbem. Hanc mihi dat in manum.* Deinde cum actio differtur, ut : *In diem est, quod minaris. Prasens in tempus rem hanc omitte. Precor ut in hunc & plures annos vivas.* Postremo cum accipitur pro erga vel contra, ut : *Pius in patrem, Ingratus in praeceptorem.*

Quando In regit Ablativum?

Cum significat aliquid in loco fieri, ut : *In portu navigo.*

Quando Sub regit Accusativum?

Cum significat motum, vel idem quod *post* aut *circa*, ut : *Sub terras ibit imago. Sub galli cantum. Sub eas literas recitatae sunt tuae.*

Quando Sub regit Ablativum?

Cum quietem significat, ut : *Sub pedibus, sub arbore, sub iudice.*

Quando Super regit Accusativum?

Cum significat motum, ut : *Columnam super tumulum statui voluit.* Virgilius tamen in quiete significanda utitur. *Fama super aethera notus. Et Propert. Et gravis ipse super libera colla sedet.*

Quando Super regit Ablativum?

Cum significat quietem, vel idem quod *de*, ut : *Fronde super viridi. Hac super re ad eum scribam.*

Quando Subter regit Accusativum?

Cum sive motum, sive quietem significat, ut : *Plato iram in pectore, cupiditatem subter praecordia locavit, pro, sub praecordiis ; infra praecordia. Subter pineta Galefi, pro, sub pinetis. Et subter captos arma sedere duces. Lucr. 6. de arboribus. Si quis eas subter jacuit, prostratus in herbas.*

Quando Subter regit Ablativum?

In oratione poetica tantum, ut : *Subter densa testudine.*

Quando Clam regit Accusativum & Ablativum?

Apud priscos magis accusativum regebat, ut

Clam uxorem : apud recentiores ablativum, ut : *Clam patre*. Plautus eò ut adverbio utitur, eique dativum jungit. Milit. *Meretricem moneri quam magni referat, mihi clam est, pro, mihi occultum est.*

D E

SYNTAXI ADVERBII.

Quæ sunt Regulae de Concordiâ Adverbii?

Prima.

Adverbia interrogandi interrogativè posita primis verbi temporibus (quæ vulgo *Indicativi* modi dicuntur) magis consentiunt, indefinitè verò posita, magis secundis, sive subjunctivi modi temporibus, ut : *Ubi est? Dic ubi sit. Unde venis, quo pergis, qua ibis, cur taces? Unde venias cedo, quo pergas nescio, qua iturus sis scire cupio, cur taceas intelligo.*

Secunda.

Antequam & Priusquam indifferenter primis & secundis temporibus consentiunt, ut : *Antequam pro illò dicere instituo, pro me pauca dicam. Bibe priusquam abis, vel abear. Antequam moreretur, vel moriebatur, deliravit.*

Tertia.

Ut, tempus significans, pro *postquam*, primis temporibus consentit, ut : *Is ut me salutavit, statim profectus est.* Verum *Ut*, non minus hic, quam semper aliàs, similitudinem significare rectius dixeris. Itaque ei respondet sic, vel ita. *Lucret. 3. Tu quidem*

dem ut es letô sopitus, sic eris ævi. Quod superest, cunctis privatu doloribus ægris. Livius 21. Saguntini ut à præliis quietem habuerant per aliquot dies, ita non nocte, non die umquam cessaverant ab opere.

Quarta.

Ut, similitudinis pro quomodo, primis & secundis temporibus consentit, ubi tamen accedit causæ significatio, tantum secundis, ut: *Has ambas, ut dixi, ita oportet esse liberas.* Ille ut erat lenâ amictus, ita venit in concionem. *Ei te commendavi, ut gravissimè potui.* Hera rogat, ut ad se venias, id est, ita te rogat, ut venias, & propter hanc causam te rogat, ut venias. Vereor ut placari possit, id est, quomodo possit. *Ut illum Dii perdant, subaudi, ita precor.* Hoc negotium, ut ego absim, confici potest, pro, esto ita, fac ita, da vel pone ita, ut ego absim. Antiqui tamen etiam ubi causa significabatur, *Ut promiscuè primis & secundis temporibus adjungebant, ut: Jam faxo hic erit, & faxo hic sit. Ego faxo scies, pro, ita faxo, ut scies. Et faxe scias. Faciam cavebunt, qui audierint, pro, ut caveant, id est, ita faciam quomodo cavebunt.*

Quinta.

Ne, cum Ut sive expressò, sive suppressò, secundis temporibus semper consentit, idemque quod non significat, ut: *Opera datur, ut judicia ne fiant. Quid facias, prius cogita, ne mox facti te pœniteat, pro, ut ne, id est, ut non pœniteat. Vereor ne pater hoc resciscat, pro, ut ne. Timeo ne non impetrem, pro, timeo ut ne repulsam feram. Vereor ne me nolit dimittere, pro, ut non velit me dimittere, sive, ut ne velit me retinere.*

Sexta.

Ne, vetantis vel dissuadentis, semper consen-

tit secundis & tertiis, siue subiectivi & imperativi temporibus, ut: *Ne nega. Tu ne cede malis. Istuc ne dixeris.* Nam solæcismus est, *Non dixeris.*

Septima.

Non, verantis vel dissuadentis, tantum primo futuro consentit, ut: *Non negabis. Non dices.* Nam Solæcismus est, *Non nega. Non dic.*

Octava.

Quin, jubentis vel hortantis, primis & tertiis temporibus consentit, secundis numquam, nisi pro immo ponatur, ut: *Quid stas, quin accipis? Quin tu hoc audi.* Solæcismus erit, si hortaturus dicat: *Quin tu me audias. Quin accipias.*

Nona.

Utinam & *Si*, optantis semper secundis temporibus consentit. ut: *O si essem tecum. Utinam ita sit. Utinam viveret.*

Qualis est Rectio Adverbii?

Vera adverbii rectio nulla est, cum ab adverbio nullus casus regatur: Falsa tamen rectio est quintuplex secundum quinque casus, qui ab adverbio regi falso putantur.

Da exempla Adverbiorum, quæ falso putantur regere Nominativum.

En Priamus. En quatuor ara, Ecce homo; Ecce nova turba. In his falsum est nominativum regi ab adverbio, cum pertineat ad verbum aliquod suppressum, verbi gratia, *Sum, es, adest, venit, exoritur.*

Da exempla Adverbiorum, quæ falso putantur regere Genitivum.

Satis eloquentiæ. Sapientiæ parum. Terrorum & fraudis

dis abundè est. Auxiliorum affatim erat. Varro. I. c. 4. *Volucres minus habent terreni, minus humoris, caloris temperate, & aeris multum.* In his genitivus non regitur ab adverbio, sed à suppresso nomine substantivo, quod est *res* vel *negotium*. Latine enim dicitur, *Res auxiliorum*, pro, *auxilia*, *Res fraudis*, pro, *fraus*, *Res cibi*, pro, *cibus*.

Unus Plato est instar omnium. Hic verum est genitivum regi ab *instar*, sed falsum est *instar* esse adverbium, cum sit nomen substantivum, significetque similitudinem, imaginem.

Virtutis ergo aliquem donare. Illius ergo huc venit. Hic ergo est nomen substantivum ablativi casus à Græcò ἵκερ, quod significat opus, vel id, *cujus vi aliquid factum est*. Ita *Virtutis ergo donatus*, significat *virtutis hoc opus esse, virtutis opere, seu propter virtutem factum esse ut donaretur*. *Illius ergo veni*, id est, *illius opere factum est, sive, ille fecit, aut causa fuit, ut venirem, propter illum veni*.

Ille omnium oratorum elegantissime loquitur. Hic genitivus non ab adverbio, sed à nomine suppresso regitur, subauditur enim *Ex numero*.

Partim eorum in pompâ, partim in acie illustres esse voluerunt. Hic *partim* non est adverbium, sed nomen accusativi casus, pro *partem*, & subauditur præpositio Græca κατὰ, id est, *ad vel secundum*, quod barbarè dicitur *quoad*. Sic *Oratio nostra magnam partim, seu partem ex jambis constat*, pro, *ad magnam partem, à magnâ parte, quod ad magnam partem, attinet*. *Versus partim jambis, partim trocheis constans*, pro, *ad unam partem ex jambis, ad alteram partem ex trocheis*. Subaudiri quoque potest *in*, ut *Plaut. Afin. Age tu nunc in partem hunc delude*, pro, *partim, quod ad tuam partem attinet* nam ego meam partem jam satis eum delusi.

Eo consuetudinis adducta res erat. Hic eo non est adverbium, sed accusativus pluralis antiquus pro *ea*, sicut *duo, ambo, & subauditur negotia*. Est autem

Negotia consuetudinis, idem quod *consuetudo*. Ita *Huc malorum ventum est*, pro *ad hoc* (*prisce huc*) *negotium malorum ventum est*. Val. Max. 8. c. 2. 11. 6. *Huc necessitatis deductus*. *Res mali vel Negotium mali*, idem est quod *malum*.

Pridie ludorum. *Postridie ejus dici*. In his latent nomina, quia *pris* antiquis, significabat *præcedens*. Unde *prior* & *primus*, *poster* vel *posterius* (unde *posterior* & *postremus* seu *postumus* aut *postimus*, sicut *extremus* & *extimus*, vel *extimus*) idem valet, quod *successor*: Ergo *Pridie ludorum*, est in die *præcessore ludorum*. *Postridie ejus diei*, valet in die *successore ejus diei*. *Prisci* dicebant, *Poster* & *Postris*, sicut *Sacer* & *sacris*.

Eratrem nusquam invenio gentium. *Abest longè gentium*. *Ubi terrarum es*. *Tunc temporis*. In his genitivi non reguntur ab adverbio, quia ad orationem non pertinent, sed ad legitimam constructionem superant sive abundant. Est ergo hæc Syntaxis *Irregularis* seu *Figurata*, diciturque *Pleonasmus* aut *Paralcom*, de quo infra.

Da exempla Adverbiorum, quæ falso putantur regere Dativum.

Naturæ convenienter vivere. Sed hic dativus a nullo regitur, tantum jungitur cum verbo, ut sit *Vivere naturæ*, sicut *Vivere sibi & amicis*. Plaut. Pæn. *Patrem & matrem vellem viverent tibi*. Adverbium postea modum verbi significat, quomodo scilicet naturæ vivat, nempe convenienter.

Da exempla Adverbiorum, quæ falso putantur regere Accusativum.

Propius urbem castra movit. Liv. 2. *Hoc propius fide est*. & 1. 4. *Hoc propius vero est*. *Proxime Italiam*. Sed hi accusativi reguntur à suppressâ præpositione *ad*. Sic *Cum Brundisium versus irer*, *Aretium versus castra movit*: subaudi *ad*. *Pridie Nonas*, subaudi, *ante*. Sicut *pridie constitutum diem*. Justin. 1. 2. *Postridie ludos*: subaudi, *post*. *Circiter meridiem*, *Tharsum usque profectus*, subaudi, *ad*. Da

Da exempla Adverbiorum, quæ falsò putantur regere Ablativum.

Procul mari, procul patriâ, procul dubiò. Sed hi ablativi reguntur à suppressa præpositione à. *Quantò doctior, tantò melior.* Hic subauditur à negotiò: nam eò, quò, tantò, quantò, multò, paulò, sunt nomina sexti casus. Sicut *Multis rebus te melior*, significat à multis rebus, quod ad multas res attinet, similiter à multò negotiò, vel multò negotiò, & per duplicem Ellipsin multò melior rectè dicitur: quò ipso sensu dici potest, *Multum melior*, pro, in multum negotium, sicut *Plinius: Columbarum volatus in multum velocior*, pro, à multò, vel multò velocior. Et *Livius: Forma viri aliquantum amplior humanâ*, pro, in aliquantum, ab aliquantò, aliquantò. *Dictys 2. de bellò Trojanò: Nostros multorum dierum navigatione in aliquantum exhaustos.* Versus naturâ participium est, usurpatione Adverbium. *Currius extremò l. 7. Duo oppida ad meridiem versa quatuor spectantia orientem. Cæsar. 7. bell. Gall. Castra movet in Arvernos versus. Liv. 2. In lapide ad meridiem versus confedit.*

DE SYNTAXI CONJUNCTIONIS.

Quæ sunt Regulae de Concordiâ Conjunctionis?

Prima.

Etsi, etiamsi, quamquam, ni, nisi, si & siquidem, promiscuè cum primis & secundis verbi temporibus consentiunt, id est, cum Indicativò, Optativò, & Subjunctivò, ut *Etsi vereor. Quamquam conspectus vester mihi est jucundissimus. Tametsi vicisse debeo, tamen de jure meo decedam. Præposteros habes tabellarios, etsi me quidem non offendunt, sed tamen, &c. Quamquam*

apertè Volcatio assentirentur. Quare velim, etsi (ut spero) te hæc legente aliquantulum viæ processero, tamen obvias mihi literas mittas. Etiam si quod scribas, non habebis, scribito tamen. Omnia breviora tolerabilia esse debent, etiam si maxima sint. Nisi restituisent statuas, vehementer his minatur. Ortum amicitiae videtis, nisi quid adhuc forte vultis. Ni sequitur, pugnos iungere. Patam beatus, ni unum desit. Si illam relinquo, ejus vitæ timeo. Tu si hic sis, aliter sentias. Herus si redierit, molendum in pistrinò. Qui istuc scis, nisi periculum feceris. Siquidem atrocius est patriæ parentem, quam suum occidere. Siquidem mihi regnū deus, numquam id potius persequar. Plaut. Pœn. a. i. f. 2. Siquidem ante mentitus sit, nunc autem dehinc erit tibi verax.

Secunda.

Quom aut quum aut cum, tempus aut causam significans, primis & secundis temporibus convenit, ut Cum lego, cum legami: cum legebam, cum legerem: cum legi, cum legerim: cum legeram, cum legissem: cum legam, cum legero. Multa tibi dii dent bona, cum me saluum esse vis. Laudo te, cum id das operam, ut doctus evadas. Gratulor tibi, cum tantum vales apud Principem. Cum animum ejus à me alienum sentiam, cur ad eum accedam. Anni plures sunt, cum hoc accidit. Sciendum tamen quom natura sua esse nomen accusativi casus à quis, velut in Annotationibus in Paradigmata monui.

Tertia.

Quod, si vè causam reddat, si vè cum reliqua oratione accusativi vim habeat, promiscuè primis & secundis temporibus convenit. Causam reddit in istis: Idcirco turpis hæc culpa est, quod duas sanctissimas res violat, id est, quoniam violat. Mihi quod defendissem
ejus

eius inimicum, leniter succensuit. Accusativi verò cum reliquâ oratione vim habet hõc modò. Plaut. Scio quòd *filius meus amet*, pro, scio *filium meum amare*, scio *amorem filii mei*. Idem: Scio quòd *dictura es hanc esse pauperem*, pro, scio *te dicturam esse*. Cicero: Cùm scripsisset quòd *me cuperet ad se venire*, pro, scripsisset *se cupere me venire*. Livius. Non ignoratis, quòd duo *sulmina domum meam perculerint*. Fuscus Arellius apud Senecam, Probabo, quòd *non sit pudica*, pro, *non esse pudicam*: quod loquendi genus velut lectius & elegantius veteres magis probarunt. Sciendum tamen est quod ex natura sua semper nomen relativum esse, sicut & *quom* seu *cum*, in iisque præpositionem subaudiri, cum usu fiunt particulæ, quasi sit, *Ad* vel *ob id* nomen seu negotium quod: *Ab* eo vel *ex* eo nomine, seu negotio quod.

Quarta.

Quia primis & secundis temporibus convenit, ut: *Eo ferox es, quia imperium habes in belluas*. *Illum nunc amo, quia non adest*. *Nemo est, qui dolorem ipsum, quia dolor sit, amet*.

Quinta.

Quoniam, primis & secundis temporibus convenit, ut: *Quoniam quæ nos scribimus, te delectant*. *Quoniam id quod vis fieri non potest, velis id, quod passit*. *Quoniam ipse venire non posset, fratrem misit*, pro, *quoniam non poterat*. Est autem *Quoniam*, usu factum unum vocabulum, cum prius essent duo: *Quom jam*, sive, *Cum jam*.

Sexta.

Quin, pro *ut non*, semper secundis temporibus convenit, ut: *Dies nullus est quin domum meam veniat*.

Facere non possum, quin ad te mittam. Numquid causæ est, quin te in pistrinum condam. Factum est autem quin ex qui ne, pro, qui non, seu quo non, quò modò non, cur non.

Quæ est regula Rectionis Conjunctionum?

Conjunctiones copulantes & disjungentes, item *an, nisi, quam*, ad eandem vocem relatæ, vi vocis illius adiscunt sibi casum præcedenti expresso aut suppresso similem.

Da exempla Casus expressi.

Mittam vel Antium vel Circaos. Hic conjunctio disjungens relata ad vocem *ad*, vi illius vocis regit accusativum: nam integra oratio est: *Vel ad Antium, vel ad Circaos. Parum confidis aut liberalitati meæ; aut amicitie nostræ.* Hic conjunctio regit dativum vi verbi *confidis*, cui dativus jungitur, quasi esset: *aut confidis amicitie. Et decretis & responsis Caesaris interfuimus.* Hic conjunctio copulans regit casum vi verbi *Interfuimus*, quasi esset: *Interfuimus decretis & interfuimus responsis. Homo antiquâ virtute & fide, pro, cum virtute & fide. A nullo probari malo, quam à te, pro, quam probari à te. Quem Senatus, nisi me, nationibus commendavit? Refert qui audiant, Senatus, an populus, an judices.*

Da exempla casus suppressi.

Malo Panormi, quam Syracusis esse, pro, in urbe Panormi, quam in Syracusis. Emi drachmâ & pluris, pro, emi pro drachmâ & pro pluris æris pretiò. Domi quam rure esse malo, pro, malo esse in ædibus domi, quam in rure.

DE SYNTAXI INTERJECTIONIS.

Qualis est Syntaxis Interjectionis?

Interjectionis nulla est Syntaxis, id est, nec concordia ulla, nec rection, quoniam cum cæterâ oratio-

oratione non coheret, sed tantum ad significandum quemdam animi motum interponitur, qui motus facit, ut sæpe verba ad orationis integritatem necessaria supprimantur, ut *O vir fortis*, pro, *O quam es vir fortis?* *O me miserum*, pro, *O quam miserum me sentio.* *Væ tibi*, subaudi *fit.* *Væ te*, subaudi, *maneat:* nisi tamen *te* pro *tibi*, sicut *me* pro *mibi* positum arbitramur, quod veteres consuevisse Festus & Donatus testantur. *Hei*, vel *Heu mihi!* subaudi, *est.* *Proh dolor*, id est, *proh quantus mihi ex eo dolor est!* *Proh Sancte Jupiter!* id est, *proh fidem tuam imploro Jupiter!*

D E

SYNTAXI IRREGULARI

Seu Figurata.

Quid est Syntaxis Irregularis seu Figurata?

Est compositio inter se partium orationis consentanea consuetudini beneloquentium, etsi à regulis Syntaxeos alienior.

Quotuplex est Syntaxis figurata?

Duplex: *Vernacula* scilicet seu *Domestica*, & *Peregrina*, seu *Transmarina*, aut *Græcanica*, quæ *Hellenismus*, vel *Græcismus* dicitur.

Quid est Syntaxis Figurata Vernacula?

Consentanea nativæ Romanorum consuetudini, quam penes arbitrium est, & jus, & norma loquendi. Itaque qui sequitur regulas neglectâ consuetudine, loquetur Grammaticè, sed non Latinè: qui verò sequitur consuetudinem neglectis licet regulis, loquetur Latinè.

Quotuplex est Syntaxis Figurata Vernacula?

Quadruplex: nam artis regulæ negliguntur vel per *Exsuperantiam*, cum aliquid in oratione superat vel superfluit, diciturque *Pleonasmus* aut *Parecon*:
vel

vel per *Defectum*, cum aliquid in oratione deest, diciturque partim *Ellipsis*, partim *Zeugma*: vel per *Discordiam*, cum in oratione dissensus est, diciturque *Syllepsis*: vel per *Ordinem* inversum seu turbatum, diciturque *Hyperbaton*.

DE PLEONASMO.

Quid est Pleonasmus vel Parelcon?

Est figura Latine consuetudinis, per quam aliquid ad legitimam constructionem additur, sive superest, vel abundat, ut: *Agedum, agesis, dicdum, dicfis, itera dum, pro, Age, dic, itera. Commigravit huc viciniæ. Proximè viciniæ habitat.* In his abundat vox viciniæ. Ita supervacui & otiosi sunt genitivi in istis: *Interea loci, ubi locorum, longè gentium, nusquam gentium, minimè gentium, ubique terrarum, tunc temporis.* Ejus, abundat in hoc, *Quoad ejus fieri potest.* Magis, parelcon & otiosum est in istis: *Magis beator, magis major.* Et potius cum *malle.* Cic. *Casum potius, quam te laudari mavis.* Tandem, supervacuum est in istis: *Nimis iracundè hercle tandem, heus tibi dico tu.* Itane tandem uxorem duxit *Antipho?* Pleonasmus etiam est cum simul in eadem periodo ponantur, *Sic ut. sic: sicut, ita: similiter, itidem, ut: prius, antequam: postquam, post. præterquam, præterea. tamenetsi, seu tamenetsi, tamen. si, quando. ubi, quando. ergo, igitur. itaque, ergo. en, ecce. post, deinde. extemplo, simul. saltem, modò. quia, enim: quippe, quia. quidem, certè. olim, quondam. totus, perpetuus. universi, omnes. ambo, duo. quod in idiotissimo Italico hæsit.* Plaut. Amph. act. 3. sc. 3. *¶ Jam hi ambo servus & herus frustra sunt duo.* Etiam is abundat in hoc Pæn. act. 5. sc. 2. *Pater tuus is erat frater patruelis meus, pro quo aliter recte dicas: Pater tuus idem erat frater meus.* Sin minus est Pleonasmus, nam *Minus est non, & Sin est*

Si non. Ideo per Pleonasmum dicitur, cum eo per Ellipsin dicatur, pro eò nomine. Pleonasmus est Atque ut in comparatione parium. Plaut. Milit. Simile somnium somniavit, atque ut tu suspicatus es.

DE ELLIPSI.

Quid est Ellipsis?

Est figura Latinæ consuetudinis, per quam ad legitimam constructionem deest vocabulum unum aut plura.

Quotuplex est Ellipsis?

Quadruplex: Alia scilicet est *Nominis*, alia *Verbi*, alia *Præpositionis*, alia *Adverbii & Conjunctionis*.

ELLIPSIS NOMINIS.

Quotuplex est Ellipsis Nominis?

Duplex: nam vel *Idem* nomen deest, vel *Aliud*.

Qualis est Ellipsis cum deest Idem nomen?

Idem nomen deest, si post verbum substantivum (*Sum, es, est*) sequatur adjectivum aut genitivus, ut: *Hoc est pecus regium* vel *regis*. Deest idem nomen *pecus*, quod prius erat positum: integra enim oratio secundum regulas est, *Hoc pecus est pecus regis* vel *regium*.

Quotuplex est Ellipsis cum deest aliud Nomen?

Duplex: nam deest vel *Cognatum* nomen, vel *Alienum*.

Quotuplex est Ellipsis Nominis Cognati?

Duplex: nam deest vel *Nominativus cognatus*, vel *Accusativus cognatus*.

Ubi deest Nominativus Cognatus?

In verbis illis, quæ ineptè vulgo *Impersonalia* vocantur, ut: *Curritur, sedetur, statur, vivitur, evenit*:

nam

nam deest ac subauditur, *cursus*, *sessio*, *status*, *vita*, *eventus*. Sic *Pluit*, *pluvia*: *Ningit nix*: *lucescit lux*: *Miseret miseratio*: *tædet tedium*: *pudet pudor*: *piget pigritia*: *pœnitet pœna*.

Ubi deest Accusativus Cognatus?

In verbis activis, quæ imperitè vulgo *Neutra* aut *Absoluta* dicuntur, ut: *Vivo*, deest *vitam*: *curro*, *cursum*: *sedeo*, *sessionem*: *ambulo*, *ambulationem*: *servio*, *servitutem*: *certo*, *certamen*. *Eo iter* sive *itum*.

Quotuplex est Ellipsis nominis Alieni?

Duplex: *Solitarii* scilicet & *Confociati*: nam vel unum solum nomen deest, vel cum nomine aliæ simul voces.

Quotuplex est Ellipsis nominis Solitarii?

Duplex: *Suppositi* scilicet & *appositi*, sive *precedentis* & *consequentis*.

Quotuplex est Ellipsis nominis Suppositi?

Triplex: *Nominis* scilicet, *Verbi* & *Præpositionis*: nam nomen quod deest, vel nomini, vel verbo supponitur, vel præpositioni.

Quotuplex est Ellipsis in quâ deest suppositum Nominis?

Duplex: nam vel *nominis regentis suppositum* deest, hoc est, *Substantivi*, vel *nominis concordantis*, hoc est, *Adjectivi*.

Qualis est Ellipsis in quâ deest Suppositum Substantivi?

Ædes, deest cum dicimus *domi*: nam hic genitivus *domi*, supponit nomen substantivum *ædes*, à quò regitur. *Plautus Casin. Insectatur omnes per ædes domi*. Nempe *domus* totum est, *ædes* verò, pars *domi*, seu *domus* ædificata & conclavibus distincta. Igitur *est domi*, significat, *est in ædibus domi*, sicut *jacet humi*, pro, *in terrâ humi*.

Causâ, vel *gratiâ*, vel *ergo*, deest in hoc *Sallustii*: *Exercitum opprimendæ libertatis habet*. *Ovid. Successorumque Minervæ indoluit*. *Liv. Pestilentia aliarum rerum*

rerum otium præbuit, id est, quod ad alias res attinet.

Cicer. Sanè ceterarum rerum paterfamilias attentus.

Sic Miser animi, integer vitæ, cupidus vini, peritus juris, subaudi causâ. Est autem Animi causâ, idem ac, quod ad animum attinet.

Copiâ, deest in his: Eges Medici. Abundas pecuniarum.

Virgil. Non est te fallere cuiquam, subaudi, copia, à quò nomine regitur fallere, quod pro nomine genitivi casus ponitur.

Crimine vel actione deest in verbis accusandi, damnandi aut absolvendi, ut: Furti damnatus. Repetundarum postulat. Cædis absolutus.

Memoria vel recordatio vel meminisse, deest in his: Memini illius rei. Venit mihi in mentem illius rei. Oblitus meorum, ubi subaudi, oblivione.

Negotium, vel res, deest in hoc: Dedit mihi mille nummum. Unò mille nummum lucratus est decem millia, pro, unò negotiò mille nummorum: nam Mille semper est adjectivum pluralis numeri, sicut decem & centum. Non est mihi opera, subaudi, res, pro, non est mihi opera, quam tibi dem, sum occupatus. Laboris est hoc præstare, subaudi res. Satis eloquentiæ, sapientiæ parum. Quid rei, pro, quid negotium rei. Compendi facere, lucri facere, subaudi, rem.

Officium, deest in istis: Pauperis est numerare pecus. Adolescentis est majores natu revereri.

Opus, deest in his: Hoc non solum laboris, verum etiam ingenii fuit.

Solum, deest in istis: Terræ defigitur arbor. Procubuit terræ. Arbores humi arenosò genita, pro, in solò humi arenosò.

Tempore, deest in Domi, bellicque, nam hic domi significat pacis & otii.

Terra, deest in hoc: Facet humi, pro, in terrâ humi: nam terrâ in aquam & humum dividitur à Varone. Egypti occisus est, subaudi, in terrâ.

Urbs, deest in hoc: Natus Roma, pro, in urbe Roma.

Roma, vel etiam *in loco Romæ*. Virgil. *Hic locus urbis erit*, pro, *hic urbs erit*.

Uxor, deest in his : *Terentia Ciceronis, Catonis Martia*.

Quotuplex est Ellipsis, in quâ deest Suppositum Adjectivi?

Duplex : nam deest suppositum adjectivi vel *Absoluti*, vel *Relati*.

Quotuplex est Ellipsis, in quâ deest Suppositum Adjectivi Absoluti?

Duplex : *Apertior* scilicet & *Tectior*. *Apertior* est, in quâ adjectivum nullum omnino substantivum expressum habet. *Tectior*, in quâ adjectivo suppositum quidem est nomen substantivum ; sed tale, cujus generi terminatio adjectivi minimè congruat.

Ellipsis apertior, in quâ Adjectivum nullum omnino Substantivum expressum habet.

Æs deest in istis : *Parvi facio. De meò* : nam integra oratio est : *Parvi æris facio. De meò ære*. Sic *Ratio accepti & expensi*, subaudi, *æris*.

Annis, vel *aqua* deest in *confluens, torrens, fluvius & fluvia*, quæ sunt adjectiva, sicut & in *pluvia* deest *aqua*.

Anguis, vel *bestia*, deest in *serpens*, quod est adjectivum.

Animi deest in *hòc* : *Rogo te ut boni consulas*, hoc est, *ut judices & statuas rem hanc esse boni animi*, vel *ab animò bonò proficisci. Æqui bonique facio*, hoc est, *facio hoc esse hominis; sive animi æqui & boni*.

Aqua, deest in *piscina*, quod est adjectivum, & in *pluvia*.

Ars, vel *scientia* deest in *Medicina, Musica, Dialectica, Rhetorica, Fabrica, &c.* quæ sunt adjectiva.

Avis, deest in *ales, præpes, volucris*, quæ sunt adjectiva.

Bestia, deest in *serpens, animans, quadrupes, fera*.

Bos deest in *juvencus*.

Canis,

Canis, deest in *moloſſus*, *Lacon*, *Melitæus*.

Carcer, priſcè neutrum, deest in *Tullianum* & *Piſtrinum*.

Caro, deest in *bubula*, *agnina*, *ſerina*, *caprina*, *ovilla*, *ſuilla*.

Caſtra, deest in *ſativa*, *hiberna*.

Cervus, deest in *ferus*. *Virg.*

Cibus, deest in *diurnus*, *diarius*, *demenſus*.

Cælum, deest in *ſerenum* & *purum*.

Corona, deest in *laurea*, *civica*, *muralis*, *obſidionalis*. In *ſertas*, ſubaudi *coronas*, in *ſerta*, *coronamenta*.

Conſilium, deest in *propoſitum*, *arcanum*, *ſecretum*.

Culmen deest in *tectum*, cum pro domo ponitur.

Culpa deest in *noxia*, quæ eſt adjectivum. *Noxa*, ſubſtantivum, pro nocumẽto ſeu damno.

Dii, deest in *Superi*, *Inferi*, *Manes*: nam *Manes* lingua Sacrorum dictum eſt, pro *Mani*, id eſt, *Boni*, ſicut *Porci Sacres*, pro *Sacri*.

Dies, deest in *Natalis*. *Perendinum*. *Plaut. Trinum*. verſ. ult. *Tu in perendinum paratus ſis ut ducas*.

Domus, deest in *Regia* & *Baſilica*.

Equus, deest in *ſerui*, *ſonipes*, *quadrupes*.

Fabula, deest in *prætecta*, *tozata*, *palliata*.

Faſta, pro reſt ſeu negotia, deest in hoc *Plautino*: *Mira ſunt, te hic ſtare*.

Fames, deest in *milvina*. *Plaut. Menæch. a. i. ſ. 3.* *Quæ mihi appoſita milvinam ſuggerant*.

Febris, deest in *quartana*, *tertiana*, *quotidiana*.

Finis, deest in *hactenus*, *quatenus*: nam integra oratio eſt: *Hæc ſine tenus*, pro, *uſque ad hanc finem*, ſivè *ad hunc terminum*. *Lumborum tenus*, ſubaudi *ſine*.

Fodina, deest in *Auraria*, *Argentaria*.

Frater, deest in *germanus*, *patruelis*, *uterinus*.

Frenus vel *frenum*, deest in *lupatus* & *lupatum*.

Fruſtus, deest in hoc *Varronis. i. ruſt. 44.* *Ex eodem ſemine alicubi cum decimo redit, alibi cum centeſimo: id eſt, decuplum, centeſimum naſcitur*.

Fruimenta, deest in *sata*, & *fruges*, in *sate*.

Funera, deest in *iusta*, *suprema*, *solemnia*.

Funis, deest in *rudens*, quod est adjectivum seu participium à *rudere*. Et in *Stupea*.

Homo, deest in *nemo*, quod est adjectivum omnium generum. *Tu es miser*, pro *tu es homo miser*. *Cicero est Romanus*, pro *homo Romanus*. Sic in *Amicus*, *familiaris*, *liber*, *servus*, *tabellarius*, *nuncius*, *socius*, *rivalis*, *maritus*, *adolescens*, *juvenis*, *subaudi*, *homo*. *Magnates*, *optimates*, *maiores*, *minores*, *ceteri*, *mortales*, *Itali*, *Galli*, *subaudi homines*.

Hora, deest in *quota*, *prima*, *tertia*.

Horologium, deest in *solarium*.

Jaculis, deest in hoc Virgil: *Missilibus certant*.

Ilia, deest in *intestina*.

Judiciò vel *jure* deest in *falsò* & *meritò*, quæ sunt nomina adjectiva.

Jus, deest in *augurium*, quod est adjectivum ab *augur*.

Lapis, deest in *molaris*.

Liber, deest in *annalis* & *diurnus*.

Libelli, deest in *pugillares*, *eborci*, *duplices*, *triplices*.

Lineas, deest in isto: *Ad incitas redactus*, id est, *ad ultimas lineas* in ludò XII. scruporum, in quibus scrupi seu calculi porro moveri nequeunt, & ob hoc *inciti* dicuntur, id est, *immobiles*: nam *cio* est *moveo*.

Litera, deest in *vocalis*, *consonans*, *muta*, *liquida*.

Literas, deest in hoc Cicer: *Triduò abs te nullas acceperam*. Et Plaut. Merc. *Hodie in ludum ocepi ire literarium*: *ternas scio jam*, A, M, O. Ubi verè ridiculè Emmanuel Alvarez ternas verborum conjugationes significari putat. Scilicet puer primà die in ludò ternas conjugationes discet.

Locus, deest in istis: *Hic senex de proximò*, ab *humili ad summum*, *subaudi locò*. *In mediò*. *Con-*
vene-

venerant in unum. Exilit in ficcum, subaudi, Locum, quod priscis neutrum erat à quò loca, deest in Æstiva, hiberna, rosaria, pomaria, supera, infera, inferna, secreta, subaudi, loca. In illis, quæ male pro adverbiiis habentur, Primò, secundo, quartò, postremò, deest locò.

Ludi, deest in Circenses, Megalesii, sæculares, funebres.

Lychnus, deest in Cereus, Fumalis, Cebaceus.

Mare, deest in his: Terris jactatus & altò. In aliò periit. In tranquillò quilibet gubernator esse potest. Carula verrunt.

Mensa, deest in Delphica.

Mensis, deest in Januarius, Aprilis, Majus, October, December, &c. quæ sunt adjectiva.

Milites, deest in triarii, hastati, pilati, sagittarii, peltati, cetrati, velites.

Modò deest in his: compositò, vel Ex compositò factum est. De compactò, vel Ex compactò res geritur, id est, eòmodò, quem inter se composuerunt, vel compacti sunt. Deest etiam in perpetuò, certò, secretò, & similibus. Plautus enim eadem scenà 1. act. 3. Mostel. promiscuè dicit: Metuo ne perpetuò perierim. Et, Perii in perpetuum modum. Quò pactò istud fiet. Qui fieri potest: nam qui est quò. Cum eò, pro, cum eò modò, cum hac conditione, sic.

Modum, deest in numero per Præpositionem ad expressò Cæsar. 2. bell. Gall. Occisus ad hominum millibus quatuor, reliqui in oppidum rejecti sunt.

Morem vel ingenium, aut institutum, deest in hóc Plauti: Antiquum obtines hoc tuum, tardus ut sis. Et Terent. Non cognosco vestrum tam superbum.

More, deest in hóc Plauti Pseud. a. 4. s. 7. Uncti sunt hi senes, fricari se ex antiquò volunt.

Mulier, deest in meretrix. Plaut. Stich. a. 5. s. 5. Nimioque sibi mulier meretrix repperit odium citius. Merc. a. 4. s. 1. Mulier meretrix est intus in ædibus.

Navis deest in celox, *liburnica*, *pratoria*, *rostrata*, *trimis*.

Negotium, id est, *res*, deest in omni adjectivô neutrali, cui nullum substantivum sit adjunctum, nec ullum aliud adjungi possit, ut : *Aliena curare*. *Triste lupus stabulis*. *Malum videtur esse mors*. *Strata viarum*. *Abdita rerum*. *Opaca domorum*. *Pessima munerum*. *Beata Seraphim*, subauditur, *negotia*. Porro *Negotia viarum, rerum, domorum*, Græcô more significat *vias, res, domos*. *Dulce ridet*. *Lucidum fulgent oculi*. *Turbidum latatur*, subaudi, *negotium*. *Mea interest*, pro, est inter mea *negotia*, pertinet ad mea *negotia*. *Refert mea*, pro, affert, importat, sive apportat ad mea *negotia*. *Omnia sunt hominum tenui pendencia filo*, pro, omnia *negotia*, omnes *res*. *Actum est*, subaudi *negotium*. Deest quoque *negotium* in illis, quæ vulgô adverbia putantur. *Multum, plurimum, plus, melius, pejus, brevius, doctius, eô, quô, tantô, quantô, multô, verô, falsô, &c.* in quibus præterea præpositio *a, ad, ex* vel *in* subauditur. *Paucis est quod te volo*, pro, est *negotium*, propter quod paucis alloqui te volo. *Non est quod vereare*, pro, non est *negotium* propter quod vereare. *Si est ut facturus sit officium*, pro, si ita est *negotium*, si ita *res* se habet. *Non est ut possit tibi plus dari*, pro, non est ita *negotium*, *res* ita se non habet. Etiam in *Hoc, id, quid, aliquid, nihil*, subaudis, *negotium*. Nomen pro causa cum aliquâ præpositione deest in *id, quid, eô, quô*. Plaut. Amph. *Id huc reverti ut me purgarem tibi*, pro, ob id nomen, sive eam causam. Ibid. *Cur dixisti, inquires non quô te esse impudicam crederem*, pro, non ab eô nomine, quô crederem, sive non ob id nomen, ob quod crederem. Et Aul. *Aurum me scit habere, eo me salutat blandius*, pro, ab eo nomine. Cic. 14. famil. ep. 7. *Ego eo nomine sum Dyrachii, ut quam celerrime quid agas, audiam*. Terent. Eun. a. 5. s. 7. *Nunc id prodeò, ut conveniam Parmenonem*, pro, ad id modi, vel ob id nomen.

Nummus

Nummus vel *numerus*, deest in *quinarius*, *denarius*.

Etiā in *Sestertii* subauditur *nummi*.

Nux, deest in *avellana*, *juglans*, *pinea*, *persica*, *castanea*.

Oculus, deest in *limis* adspicere.

Officina, deest in *fabrica*.

Officium, deest in istis: *Mentiri non est meum*. *Regium est benefacere*.

Opera, deest in *Bucolica*, *Georgica*, *Rhetorica*.

Oratio, deest in *Prosa* seu *Prorsā*, quod valet *Recta*, cui opponitur *Versa*.

Ostium, deest in *posticum*.

Oves, deest in *bidentes*, *fætās*.

Pars, deest in *antica*, *postica*, *decima*, *quadragesima*, *pro virili*, *primas* vel *priores* alicui deferre. *Quā*, subaudi *parte*. Horat. *Quā parte debacchanur ignes, quā nebulae*.

Pecunie, deest in *repetundarum* & *repetundis*.

Pedatō, vel *pedatu*, deest in *primō*, *secundō*, *tertiō*, quæ malè adverbia putantur. Significat autem *primā*, *secundā*, *tertiā* vice.

Pede, deest in hōc: *Ædes quæ planō adeuntur*.

Premium, deest in *Corollarium*.

Principium, vel *primordium*, vel *ixitium* vel *ortus* deest in *primum* & *primō*, ubi etiam præpositio *ad* vel *à* subauditur.

Pretium, deest in *magnō emere*. *Magni mihi sunt literæ tuæ*. *Hoc magni refert, parvi refert*.

Puer, aut *puella*, deest in *infans*, *à parvulō*, *exoletus*, subaudi, *puer qui olescere*, id est, *crescere desit*.

Rastrus, deest in *bidens*, *tridens*, *quadridens*.

Ratio, deest in *expensa*, *impensa*, *summa*, *ad summam*.

Res, deest in *Esca*, quod est adject. ab *Esfi*, sive *Edi* factum, quasi, *Effica*, sive *edilis*, aut *effibilis*, *comedibilis*. Hoc apparet ex compositō ejus *vescus*, *a, um*. Similiter in *adulia*, subauditur *negotia*, pro quō veteres libri habent *Edilia*, quasi, *comedi-*

medibilia. Etiam in istis: *Virtus est laudanda. Mors est bona. Satin salvæ?*

Reliquiæ, deest in *parietinæ*, quod est adjectivum à *paries*, sicut ab *aries*, oraculum *Arietinum*, id est, *Jovis Ammonis*, qui caput habebat cum cornibus arietis.

Rus, deest in *pascuum*. *Lucr. Pascua rura. Plaut. Truc. a. 1. l. 2. vers. 47. Non arvus hic, sed pascuus est ager. Ergo & Arvum est adjectivum in quò rus subauditur.*

Sacra, deest in *Saturnalia, Bacchanalia, Liberalia.*

Seçtura, deest in *Ternaria.*

Securis, subauditur in *bipennis.*

Servus, deest in *Vicarius, ostiarius, mediastinus.*

Sermo vel rumor, deest in *nuncius*, quod est adjectivum, diciturque *nuncius homo, nuncia fama*, vel *vox nuncium verbum* sive dictum.

In neutro *sestertium* deest aliquod substantivum, quod significet eandem drachmarum seu denariorum quantitatem, quæ est *Mina*, puta centum drachmarum: Ita *Mina Sestertia* rectè dicetur, *Mina pondus sestertium*, pro, 25 *drachmis auri*, quasi esset, *Pondus semitertium*, id est, *minæ duæ & dimidia. Sestertius* Germanicè est *eindrithalber.*

Sestertia eindrithalbe. Sestertium eindrithalbes ut

Sestertium milliare, id est, *duo milliaria & dimidium.*

Sestertium bipalium apud *Columel. de arbor. c. 1.*

Sinus; deest in *Tarentinus, Puteolanus.*

Sol, deest in *Oriens, Occidens. Die crastini, die septimi, subaudi, solis.*

Spatium, deest in hòc *Virgil. In mediò mihi Cæsar erit.*

Sponde, deest in *Suapte*, apud *Catullum.*

Stabulum, deest in *bubile, equile, suile*, quæ sunt adjectiva, adeòque *bubilis, equilis, suilis*, dici potest subaudiendo, *caula.*

Stipendia, vel *æra*, vel *alimenta* deest in istis: *Ex schola quadringenta annua capit. Sunt qui tortoribus annua præsent.*

Stridor,

Stridor, deest in *sibilus*, quod est adjectivum.

Stuprum, vel *flagitium* deest in *incestum*, quod est adjectivum.

Tabellæ, deest in *eboræ*, *citrea*, *duplices*, *triplices*, *laureatæ*, *pugillares*, pro quibus Catullus, *Pugillaria* dicit, subaudiendo *ligilla*, *schedia*, vel aliud quid.

Taberna, deest in *Medicina*, *Sutrina*, *Textrina*, *Tonstrina*, *Fabrica*, *Salina*, *Laniena*, *Carnificina*. Sunt enim ista omnia adjectiva.

Tegmen, deest in *lacunar*.

Tempus, deest in istis, *Serum est*. *Ex illò*. *Ex quò*.

Hornò: *Brevi senties*, subaudi, *tempore*. Sic *Serò sapiunt Phryges*. *Optatò advenis*. *Non ignara futuri*, subaudi, *temporis*, *in perpetuum*, *in æternum*, *in posterum*, *in futurum*. *In præsens*, per *sudum*, cum *sudum* erit, sub *obscurum*, *adhuc*, subaudi, *tempus*: nam *prisci hoc & huc dicebant*. *Hoc noctis*. *Id ætatis*, subaudi, *tempus*. *Postea*, *præterea*, *antea*, *antehac*, *posthac*, subaudi, *tempora*: nam *hac pro hæc dicebant*.

Terra, deest in *Patria*, *continens*.

Toga, deest in *prætexta*.

Vaccæ, deest in *juvenca*.

Vada, deest in hoc Virgil. *In brevia & syrtes urget*.

Vasa, deest in *stictilia*, *crystallina*, *vitrea*, *atramentaria*.

In *Salinum* deest *vas*.

Velum deest in *liniteum*. Catull. Car. 6. *Phaselli laud*.

Sive palmulis opus foret volare, sive linteo.

Ventus, deest in *Africus*, *Favonius*, *Subsolanus*.

Verba, deest in his: *Quid multa? Paucis te volo*. *Dictum sapienti sat est*.

Vestes, deest in *sericæ*, *bombycinæ*, *undulatæ*, *Coæ*.

Via, deest in istis: *Cur non recta introibas?* *Hac illac circumcurfa*.

Vicibus, deest in *Alternis*. Seneca: *Non sit multiformis alternis Vatinius, alternis Cato, sed perpetuò sui similis*. *Idem: Alternæ inter cupiditatem & pœnitentiam nostram vices sunt*.

Vinum deest in *mustum*, *merum*, *salernum*, *massicum*, quæ sunt adjectiva.

Vir vel *uxor*, deest in *conjug*, *maritus*, *marita*. In *Majores*, *optimates*, *magnates*, *primates*, subaudi *viri* vel *feminae*.

Virga, subauditur in *rudis*, ut *Rudem* accipere, *rude* donatus.

Urceus, deest in *aqualis*.

Usura, deest in *centesima*, *dextantes*, *besses*, *semisses*.

Ellipsis Tectior, in quâ adjectivum habet quidem substantivum, sed genere discrepans.

Arbor, deest in appellationibus arborum cum adjectivô fæmininô positarum, ut *Laurus*, *patula fagus*, *tarda morus*, *fructuosa malus*, *confita pomus*: nam ista omnia per regulam terminationis sunt generis masculini. Ergo in his est Syntaxis figurata, cum desit nomen substantivum *Arbor* cum adjectivô concordans. Sciendum est autem in his & multis aliis plus consuetudini, quam arti serviendum, & figuratâ, quam regulari syntaxi utendum esse.

Fabula, deest in *Comædiarum* & *Tragediarum* titulis cum adjectivô fæmininô positis, ut *Terentiana Eunuchus*.

Florem, deest in hoc *Virgilii*: *Crocumque rubentem*: nam *Crocum* ex terminationis regulâ neutrum est.

Famina, deest in animalibus, quæ sunt sexus fæminini, sed nomen habent terminationis masculinæ, sicut *Mas*, deest in iis, quæ sunt sexus masculini, sed nomen habent terminationis fæmininæ. In *leo* pro *leena*, deest *famina*. Sic *Elephantus gravis*. *Porcus obesa*. Hæc *bos*, hæc *homo*, hæc *aquila*, hæc *anguis*, hæc *ovis*, hæc *canis*, hæc *testis*, hæc *civis*, hæc *sacerdos*, hæc *vates*, hæc *miles*; In his omnibus deest, *Famina*. Hic *bos*, hic *homo*, hic *aquila*, hic *anguis*, hic *ovis*, hic *canis*, hic *testis*, hic *civis*, hic *sacerdos*, hic *vates*, hic *miles*; In his omnibus deest *Mas*.

Herba,

Herba, deest in appellationibus herbarum cum adjectivô fæmininô positis, ut: *Dictamnium pota pel- lit sagittas. Centunculus trita in aceto*: nam per regulam illud neutrum, hoc masculinum est.

Insula, deest in nominibus propriis Insularum cum adjectivô fæmininô positis, ut: *Latonia Delus, Phæbeja Rhodus*.

Mons, deest in nominibus propriis montium cum adjectivô masculinô positis, ut: *Altus Ossa, præ- altus Ida, ignivomus Aetna*.

Oppidum, deest in nominibus propriis urbium cum adjectivô neutrali positis, ut: *Argi aptum equis. Altum Præneste. Tybur superbum*.

Sinus, deest in nominibus propriis finuum cum adjectivô masculinô positis, ut: *Sævus Hadria*.

Urbs, deest in nominibus propriis urbium cum adjectivô fæmininô positis, ut: *Barbara Narbo, magna Mediolanum, deleta Corinthus*: nam ex regula terminationis *Narbo & Corinthus* sunt masculini, *Mediolanum* verò neutri generis.

Qualis est Ellipsis, in qua deest Suppositum adjectivi Relati?

Homo aliquis, deest in istis: *Est qui dicat. Sunt qui affirmant. Sunt quos arma delectant*.

Idem, deest in hoc Plinii: *Equo ferè, qui homini, morbi: pro, iidem ferè. Tarando magnitudo, quæ leoni, pro, eadem quæ*.

Is, quod significat *talis aut tantus*, deest in isto: *Homo improbus, sed cui paucos ingenio pares invenias*.

Quotuplex est Ellipsis, in qua deest Suppositum Verbi?

Duplex: nam vel *Finiti verbi*, vel *Infiniti Suppositum* deest.

Qualis est Ellipsis in qua deest Suppositum verbi Finiti?

Ego, tu, ille, deest in verbis, *Amo, amas, amat*. Fert autem consuetudo eleganter loquentium, ut verborum primæ & secundæ personæ supposita per

Ellipfin semper ferè omittantur, nisi cum diver-
 sitas aliqua significanda est, ut: *Tu legis, ego au-*
dio. Alioquin secundum regularem Syntaxin
 Grammaticè, sed minus Latinè dicitur: *Quid tu*
facis? Ego quiesco. Virg. *Hunc & nymphæ venera-*
mur: subaudi, Nos entes, hyc, nos quæ sumus nymphæ.
Homines, deest in ajunt, ferunt. Lucr. *Nemo animi*
fallit.

Libido, vel cura, vel animus deest in hõc Virgil. Nec
fit mihi credere, pro, nec mihi libeat credere. Propert.
Nec tibi sit duros montes & frigida saxa adire, pro, ne
velis adire.

Potestas, deest in istis: Videre erat Tityum. Fame ne-
catur: aliter non est occidere.

Ratio, vel Mens, deest in hoc Catulli: Hoc falsum
esse putas? fugit te inepte.

Res, deest in istis: Bene est. Malè mihi est. Ægrè mi-
hi est. pro, Res bene vel malè se mihi habet: Ægritu-
do mihi est. Sic, Sero est, mane est, pro, Res est in
mane, in scrò tempore.

Qualis est Ellipsis, in quâ deest Suppositum verbi
Infiniti?

Me, te, illum, deest in verbis infinitis cum aliàs, tum
præcipuè post verbum passivum, ut Volo facere,
pro, volo me facere. Non possum credere, pro, me cre-
dere. Non veretur mentiri, pro, se mentiri. Videor
videre, pro, me videre. Putaris scire, pro, te scire.
Paulus creditur fecisse, pro, illum fecisse. Multi di-
cuntur venire. Multi dicuntur venturos esse, pro, Eos
venire, eos venturos esse: nam venturi esse, est Græ-
cismus. Lucret. Quippe etenim quam multa tibi me
ingere possum. Sallust. Qui se student præstare cate-
ris. Plaut. Curcul. Æsculapius mihi visus est eum ad
me non adire, nequè me magni pendere. Idem Aul.
Vocem loquentis modò me audire visus sum. Idem
Milit. Vereor me istò ornatu incedere. Idem Epid.
Vidcor me vidisse eam prius. Sic, Diceris fecisse, pro,
te fecisse.

Qualis

Qualis est Ellipsis, in quâ deest suppositum Præpositionis?

Commune, deest in hõc: *Quid mihi tecum?* Illi genti nihil ad eam diem cum Romanis fuerat. Curt. 8. Regum Indorum luxuria super omnium gentium est. subaudi, luxuriam.

Homo servus, deest in istis: *Esse alicui ad manum vel à manu, circum pedes, ab epistolis, à cubiculò, à pedibus, à poculis, à studiis*, hoc est, servire alicui quod ad manum, ad epistolas, ad cubiculum, ad pedes, ad pocula, ad studia attinet. Cicero & Cor. Nepos dicunt, *Habere aliquem ad manum*. Talem servum Suetonius & posteriores minus Latinè dixerunt *Amanuensẽ*.

Quotuplex est Ellipsis nominis appositæ?

Duplex; *Nominis* scilicet & *Verbi*, & *Conjunctionis*: nam nomen quod deest, vel nomini, vel verbo apponitur, vel conjunctioni.

Quotuplex est Ellipsis, in quâ deest appositum Nominis?

Duplex: nam vel *Nomen rectum* siyè *Substantivum* est, quod deest, vel nomen *Concordans* siyè *Adjectivum*.

Qualis est Ellipsis appositæ Substantivi?

Ligni, deest in *Materia*. Cicer. Non saxum, non materies advecta est. *Lintribus materiam, calcem, cæmentâ atque arenam convexit*.

Librarum, deest in *Pondo*, ut: *Corona mille pondo*: nam *Libra* Romanis alia erat *mensuralis*, alia *ponderalis*, cui addebant *Pondo*.

Passuum, deest in hõc Horatii: *Millia tunc præstria repsumus*.

Rerum, deest in hõc, *Esse in numerò*.

Vitæ, deest in *Usu venire*, hoc mihi usu venit, pro, in vitæ usu, dum vitâ utor.

Qualis est Ellipsis appositæ Adjectivi?

Aureus, argenteus, vel *Sestertius* sæpè deest in *Nummus*.

Bonæ, deest in hõc: *Fac sis frugi. Homo frugi*. Nam à *Fru* est genitivus *frugis*, unde extrito s, fecerunt *Frugi*. Sicut *Fami* pro *samis*, *Herculi* pro *Herculis*.

Eni,

Ens, inusitatum participium deest in hōc Virgil.
Adsum Æneas, pro ego ens Æneas, sive, qui sum Æneas,
adsum. Liv. *Ego Annibal peto pacem*. Plaut. Trin.
Rebus tuis bonis meas res irrides malas, subaudi, enti-
bus, id est, cū tuæ res sint bonæ. Livius: *Celtiberi*,
novus miles, diffugerunt, subaudi, entes. Sic in
procul dubiō subauditur, ente.

Par vel **aptus** deest in hōc: *Non sum solvendo æri alieno*.

Qualis est Ellipsis, in quā deest appositum Verbi?

Me, **te**, **se**, deest in verbis agentibus, cū suppositum agit in se ipsum, ut Terent. *Move ocyus mea nutrix*. N U. *moveo*, pro, *move te*, & *moveo me*.
Terra movit. *Nox cælō præcipitat*. *Bene vertat*. *Res bene habet*. *Iræ leniunt*. *Venti posuere*. *Aquilones multis diebus tenuere*: pro, *durarunt*. *Atrox prælium diu tenuit*, pro, *duravit*, *Annō vertente*. *Pallium maculat*. *Vestibulum pulverat*. *Res ita fert*, vel *tulit*: in his subauditur, *Se*.

Te quoque vel **vos**, deest in *amabo*, quod pecus Grammaticum fecit adverbium mediā, si Musis placet, correptā. Plaut. *Ite domum amabo*. *Amabo mi senex*, eloquere: pro, *Mi senex eloquere*, & *amabo te*. Cic. *Expecta amabo te*.

Bellum, deest in *cernere*, *certare*, *militare*.

Clitellam, deest in hōc: *Imponere alicui*. Significat enim habere aliquem pro asinō, & fallaciam ei tanquam clitellam vel farcinam imponere.

Domum, deest in hōc Plaut. Aul. *Redi intrō*, atque intus servi.

Facem, vel **cereum**, deest in *prælucere alicui*.

Iter, vel **viam**, deest in his: *Quo tendis?* *quo pergis?*

Nox appetit. *Abit dies*. *Somnium mihi evasit*. In me culpa illius experet. Idem tibi eveniet.

Litem, deest in hōc Suetonii Claudio: *Absentibus secundum præsentem dabat*.

Litteras, deest in hōc Cicer. *Quo mitterem*, aut cui darem, nesciebam.

Laudem,

Laudem, deest in *detrahere alicui*.

Locum, deest in *cedere, decedere, succedere alicui*.

Malum, deest in his: *Caveo tibi, timeo tibi, metuo à te, de te, pro te*. In *cavere malo*, deest *se*, & est *Hypallage*, pro; *cavere sibi malum*.

Mortem, deest in *obire, oppetere*, & *morre*, in *ocumbere*.

Navem, deest in hōc: *Soluit ē portu. Statim conscendit. Ad portum appulit*.

Nuncium, deest in hōc: *Renunciare vitæ, civilibus officiis*, pro, *valedicere*.

Ova, deest cum *Gallinæ aliæque aves incubare dicuntur*.

Peccatum, deest in *ignoscere*.

Rationes, deest in *conturbare*, quod est *Mensariorum*, cum *rationibus crediti paria facere desperant*; Vulgo *Fallire*.

Relativum nomen, sæpe deest, ut: *Urbs antiqua fuit; Tyrii tenuēre coloni: subaudi, quam, vel illam*. Horat. 2. Sat. 8. *Vidimus & merulus poni, & sine clume palumbos, suavis res, si non causas narraret earum, subaudi, Quæ, & Effet: Quæ res suavis effet, nisi, &c.*

Rem, deest in *decoquere*: quod est *absumere rem familiarem*.

Regationem, deest in hōc: *Ferre ad populum de aliquā re*. Cic. *Tribunus tulit ad plebem, ut absentis ratio haberetur*.

Principium, deest in *capere & incipere*. Virgil. *Culice: Conformare locum capit impiger, pro, capit principium conformandi*.

Sacra, deest in *facere, bove, agnâ, vitulâ*.

Viam, deest in *ire, mīre, ingredi*. *Ineunte ætate, vere; subaudi, viam*.

Vitam, deest in *agere, agitare, peragere*.

Utile, vel commodum, deest in *consulo tibi, prospicio mihi*.

Vultum, deest in *nubere*: nam *sponsæ faciem flammeo*

meò velò obnubebant seu velabant pudoris causâ.

Qualis est Ellipsis in quâ deest Appositum conjunctionis?

Is, deest post conjunctionem in hóc Cor. Nepotis in Pelopidâ: *Cujus belli cum ei summa esset data, eoque cum exercitu profectus esset, pro, eoque is cum exercitu.* Sic idem Thymol. *Cum frater ejus tyrannidem occupasset, particepsque regni posset esse, pro, particepsque is regni.* Sic idem in Dione. *Id cum factum multi indignarentur, magnæque esset invidiæ tyranno, pro, magnæque id esset.* Plaut. Epid. act. 5. sc. 2. *Ain tu te illius invenisse filiam? E. P. inveni, & domi est: pro, & illa domi est.* Sallust. Jugurt. *Dum equites præliantur, Bocchus cum pedibus, quos filius ejus adduxerat, neque in priore pugná adsuerant, postremam Romanorum aciem invadunt: pro, neque ii adsuerant, sive quique non adsuerant.* Plaut. Rud. a. 2. s. 1. *Quibus nec quæstus est, nec didicere artem ullam. pro quique non didicere, &c.* Liv. 4. *Induciæ non pax facta, quarum & dies exierat, & ante diem rebellaverant.* Similiter sæpe Livius, Cæsar & Hirtius.

Qualis est Ellipsis nòminis Consociati, sive in quâ præter nomen, aliæ quoque voces desunt?

Ad id; vel ob id, vel, propter id nomen, seu negotium, & ab eo, vel ex eo negotiò, seu nomine, sæpe deest in quod relativò, quæ conjunctio vulgo putatur. Terent. Eun. *Sanc quod tibi vir videatur esse, hic nebulo magnus est.* Ibi. *Quod dicat, alium quærebam, iter hac habui, periisti.* Et Haut. *Id quod est consimilis moribus, facile convinces ex te natum.* Et Hec. *Omnes lætæ exclamant, venit, id quod me repente adspexerant.* Ubi Donatus: *Deest propter, ut sit, Propter id, ac per hoc ideo.* Cic. 3. ad Quint. frat. 2. *Ab accusandò me teneo, id quod nolo cum Pompejò pugnare, id quod judicēs nullos habemus: pro, ob id quod,*

quod, eo quod, ab eò nomine quod; sive, eà causâ quod.

Ædes cum præpositione *in*, deest in hoc: *Est domi, pro, in ædibus domi.*

Æs, cum *alienum* & *par*, deest in hoc: *Non sum solvendo, pro, non sum par vel aptius solvendo æri alieno.*

Æris, cum *pretiò* & *pro*, deest in hoc: *Quanti emisisti: nam integra oratio est: Pro quanti æris pretiò emisisti.*

Affectus seu *præditus* cum *à*, vel cum in istis: *Homo infirmâ valetudine, summâ audaciâ, magnô ingeniô, nullô iudiciô.*

Centena millia sestertium nummum, deest in *Decies, Vicies, Quadragies, Centies, Ducenties, Millies*. Liv. 38. *Scipionem librum rationis conceperisse indignantem, quod cum bis millies in ærarium intulisset, quadragies ratio ab se posceretur: pro, quadragies centenorum millium ratio.* Cic. 2. *Philip. Syngrapha sestertium centies facta: pro, centies centenorum millium nummorum sestertiorum: sic enim ipse Cicero act. 4. in Ver. loquendum docet, ut stupor eorum satis rideri nequeat, qui quoties nota H S. cum adverbio numerali legitur, pro eâ sestertii, vel sestertio reponere postulant, aut sestertium pro nominativô vel accusativô accipiunt. Capitolin. in Vero: Omne autem convivium æstimatum dicitur sexagies centenis millibus H S. In illô Velleji: Accepit centies sestertium, est Syllepsis numeri, de quâ vide infra.*

Dictô, cum *præ*, deest in hoc Virgil. *Ocyus incubuere omnes; pro, ocyus, sive citius dictô, vel præ dictô.*

Die, cum, *in*, & *ante*, deest in istis: *Quartô Idus, tertio Kalendas, pro, in die quartô ante Idus, in die tertio ante Kalendas.*

Domum, cum *ad* vel *in*, deest in *ducere uxorem.*

Ego ens, deest in hoc Virgil. *Adsum Trojus Æneas.*

Hunc & Nymphæ veneramur, pro, Nos Entes seu quæ sumus Nymphæ.

Ens cum A, deest in hoc Cæf. Cn. Magius Cremonâ præfectus fabrum, pro, *Ens à Cremonâ*: id est, Cremonensis.

Factum quod vis, seu *velles*, deest in *volo tibi*, vel *cupio*.

Sic in *bene* vel *malè* alicui *velle*, *subaudi*, *factum*.

Plaut. Rud. *Quamquam vobis cupio quæ vultis*, *subaudi*, *facta*. Et Afri. Non eo quin non tibi cupiam quæ velis.

Et Pers. Nunquam tibi post hac quod nolis vobis. Et Mostel. Vellem ut velles Tranio, *subaudi*, *factum tibi*.

Similiter *nolle* alicui, *subaudi*, *factum quod vellet*. Cic. Plane volo his magistratibus. Valde ejus causâ volo.

Terent. Ipsi cupio Glycerio. Idem: Video te nostræ familiæ ex animo *factum velle*. Plaut.

Truc. Cui ego melius dictum aut *factum velim*.

Locô, cum *in*, deest in *Primô*, *secundô*, *tertiô*, quæ malè pro adverbiiis habentur.

Negotia, cum *ad*, deest in *istô*: Quid hoc mea refert, pro, quid hoc refert, sive *affert*, *asportat*, *importat*, *conducit*, *consert ad mea negotia*, id est, *ad res meas*, sive *rebus meis*.

Plaut. Persa: Quid id ad me aut ad meam rem refert, Persæ quid rerum gerant. Ibid. Prius percunctari volo, quæ ad rem referunt.

Idem Trucul. Cui rei retulit te *assimulare*.

Negotiô, cum *à*, deest in *istô*: Multo melior. Est enim à *multo negotiô*, à *multa re*, non *ab una re melior*.

Lucret. Qui melior multis, quam tu, fuit improbe rebus.

Numerô, cum *ex*, deest in *istis*: Primus omnium. Major fratrum. Unus illorum. Nemo amicorum.

Græcorum doctissimus. Hominum alii boni, alii mali. Hostium trecentis interfectis. Lanarum nigre nullum colorem bibunt, pro, *ex numero lanarum*.

Nos duo, tres, quatuor, &c. Vos duo; hi, vel illi duo. Hæ duæ, hæc duo, tria, quatuor, sæpe desunt, ut Ego & Cicero valemus. Tu & filius valetis. Dum fata Deusque sinebant. Nox & præda hostem remorata sunt.

Operam, studium, consilium, rem, fidem meam ad omnes res tibi velim parata putes. Pater mihi & mater sunt mortui. Ipse cum fratre adesse jussi sumus: pro,

nos duo, nempe, ego cum fratre, jussi sumus. Achilles cum Patroclo ad Trojam profecti sunt. Herus & hera frustra sunt, pro, Hi duo, qui sunt herus & hera, frustra sunt. Plaut. Amph. act. 3. sc. 3. Jam hi ambo servus & hera frustra sunt duo. Nepos in Timoth. Huic in consilium dantur duo, Pater, & socer. Et Bacch. a. 2. sc. 3. Vulcanus, Sol, Luna & dies, dii quatuor scelestiorem hunc nullum illuxere. Et Epid. a. 5. f. 1. Quem Apelles atque Zeuxis duo pingent pigmentis ulmeis: pro, quem duo pingent entes Apelles atque Zeuxis. Quisque suos patimur manes: pro, nos omnes patimur manes, quisque patitur suos. Populus superamur ab uno: pro, nos omnes qui sumus populus. Eamus omnis execrata civitas. Ovid. 2. Amor. 9. Nos tua sentimus, populus tibi deditus arma. subaudi Entes. Nos, qui sumus populus tibi deditus, sentimus. Idem Ep. Hyperm. Cum sene nos inopi turba vagamur inops: Nos, subaudi, Entes turba inops, &c.

Ortus vel oriundus, vel natus, cum à vel ab vel de, deest in his: Turnus ab Ariciâ. Pastor ab Amphrysô. Hospes Zacyntho. Vir claris natalibus. Homo obscuro loco. Adolescens de summo loco. Theseus ab Athenis, pro Atheniensis. Amphidamus de Arcadiâ, pro, Arcas.

Parte, cum Ex, deest in hoc Liv. 9. His sermonibus quâ cibi, quâ quietis immemor traducta nox est.

Pergere iter ad, subauditur in isto. Pergendum est nobis domum. nam Accusat. Domum regitur præpositione. In pergendum subauditur pergere, quod cum sit Activum, regit accusativum iter.

Res cum ad, deest in alias, quod indocti habent pro adverbio. Plaut. Epid. Meus servus eam rem sobrie accuravit, ut alias res ille est impense improbus, pro, quod ad alias res temporis & loci attinet, id est, ad aliud tempus, ad alium locum: nam res temporis, valet tempus: res loci, locus. In hoc Cicer. Mulieres quibus cum iste consueverat, deest, rem habere.

Res, cum *in tempore*, deest in istis : *Mane est, sero est.*
Vid. Annotat. in Grammat. de Adverb. in Mane,
sero, tempore.

Scriptum, cum *à* vel *cum*, deest in his *Cicer. In Pompeji epistolâ erat in extremô. Quod epistola librarii manu est. Tu si quid librarii mea manu non intelligent, istic monstrabis, pro, scriptum à meâ manu.*

Solô, cum *in*, deest in istis : *Procubuit terræ. Terræ defigitur arbor. Arbores humi arenosô genitæ, pro, in solô arenosô humi.*

Tempore, cum *in*, deest in istis : *Brevi senties. Optatô advenis. Serô sapiunt. Domi bellique optimus, pro, otii & belli tempore.*

Tempus, cum *circa*, deest in istis : *Homo id ætatis. Hoc noctis domô exis.*

Tribu, cum *de* vel *ex*, deest in istis : *C. Septimius Quirinâ.*

Terrâ, cum *in*, deest in hõc : *Ægypti occisus est.*

Verbis, cum *alloqui*, deest in hõc : *Paucis te volo.*

Urbe, cum *in*, deest in hõc : *Natus Romæ.*

Vincula, cum *in*, deest in hõc : *Duci illum iussit.*

ELLIPSIS VERBI.

Quotuplex est Ellipsis Verbi?

Duplex : Verbi scilicet infiniti & finiti. Verbum scilicet, quod deest, vel infinitum est, vel finitum.

Quotuplex est Ellipsis Verbi infiniti?

Duplex : Infiniti scilicet cognati & alieni : nam Verbum infinitum, quod deest, vel est cognatum alicui verbo expresso, vel alienum.

Qualis est Ellipsis Verbi infiniti cognati?

Verbum infinitum cognatum, substantivi nominis vim habens, deest in participiis passivis singularibus cujuscumque casûs, & in verbis passivis nullum aliud suppositum habentibus, ut : Nunc est bibendum, deest verbum infinitum, bibere, quod est

est cognatum participio passivo, *bibendum*, & vim habet nominis substantivi. *Petendum est pacem*, subaudi, *petere*, quod est cognatum participio nominativi casus. In *curritur*, deest *currere*, quod idem valet, ac *cursio* vel *cursus*. In *vivitur*, deest *vivere*, id est *vita*. In *sedetur*, deest *sedere*, id est, *sessio*. *Tempus est legendi*: subaudi, *legere*, quod vim habet nominis in genitivô, quasi esset, *lectus*, id est, *lectionis*. *Charta inutilis scribendo*: subaudi, *scribere*, quod est locô nominis in dativô, quasi esset *scriptui*, id est, *scriptioni*. Inter *cœnandum*, subaudi, *cœnare*, id est, *inter cœnam*. *Perge quo cœpisti*, subaudi, *pergere*, id est, *perfectionem*. *Defessus sum legendô*, subaudi *legere*, quod est locô nominis in ablativô, quasi esset, *lectu*, pro, *defessus sum legendâ lectione*.

Qualis est Ellipsis Verbi infiniti alieni?

Canere, deest in hoc: *scit fidibus*.

Dici, deest in *malè audit*: nam integra oratio est: *Audit malè in se*, vel *de se*, vel *sibi dici*. *Malè* non coheret cum *audire*, sed cum *dici*: nam si coheret cum *audire*, idem erit, *malè audire*, quod *parum audire*, sive ut Afranius dicit, *surdè audire*: Cicero, *surdastrium esse*. *Audit bonus, doctus*, subaudi, *dici*, ut sit, *Audit dici esse bonus*, Græcô more, pro, *audit dici se esse bonum*.

Esse vel *fuisse*, vel *fore*, deest in istis: *Factum illi volo*. *Ne dicas tibi non prædictum promisi ultorem*, subaudi, *me fore*.

Ire, deest in his: *In Pompejanum cogito*. *Rhodum volo, inde Athenas*.

Loqui, deest in *scire Græcè, Latine*.

Qualis est Ellipsis Verbi finiti.

Adspicio, video, vel *venit*, deest in istis: *En quatuor aras*. *Ecce homo*. *Ecce hominem*. *En Priamus*.

Amet, vel *adjuvet*, deest in *mehercules, mecastor, mediusfidius*.

Cæpit, deest in narrationibus : *Ire prior Pallas. Populus ea mirari.*

Dico, deest in istis, *Bona verba quæso, subaudi dic. Nugas, subaudi, dicis. Hæc hætenus. De his hætenus, subaudi, dixerimus, vel dictum sit. Quid multa? subaudi, verba dico.*

Fac, vel *da*, vel *pone*, vel *esto* deest in istò : *Hæc negotia, ut ego absum, confici possunt, pro, positò vel datò, quod ego absum, quamvis ego absum. Bonò sis animò, pro, fac ut sis bono animò. Plaut. Bacch. a. 4. f. 4. Proin tu ab eò caveas tibi, subaudi, fac.*

Facio, deest in istis : *Dii melius vel meliora, subaudi, faciant. Studes, an piscaris, an venaris, an omnia simul? subaudi, facis? Illà nocte nihil præterquam vigilatum est in urbe: subaudi, factum est.*

Ita dico, vel *hoc eò dico*, deest in istis : *Satiari delectatione non possum, ut senectutis meæ requiem noscatis. Hoc jam olim audiui, ne quid te novi attulisse mihi censeas.*

Licet, deest in istis, *Meâ causâ, quæras vel in mediò mari, dum non sis quem te esse nolo, sis meâ causâ quid libet. Trabantur per me pedibus omnes rei. Vide infra Annotat. in Syntax. de Nominum casibus.*

Loquor, deest in Affirmantis sermone. *Plaut. Pseud. a. 4. f. 2. Herus tuus te misit? H. ita dico. B. miles? H. ita loquor. B. Macedonius? H. admodum.*

Moneo, vel *fac*, deest in illis, quæ vulgo pro imperativis habent, ut *Ames, legas, ametis, legatis, ament, legant. Istud ne dicas, cogites tecum. Nil mihi rescribas.*

Obsecro vel imploro, vel nuncupo, deest in istis : *Proh Deum atque hominum fidem! Hercules tuam fidem!*

Oro vel præcor, deest in precibus & diris, ut *Dii meliora serant. Ut te perdat Jupiter. Qui illi Dii irati sint. Qui significat, quomodo, sive, ut.*

Paro, vel *invenio*, vel simile quid deest in istis : *Quo mihi fortunam si non conceditur uti? Unde mihi lapidem? subaudi, parabo vel inveniam. Martis signum*
qu 6

quò mihi pacis auctori? Ad quam rem nobis confluvium? ad quam urnarium?

Respondeo, deest in isto: Quod epistolam meam ad Brutum possis, non habeo ejus exemplum.

Sum, es, est, &c. deest in istis: Quid mihi tecum? Haud mora, festinant jussi. Hei mihi. Vae mihi, subaudi, est. Quenam (malum) ista servitus voluntaria, pro, malum sit iis, qui servire volunt.

Timeo, vel cave, vel vide, deest in istis: Ah ne te frigora ledant. At ut satis contemplata sis. Verum ne quid illa titubet.

Volo ut, deest in, hæc illis dicta sint.

E L L I P S I S PRÆPOSITIONIS.

Qualis est Ellipsis præpositionis?

A, ab, ad, & in, sæpe desunt in nominibus Urbium, Insularum, Provinciarum & aliorum locorum, ut: Sardiniam cum classe venit. Lavina venit littora. Devenere locos latos. Nos hinc ibimus Afros aut Scythiam. Profectus est Siciliam. Romam eo. Româ venio. Rus eo. Ruri vel rure vivit. I malam crucem. Ivit exilium. Rediit exiliò. Tollere humò.

A, & ab sæpe desunt in iis, quæ significant vel causam efficientem, ut: Palleo metu, horres frigore, corpus siccum sole & esuritione. Ager vel tardus vulnere. Arte insignis.

Vel instrumentum, ut: Gladiò percussus. Armis defendi.

Vel tempus consecutum, ut significant idem, quod post, ut: Rediit hoste superatò. Lectis tuis literis obdormivi. Mane ut ad portum processi, pro, à mane, id est, postquam jam mane fieri cœptum est.

Vel differentiam aut distantiam, ut: Stultò intelligens, quid interest. Abeat virtute illius.

Vel partem certam, cum oratio sic explicari potest:

Ex parte hujus rei, quod ad hanc partem attinet, ut: Animò otiosus, pro, ab animò, id est, ex parte animi, quod attinet ad animum. Ingeniò improbus. Armis, pecuniâ multum valere, pro, ab armis, à pecunia. Multis rebus melior, pro, à multis, quod ad multas res attinet. Multò & paulò melior, pro, à multò vel paulò negotiò melior, à multâ re melior. Multò magnus orator minutis imperatoribus præstat. Locus frumentò copiosus, pro, à frumentò, quod ad frumentum attinet. Metu vacare, pro, vacuum esse à metu, quod ad metum attinet. Nugis referti libri, pro, à nugis. Transitu iniqua loca, pro, à transitu, sive, ut Livius lib. 8. dicit, ad transitum: nam eadem utriusque est significatio. Itaque Facie alicui similis & facièm similis, promiscuè dicitur, sed ibi deest, à, hic verò ad. Sic Nuda pectore, pro, à pectore & nuda pectus, pro, ad pectus. Sic nullâ significationis differentiâ, Miser animi, animum & animò dicitur, pro, animi causâ, ad animum, & ab animò, vel ex animò.

Ad, sæpe deest in verbis significantibus distantiam aut mensuram, ut: Sex pedes altus. Latus quinque pedes.

Vel finem propositum, ut: Quid frustra laboramus? pro, ad quid. Mori me cogis, pro, ad mori, seu mortem. Eanius visum vel visere, pro, ad visum, ad visere: nam hic verbum infinitum vim habet nominis in accusativò. O faciles dare summa Deos, eademque tueri difficiles, pro, ad dare, seu dandum, ad tueri seu tuendum. Oves eunt pastum.

Vel partem certam, cum orationis sensus est, quod ad hanc partem attinet, ut: Albus dentes. Fractus membra: pro, quod ad dentes & membra attinet. Facièm illi similis, pro, ad facièm, quod attinet ad facièm. Barbari dicunt, quoad facièm. Propert. de Taurò: Cornua quam validis hæserit in laqueis, id est, à cornibus, vel cornibus. Turpilius Leucadia: Vide-

tur Phrygus incessum, pro, ad incessum, ab incessu, vel incessu Phryx videtur. Sanctus alia, pro, ad alia, alioqui. In hac re fecit rectè, etsi alias res est improbus, pro, alias, quod ad alias res attinet, alioquin. Cetera lætus, pro, ad cetera, cateroqui. Scis me orationes aut aliquid id genus solitum scribere: pro, ad id genus, quod ad id genus attinet. Nihil te moror: Si quid te offendo. Ante, deest in verbis tempus significantibus, ut: Pridie Kalendas. Multos abhinc annos Sex menses est, cum huc veni, pro, factum est abhinc ante sex menses cum huc veni. Sexaginta annos natus sum. Ubi Priscianus subaudit, ante.

Circa, deest in tempore significandò, ut: Tu homo id ætatis audes saltare? Hoc noctis sic solus ambulas, pro, circa tempus id ætatis, noctis.

Cum, deest in verbis instrumentum & modum, aut comitatum significantibus, ut: Gladiò percussus. Sagittâ saucius. Lentò gradu. Hâc lege. Pace tuâ. Maximâ voce inclamat. Magnâ curâ aliquid curare. Homo magnò ingenio. Afficio te honore. Prosequor odio. Arte tractare aliquem. Deò duce. Volente Deò. Nave proficisci. Templum clamore petebant. Æqua me, pro, æqua cum me, vel mecum. Terent. Adelph. Quod ius vos cogit, hoc voluntate impetret, pro cum voluntate.

Vel tempus, ut Cras primâ luce hinc abibo.

De, sæpe deest in iis, quæ significant vel copiam & inopiam, aut objectum, ut Nugis referti libri. Mendacis liber ejus plenus est. Plenus vinò. Equus lignò fabricatus. Sacrificare taurò, agnò. Casa luto composita. Vel tempus, ut: Noctu vel nocte. Horâ primâ. Tertiâ vigiliâ.

Vel causam & modum, ut: Flere alicujus obitu. Quibus signis agnoscebas. More hominum facis. Amicorum consiliò feci. Meâ sententiâ. Meò judiciò. Meâ pecuniâ hoc faciendum curabo. Quâ causâ, quâ re, pro, quâ de re. Accusare aliquem crimine aliquò, pro, de crimine. Vilitare lolio, fici aridis, subaudi, de, pro

quò Hebræi dicunt *in*, ut : *Non in solò pane vivit homo*, ubi *Panis vitæ* causa est.

Vel locum, ut : *Româ scribunt*, pro, *de Româ*, id est, *ex Româ*, sicut Ovidius libros suos scripsit *de Pontò*, & Cicero *de Pomptinò* ait se scribere, & *de Gyarò* ad Atticum dedisse literas. *Vinum Chiò*, aut *Lesbò*, pro, *de Chiò*, *Lesbò*, id est, *Lesbium*. *Sargus Ægyptò*, id est, *Ægyptius*.

E, vel ex, deest in verbis significantibus vel causam efficientem, ut: *Laboro dolore*, pro, *ex dolore*. *Amoris abundantia hoc feci*. *Morte alicujus voluptatem capere*. *Meritò aliquid pati*, pro, *ex meritò*. *Virtute clarus*.

Vel modum, ut : *Ordine collocare vel dicere aliquid*, pro, *ex ordine*, *ordinate*. *Vocare aliquem nomine*, pro, *ex nomine*, ut Plautus loquitur. *Lege agere cum aliquò*, pro, *litigare*. *Lege aliquâ condemnare aliquem*, pro, *ex lege*.

Vel locum, ut, *Cn. Magius Cremonâ*, pro, *ex Cremonâ*.

Vel adjunctum, ut *Aurò bibere*, pro, *ex aurò*. Juvenal : *Vitreò bibit ille Priapò*.

In, sæpe deest in verbis significantibus vel locum, ut : *Ibam viâ sacrâ*. *Habitat Athenis*. *Visitis dominabitur Argis*, pro, *in Argis*. *Hòc locò quæres ex me*, pro, *in hòc locò*.

Vel tempus, ut : *Sis multos annos superstes*. *Hunc annum mihi conduxì fabrorum operas*. *Fons die frigidus, nocte fervens*. *Cœnabis apud me paucis diebus*, pro, *in paucis diebus*, *intra paucos dies*.

Vel subjectum aut objectum, circa quod quis occupatur, ut : *Opus est mihi libris*, vel, *opus habeo libris*, pro, *in libris* : id est, *meum opus*, *negotium*, vel *occupatio est in libris*, seu *circa libros*, *curandum est mihi ut habeam libros*. *Libri sunt mihi opus*, vel *meum opus*.

Vel causam, propter quam aliquid fit, ut : *Accusas me eò quod citò crediderim*, pro, *in eò*. *Felix es hâc uxore*,

uxore, pro, in uxore. Perire amandô, pro, in amandô.
 Vel adjunctum sivè comitatum, ut valeat idem ferè
 quod cum, ut: *Bibulus admirabili gloriâ est. Sum*
magnô timore. Annibalis nomen magnâ apud omnes
gloriâ est. Lamia summâ gratiâ est. Spe sum maxi-
mâ. Magnô est periculô. De pace nec nullâ, nec magnâ
spe sumus. Est summiâ apud milites caritate. Cic. 6.
Fam. ep. 4. Esse magnô dolore. id. 4. ad Att. 6. quô
dolore esse debeo.

Vel instrumentum, quô quid efficitur, ut: *Libris*
me oblecto. Ludis delectari. Ovid. Epist. Ariad. Ibis
Cecropios portus, pro, in portus, &c. I N etiam omif-
 sum in Plaut. Bacch. a. 4. f. 2. *Hæc dentifrangibu-*
la manibus meis gestiunt.

Vel modum, quô quid fit, ut: *Ordine aliquid facere,*
pro, in ordine, ut ait Virgil.

Vel partem certam, cum sensus est, quod ad hanc par-
 tem attinet, ut: *Hâc unâ re est illi similis, ceteris infe-*
rior. Non armis præstantior, quam togâ, pro, in armis,
in togâ, quod ad arma & togam attinet. Multum velo-
cior. Multum improbior. Paulum doctior. Paulum
intelligens. Multum alicui præstare.

Deest etiam in ablativis, quos falsò *Absolutos* vo-
 cant Grammatici, ut: *Cantandô rumpitur anguis,*
pro, in carmine cantandô. Bibendô perit, pro, in
bibendô bibere seu potu. Cur tantis præmiis virtutis ne-
mo rectè facit, pro, in tantis præmiis. Rebus tuis bonis
meas irrides malas, pro, in rebus tuis entibus bonis,
cum tuæ res sint bonæ.

Ob vel *propter*, sæpe deest in verbis infinitis accusa-
 tivi vim habentibus, & causam, sivè finem pro-
 positum significantibus, ut: *Gratulor illi filium*
ejus esse inventum, pro, propter esse inventum filium,
sivè ob inventionem filii. Mæstus est se hoc fecisse, Pu-
det dixisse, pro, ob fecisse, ob dixisse. Accipio dolorem
mibi illum irasci, id est, ob irasci, vel iram illius. Fle-
vit me discedere, pro, ob me discedere, ob meum disces-

sum. Ibo videre, pro, ob videre, ut videam. Gaudeo me tibi probari.

Per, sæpe deest in significandò tempore & parte certâ, ut: Vixit centum annos. Propert. Io versa caput primos mugiverat annos, id est, per primos annos, in primis annis. Idem: I nunc & noctes disce manere domi. Cic. Totas noctes somniamus. Hirsutus brachia, pro, per brachia, ut ait Virgil. id est, quod ad brachia attinet.

Similiter in significandò locò & objectò, ut: Mare navigavit. Terram, mare, sidera juro. Propert. Ino etiam primâ terras ætate vagata est, pro, per terras.

Post, deest in tempore significandò Vellejus 2. Lepidus decimò annò, quam ad potentiam pervenerat à fortunâ desertus est. pro, postquam.

Præ, deest in comparationibus, ut: Doctior cæteris, pro, præ cæteris, ante cæteros. Illò minorem me fateor, pro, præ illò. Bona est mulier tacita, quam loquens, pro, præ quam loquens. Confit cito, quam si objicias formicis papaverem.

Similiter in significandâ causâ, ut: Homini lacrimæ cadunt gaudiò.

Pro, deest in significandò pretiò, aut quod pretii locò est, ut: Emi magnò, id est, pro magnò pretiò. Quanti emisti, id est, pro quanti æris pretiò emisti. Pace bellum mutare. Par pari referre. Aureus unus valet decem argenteis. Pro etiam omissum in comparandò. Plaut. Capt. a. 2. f. 3. Haud centesimam partem me laudat, quam ipse meritus est ut laudetur. I. e. pro quam ipse meritus, &c.

Similiter deest in significandâ similitudine ut in Crebrò, citò, serò, certò, meritò, quæ vulgo putantur adverbia Plaut. Poen. a. 3. f. 5. Idem Afin. a. 3. f. 2.

Sub, sæpe deest in ablativò, quem vulgo absolutum vocant, si præsertim imperium seu præfectura in pace, in bellò, in literis significetur, ut: Te consule. Marcò judicc. Rege Numâ. Imperante Augustò. Te teste.

teste. Aristotele auctore. Sole ardente. Orpheo cantante.
Deest etiam in significando instrumento, ut: *Querulâ voce mecum egit.*

ELLIPSIS ADVERBII & Conjunctionis.

Qualis est Ellipsis adverbii & conjunctionis?

An, vel ne, deest in istis: Melius, pejus, obsit, profitur nihil curant. Studes, an piscaris? pro, studesne?

Aut, vel seu, deest in istis: Quem sex septem mensibus non vidi proximis. Quatuor, ad summum quinque sunt inventi. Velis, nolis.

Enim, vel nam vel quia, deest in istis: Nimum ne crede colori, alba ligustra cadunt. Nec sum adeo informis, nuper me in littore vidi.

Etiam, deest in isto loquendi genere: Non doctus modò, sed probus.

Ergo, vel igitur, deest in hoc Terent. Hâc non successit, aliâ aggrediemur viâ.

Ita, vel sic, sæpe deest, ut Faciam ut jubes. Rogo ut venias. seu qui venias, pro, ita rogo quemadmodum venias.

Magis vel potius, deest in hoc Plauti: Bona est mulier tacita, quam loquens.

Ne, deest in istis: Cave cadas, Cave faxis, pro, ut ne faxis, seu facias.

Nec vel neque deest in isto: Hoc mihi nec Cicero persuaserit: subaudi, nec quisquam alius.

Non, sæpe deest post non modò, non solum, non tantum, quando scilicet oratio non est dubia, ut: Regnum non modò Romano homini, sed ne Persæ quidem cuiquam tolerabile. Ut ista jam non modò homines, sed ne pecudes quidem passuræ videantur.

Post, deest in illis: Postridie intellexi, quam à vobis disces-

disceſſi. Alterà die quam à Brundiſiò ſolvit. Is duodecimo die, quam abierat, illuc pervenit.

Prius, ſæpè deeſt ante particulam quam, ut: Gravidam illam reliqui, quam abeo.

Quam, ſæpe deeſt poſt comparativas voces, ut: Plus quingentos colaphos impegit mihi. Plus millies audiui. Caleſces plus ſatis. Amplius ſunt ſex menſes. Triennium amplius. Major decem annorum. Faciam te certiore, ſubaudi, quam antea. Viſus eſt mihi triſtior, ſubaudi, quam aliàs, vel præ ſoliò.

Quam pro, deeſt in comparationibus, ut: Veſtis major corpore, pro, major quam pro corpore. Ditiore opinione, pro, quam pro opinione. Ovid. Epift. Cydipp. Cætera cura tua eſt, plus hoc quoque virgine factum. Non timuit ſecum quod mea charta loqui, pro, pluſquam pro virgine.

Quamquam, vel eſi deeſt ſæpe, cum ei tamen adverſatur, ut: Sedulitatem mali poëtæ aliquò tamen præmiò dignam duxit, pro, eſi mali poëtæ.

Sivè, deeſt in iſtis: Læva ſivè dextera vocaret aura. Tollere, ſeu ponere vult freta.

Sed, ſæpe deeſt, ut: Multis ille quidem flebilis occidit, nulli flebilior, quam tibi, pro, ſed nulli flebilior.

Si, ſæpe deeſt, ut: Negat quis, nego; ait, ajo. Unum cognoveris, omnes noris. Utor tam bene, quam mihi paravi. Poſcis, dandum: ejicit, abeundum.

Sicut, vel quaſi, ſæpe deeſt, ut: Nec verbum verbò curabis reddere fidus interpres, pro, ſicut fidus interpres.

Tam, deeſt in hòc Livii: Homo non quam iſti ſunt, glorioſus. Et Plaut. Non piſces expeto, quam tui ſermonis ſum indigens.

Vel, deeſt quando aliud vel in oratione exprimitur, ut Vel Priamo miſeranda manus, ſubaudi, vel cumque hoſti. Vel ſtultus hoc intelligeret, ſubaudi, vel quivis aliis.

Verò, vel autem, deeſt in iſtis: Pro patre mori poſſum, coram patre non poſſum. Hæc morum vitia ſunt, non ſenectutis.

Ut,

Ut, deest in istis : Nolo dicas. Velim desinas. Sine veniat. Cave cadas. Cave ne cadas, pro, ut ne cadas. Jam credo rediit, pro, ut credo.

Utinam, deest in istis, Tecum ludere, sicut ipsa, possem. Troum arma secutum obruerent Rutuli. Me quoque quâ fratrem mactasses improbe dextrâ.

DE ZEUGMATE.

Quotuplex est Zeugma?

Duplex : Verum & Falsum.

Quid est verum Zeugma?

Est figura Latinæ consuetudinis, per quam plures sententiæ, seu membra orationis, ad unum verbum referuntur, quarum unaquæque desideraret illud verbum, si sola poneretur, ut : Sociis & rege recepto, pro, receptis sociis & recepto rege. Leges & plebiscita coacta, pro, leges coacta & plebiscita coacta. Ego populusque Romanus vobis bellum indico, pro, ego indico & populus indicit. Natura Gallis corpora animosque magnis magna, quam firma dedit, pro, corpora magna & animos magnos. Vites à caulibus brassicisque si prope sati sint, refugiunt, pro, si caules prope sati, brassicæque prope satæ sint. O cœnæ, quibus ipse meique vescor, pro, in quibus ipse vescor, & in quibus mei vescuntur. Cic. 1. Attic. 6. Mater tua & soror à me diligitur. Virgil. Phrygii comites & lenis fulus incedunt.

Quid est falsum Zeugma?

*Quando unum illud verbum, ad quod plures sententiæ videntur referri, non omnibus sententiis convenit, ut Disce puer virtutem ex me verumque laborem, fortunam ex aliis. Hic verbum disce, non rectè refertur ad sententiam istam, fortunam ex aliis : sed subauditur, opta. Non ergo Zeugma est, sed Ellipsis. Sic Sacra manu victosque Deos, parvumque nepotem ipse trahit. Hic verbum trahit, refertur tantum ad nepotem :
Sacra*

Sacra & Deos portat, quod verbum subaudiri debet. Cicero, *Fortuna*, quæ illi florentissimâ, nos duriorē conflictati videmur. Hic verbum *conflictati*, convenit posteriori tantum orationis parti, in priore subaudiri debet verbum *usi*: quamvis de utrâque fortunâ Corn. Nepos dicat in Timol. *In his rebus non simplici fortunâ conflictatus est.*

D E

S Y L L E P S I.

Quid est Syllepsis?

Est figura Latinæ consuetudinis, in quâ concordia partium orationis turbatur, cum animus aliud concipiat, quam verbis profertur.

Quotuplex est Syllepsis?

Duplex: *Absoluta & Relativa.*

Quid est Syllepsis Absoluta?

In quâ generibus, aut numeris, aut utrôque voces discrepant.

Quotuplex est Syllepsis Absoluta?

Triplex: *Generis, Numeri & Utriusque.*

Quid est Syllepsis Generis?

Cum aliud genus proferimus, aliud mente concipimus, ut: *Pars arduus altis pulverulentus equis furit. Capita conjurationis virgis cæsi. Latium Capuaque agrò multati. Samnitium cæsi duo millia. Ubi ille scelus est, qui me perdidit. Cic. Hanc sibi rem præsidio sperant futurum. Plaut. Iustam rem esse oratum à vobis volo. Plaut. rud. a. 5. l. 3. Vidulum iste invênit, illud mancipium est meum. pro, Ille est mancipium, &c. Usu autem venit, non parum sæpe, ut Syllepsis generis cum Ellipsi sit conjuncta, si nimirum vel prædicatum, vel subjectum orationis Ellipsin patiatur: tum enim*

non

non ejus, quod deest, sed alterius in oratione partis genus proferimus, ut si *adamantem* demonstrans dicam, *hæc est gemma*. In adjectivo *hæc*, deest substantivum *adamas*, quod est nomen masculinum, sed profertur genus prædicati, quod est *gemma*. Sic eleganter dices: *Hic error est, non scelus*: pro, *Hoc negotium error est*. *Hic est panis, qui de cælo descendit*, pro, *hoc*: subauditur enim *negotium*, quomodo etiam in illis: *Hic est sanguis meus*. *Hoc est corpus meum*. Eadem prædicati ellipticæ positi est ratio, ut *Homo est creatus à Deo, est animalium divinissimus*: subauditur enim, vel *negotium* vel *res*, adeoque concipitur quidem mente neutrum aut fæmininum genus, sed profertur illud, quod subjecto est accommodabile. Atque hæc Syllepsis Generis in omnibus participiis passivis, quæ de subjecto prædicantur, locum habet, ut, *Cicero dictus est pater patriæ*.

Quæ est Syllepsis Numeri?

Cum alium numerum proferimus, alium mente concipimus, ut: *Pars in frustra secant*. *Pars volucres factæ*. *Aperite aliquis*. *Cæperunt se quisque magis extollere*. *Etiam poëta suum quisque opus à vulgò considerari vult*. *Nec nostrum quisquam sensimus*. *Alius alium possunt*. *Uter meruistis culpam*. *Uterque insaniunt*. *Te uterque ego atque hic oramus*. *Nobilissimus quisque delecti Romam mittitur*. *Eunuchum velle te dixisti, quia solæ his utuntur reginæ*. *Propterea quod, pro, propter id quod*. *Contentum esse suis rebus maximæ sunt divitiæ*. *Amantium iræ amoris integratio est*. *Dotis modus fuit quadraginta millia æris*. *Nobile erit Romæ pascua nostra forum*. *Anxur fuit, quæ nunc Terracinæ sunt*. *Gracchus*: *Credo ego inimicos meos hoc dicturum*. In quò Ellipsin constituere licet, quasi esset, *Inimicos esse negotium dicturum*. *Valerius Antias*: *Si res divinæ factæ essent, omnia ex sententia processurum esse*. Cic. act. 4.

act. 4. in Ver. *Sestertium decies numeratum esse*, pro, *numerata esse*; quod in libris quibusdam legitur: subauditur enim, ipso Cicerone ibidem docente, *Centena millia* Vellejus lib. 2. de Curione: *An accepto centies sestertium fecerit*: pro, *acceptis centies centenis millibus sestertium*. Plaut. Trin. *Trapezite mille drachmarum sunt redditæ*, pro, *res mille drachmarum est redditæ*. Idem Pers. *Athenæ sunt fortunatæ*, pro, *fortunata*: nam Syllepsis numeri est conjuncta cum Ellipsi vocis *Urbs*: nec enim sensus est: *Athenæ sunt Athenæ fortunatæ*, sicut, *Roma est sancta*, pro, *urbs sancta*, non *Roma est Roma sancta*. Singularia enim, ut Aristoteles docet, determinationem non suscipiunt, cum de pluribus non affirmantur.

Quæ est Syllepsis utriusque?

Cum & genus & numerum aliter proferimus, quam mente concipimus, ut: *Pars in flumen acti*. Tunc omnis atas currere obvii. *Pars in carcerem acti*, *pars bestiis objecti*.

Quid est Syllepsis Relativa?

In quâ nomine relativò sive expressò, sive subauditò totam orationem præcedentem pro casu concipimus, aut casum in voce aliquâ involutum referimus, ut: *Inter alia prodigia etiam carne pluit, quem imbrem aves feruntur rapuisse*. Hic relatio sive ad casum, *imber*, qui tamen non præcessit, sed oratio hæc, *carne pluit*, pro eò casu concipitur, quasi dictum foret, *Carnis imber fuit*. Sic, *Per literas me consolatus sum, quem librum ad te mittam*. Hic casus *liber* non præcessit, sed concipitua in hac oratione, *Per literas me consolatus sum*. Significat enim, *Per libri compositionem*. Sic, *De Prætiana hereditate, quæ quidem mihi magno dolori est (valde enim illum amavi) hoc velim cures*. Hic nomen *illum* refert *Prætium*, qui casus non fuit expressus, sed in voce *Prætiana* involutus, quasi

quasi dictum fuisset, *De Præti hereditate*. Catull.
Nam Sextianus dum volo esse conviva, Orationem in At-
tium petito rem plenam veneni & pestilentia legit. Subau-
 di, ille, nempe *Sextius*, qui casus illâ voce *Sextianus*
 est involurus, quasi fuisset: *Nam Sextii ipse dum vo-*
lo esse conviva.

D E

H Y P E R B A T O.

Quid est Hyperbaton?

Est figura Latinæ consuetudinis, per quam ver-
 ba transponuntur, nec servatur ordo Grammaticæ
 consentaneus.

Quæ sunt species Hyperbati?

Anastrophe, Tmesis, Parenthesis, Synchysis & Anaco-
lon.

Quid est Anastrophe?

Præpostera vocabulorum collocatio, ut: *Mecum,*
am, nobiscum, quibus de rebus, quam ob rem, quem ad
modum. me penes, mea interest, pro, est inter mea nego-
cia. Adigere arbitrum, pro, agere ad arbitrum; qua
propter, ea propter.

Quid est Tmesis?

Compositi vel conjuncti vocabuli divisio, ut:
Septemque triones. Quomcumque rapit tempestas.

Quid est Parenthesis?

Sensus sermonis, antequam absolvarur, inter-
 sectio, ut: *Tityre dum redeo (brevis est via) pasce ca-*
pellas. Nescis (opinor) quid evenerit.

Quid est Synchysis?

Ordo vocum confusior, ut: *Nihil me tui invenisti*
penes. Saxa vocant Itali, mediis quæ in fluctibus, aras:
pro, Saxa, quæ in mediis fluctibus, vocant Aras.

Quid est Anacoluthon?

Consequentium à superioribus discrepantia, cum scilicet nullò modò sequentia cum præcedentibus cohærent, ut: Terent. Nam omnes nos, quibus est alicunde aliquis objectus labor, omne quod est interea tempus, priusquam id rescitum est, lucro est. Liv. 41. Indicandum vobis est, quid omnes bonos in vobis aut offendant, aut certe mutatum velint. Hirt. bello. Alex. Ligarius quem Cæsar dimiserat, & postea se ad Pompejum contulerat. Varro lib. 2. rei rustic. 4. Me in Arcadiâ scio spectatum suem, quæ præ pinguetudine carnis non modò surgere non posset, sed etiam ut in ejus corpore sorex nidum fecisset, & peperisset mures. Pro, scio me spectasse suam adeo pinguem, ut non modò surgere ipsa non posset, se etiam ut sorex nidum in eâ faceret. Sed hæc Figura potius pro vitiò & quâdam auctorum allucinatione vel oscitatione haberi debet; atque haud scio a Palæmon rectè Varronem, ut auctor est Suetonius Porcum vocaverit, quippe qui de se ipsò memori prodiderit, se spectatum esse suem.

DE HELLENISMO feu Græcismò.

Quid est Græcismus?

Est Syntaxis consentanea Græcorum consuetudini, sed multis modis cum à regulis Grammaticæ Latinæ, tum à patriâ Romanorum consuetudine discrepans.

Quæ sunt Græcismi genera?

Multa quidem, sed præcipua sunt Græcismi Generum & Casuum.

Quotuplex est Græcismus Generum?

Triplex: Nam vel Masculinum ponitur pro Neutrò, ut Saxum ingens, campò qui forte jacebat limes agro positus:

positus : pro , quod jacebat. Vel *Fæmininum* pro *Neutrô*, ut *Mammæ putres*, *equina quales ubera* : pro , quæ sunt ubera *equina*. Vel *Neutrum* pro *Masculino*, ut *Est locus in carcere*, quod *Tullianum* appellatur, pro , qui appellatur.

Quotuplex est Gracismus Casuum?

Quintuplex : *Nominativi*, *Genitivi*, *Dativi*, *Accusativi* & *Ablativi*.

Qualis est Gracismus Nominativi?

Cum *nominativus* ponitur pro *accusativô*, ut : *Parum habet consul creatus esse* : pro , *consulem se creatum*. *Vis videri doctus* : pro , *doctum te esse*. *Dixit datus*, pro , *se daturum*. *Cæsar dicitur venire*, pro , *Cæsarem*. *Multi putantur venturi esse*, pro , *eos venturos esse*. Sic. *Multa sunt, quæ ego nescire malo, quam cum aliquô periculô fieri certior* : pro , *quæ me nescire malo, quam veri certiozem*. Nam ego hic suppositum est verbi *nescire*; non verbi *malo*. *Ovid. Hanc pius Æneas eruisse ferunt*, pro , *pium Æncam*.

Qualis est Gracismus Genitivi?

Cum *genitivus* ponitur vel pro *accusativô*, ut : *in aliquid agas eorum*, quorum *consueveristi*, pro , *quæ. videndum est olentium herbarum*, pro , *olentes herbas*. Vel pro *ablativô*, ut *Desine querelarum*, pro , *à querelis*. *Lassius maris*, pro , *à mari*. *Plenus curarum*, pro , *de curis*. *Dives agri*, pro , *agrô*.

Qualis est Gracismus Dativi?

Cum *dativus* ponitur pro *accusativô*, ut : *Nobis non licet esse tam disertis*, pro , *disertos*. *Tibi expedit esse bono*, pro , *bonum*.


Qualis est Gracismus Accusativi?

Cum *accusativus* ponitur vel pro *nominativô*, ut : *Plaut. Merc. a. 2. f. 4. Quô letô censes me ut peream potissimum*. pro , *Censes ego ut peream*. *Illum ut vivat optant*, pro , *ille*. *Patrem vellem viveret tibi*, pro , *Pater*. *Iube famulum ad me ut veniat*, pro , *famulus*.

mulus. Ego te faciam ut miser sis, pro, tu. Vel pro dativô, ut: Non me latet, pro, mihi. Vel pro ablativô, ut: Occurrunt animæ, quales nec candidiores terra tulit, pro, qualibus. Nec sævis animum mitior anguibus, pro, animô. Albus dentes, pro, dentibus. Similis illi faciem, pro, facie.

Qualis est Græcismus Ablativi?

Cum ablativus pro accusativo ponitur, ut: *Raptim quibus quisque poterat elatis, pro, quæ quisque poterat. Ablativô Græcos carere, ad reliquorum cumulum accedat, quæ Varro alique Grammatici oscitantes allucinati sunt.*



ANNOTATIONES

IN

GRAMMATICÆ

LATINÆ

INSTITUTIONES.

DE Grammaticæ divisione sollicitum esse nihil attinet. Satis est *Subiectum* artis, quæ sunt orationis partes, *Literas* puta, *Syllabas*, & *Voces*, tum *Instrumenta*, quomodo ad subiectum adhibeantur, probè cognita habere. Atque hoc Grammatici est officium, præmonstrare scilicet, quomodo artis instrumentis exefficiatur congruens oratio, quæ artis opus & finis est, ad quem omnia, quæ in arte sunt, referuntur. Instrumenta porro omnino sunt quatuor, quorum primi usus est in literarum pronunciatione, quam veteres *Orthoepejam* vocabant: terum in syllabarum modulatione occupatur, diciturque *Prosodia*: tertium *Etymologia*, vocis partes, *Nomen* puta, *Verbum*, *Participium* & *Particulas*, eorumque accidentia, ut *casus*, *genera*, *species*, *personas* & *tempora* exsequitur: postremum *Syntaxis* circa vocum inter se compositionem versatur. De *Orthoepejâ* linguarum, quæ multis jam sæculis in usu esse desierunt, vani ac propemodum irriti laboris est, quicquam velle præcipere, cum nisi de suspitione vix quicquam in medium afferri queat. Nihilominus ego quicquid de literarum Latinarum pronunciatione apud veteres inveni, diligenter exscripsi ac digessi, ut non tam quò pactò pronunciari, quam quomodo non pronunciari fuerint solitæ, inde

animadverti possit. Eam ^{ἐκλογὴν} his Annotationibus nostris subjiciemus: ubi Lector, unde nobis tot *Diphthongi* & *Triphthongi* Latinæ natæ fuerint, de quibus nemo nec veterum, nec recentiorum commemorat, inveniet. De *Prosodiâ* discipulos artis hujus ad Emmanuelis Alvari præcepta, versiculis satis feliciter comprehensa, rejecimus, adeoque nihil nos, quin ad *Etymologiam* properemus, remorari debet, nisi quod Magistri prius admonendi videntur, ut versiculos de accentibus hōc modō explanandos meminerint.

1. Vocabulum unius syllabæ in pronunciandō attollitur, ut *Mor*.
2. Vocabulum duarum syllabarum habet acutam priorem syllabam, ut *Mores*.
3. Vocabulum trium, aut plurium syllabarum habet acutam antepenultimam, si penultima sit brevis, ut *Moribus illicitis*.
4. Vocabulum trium aut plurium syllabarum habet penultimam acutam, si ea sit longa, ut *Moratus*,

D E N O M I N E.

Casus est specialis differentia numeri nominalis.] Ita Sanctio post alios definire visum est, quem in plerisque sequimur, velut primum & unicum artis hujus magistrum. *Specialis* (ait ille) *differentia dicitur illa, quæ cuique parti propria ac peculiaris est.* Jam verò numerus alius nominis est, alius verbi. Hinc ea, quæ sub eodem numero nominali inter se differunt, *Casus* vocantur, sicut *Personæ*, quæ inter se sub eodem verbali numero discrepant. *Casus* autem à *cadendō* dicitur, quod aliter atque aliter definat sive cadat, quod quidem in plerisque verum est: nam pauca nomina sunt monoptota, quæ unum modō casum seu terminatio-

nationem habent, ut *Genu*. Neutra etiam tribus tantum casibus variantur, ut *Templum, templi, templo*. *Opus, operis, operi*. Dativi etiam & ablativi omnes antiquitus tam apud Latinos, quam apud Græcos similiter cadebant, & hodie quoque in plurali numero eodem fine terminantur. Et si autem casus à terminatione nomen habet, numerus tamen casuum à significatione, non à terminatione pendet, adeoque sex omnino in omnibus linguis casus sunt, velut *Minerva* nostra *Sanctiana* demonstrat.

Genus est differentia nominis secundum sexus notam.] Nomina sexum non habent, adeoque Grammaticus ea non sexu, sed notâ sexus distinguit. Nota verò sexus masculini est *hic*, feminini *hæc*, neutri *hoc*. Itaque nomen pueri *Pagnium*, & meretricis *Glycerium*, sunt neutri generis, non quia sexu neutrum sint, sed quia notâ neutri generis afficiuntur propter terminationem: nam per terminationis regulam nomina in *um* exeuntia sunt neutri generis.

Tria sunt Genera.] Fugit ratio Grammaticos, cum quædam nomina *Communis* generis, alia *Omnis* generis fecerunt, ut *hic & hæc homo: hic, hæc & hoc femina*. Nec enim Latinè dicitur, *hæc homo*: neque ulli homini adjectivo sexus nota præponitur, propterea quod adjectiva genus non habeant, sed tantum terminationem accommodabilem, sive uni modò generi, ut *Bonus, bona, bonum*: sive duobus, ut *Fortis, forte*: sive tribus: ut *Par, oriens, felix*. Itaque cum legis, *hic felix*, nota sexus non pertinet ad nomen adjectivum, sed ad substantivum, *homo*, quod per figuram *Ellipsin* suppressum est & subaudiri debet. Similiter cum audis, *hæc homo*, subaudis aliud substantivum, nempe *femina*, ad quam illa sexus nota pertinet, quæ Elliptica Syntaxis erit, si dicas: *Hælena fuit homo pulcherrima*; alia tamen res est in illò Sulpicii ad Cic. de Tulliolâ. *Quoniam homo nata erat*. Ibi enim plena Syntaxis est. *Tulliola nata homo*.

Sicut Just. l. 1. *Semiramis credita est puer.* Liv. 28. *Porcus natus erat femina.* Atque hoc ipsum in omnibus illis valet nominibus substantivis, quæ *Epicœna* dicuntur, id est, quæ sub unâ terminatione utrumque sexum, sed alterutrum præcipuè significant, quorum alia masculina sunt, ut *Homo*, *latro*, *vates*, *miles*, *agricola*, *custos*, *dux*, *elephantus*, *leo*, *bubo*, *milvius*, *mus*, *sus*, *grus*, *piscis*, *lupus*, *bos*, *porcus*, *anguis*, &c. alia fæminina, ut *Balœna*, *aquila*, *vulpes*, *talpa*, *dama*, *musca*, *hirundo*, *hirudo*, *testudo*, *cornix*, *perdix*, *ovis*, *virgo*. *Epicœna* quoque masculina sunt nonnulla nomina verbalia in *tor* desinentia, ut *Pictor*, *auctor*, *auditor*, *scriptor*: alia *Epicœna* non sunt, cum eorum fæminina in *trix* exstent, ut *Victor*, *ultor*, *altor*, *genitor*. *Victrix*, *ultrix*, *altrix*, *genitrix*: quorum etiam nonnulla in plurali neutrius generis terminationem invenêre, ut *Victores*, *victrices*, *victricia*: *Ultores*, *ultrices*, *ultricia*. In *Epicœnis* verò substantiva nomina *mas* vel *femina* subaudiuntur, ut si dicas: *Penthesilea olim strenua miles erat*, pro, *strenua femina miles erat*. *Hortensia fuit civis disertissima*, pro, *civis femina disertissima*. *Gravissima in filium testis est mater sua*, pro, *gravissima testis femina*. *Elephantus gravida*, subaudi *femina*. Vide in Syntaxi figuratâ *Ellipsin*. Latine cundum regulam dices: *Hæc mulier est miles strenuus, bonus vates, idoneus auctor audendi. Vinum est dux pessimus. Aurum repudiatum est abstinentia testis optimus.*

A Fune funiculus] Apud Lucretium quidem legitur: *Aurea de cœlo demisit funis in arva.* Et lectionem Agellius & Nonius agnoscunt. Sed cum Quintilianus perspicuè affirmet, ex *funiculus* certò constare de masculinò genere *funis*, facile mihi persuadeo poetam scripsisse *Aureu*, unde postea effectum *Aurea*.

Comparatum, quod fit à nomine adjectivò.] Qualia suscipiunt magis & minus, substantiæ non item, ait Aristoteles, seu quisquis auctor est Categoriarum. Non

Non ergo à nominibus substantivis comparativa derivari possunt. *Senex, juvenis, adolescens, infans*, adjectiva sunt, adeoque magis suscipiunt, ut dicatur *Senior, juvenior* seu *junior, adolescentior, infantior*. A *penus*, Plautus finxit *penior*, quoniam *penus* ei adjectivum est, pro, *astutus*: quò exemplo dices *Neronior*, ut Nero pro adjectivò *crudelis* sumatur. Nec à verbis (ait Sanctius) possunt creari comparativa, quia verbum est veluti forma orationis, nec recipit comparationem, nisi additò adverbio, ut, *Currit, magis currit*. *Potior* igitur & *deterior* non sunt derivata à verbis *potior* & *detero*, sed à nominibus *potis* & *deter*. Nec etiam à particulis comparata formantur. *Citer, exter, super, infer, ulter, sæpus, propus*, apud priscos in usu erant. Inde formata, *Citerior, exterior, superior, inferior, ulterior, sæpior* & *sæpius* ac *sæpissimus, propior*. Falsum est, quod ajunt Grammatici, non posse formari comparativa à nominibus vocalem ante *is*, vel *us* habentibus. Bonos enim auctores habet *Tenuior* & *tenuissimus*: *assiduior, assiduissimus*: *strenuior, strenuissimus*: *exiguior, exiguiissimus*: *egregior, egregiissimus*: *arduior, arduissimus*: *perpetuor, perpetuissimus*: *industrior, innoxior*.

[*Superlata*] *Maturrimus* est Cæsar, Ciceronis & C^osumellæ *maturissimus*. Plautus ab ipse finxit *ipsissimus*, à patruò, *patruissimus*. Seneca ab *imbecillis*, *imbecillissimus* & *imbecillissimus*. *Infandissimum* dixit Varius in Thyeste.

D E V E R B O.

Triplex est verbum ratione significati.] Neutra verba (ait Sanctius) nullo pacto esse possunt, quia teste Aristotele, omnis motus, actio aut passio, nihil medium est. Communia verba, id est, simul activa & passiva, fuerunt multa ante Ciceronis

tempora, postea verò deposuerunt passivam significationem, unde dicta sunt *Deponentia*. Sed mera sunt activa: quid enim differant, *Prosequor te honore, & afficio te honore.*

DE PRÆPOSITIONE.

Præpositionibus Grammatici annumerant, *Circiter, prope, propius, proxime, pridie, postridie, procul, secus, usque, versus & versus*. Sed ea esse adverbia Sanctii Minerva docet, quâ de re nos quoque in adverbiorum Syntaxi attigimus. *Secus viam*, pro, *juxta*, *secundum*: Quintilianus ætate suâ vulgo usurpari solere significat, cum lib. 8. cap. 2. ita scribit: *Pessima sunt ἀδυσκόντα, hoc est, quæ verbis aperta, occultos sensus habent, ut Conductus est cæcus secus viam stare.* Sed non intelligo, cur id dicat ἀδυσκόντα, cum satis planus ejus esse sensus videatur, nimirum, *cæcum pretiò fuisse conductum, ut staret secus viam.* In sacris quidem legimus Psal. 1. de Lignò *secus decursus aquarum*. Atque hinc nisi me animus fallit, Historiæ Indicæ conditor, lumen & ornamentum Soc ietatis Jesu Massejus errorem illum hausit, ut *secus* Præpositionem crederet, in eâque tantum non delicias faceret, ut Epist. lib. 2. epist. de obitu Silveriæ: *Secus diversorium*. Et lib. 3. epist. Ludovici Almeidæ: *Secus aream*. Et lib. 4. epist. 1. *Aream ad mare secus arcem optimò situ*. Atque hinc intelligi potest, quam parum tuta sit frequens eorum librorum lectio, qui minus bonâ Latini sermonis ætate scripti fuere, si quis præsertim, quod Italis hominibus suâ ingeniorum felicitate fretis solemne est, omnes veteres auctores & Grammaticos cognoscendi laborem refugiat. Certè si Charisium Sospitrum legisset Massejus, nunquam ille, ut ista scriberet, animum induxisset. Ejus enim lib. 1. verba sunt:

sunt: *Secus*, adverbium, significat aliter. Unde nascitur *secius* ἀλλοτρίως. Cæterum id, quod vulgus usurpat, *Secus illum sedi*, hoc est, secundum illum, & fatuum & sordidum est. Neque tamen deterioris notæ est *secus*, quam *amiculus*, pro, *amiculum*, quo idem Maffejus Histor. Ind. lib. 12. sic utitur: *Timicæ amiculum superinduunt breviorē, manicis non ultra cubitum eminentibus*; quò etiam locò, satis imperitè *eminentibus* dixit, pro, *pertinentibus*, sive, ut posteriores maluerunt, *pertingentibus*, etsi id alicubi sciolorum operâ in unò Sallustii & Cæsaris locò subsedit: nam ut Servius notat, *eminere dictum est, à minis*, sive *pianis murorum in altum editis*. Etsi ergo ἀνεγὼ hoc, *Cubitus è manicis eminet*, pro, *exstat*, bonis auctori- bus defendi potest, longè tamen aliud est, *Manicæ non ultra cubitum eminent*. Eiusdem notæ est *caligæ*, pro, *braccis femoralibus*, lib. 12. *Talarem gestant tuni- cam, hanc domi demittunt, prodituri autem in caligas in- fundunt ad imum equaliter laxas*. Sed de istis eorum- que similibus, quibus dictionem Maffej i cæterum cultissimam, inquinatam deprehendi, in *Syntagma- te nostrò de Styli historici virtutibus*, uberius disputa- tum Lector inveniet.

Foras, Palam] Ista præpositionibus contribuere mihi visum est, quod ea sexto casui præposita com- perissem, nec *Ellipsi* locum esse judicarem. Lu- cret. 6. de pestilentia: *Spiritus ore foras tetrum volue- bat odorem*: Et supra: *Atque aliud per ligna, aliud tran- sire per aurum, argentòque foras, aliud vitroque meare*, id est, exire ex argentò, seu transire per argentum. Liv. lib. 6. *Creditori rem palam populò solvit*. Horat. Epod. 11. *Ubi hæc severus te palam laudaveram*, pro, *coram te*. Fallitur ergo Grammaticus vetustissimus Fl. Caper, cum scribit: *Coram illò dicendum est, non palam illò*: nam *palam* ad multos refertur.

Sine ex priscò, *Se, vel Sed*] Pervulgatum est vete- res dixisse: *Se fraude*, pro, *sine fraude*, & *sedulo*, esse

esse *sine dolô*. Sed, pro, se, notavit Festus. Ex se porro formatum est *sine*, ut ex *Prodit*, *prodinit*: ex *jecor*, *jecinor*. *Secors*, est *sine corde*. *Segnis*, *sine igni*, & velut frigidus ad agendum.

Comminus] Non nemo fortasse inter præpositiones utrumque casum regentes retulerit, propterea quod apud Propert. lib. 2. eleg. 19. legatur: *Non tamen ut vastos ausim tentare leones, Aut celer agrestes comminus ire sues*. Et lib. 3. eleg. 1. *Fluminaque Æmonio comminus isse viro*. Nam priore locò per Ellipsin suppressa est præpositio *ad*, ut sit: *Ire sues*: sicut Virgil. *Sitientes ibimus Afros. Devenere locos latos*. In altero *ire viro* dictum est, quemadmodum *it clamor cælo*, quò exemplò alibi Propert. *Ut formosa novæ parat ire viro*. Cæterum Servius in illud Virg. 1. Georg. *Quid dicam, iactò qui semine comminus arva Insequitur*: monet *comminus* non significare ex propinquò, sed statim, *sine Intermissione*, qui significatus (ait) frequentissimus est in Cisalpina Gallia. Vulgo enim dicunt: *Vade ad eum*, sed *comminus*. Unde Virgilius magis patriam consuetudinem videtur secutus. Veteres enim non in tempore, sed in locò *comminus* ponebant, id est, juxta, cui contrarium est *eminus*, id est, longè. Nempe si Servio credimus, Virgilius Mantuanè potius, quam Romanè locutus est. Cujus eum culpæ idem reum agit in hòc versu: *Urgeri volucrum raucarum ad littora nubem*. *Raucum* (ait) τῶν μίγων est, sicut grave olens. Sciendum tamen Virgilium secundum morem provinciæ suæ locutum, in quâ bene canentes, cygni *rauciores* vocantur. Sed in hòc quærat Grammaticus, cui persuadeat. Ego quidem Luciano subscribo, qui *raucam* & *insuavem* cygnis ex æquò omnibus vocem tribuit. Iterum Servius in illa Virgilii: *Latus hausit apertum*. Quidam (inquit) *Italicam* elocutionem putant. Cum enim à latere quis aliquem adortus gladiò occidit, *Hausit illum*, dicunt. Idem *Italicum* vulgare, non Latinum esse ait *Zemas*, quod significat *ollas areas*, pro

pro quibus Virgilius Græcè *Lebeas* dixerit : Sicut etiam *Cyma*, pro, *vertice montis* Charisius vulgaris linguæ esse ait, non Latinæ, similiterque *Pastillus* & *Sylli*. *Cyma* vel *cuma* (sic enim veteres scribebant & pronunciabant.) Hispanis est *cume* & *cumbre*, sicut *horne* & *hombre*, *nome* & *nombre*. Itali hodie quoque *Cima* vulgo dicunt. Ita *Ploxenum* Catulli Transpadanum erat vocabulum, ut lib. 5. cap. 5. testis est Fabius, qui omnia Italica pro Romanis habere se testatur, eoque ipso advocacionem Virgilio adversus Servium commodat.

DE ADVERBIO.

Cur, quin] Ista non sunt *nativa* adverbia, sed *reperita*, sive, ut Grammaticè loquar, *usurpata*. A naturâ enim, sive primigeniâ significatione *cur*, est *cure*, sicut ex priscò *cume* factum est *cum*, ex *Sine*, pro, *Si non*, factum est *Sin*. *Cure* autem est *cui rei*, in ablativò casu, qui ut supra demonstravi, dativo erat similis : ; porro in utrâque voce omissum fuit Græcorum imitatione, ut in *musâ* pro *musai*, supra contigisse dixi. Veteres scribebant *quor*, pro *quore*, id est, *quire*, seu *quare* : nam *quis*, ut dixi, omnium erat generum. Idem ergo prorsus sunt naturâ & significatione *cur* & *quare*, & utrobique subauditur præpositio *de* vel *in*. Plautus Poen. act. 1. sc. 2. *Nimia nos secordia hodie tenuit. AD. quâ de re objecro? AN. quia non dudum ante lucem venimus.* Nepos in Thymol. *Dixit se in eâ re maximas diis gratias agere, quod se potissimum ducem esse voluissent.* Potest tamen *cur* pro *cui rei* in dativò accipi, quomodo apud Plautum Poen. act. 2. sc. 1. *Viscum legioni dedi 40 fundas : eo præsternebam folia farferi. LY. cui rei? AN. ne ad fundas viscus adhæresceret ; sicut Sin, est, Si ne.* Jam *quin* est *qui ne*. Ubi *ne* significat *non*, ut *Ne recte loqui Nemo*,

Nemo, pro, *ne homo*. Nepurus, pro, *non purus*. Nescio, pro, *non scio*. Nequeo, pro, *non queo*. Qui est ablativus, pro, *quâ vel quô*, ut *subaudiatur, re vel modô*. Est ergo *quin*, idem quod *quare non, quô modô non*, vel absolute *quô non*, ut *Nullus dies est, quin de te cogitem*. Sed quia *qui & quis* sunt omnium generum apud veteres, eô factum, ut *quin* significet etiam *quæ non*. Plaut. Persa: *Mulier nulla erit, quin sit mala, quæ retinet, si quid fieri perverse videt.*

Ideo] Duo sunt nomina, etsi usus fecit unum & adverbium: nam & *quomodo* duo sunt nomina. Cic. 12. ad Attic. 6. *Quomodo hoc ergo lues? uno scilicet, si mihi librum miseris*. Plaut. Trin. act. 5. Sc. 1. *Quem ego magis amo, quam te. S T. quam me? quomodo? P H. hôc modô, ut molestus ne sis*. Similia sunt in Plautô plura. Nihilominus usu factum est, ut *quomodo*, adverbium fieret, adeoque ultimam ejus syllabam Horatius corripit. 1. Sat. 11. *Cum Victore sequor. Mæcenus quomodo tecum*. Similiter postremo, cum naturâ & origine sit nomen ablativi casus, usurpatione exiit adverbium, ut ex Juvenali discimus, qui postremam ejus literam corripit. Ita & siquidem duæ sunt particulae, usu tamen in unam coaluerunt, ut ex hóc Ovidii versiculô apparet: *Quæ mihi ventura est, siquidem est ventura senectus*. In hanc sententiam scribit Serv. in Æn. 5. *¶ Jam usus obtinuit, ut Hactenus, pro una parte habeatur*. Ergo adverbium est. Omnis enim pars orationis cum desierit esse, quod est, in adverbium migrat. Id. in Georg. 1. nomen *supellex* ait esse *usurpatum*, quia scilicet usu fuerit introductum contra regulas artis, per quas rectum est, *hæc supelleçtilis*. Similiter in Georg. 3. *Lea* dicit esse *usurpatum*: nam *Leæna* esse *Græcum*, Latine autem dici, *hic & hæc leo*, ut tamen, velut monui, in *hæc leo*, subaudiatur *fæmina*. Nimirum quod de verbis ait Cicero, alia eorum *nativa*, esse, id est, quæ significatione sint primô sensu, alia *reperta*, quæ ex his facta sunt: idem in verborum significationi-

tionibus valet, ut aliæ sint nativæ vel primigeniæ, aliæ repertæ vel usurpatæ, quas usus nonnihil à naturâ sui primæque origine detorsit. Ita *quum* seu *cum* & *quod*, naturâ sunt duo nomina relativa, cum quibus præpositio *ad* subauditur, velut in Annotationibus *Paradigmatum* monui. Usus tamen fecit particulas, id est, vel adverbia, vel conjunctiones, quod ipsum in *magis*, *satis*, & *nimis* contigisse dixi. Quemadmodum enim veteres indifferenter *potis* & *pote* de masculinis, fæmininis & neutris tam pluralis, quam singularis numeri dicebant (quod in *Thesaurô Scioppiano* id est, in Commentariis de linguâ Latinâ multis auctorum exemplis confirmatum videbis) similiter nullô generis aut numeri discrimine *nimis*, *magis* & *mage*, *satis* & *sate*, vel per *Apocopen*, *sat*, cum substantivis conjungebant, vel expressis vel suppressis. Cic. *Nimis insidiarum adhiberi videtur*, subaudi, *negotium* vel *res*, quasi esset: *Nimia res*, vel *nimum negotium insidiarum*, hoc est, *nimic insidiæ*. Idem: *Non nimis me, sed alios admodum delectant literæ illius*. Ubi *nimis* est, *ad nimis negotium*, vel *ad nimum*, sive *in nimum negotium*: nam *nimum* sicut in *plus*, plerumque præpositio *nævi*, id est, *in*, *ad*, vel *in* vel *circa*, vel *secundum*, subauditur, quod ipsum in *plurimum*, *multum*, *tantum*, *quantum* (ex quò per contractionem *tam* & *quam* fecerunt) similiterque in *id*, *quid*, *quicquid*, *aliquid*, *nihil*, *melius*, *pejus*, *citius*, *parum* & *paulum* usu venit. Utrôvis ergo modò per præpositionis Ellipsin dicitur, *Tempus nimum longum*, & *nimiò longum*. Valet enim illud, *ad nimum negotium*, hoc autem à *nimiò negotiò*: id est, *quod ad nimum negotium attinet*. Cicero: *Hoc exiguum tempus, quod mihi tamen nimum longum videtur*. Plaut. *Nimum libenter edi sermonem tuum*. Idem *Vixisse nimiò satius est, quam vivere*. Nævius Agitatore: *Nimiò arctè colligo*. De *plus* exempla sunt, Cic. *Plus annum obtinere provinciam*, pro, *ad plus tempus*. Terent. *Ut cum matre plus esset unà*. Simi-

Similiter ut idem : *Ibi plurimum est*, pro, *ad plurimum*, vel *per plurimum tempus est*. In hoc Ciceronis, *Plus virium habet alius aliô*, subauditur, *negotium*. Plaut. *Dii plus plusque sospitent istuc quod nunc habes*, pro, *ad plus plusque tempus* : pro quo dici poterat eâdem Syntaxi, *magis magisque*. Sicut Catull. *No-tescatque magis mortuus atque magis*. Cic. *Magis & magis de Græciâ cogito*, pro, *ad magis tempus* : nam *plus & magis* nihil differunt. Itaque sicut in nominativô rectè dicitur, *Plus est*, quod *gratuler tibi*, quam quod *te rogem* : Similiter dixit Cicero, *Magis est quod gratuler*. Ita minus minusque : Ter. Heaut. a. 3. f. 3. *Nam mihi jam minus minusque obtemperat*. Eadem in *satis & sat* ratio est : quæ nihil aliud significant, quàm *sufficiens*. Cic. *Cethego de repub. satis suppeditabat oratio*. Ubi *satis*, est nominativus fæmininus singularis, sicut masculinus accusativus singularis apud Virgil. *Ipsa satis tellus*, cum *dente recluditur umco*, *Sufficit humorem* : & nominativus neutralis singularis apud eundem Cic. *Ipse Romam venirem*, si *satis consilium esset*. Item : *Hoc facere satis est*, pro, *satis negotium*. Plaut. *Quicquid est domi, id sat est habendum*. Cor. Nepos Epam. *Abstinentiæ erit hoc satis testimonium*. Plurale masculinum est in hoc Plauti : *Quatuor homines sunt satis*, pro, *sunt satis homines*, vel *satis hominum*. Plurale neutrum apud eundem Plaut. *Ut satis consilia suppetant*. Et Propert. *Cum satis una tuis insomnia portet ocellis Fæmina*. Et Virgil. *neque enim responsa dabantur fida satis* : Si tamen *satis responsa dictum volumus* : nam si placeat *satis fida*, valebit, *ad satis negotium* : quod minus incredibile judicabit, qui *tantum & multum* eodem prorsus exemplô suppressâ præpositione & nomine *negotium* usurpari noverit. Catull. *Nec tantum niveô gavisâ est ulla columbô Compar*, pro, *in tantum negotium*, sicut Virgil. *Nec puer Iliacâ quisquam de gente Latinos*, *In tantum spe tollet avos*, nec *Romula tellus ullô se tantum tellus jactabit alumnô*. Ubi *tantum &*

in tantum indifferenter poni videmus. Liv. 22. 27. *In tantum* suam virtutem enituisse. Juvenal. *In quantum* sitis atque fames & frigora poscunt. Cicero: Si me amas *tantum*, quantum profecto amas, pro, *ad tantum*, sive *in tantum*, *in quantum*. Plaut. Multum amo illam: pro, *in multum* negotium. Cæsar: Neque multum frumento, sed maximam partem vivunt lacte. Plin. 10. cap. 36. Solutus columbarum volatus est *in multum* velocior. Ubi etiam dici poterat, à multo velocior, & per Ellipsin præpositionum multum & multo velocior. Cic. Multum omnibus gloriâ præstare. Multo magnus orator præstat minutis imperatoribus. Sicut paulum & paulo, aliquantum & aliquantò indifferenter dicitur præpositionibus suppressis. Varro: Nemini paulum modo humaniori ignotus. Plaut. Multum improbiore sunt, quam à primò credidi. Fabius. 1. cap. 7. Sed paulum superiores quod nos dicimus fussi, dixerunt fusi. Sallust. Jug. Cum vineæ paulò procefferant, igni aut lapidibus corrumpebantur. Terent. Heaut. Paulò qui est homo tolerabilis, id est, etiam ille, qui est aliquantò tolerantior, commodior, patientior. Ibid: Aliquantum iniquior erat. Livius: Quantum magis patres plebi se insinuant, eò acrius tribuni contra tendebant. Idem: Ad immensum augere aliquid, pro quò dici poterat, immensum, ut Ovid. 5. Fast. de Orione: Creverat immensum. Et Tacit. Euphraten nullà imbrium vi sponte & immensum attolli. Rursum Livius: Formam viri aliquantum humanam ampliorem intuens. Et lib. 42. Dextera pars labæ terræ in aliquantum altitudinis diruta erat. Dictys, seu quisquis optimis temporibus bellum Trojanum descripsit: Nostris multorum dierum navigatione in aliquantum exhaustis. Etiam in id, quid, aliquid, nihil, præpositionem subaudiri nemo, nisi indoctissimus, dubitaverit, ut in his Livii: Militibus nihil reipub. committendam esse. Nihil ordinum memores. Magister equitum nihil consultò dictatore evectus. Et Plaut. Apage amor, non places, nihil te moror. Et Senec. Pollio eos

servos, qui se aliquid offenderant, in vivarium abjici jubebat. Plaut. Curc. Non est mirandum, melius si nihil sit tibi, pro, ad nihil, à nihilò, vel nihilò melius. Ulpianus quidem præpositionem sic expressit leg. 1. §. 7. Dig. ne quid in flumine: Si ea res cursum fluminis ad aliquid immutavit. Eòdem nempe modò ad nihil, ad multum, ad plus, ad magis, ad nimis vel nimium, ad satis rectè dixeris, quod quidem ad artis regulas attinet: quibus tamen meminisse oportet potentiorum esse Romanorum usum, quem ex libris auctorum discimus. Ita quod Cicero dicit, *Oratione nostra magnam partem ex hæcambis constat*: præpositionem ad vel in suppressam habere ex eò intelligitur, quod sæpius idem habet: *Quod mea multum, tua nullam in partem interest. Non sentientis nihil est, quod ullam in partem intersit. Mea omnem in partem interest. Hac neutram in partem effici possunt. Me tibi in omnes partes defendendum putes.* Pro quibus alibi, *Nulla ex parte, omni ex parte, magna ex parte* dicere solet. Sic Ovid. 10. Met. de Mida: *Cætera sunt hominis, partem damnatur in unam, Induiturque aures lente gradientis aselli*: ubi præpositio per Ellipsin eleganter omitti poterat. Livius 42. 3. *Ædem Junonis ad partem dimidiam detegit*: pro quò dicere poterat, *ex parte dimidia*. Sed ad satis redeo, quod nomen esse vel comparativus satius fidem fecerit. Priscianus lib. 15. *Nimis, quod etiam nimium dicimus. Satis, quod etiam locò nominis positivi accipitur. Itaque etiam comparisonem recipit, satius.* Et mox: *Satis quia pro sufficiens accipitur, ideo habuit comparisonem, satius.* Idem Cicero. *Plato hominem id ætatis in tam longo sermone diutius retinere noluit: multò ego satius hoc mihi faciendum putavi in Scævola.* Sed & satior apud Plin. legitur lib. 17. cap. 5. *Terra pulla erit optima, & operi satior, id est, melior, appositior.* Porro in ideo, quod usu in unum vocabulum coaluisse dixi, Pleonasmus est: nam & id significat ob id, propter id, &

eo significat *ab eo*, *ex eo*. Plautus. *Et id huc reverti, ut me purgarem tibi*. Idem: *Non es in senticetò, eò non sentis*, pro, *eò negotiò vel nomine*, sicut *eà re*, *eà causà*. Varro: *Heliotropia flores vocant ab eo, quod ad solem semper spectant*.

Propterea quod] dicitur per Syllepsin numeri, cum per regulam rectum sit, Propter id quod. Cui similis hæc Plauti: *Amor amara dat tibi satis quod agere sit*. Item. *Ego te de alià re rescivisse censui, quod ad me attinet*. Item: *Potius quam istam à me operam impetres, quod postulas*. Item: *Si quid stultè fecit, ut ea missa facias omnia*. Item: *Quid negotii est, quamobrem mihi succenseas*. Et Varronis: *Deterrent à saliendo fiscellis è juncò, aliàve quà re, quod alligant ad naturam*.

Manè, serò, tempori.] Ista naturà sunt nomina, usu verò adverbialia: nam *manus* & *manis* priscis significat *bonus*, cui contrarium *immanis*, id est, *minime bonus*, adeoque *sævus* seu *crudelis*. *Dii manes*, hoc est, *boni defunctorum spiritus*. *Mane tempus*, quod *nox* jam non ditem pellit. Persius. *Jam clarum manè fenestras intrat*. Cic. *Literas tuas Fesulanus multò mane mihi dedit*: sicut, *Multà nocte*. Plaut. *Pœn. A mani ut ad portum processimus*, id est, *postquam jam mane tempus, seu matutinum fieri cœpit*. Idem: *Hæc pugna pugnata est ab usque mane ad vespertum*. In *serò* subauditur *tempore diei*. Apud Livium quidem legimus: *Castrorum oppugnatione, quia serum erat diei, abstinuere*. Sed adverbialiter usurpatur, cum legis, *Serò est*, pro, *res est in serò tempore*, sicut apud Plautum: *Nimis panè mane est*. Ex eoque posterior in *serò* sæpe à poetis corripitur, sicut etiam in *quomodo*, *postremo*, *medicando*, *vigilando*, quamvis ablativi sint: nec aliter in *exemplar*, & *calcar* postremam faciunt brevem, licet nomina sint adjectiva, per *Apocopen* facta ex *calcaare* & *exemplare*, in quibus *negotium*, id est, *res* subauditur. *Tempori*, ablativus est pro *tempore*, ubi subauditur *in*. Plaut. *Alcmena auxilium in tempore feram*. Ter. In

tempore ad eam veni, id est, *tempestivè, attemperatè, cum tempus ipsum esset* : ubi Donat. *In tempore, oportune, nos sine præpositione dicimus, tempore & tempori.* Cicero : *Ego renovabo commendationem, sed tempore, id est, in suo tempore, cum suum tempus advenerit.*

Vænum] Nomen esse accusandi casus, in quo præpositio ad subaudiatur, nullum mihi est dubium. Tacitus enim sine dubio veterum exemplò in dandi casu *væno* posuit. Annal. 14. 15. *Exstructa conventicula & caupona, & posita væno irritamenta luxus.* Et in ablativò, Annal. 13. 51. *Militibus immunitas servaretur, nisi in iis, quæ vænò exercerent.* Apulejus alios fortasse auctores secutus, *vænu* dixit lib. 9. Afini : *Alterâ die productum me rursus voce præconis vænui subiiciunt.* Hinc apparet, *væneo* factum esse ex *vænum* eo, quod est, *ad vænum* eo, sicut *mercatum* eo, & *ad mercatum* eo. Plaut. Mercat. prolog. *Pater ad mercatum me meus misit Rhodum.* Dico esse iturum *me mercatum*, si velit. Ibid. act. 2. sc. 3. *Illam trans mare hinc vænum asportet.* Ex *vænum* dare factum est *vendere.*

Pessum] Ex *pansum* factum fuit *passus* : nam Agellius lib. 14. cap. 15. & 15. c. 13. & Servius in Æn. 1. mentiuntur, dum à *pando* *pansum* dictum negant. Lucretius enim lib. 1. *Dispansus* dixit : *Vestes dispansæ in sole ferescunt.* Non aliter quam à *scando*, *scansum*, à *tundo*, *tunsum* dicebant. Plautus tamen *dispeffus* dixit pro *dispassus*, similiterque *Passò velò*, & Virgil. *Crimibus passis*, Ennius & Cæsar *passis palmis*, pro manibus expansis. Ad hoc exemplum à *pendo* factum fuit *pensus*, ex eoque *pessus*, quod est *gravis, ponderosus*. Plaut. Stich. *Utra conditio est pensior, virginem an viduam habere?* id est, *utra plus pendit, utra prægravat, præponderat.* Hinc *pensum* seu *pessum* ire, pro, *deorsum*, quia graviora pondere suo deorsum feruntur. Cicero, *Verbis aliquem pessum dare* dixit, Fabiò teste, pro *affligere, perdere*. Plautus : *Pessum premere.*

Oppidoquam] Vitruvius lib. 8. cap. 3. *Funiculus oppidoquam parvulus*. Utitur & Agellius, eoque haud paulò doctior in Scoti dumtaxat senticetis Theologus ille, cujus liber ita inscriptus exstat : *Oppidoquam Reverendi Patris, Fratris Johannis Thomæ Tomaceti Minoritæ Conventualis, Baccalaurei formati, Quæstiuncula & Expositiuncula in doctissimas & subtilissimas Formalitates Johannis Duns Scoti, Doctoris subtilis*.

Parum] Naturâ nomen est, in quò subauditur *ad*, sicut in *paulum*. Utrumque verò factum est ex Græcò *παῦρον* : nam extrita *u* exiit *parum*, & *p*, in *λ*, mutato *paulum* : transpositis verò literis, *parvum*. Cicero : *Parum est, quod homines sefellisti*, subaudi, *negotium*, Idem : *Parum meministi quid concesseris*, pro, *ad parum*. Idem : *Parum multi*, pro, *pauci*. *Parum sæpe*, pro, *raro*. Eadem Syntaxis est in *paulum* humanior, aliquantum augustior. Lucretius *parvum* dixit, pro eò, quod est *paucum* seu *pauxillum* : neque enim unquam est penuria parvi : id est, *parum* seu *paulum* nunquam deest : quo modò Livius 10. 45. *Ut parvò admodum plures caperentur* : pro, *paulò plures*, qui etiam lib. 35. 11. *equi hominesque paululi* dixit, pro, *parvuli, exigui*. Cicero : *Paulum novi allatum est*. *Paulum abesse*. Terent. *Parum interest*. Itaque *parum*, *parvum*, & *paulum* nec origine sui, nec significatione differunt.

Tam Quam] Etiam ista primâ sui origine nomina sunt, sed usus fecit adverbia, vel conjunctiones. Ex *tantum* compend'ò fecerunt *tam*, ex *quantum* verò *quam*. Itaque significatione nihil inter se differebant, & in utròque præpositio *ad* vel *in* subaudivatur. Cicero : *Hic tam imbecillus, quam videtis* : pro, *in tantum, in quantum videtis*. Ascon. Ped. in Divin. in Ver. *Tantum mihi divinitas faveat, quantum verum est illud, quod dico tibi*. Terent. Hec. Non verbis dici potest *tantum*, quam re ipsâ navigare incommodum est. Ubi *quam* est *quantum*, sive *in quantum*. Plaut.

Scio quàm sit seævus, pro, in quantum sit seævus. Terent. Adel. Eamus, namque hic properat in Cyprum. S. A. ne tam quidem, quamvis etiam maneo otiosus hic. Ubi Donatus: Tam, pro tantum. Et quamvis, pro, in quantum vis. Integra ergo oratio est: Ne in tantum quidem negotium propero, in quantum tu me properare dicis. Cicer. Hic quàm volet Epicurus jocetur; homo non aptissimus ad jocandum, pro, quantum, sive, in quantum volet; sæpe apud Plautum & Terentium legitur, quantum potes vel potest, pro, cito, subito, quantâ maximâ fieri potest celeritate. Ubi Donatus citò lubaudiri monet, ut sit quantum potes, citò abi. Plaut. Pers. Ire hinc volo quantum potest: pro, quantum citò pote est: sed verius est subaudiri tantum. Plaut. Aul. Domum me quantum potero, tantum recipiam, pro, In tantum citò me recipiam, in quantum potero. Idem Mil. Ego quantum citius possum, mihi navem paro, ubi nullo discrimine citò & citissimè dici poterat. Idem Most. Tu ut accepiisti tantum quantum quis fugies. Liv. 37. 20. Ipse cum turmâ suâ quantum potuit effusissimis habenis stationem hostium invadit. Eodem sensu dicitur, quàm potes. Plaut. Milit. act. 3. sc. 1. Quàm potes, tam verba confer maxime ad compendium. Sic ex quantum magis, fecerunt quàm magis. Livius 3. 15. Quantum juniores patrum plebi se magis insinuant, eò acrius contra tribuni tendebant. Plaut. Afin. act. 1. sc. 3. Quàm magis te in altum capeffis, tam æstus te in portum refert. Livius sæpe cum superlativo quantus & quam ponit, nullo discrimine, ut lib. 28. 1. Quantis maximis potuit itineribus prægressus. Et lib. 22. 6. Sublatis raptim signis quam citatissimò poterant agmine se abriperunt. Itaque quod Terentius dixit in Andr. Rejecit se in eum quàm familiariter: potuisse aliter dici, Quantum familiariter, ex hoc Plautinò patet Amph. act. 1. sc. 1. Nescio quantum tu familiaris sis. Hinc etiam ex quantum quantum factum est, quamquam: ex tantum quantum, tamquam. Cic. Quamquam abest culpa, suspitione tamen non caret, pro, in

in quantumcumque abest. Terent. Quamquam est scelestus, non committet iterum ut vapulet, pro, quantumcumque scelestus est. Cic. Ut istum tamquam si esset consul, salutarem, pro, tantum salutarem, quantum si esset consul. Idem: Apud eum sic fuit tamquam domi meæ. Ubi sic per Pleonasmum abundat, quemadmodum in hoc ejusdem: Sicut aliis in locis parum virium veritas habet, sic in hoc loco falsa invidia imbecilla esse debet. Et ita in isto: Hæc sicut exposui, ita gesta sunt, pro, sic gesta sunt, ut exposui. Neque verò quam quantum aliud est, ac quantum quantum, seu quantumcumque. Plaut. Oratio hujus pluris est, quam quanti empta est, pro, quanti quanti aris pretio empta est, tamen pluris est hujus oratio. Cicero. Sexies tantum, quam quantum satum sit, ablatum esse, pro, quantumcumque satum sit, tamen sexies tantum ablatum esse. Idem: Majorem pecuniam Prætori pollicetur, quam quantam tu dedisti: pro, quantamcumque tu pecuniam dedisti, ille tamen majorem pollicetur. Ter. Phor. a. 5. s. 7. Heus quanta hæc mea paupertas est, tamen adhuc unum hoc curavi, ut mihi esset fides, pro, quantacumque.

Quin.] Aliàs interrogat, aliàs intendit sive augeat, aliàs hortatur, cum factum sit ex qui ne seu qui non. Plaut. Quin vocasti hominem ad cœnam? pro, qui non, seu cur non? Terent. Quid stas lapis? quin accipis? Idem: Quin tu hoc audi, pro, audi me tu, quid ni? Idem: Quin tu unò verbò dic quid est, pro, unò verbò (quid ni) dic quid est. Idem. Quid nunc agimus? GN. quin redeamus, jam hæc tibi aderit supplicans. Ubi Donatus, Quin, pro immo, quasi esset: Redeamus; & quid ni? Idem: Quin Pythias tu me servato. Ubi Donatus: Quin pro immo. Cicero. Credibile non est, quantum scribam die, quin etiam noctibus; nihil enim est somni: quasi dicat: Quid ni die multa scribam, cum scribam etiam noctibus? Tandem quin relativum est, ita ut qui significet quomodo, ut: vel etiam absolute quo vel qua. Plaut. Numquid causæ est, quin te in pistrinum

num condam? pro, quā causā non te condam? Cic. Nul-
lus dies est, quin domum meam veniat, pro, qui die non
veniat, ut Plaut. Men. *Vs conclamari auctiōem fore qui
die?* M E. *die Septimi.* Cic. Prorsus nihil abest, quin
sim miserrimus, pro, ut non sim, quomodo non sim miser-
rimus. Idem: Causa nihil dico quin ita sit, pro, qui ne,
seu cur non ita sit. Idem: Facere non possum, quin ad te
mittam. Terent. Effice qui uxor detur tibi: ego id agam,
mihi qui ne detur. Ubi Donatus: Qui, pro, quemad-
modum, & ne, pro non.

Unā] Usus fecit adverbium ex eō, quod fuit unā
operā, vel eādē unā operā. Plaut. *Iubes ut te defraudem.*
Iubeas unā operā me piscari in aëre: pro quō, per El-
lipsin dicere poterat, *Iubeas unā me piscari.* Idem:
Rogat te hera, ut hoc nunc unā operā ad aurificem deferas:
pro, unā cum pallā. Idem: *Quā operā credam tibi, unā
operā alligem canem agninis lactibus,* pro, si crederem tibi
simul canem inestinis alligarem. Livius 28. *Unā & me
trajecisse audieris, & ardere bellō Africam, & obsideri Car-
thaginem,* pro, unā operā. Cic. Si mei consilii rationem
cognoverit, unā & id, quod facio, probabit, & in hāc causā
putabit, &c. Usu tamen, ut dixi, factum est adver-
bium, significatque simul. ut Cic. *Cum essem unā cum
eō in turbā.* Terent. *Filius cum illis unā aderat.*

Fortē, fortuito.] Forte, est ablativus à fors, quæ est
fortuna, idemque significat quod casu. Horat. *Qui
sit Mæcenas, ut nemo, quam sibi sortem seu ratio dederit,
seu fors objecerit, illā contentus vivat?* Plaut. Men. Pro-
log. *Rus ut ibas fortē, ut multum pluverat.* Terent. *For-
te fortunā adfuit hic meus amicus.* Cicer. *Aut casu, aut
forte fortunā fieri.* Idem: *Cum casu decedens ē provinciā
Puteolos fortē venissem.* In fortuito, subauditur casu.
Livius 34. *Ne quō casu interceptæ literæ palam facerent
conata.* Ubi dici poterat, *Ne fortuito interceptæ literæ.*
Cicer. *Non repentinā aliquā voluntate, neque fortuito in-
cidere ad aliquid agendum.* Fortuito verò, merum est
adverbium. Cicer. *Casu & fortuito navis in portum in-
columis delata est.*

Mea-

Meatim, tuatim.] Plautus Amph. act. 2. sc. 1. *¶* *am tuatim facis, ut tuis nulla apud te sit fides.* Sergius in Donat. *Meatim nihil est aliud nisi meo more. Tuatim, tuo more.* Nonius Marcellus. *Canatim, suatim, bovatim, canum & suum & boum genere.* Id quod Nigidii Figuli verbis probat. Idem Lucilii hunc versum laudat: *Longior hic, quam grus, grue tota cum volat olim.* Ubi tamen fieri potest, ut Nonius fuerit more suo, aut *suatim* alucinatus, scripseritque Lucilius: *Gruvatim cum volat olim,* hoc est, ut grues solent. Ita *Luvit*, pro *luit*, Lucil. & *Pluverat* Plautus, pro *plueras*.

Forſit, forſitan.] Plures voces in unam concreverunt, quali eſſet, *An forſ ſit vel fuat.* Lucret. 6. *Forſit & Æthiopum penitus de montibus altis creſcat: pro forſ, ſeu fortuna ſit ut creſcat, poſſet eſſet forſ ſeu caſus talis ut creſcat.* Propert. 2. eleg. 9. *Iſte quod eſt, ego ſæpe fui, ſed forſit in horâ, Hôc ipſo ejeſtô carior alter erit.* Horat. *Diſſimile hoc illi quia non ut forſit honorem, Jure mihi invideat quivis.* Virgil. *Forſit vota facit, cumulatque altaria donis.* Idem: *Forſan & hæc olim meminiffe juvabit.* Idem *Forſitan & Priami fuerint quæ fata requires.* Varro. 3. rei ruſt. 6. *Diſceſſit Fircellius, qui ſecus ſi quid diceret de iis, gentilitatis cauſâ fortasſe an tecum duceret ſeram.* Ita ibi legendum, cum in veteri codice ſit *diceret.* Sensus eſt: *Si quid ſecus diceret de pavonibus, & præſens eſſet amicus noſter Fircellius Pavo, tum pro pavonibus, tamquam ſuis gentilibus & agnatis, fortasſe tecum contenderet: quod alii commenti ſunt, Tecum ſeram duceret, id eſt, laboris eſſet particeps, proriſus eſt ἀνταγωνιστὴς.* Idem Varro. lib. 3. cap. 16. *De fructu hoc dico: quod fortasſe an tibi ſatis ſit.* Terent. Hec. *Quod faciendum ſit poſt fortasſe, idem hoc nunc ſi feceris.* S O. *forſ fuat pol.* Ubi Donatus. *Fortuna faveat, quaſi τὸ ἐνθρηνηστικὸν* adverſus triſte dictum uſa eſt: nam *Forſ, fortuna bona eſt.* Et *fuat, ſignificat ſit: quaſi eſſet: Bona fortuna ſit per Pollucem.* Aufonius veterum ſine dubio

dubio imitatione in epist. ad Probum : *Fors fuit, ut si mihi vita suppetet, aliquid rerum mearum expoliam.*

Funditus] *Lucr. valet ad fundum*, sed id est ex iis quæ dicuntur *singularia*.

Ergo.] *Naturâ nomen est ablativi casûs à Græcô ἔργον, quod opus significat. Cicero : Donare aliquem virtutis ergo, pro, causâ, gratiâ. Virtutis hoc ἔργον sive opus, sive gratia est, quod donatur : virtutis opere sit, ut donetur. Virg. Illius ergo venimus, pro, illius causâ sive opere : illius opus est adventus noster : ille fecit ut veniremus. Festus : Ergo correptum, significat idem, quod apud Græcos ἐν, id est, igitur : producte, idem quod ἔπειτα, hoc est, gratiâ, cum scilicet gratiâ intelligitur pro causâ. Sed etiam igitur, pro, eâ gratiâ, eâ causâ, ideo, poni solet. Plaut. Epid. Equum fuit homines speculum habere igitur, perspicere ut possent cordis copiam. Idem Pœn. Agite, dicite mihi quæ vobis dixi igitur, ut sciam vos scire rem. Idem Aſio. Abiisti ad forum igitur inveniundo argento, ut fingeres fallaciam. Idem Amph. Certum est confidenter hominem contra colloqui igitur, qui possum videri huic fortis.*

D E

GENERE NOMINUM.

Illud imprimis acriter advertendum monet Sanctius & sæpe pueris inculcandum, propter sola adjectiva reperta esse in substantivis genera : nam si adjectiva non essent (ait) aut si omnia unius essent terminationis, ut *Felix, par, oriens* : nulla esset apud Grammaticos de genere præceptio. Grammaticus enim in substantivis solummodo quærit genera propter adjectivorum terminationes. Cum enim dicimus, *Revercor patrem. Ne laedas hominem. Abige canem* : non reſert, cujus sit generis, donec addendum

dum sit adjectivum. Huic consequens est, genus in illis nominibus non esse quærendum, quæ adjectivis adjungi non possunt, qualia sunt, *Ego, tu, fui, & Deorum ac hominum, urbium, insularum, montium, navium & fabularum* nomina propria. Si enim dicas: *Tu es doctus, sed Cicero est doctior*, adjectiva *doctus & doctior* non conjunguntur cum substantivis *tu & Cicero*, sed cum nomine *homo*, quod subauditur. Sic *Cicero est disertus*, subaudi *homo*. *Roma est sancta*, subaudi, *urbs*. *Mediolanum est magna*, supple, *urbs*. *Argi aptum equis*, subaudi, *oppidum*. *Flavus Albula*, subaudi, *fluvius*. *Altus Ætna*, subaudi, *mons*. *Magnâ centaurô vehitur*, subaudi, *nave*. *Terentiana Eunuchus*, supple, *fabula*. Aristoteles in *Metaphys. Singularia*, inquit, *non suscipiunt determinationem, quia de pluribus non affirmantur*. Et rursus: *Naturâ notius est, quod plurimum entis habet*, id est, *veritatis*. Itaque species notior genere, naturâ; & minus universale, magis universali: nam magis universale in minus universali reperitur, & aliquid aliud. Est enim *animalis* substantia animata sensibilis. *Homini* verò substantia animata, sensibilis, rationis particeps. Hebræi præterea notant, ideo nomina propria non recipere articulos, quia satis per se declarentur. Si ergo articulos non recipiunt, ab eâdem causâ nec adjectivis adhærebunt. Hanc priorum rationem multa sequuntur appellativa: illa inquam, quæ sub aliquo genere continentur, ut *arborum, avium, gemmarum, herbarum, & literarum* nomina, ut *Oleaster dura, laburnum magna*, subaudi, *arbor*, cum ex regulâ terminationis *oleaster* sit masculinum, *laburnum* neutrum. Sic *sola bubo*, subaudi, *avis*. *Carbunculus ignita*, subaudi, *gemma*. *Pulegium odorata*, subaudi, *herba*. *O rotunda*, subaudi *litera*.

[*Femina masque genus.*] Hæc regula tantum ad hominum officia pertinet, latissime sumto officii nomine, ut *Pater, mater, gener, soror, frater, avunculus, mater-*

matertera, socer, socrus, dux, testis, scriba, eunuchus. Nomina verò cæterorum animalium, ut *Equus, mula, aquila, mus, aries*, ad terminationes sunt referenda, id est, ex regulis de terminatione discendum est, cujus sint generis.

Famineis dantur, sed causâ significati.] Si dicas, *Delphica laurus*, respicis ad significatum *lauri*, quod est *arbor*: nam *laurus* ex regulâ terminationis masculinum est, sicut, *Malus, Pomus, Pyrus*, quia nomina in *us* secundæ declinationis sunt masculina. Itaque Priscianus lib. 5. veteres testatur dixisse, *Hic cupressus, platanus, populus, laurus.* Catullus ergo secundum regulam dixit, *Ulmo marito.* Plinius verò per figuram *Ellipsin*, *Ulmos maritas*, quia suppressit nomen *arbores*. Sic in *Picus martia*, subauditur, *avis*, cum alioquin *picus* per terminationis regulam sit masculinum. *Clara Corinthus*, subaudi *urbs*: nam *Corinthus* per terminationis regulam masculinum est. Vellejus lib. 1. *Haletes Corinthum, qui antea fuerat Ephyre, in Isthmo condidit.* Propert. lib. 3. eleg. 4. *Nec miser æra paro clade Corinthæ tuæ.* (Vossius putat miserum dici, qui Corinthi clade quasi gaudet. Sed quis dubitat, miseriorem esse Corinthum, quæ cladem patitur.) Ovidius *Candidus Anxur* dixit per regulam. Horatius, *Impositum saxi Anxur*, per figuram *Ellipsin* supprimendò oppidum. Sic Virgilius, *Altum Præneste*, per terminationis regulam, *Præneste sub ipsâ*, per *Ellipsin* supprimendò urbe.

Non variata putes neutra, & pro nomine posita.] Nomina literarum non variantur casuum terminationibus, adeoque neutra sunt, ut *Hoc A, hujus A, huic A. Nequam*, non variatur, sed est adjectivum factum per *Syncopen* ex *nequicquam*, id est, *frustra*. Plaut. *Nequam est piscis, nisi recens*: id est, *frustra est piscis, quia est inutilis vescendo.* Verbum infinitum pro nomine positum est neutrum, ut *Laborare molestum est.* Sunt etiam neutra nomina indeclinabilia in *i* & *u*
exeun-

exeuntia, ut *Zingiberi*, *piperi*, *gelu*, *pecu*, *genu*, *cornu*. Cicero in Aratò priscè dixit *genus*, & Lucanus *Gor. nus sinistri*.

DE GENERE DUBIO.

Genus dubium (ait Sanctius) propriè vocamus, quò auctores usi sunt sine discrimine, nunc masculinè, nunc fæmininè. Itaque *Vulgus*, *penus* & *specus* non numerantur inter dubia, cum neutra reperiantur. Multa erant olim ambigua, quæ nunc non sunt, ut *Callis*, *cinis*, *funis*, *alvus*, *colus*, *acus*, *humus*. *Corvus*, *leo*, & *bubo*, sunt masculina epicœna, quæ tamen fæmininum sexum sub se continent, ut cum dicitur, *Corvus nigra*, *leo grvida*, subauditur, *famina*. *Aquila* & *dama* sunt fæminina epicœna, quæ tamen masculinum sexum sub se continent, ut cum dicitur, *Fortissimi aquila*, *timidi dama*: subauditur *mares*. *Cardo* masculinum est, apud priscos etiam fæmininum. *Calx*, pro *lapide coctò*, Græcum semper fæmininum est, sed *chalx* scribi debet. *Penus*, secundæ vel quartæ declinationis est dubium. Sed *Penus penoris*, *penum peni* & *penu penu* neutrum. Idem dicendum de *specus*. Nomina Græca in *os*, quæ Latini vertunt in *us*, mire variant apud illos, nec certa regula constitui potest.

DE GENERE TERMINATIONIS.

Multa nomina (ait Sanctius) mutant genus mutata terminatione, ut *Panther*, *crater*, *stater* masculina. *Panthera*, *cratera*, *statera*, fæmin. *Penus*, *i* & *ponus*, *us* dubium. Sed *Penum*, *i. penus*, *oris. penu*, *u. neutra*.

neutra. *Barbitos*, *i*, dubium. *Barbiton*, *i*, neutrum. Sic *Costus*, *Ilios*, *tiaras*, masculina. *Costum*, *Ilium*, neut. *Tiara*, *fæm*. Hic *sal*, hoc *sale*. Hic *retis*, hoc *rete*. Hic *ador*, *adoris*, ut *decor*, *decoris*. Hoc *adus*, *adoris*, ut *decus*, *decoris*. Hæc *canes*, ut *vulpes*, & hic *canis*.

Adria sed sinus est mas.] Horat. *Dux inquieti turbidus Adriæ*, id est, *sinus Adriatici*. In Siliano illo lib. 8. *humectata Vomano Adriæ*, subauditur, *urbs*.

Cometa.] Cic. 2. Nat. Deor. *Cometa magnarum calamitatum prænuntiæ fuerunt*, subaudi *stellæ*: nam antea dixerat: *Stellæ, quas Græci Cometas, nostri crinitas vocant*.

O, maribus,] Ut *Cento*, *carbo*, *titio*, *pernio*, *papilio*, *vespertilio*, *curculio*, *homo*, *latro*. *Unedo*, pro fructu mascul. Si inveniatur in *fæmin*. deest *arbor*. *Turbo*, *turbonis* semper: nam *turbinis* est à recto *turben*, teste Charisio. *Cudon*, *burdon*, *ligon*, *harpagon*, *mangon*, primæ fuerunt positionis. Legimus enim *Cudona* & *harpagonas*, ut *Plato*, *Brito*, *Agamemno*. *Nemo*, adjectivum est.

Verbale in IO.] Ut *Portio* à *partior*, *ratio* à *reor*, *conditio*, *regio*, *ditio*, *natio*, *oblivio*, *possessio*, *actio*, *passio*. *Ternio*, *quaternio*, *senio*, sunt masculina.

DO. GO. fæmineis.] Ut *Acredo*, *dulcedo*, *cupedo*, *intercapedo*, *libido*, *crepido*, *solicitudo*, *testudo*, *fortitudo*, *solitudo*, *valetudo*. Barbara sunt *albedo* & *nigredo*. *Plautus albitudinem*, *Lucretius nigrorem* dixit. *Susfrago*, *caligo*, *rubigo*, *fuligo*, *arugo*, *ferrugo*.

C. T. L. U M neutrum.] Ut *Lac*, olim hoc lacte, *halec*, sed *halex* *fæmin*. *Caput*, *occiput*, *inciput*, *voelligal*, *tribunal*, *puteal*, *cervical*, *mel*, *fel*, *nil*, *scortum*, *mancipium*, *Glycerium*, *Dinacium*. Apud Terent. *Mea Glycerium*, subaudi, *amica*, teste Priscianò.

N, mas.] Ut *Titan*, *Delphin* vel *Delphis*, *Python*, *canon*, & illa superiora, *ligon*, *harpagon*, *cudon*, *mangon*.

MEN, neutrum.] Ut *Carmen*, *limen*, *lenimen*, *flamen*, pro *ventò*: nam pro *Sacerdote*, masculinum est. *Hymen*, proprium est nomen *Dei nuptiarum*. Si pro
carmine

carmine nuptiali aut *membranâ recens nati pueri* accipitur, masculinum erit: quia nomina *Deorum*, si accipiantur pro rebus, quibus præfunt, ejusdem generis erunt, cujus deberet esse *Deus* ille, ut *Mars*, pro bello, masculinum est: Cum *Mars* adhuc esset *dubius*. *Tellus*, pro terra. *Ceres*, pro frumento, fæmin. *Lucil. Deficit alma Ceres, nec plebes pane potitur.*

O N, non ternæ.] Si desinentia in *on* sunt tertiæ declinationis, sunt masculina: sed secundæ sunt neutra, ut *Enchiridion*, *encomion*, *symposion*, *barbiton*, *cry-stallon*, *Caston*, *Ilion*.

A R, neutrum.] Ut *Cochlear*, *laquear*, *torcular*, *pulvinar*, *calcar*, *exemplar*. Hæc tamen prius erant adjectiva in *are* desinentia, sed usu postea facta sunt substantiva in *ar* breve exeuntia.

E R, virile.] Ut *Ager*, *agger*, *anser*, *asser*, *cancer*, *caper*, *carcer* (quod olim erat neutrum) *culter*, *imber*, *liber*, *passer*, *vesper*, ~~zeper~~, quò usus est *Columella* lib. 11. c. 3. Sed usitatus est plurale, *vepres*. Multa in *ter*, ut *Oleaster*, *pinaster*. Et Græca, ut *Panther*, *clyster*, *præster*, *halter*. Tres *fiseres* dixit *Plin.* 20. c. 5. sed locus videtur corruptus. Neutra sunt *Tuber*, *suber*, *uber*, *verber*, *ver*, *cadaver*, *papaver*, *laver*. Sed *September*, *October*, *November*, *December*, adjectiva sunt & subauditur *mensis*.

O R, mas.] Ut *Candor*, *nigror*, *amor*, *fulgor*, *sopor*, *cruror*, *rumor*, *mæror*, *dolor*, *color*, *labor*.

U R, neutrale.] Ut *Guttur*, *sulfur*, *murmur*, *ebur*, *femur*. Etiam *fursur* in singulari, *Plin.* 18. cap. 9. & 26. cap. 2. In plurali masculinum est *furfures*. *Anxur*, urbis nomen, masculinum est.

A S, dic fæmineum.] Ut *Æstas*, *pietas*, *potestas*, *pau-pertas*. Sed masculina sunt *As*, *assis*, cum turbâ, id est, cum derivatis & compositis. *Semis*, *semissis*, *decussis*, *centussis*, *sextans*, *triens*, *quadrans*, *quincunx*, *septunx*, *bes*, *dodrans*, *dextans*, vel *decunx*.

E S, muliebre.] Ut *Scges*, *abies*, *sanies*, *vulpes*, *canes*,
priscum

priscum *res, spes, requies, quies*. Composita à *per* sunt adjectiva, ut *Bipes, tripes, quadrupes*.

Mascula Græcâ.] Ut *Soractes, Boötes, Gagates, Sorites, cometes, planetes, magnes, tapes, lebes, acinaces*.

Pluraleque ut antes.] Pluralia in *es*, quæ scilicet in singulari numero Latine non dicuntur, sunt masculina, ut *Penates, annales, pugillares, casses, sales, lemures, fursures, tuberes*, pro, quodam fructu, *Proceres*, pro, capitibus tignorum exstantium, *senes, vepres*. *Manes*, adjectivum est, pro, *mani*, id est, *boni*, sicut *porci sacres*, pro, *sacri*: *Matrimes & Patrimes*, pro, *Matrimi & Patrimi*. Etiam *annales* adjectivum est, in quo subauditur *libri*, & in singulari rectè dicitur: *In Ennii sexto Annali*. Similis est ratio in *pugillares*, nam adjectivum est, in quo subauditur *codicilli vel tabellæ*. Catullus *pugillaria* dicit, ubi potes subaudire, *ligilla vel schedaria*, vel quid simile. Putant alii quædam fæminina in *es*, esse pluralia, ut *Alpes, opes, compedes, sordes, nares, lactes, grates, Gades*. Sed falluntur: nam in singulari dicitur, *Alpis, opis & ope, compes, compedes, sordis, sorde, naris & Gadis*. *Lactes* masculinum est. *Grates* in nominativô & accusativô plurali factum est ex Græcô *χαῖρες*, *Charites*, cujus singularis est, *χαῖς*, hæc *Charis*.

I S, muliebre.] Ut *Pollis, vallis, bilis, ovis, cuspis, navis, clavis, apis, securis*: adjectiva sunt *Ædilis, bipennis, aqualis*, & subauditur, *Homo, securis, urceus*.

N I S, esto virile.] Ut *Amnis, crinis, ignis, panis, penis, cinis*. Apud veteres tamen *amnis & cinis* erant dubia. *Anguis* est masculinum epicœnum, sicut *piscis*, ut quando cum adjectivis fæmineis inveniuntur, subaudiri debeat *femina*.

O S, mas.] Ut *Lepos, honor, flos, mos, ros*, & prisca *labos, colos, amos*, pro *labor, color, amor*. *Arbos*, pro *arbor*, fæmininum est.

U S, maribus jungas.] *Us* secundæ declinationis, ut *equis, asinus, mulus, agnus, corvus, laurus, cupressus*,
popu-

populus, platanus, alnus. Fluvius adjectivum est. *Us* quartæ, ut *Sensus, Senatus, visus, auditus, gustus & gustatus*: Item omnia, quæ vulgo dicuntur *Verba Supina*, etsi non nisi in dativô, accusativô, & ablativô usurpata inveniantur. *Ficus* secundæ & quartæ, sive pro *arbore* aut *fructu*, sive pro *morbô* accipias, fæmininum Sanctio videtur: mihi verò masculinum semper, cum pro *arbore* ponitur; fæmininum, cum pro *fructu* aut *morbô*: nam morbus à similitudine fructûs nomen invenit: Varro 2. rei Rust. 41. *Ficos quas edimus Maturas. Genera ficorum, Chisæ, Lydiae, Africanæ.* Apud Martial. *Dicemus ficos Cæciliane tuos.* Sanctius tuos interpretatur, tuos domesticos, hos omnes dicemus ficos, id est, nihil nisi ficos, quia omnes sunt ficosi, ut alibi; *Ficosa est mulier: Ficosus & ipse maritus. Filia ficosa est, & gener atque socer.* *Vulgus* apud Sall. & Tacit. semper est malic.

US, ternæ neutrum.] Ut *Pecus, oris* (nam hæc *pecus, pecudis* non dicitur, videturque Sanctio rectius, *Hæc pecudes, pecudis*) *rus, rhus, tus, crus, jus, pus puris, corpus, decus, tempus, acus aceris, rudus.* Mascul. est *grus* apud Horat. *Membra gruvis sparsi sale multo.* Cum *grus* & *sus* leguntur cum adjectivis fæmineis, subauditur *famina.* Horat. *Amica lutosus. Pons seu pus podos,* id est, *pes*, Græcum est, cujus composita masculina sunt, *Tripus tripodis, apus, chitropus, lagopus, pontypus, dasipus.*

Hæc capiunt variata per UTIS & UDIS] Id est, quæ in genitivô definunt in *Utis* & *Udis* habent hæc, notam fæminini generis, ut *Salus, virtus, servitus, juvenus, senectus, palus, subscus, laus, fraus.*

S, muliebre.] Ut *Ars, pars, lens lendis, lens lentis, glans, mors, sors, seps.* Græca & masculina sunt *hydrops, seps, animal venenosum, trabs.* Antiquitus tamen nullus nominativus terminabatur in duas consonantes, adeoque dicebatur hæc *Artis, partis, lentis, lendis, glandis, mortis, sortis, sepis.*

X dato *fæmineis*.] *Spadix* & *calyx* Græcis sunt fæminina, *pharinx* & *larinx* dubia. *Volvox* in usu non est, sed *Convolvulus*. *Solox* & *celox* sunt adjectiva.

Calx Mas.] Quando *calculus* significat. Festus: *Calces*, qui per diminutionem vocantur *calculi*. Plaut. Pæn. Prius disperibit, quam unum *calcem* civerit. Idem in *Casina*: *Cana culex* dixit, sed joco, ut putat Sanctius, quasi senem amatorem, vetulam vocaret.

D E N O M I N U M DECLINATIONE.

In declinationum regulis (ait Sanctius) ea tantum tradimus, quæ à propositis Paradigmatis discrepant. Ridiculi enim sunt & morosi examinatores puerorum, qui regulas acriter exigunt, quare Poeta & tabula faciunt genitivum in *æ*, & accusativum in *am*, cum ad manum sit *Mensa*, *mensæ*, quod est paradigma primæ declinationis.

Stollito Græcis.] *Orpheus* in vocativô *Orpheu*. *Panthus*, *Panthu*.

Prima dat Anostis] Latina primæ declinationis nomina, desinunt in *a*: Græca in *as*, *es*, & *e*. Illa in *a*, *as*, & *es* exeuntia faciunt genitivum in *æ*, ut *Musa*, *Musæ*: *Æneas*, *Æneæ*: *Atrides*, *Atridæ*. Sed quæ desinunt in *e*, in patriô seu genitivô habent *es*, ut *Epitome*, *epitomes*, in accusativô *epitomen*, in vocativô & ablativô *epitome*. Juvenalis: *Penelope melius, melius torquetis Arachne*. Unde etiam apparet, quantum fallantur, qui Græcos ablativum habere negant: nam *Penelope* sine ullô dubiô est ablativus; non autem Latinus: nam is in primâ declinatione desinit in *a*. Est ergo Græcus.

In dativô & ablativô plurali antiquissimi dicebant ut *duabus* & *ambabus* (quæ in usu remanserunt)

ita

ita & dextrabus, eabus, raptabus, paucabus, puellabus, pudicabus, portabus, oleabus, equabus, mulabus, filiabus, &c. Sed ista posteriores repudiarunt. Cicero: *Terentiæ & Tulliæ duabus animis suis*. Varro sæpe de fæminis dicit *equis & mulis*. Et Plautus Stichô: *Gratulabor adventum vestrum filiis, non filiabus*. Cicero pro Rabiriô dixit: *A Jove cæterisque diis deabusque pacem peto*: quia aliter Deos & Deas distinguere non poterat, ut Demosthenes, quem imitabatur, pro coronâ his verbis fecerat: *θεῖς ἰουγενὲς παῖσι & παύσις*.

SECUNDA DECLINATIO.

Hæc sex habet fines, seu terminationes, *er, us, um, vir, ur, & eus* Græcum, *Orpheus, Pentheus*.

Vir, puer excrescunt.] Multa per *Apocopen* in *r* nunc definunt: quæ olim definebant in *rus*, adeoque in genitivô crescere videntur, ut *Vir* cum compositis *levir, trevir, puer, satur, gibber, adulter, socer, gener, Iber, cæter, presbyter, & liber*, composita à *gero* & *fero*, ut *Armiger, fuscifer*.

Sed proprium per I U S, dabit I.] Fallitur Priscianus, qui lib. 7. veteres contra hanc regulam putat *Laërtie* dixisse, pro *Laërti*, nec enim proprium nomen est *Laërtius*, sed appellativum, ut sit *Laërtius filius, Laërtia proles, Laërtium prædium*, pro, *Laërtae*. Accius, opinor, in versu, quem à Cicerone usurpatum Fabius memorat: *Nisi quo Ulysses rate evasit Laërtius*. Rectè igitur Jul. Cæsar. *Stella* in versu ad Franciscum à Castro, *Castrie* dixit: nam Franciscus *Comes Castrius*, est idem, quod *Castri Comes*, vel à *Castro*, aut *de Castro* sive *Castrensis Comes*: qui *Stellam* eô nomine reprehendunt, etsi ridicula res est elementarius senex, cincticulô præcincti in sellâ apud Grammatices magistrum rectè assederint, Priscianum scil. condiscipulum habebunt. Etsi is suâ spon-

te respuit, ut ex libro ejus xvi. apparet: ubi de Possessivorum vocativis præcipiens rectè dici fatetur: *O genitor noster Saturnie maxime divum. Et, Evandrie fili, & Telamonie Ajax.* Simili certè ratione *Delie* vocativus est à *Delius*, Apollo apud Statium in 5. Thebaid. *Julius & Pompejus* interdum sunt adjectiva, ut *Julius suus, Pompeja domus*, & tunc Vocat. eorum ab *ius* fit *ie*, ut, *Ensis Julie*. Sed cum sunt nomina propria, Vocativus exit in *i*. ut *Julii*.

Orpheos Androgeo.] In genitivò poëtæ dicunt *Orpheos, Peleos, Pentheos*: & etiam *Androgeo*, pro *Androgei*, & in accusativò *Orphea, Pelea*. Sed hæc merè Græca sunt, & è suis fontibus haurienda.

TERTIA DECLINATIO.

Genitivus singularis hujus declinationis (ait Sanctius) usu melius, quam regulis addiscitur: nihilominus tamen eum paucis carminibus perstrinximus. Et hæc notanda præterea duximus. Multa in hoc genitivò videntur irregularia, quæ non sunt, si antiquam recti seu nominativi positionem consideres. *Non quia rectus varius esse potest, debet declinatio mutari*, ait Servius. Et Charisius lib. 1. *Omnia (inquit) in declinatione vocabula non plus unâ syllabâ crescunt*: Rursus ibidem: *Ancipes dixerunt veteres cum ratione, ne genitivò Ancipitis duabus videretur syllabis crescere*. Plaut. Rud. *Post altrinsecus est securicula ancipes*. Hæc igitur colligamus, quæ propter veterem positionem videntur nunc irregularia.

Arpinas, atis: olim hic & hæc *Arpinatis & hoc Arpinate*.

Sic *Aletrinas, Maccenas, Sutrinas, nostras, vestras, cujas. Anio & Nerio*, gen. *Anienis & Nerienis*, quia olim *Anien & Nerien*.

Biceps, & reliqua à *caput & capio*, ut *municeps*, olim *bicipes & municipes*.

Caro, carnis, quia olim hæc carnis.

Ceres, Cereris, quia olim hæc Cereris.

Glis, gliris, quia olim hic gliris.

Hepar, hepatis, quia olim Hepas.

Jecur, jecoris & jecinoris, quia olim jecor & jecinor.

Iter, iteris & itineris, quia olim iter & itiner.

Jupiter, Jovis & Jupitris, quia olim hic Jovis & Jupiter.

Impuber, impuberis. Impubes impubis.

Lac, lactis, olim hoc lacte lactis.

Mel, mellis. Fel, fellis. Olim hoc melle, felle.

Pollis, pollinis, quia olim pollen.

Robur, roboris, quia olim robor. Sic ebur, femur, jecur.

Sanguis, sanguinis, quia olim sanguen.

Senex, senis, quia olim senex senicis.

Supellex, supellectilis, quia olim hæc supellectilis.

Turbo, turbonis semper: at Turben turbinis.

A, præstabit. ATIS.] Ut Poëma, poëmatis. In e definentia in genitivô non plures habent syllabas, ut Altare, altaris, monile monilis.

ONIS ab O.] Ut Lectio, lectionis: pellio, pellionis: Phrygio, phrygionis: ardelio, ardelionis: cento, centonis: carbo, carbonis: latro, latronis.

DO, GO fæmineum.] Libido, libidinis: caligo, caliginis: rubigo, rubiginis.

Crescit, IS, L. N. T.] Ut Sal, salis: vigil, vigilis: sol, solis: consul, consulis: Cæsar, Cæsaris: Gaspar, Gasparis (nam vervecum crassô sub aëre natorum est dicere, Caspaarus, Caspaari) Amilcar, Amilcaris: passer, passeris: color, coloris: murmur, murmuris: Titan, Titanis: lien, lienis: Delphin, Delphinis: canon, canonis.

MEN, CEN.] Agmen, agminis: numen, numinis: fidicen, fidicinis.

ON, ONTIS.] Laöcoon, Laöcoonis.

Cor, nataque cordis.] Excors, vecors, secors (non socors) excordis, vecordis, secordis.

E perdunt imber.] Id est, *imber* cum compositis, ut *October* non crescunt, sed faciunt genitivum in *is* abjecto *e*, ut *Octobris*, *imbris*. Item nomina Latina in *ter* & *ster*, ut *Pater*, *mater*, *uter*, *venter* accipiter, pedester, equester. Græca verò crescunt, ut *Stater*, *panther*, *halter*, *clyster*, ut & Latinum *later*, quod facit *lateris*.

ES dat ITIS.] Comes, comitis : limes, limitis : palmes, palmitis.

IDIS à sedeo ortum] Obses, obsidis. Sic reses, deses.

Non crescit proprium & muliebre] Ut *Achilles*, *Achillis* : *Ulysses*, *Ulyssis* : *ambages*, *ambagis* : *clades*, *cladis* : *cautes*, *cautis* : *compages*, *compagis*. Sic *Dapes*, *fames*, *feles*, *indoles*, *labes*, *moles*, *nubes*, *proles*, *rupes*, *sæpes*, *suboles* (non *soboles*,) *strages*, *tabes*, *vulpes*.

IS, non crescit.] Ut *Avis*, *pelvis*, *messis*, *febris*, *clavis*, *turris*, *restis*, *navis*, *securis*.

US, dat ERI S.] Ut *Acus*, *fædus*, *funus*, *genus*, *glomus*, *latus*, *munus*, *olus*, *onus*, *opus*, *pondus*, *rudus*, *scelus*, *fidus*, *vellus*, *vetus*, *Venus*, *viscus*, *ulcus*, *vulnus*.

Servitque, juvenque, senectus] id est, *servitus*, *juventus*.

Monosyllaba in URI S.] Ut *Pus* *puris*, *mus* *muris*, *crus*, *plus*, *rus*, *tus*.

Pous deducit ODIS.] Ut *Tripus*, *tripodis* : *apus*, *apodis*. *Trapezus*, *Trapezuntis*.

I, mediat cum BS, PS, syllaba finit.] Ut *Trabs*, *plebs*, *sæps*, interposita litera *i* faciunt *trabis*, *plebis*, *sæpis*. Sic *Hiems* *hiemis*. *Princeps*, *calebs* mutatio *e* in *i* faciunt *Principis*, *cælibis*.

Demitò halex.] Nomina plurium syllabarum in *ex* definientia, faciunt genitivum in *icis*, *e* versa in *i*, ut *Pollex*, *pollicis*. Sic *Culex*, *latex*, *cimex*, *ramex*, *carex*, *codex*, *imbrex*, *index*, *judex*, *pellex*, *podex*, *pumex*, *vertex*, *remex*, quod facit *remigis*. Excipe *halex* *halecis*, *vervex* *vervecis*. *Vibex*, non rectè scribitur, sed *Vibix*, *vibicis*. Græca *Hipponax* & *Astyanax* faciunt, *Hipponactis*, *Astyanactis*.

Femineum IS non crescens,] Id est, omnia nomina

na fæminina in *is*, finita non crescentia in genitivô, faciunt accusativum in *em* aut *im*, ut *Ovis*, *ovem* vel *ovim*. Sic *Pestis*, *messis*, *bilis*, *vallis*, *vestis*, *febris*, *clavis*, *turris*, *restis*, *sementis*, *puppis*, *navis*, *securis*, *partis* priscum *partim* & *partem*, ut *lentis* *lentim* & *lentem*.

Græca in I S.] Ut *poësis*, *hæresis*, *genesis*, *syntaxis*, *metropolis*, *Alexis*, *Paris*, *Tibris*, *Iris*.

Sextus E vult semper] Regula quidem talis est, sed veteres tamen promiscue in *e* & *i* ablativum æquè ac dativum terminabant. Dativi exempla sunt Ovid. Fast. lib. 6. extremô : *In quâ par facies nobilitate fuit*. Lucil. *Esuriente leoni ex ore exsculpere prædam*. Propert. *Et quoscunque meo fecisti nomine versus, pro, nomini meo, id est, mihi*. Idem : *Cum temerè anguineo creditur ore manus*. Virg. *nec sospite dirum Optabis nato funus pater*. Ubi Servius : *Sospite pro sospiti*, qui etiam, *Alite* dativum putat apud Hor. *Scriberis Vario Maonii criminis alite*. Jam in ablativô Plaut. *Lucr.* & *Varro* dicunt *parti*, pro, *parte*. *Cato*, *Segeti* pro *segete*. *Virgilius* & *Perfius* *capiti*, pro, *capite*. *Cato*, *fini*, pro, *sine*. *Lucret.* & *Cicero* *colli* & *orbi*, pro, *colle* & *orbe*. *Ovidius*, *Lucretius*, & *Catullus* *Mare*, pro, *mari*. *Ovidius* *Fonte perenne*, pro, *perenni* : *Porcâ bimestre*, pro, *bimestri* : *Sagittâ cæleste*, pro, *cælesti*. *Lucanus* *Natale*, pro, *natali*. *Varro* *Collo breve*, pro, *brevi*. *Cicero* *Ab homine Arpinate*. *Ex municipio Alâtrinate*. *Livius* *In Capenate agrô*. Sic in ablativô auctores indifferenter dicunt, *Carthagini* & *Carthagine*, *ruri* & *rure*, *luci* & *luce*, *mani* & *mane*, *vesperi* & *vespere*, *tempori* & *tempore*, *bili* & *bile*.

Imber atque adjectiva.] Ut *Imber*, *imbre* vel *imbri*. Sic *October*, *Decembër*. Adjectiva ut *facilis*, *cælestis*, *natalis*, *perennis*, *prudens*, *diligens*, &c. Similiter ablativô in *e* & *i* desinunt. Sic *Vigil* & *pugil*, *viatrix*, *genitrix*, *meretrix*, *suppellex*, *suppellectile* & *suppellectili*.

AL, AR, E, neutrum I dat.] Ut *Animal animalis*, *pulvinar pulvinari*, *monile monili*.

Sic I M aut I N dantia quarto.] Quæ in accusativô habent *im* vel *in*, eadem in ablativô habent *i*. ut *Poesim*, *Poesi*: *Syntaxin*, *Syntaxi*: *Alexin*, *Alexi*.

E S recto & quarto.] Nomina tertiæ declinationis habent nominativum & accusativum pluralem in *es*, ut *Sermones*, *laudes*, *homines*, *milites*. Neutra in *a*, & in *ia*, si ablativus eorum singularis definat in *i*, ut *Corpora*, *pecora*, *facilia*, *cœlestia*. Comparativa tamen neutra in *a* tantum definunt, ut *meliora*, *majora*. Sic *vetera* & *plura*, etsi antiqui *pluria* dixerunt.

U M patrius.] Genitivus pluralis in *um* exit; ut *hominum*. Veteres tamen etiam *hominium* dicebant, *civitatum*, *meretricium*, *carnificium*. *Mensum*, pro *mensium*, Ovid. 8. Metam.

E S, I S, non crescens.] Ut *Cædes cædium*. Sic *proles*, *moles*, *labes*, *clades*, *nubes*, *sedes*, *ovis*, *vestis*, *vallis*, *canalis*.

Sed monosyllaba I U M.] Ut *As*, *æs*, *ars*, *arx*, *bes*, *car*, *calx*, *cor*, *cos*, *crux*, *crus*, *daps*, *dens*, *dis*, *dos*, *falx*, *fax*, *fæx*, *faux*, *sons*, *frons*, *glans*, *glis*, *glos*, *gens*, *gryps*, *jus*, *lar*, *lanx*, *lens*, *lis*, *mas*, *mens*, *merx*, *mons*, *mus*, *nex*, *nix*, *nox*, *os*, *pax*, *pars*, *par*, *præs*, *plebs*, *pix*, *pons*, *puls*, *plus*, *pus*, *ros*, *rus*, *sal*, *sæps*, *scobs*, *stirps*, *strix*, *sors*, *trabs*, *trux*, *vas*, *urbs*. Ista genitivum pluralem habent in *ium*, de Grammaticorum quidem sententiâ, nec enim omnia apud auctores inveniuntur.

A T I S mage neutra Pelasga.] Poëma in dativô & ablativô plurali facit *poëmatīs*.

Tres Casus Græcos.] Dicunt Poëtæ in genitivô, *Pallados à Pallas*, in accusativô, *Hectora* ab *Hector*, & *Troas à Tros*.

QUARTA DECLINATIO.

Quarta dat U. S.] Terminationes quartæ declinationis sunt *us*, & *u* indeclinabile: nam illud obsoletum est, quod Cicero in Aratô dixit *genus* in genitivô

tivô à *genu*, & Lucanus Cornus à *cornu*. Sicut etiam obfolverunt Genitivi singulares in *i*, ut *Senati*, *Quæsti*, *Adventi*. Plaut. Cas. *Egreditur Senati columnen, præsidium populi*. Aul. *Nihil hic est quæsti furibus*. Ter. Phorm. *Ubi Patris adventi in mentem venit*.

QUINTA DECLINATIO.

E S olim patrius.] Veteres in genitivô dicebant *dies* & *die* & *dii*: in dativô *die* & *dii*: in ablativô etiam *dii*. Hinc *Diu noctique*; nam *noctu* esse ablativum, sicut *lucu*, pro *luce*, apparet ex hoc Ennii: *Hâc noctu filô pendebit Hetruria tota: & Quadrigarii: Senatus de noctu convenire, noctu multa domum dimitti*. Priscianus lib. 8. *Veteres frequentissimè inveniuntur similem ablativo protulisse in hac declinatione tam genitivum, quam dativum, ut Sallust. Dubitavit acie pars, pro aciei. Virgil. Libra die somnique pares ubi fecerit horas, pro diei. Ovidius quoque fide, pro fidei posuit* 6. Metam. *Utque fide pignus dextras utriusque poposcit*. Cic. pro S. Rosciô, *pernicii dixit, à perniciës*. Pacuvius, *progenii à progenies*. Virgil. & Cælius historicus, Charisiô teste, *dii à dies*. Plautus in Mercatoris prolog. *Amatores, qui aut nocti, aut dii, aut soli, aut lunnæ misérias narrant suas*. Ita legit Servius, qui etiam *fames, famii* veteribus dictum testatur. Varro scilicet genitivô *fami* dixit, teste Charisiô, in dativô similiter Plautus Stich. act. 2. sc. 1.

ANNOTATIONES

IN

SYNTAXIN.

Primum omnium ad rem pertinere & ex usu discendum fore arbitror, ut Magister de *Genere Syntaxe* nostræ, qualis scilicet illa sit, & quid ab aliorum præceptionibus ea intersit, tum de *Usu* ejus breviter admoneatur.

Quod ad aliorum de Syntaxi præceptiones attinet, res in propatulo posita vociferatur, regulas & nimis multas esse, & confusas, nec certis generibus distinctas, nullò scilicet *Concordiæ* & *Rectionis* discrimine: quodque multò majoris est incommodi, tot *exceptionibus*, *appendicibus* & *observationibus* oneratas, ut discipulum si minus ad insaniam, ad desperationem quidem certè possint redigere. Huc accedit, quod cum Philosophi judicio limantur, non nisi paucissimæ veræ inveniuntur. Verbi gratiâ de nominibus adjectivis, itemque de verbis genitivum regentibus complures traduntur regulæ, quas omnes falsissimas esse ex nostrâ Syntaxi discitur, quia scilicet genitivus tam in Græcâ, quam in Latinâ linguâ à solò nomine substantivò, vel à Græcâ præpositione *ι*, præterea verò à nullâ orationis parte regitur. Similiter multæ ab aliis afferuntur regulæ de verbis, & nominibus dativum adsciscientibus: quod contra nostra hæc Syntaxis à nullâ prorsus orationis parte eum casum regi docet. Non paucae etiam sunt aliorum regulæ de nominibus & verbis accusativum vel ablativum regentibus, sed omnes falsissimæ, demtâ unâ illâ de verbis activis, quæ accusati-
vum

vum adſciſcunt. Cæterum & accuſativum & ablativum perpetuò à præpoſitione regi, noſtra Syntaxis facit planiſſimum : ex quâ etiam diluceſcit, quam ridiculè delirarint, imò totâ viâ erraverint vel doctiſſimi Grammaticorum, qui omnes caſus ab adverbiis regi docuerunt. Omnes igitur, quotquot jam inde à ſecundò bellò Punicò ad hanc uſque diem Latinæ conſtructionis præcepta didicerunt (unam *Franciſci Sanctii* Syntaxin excipio, quamvis ea nec perfectæ, nec ſatis ordinatæ, adhæc autem ſubſcura ſit) labore ſe ipſi improbiſſimò eoque vanò & irritò conſecerunt, nec quiſquam eorum exſtitit, ne Cicero quidem ipſe, aut Varro, aut Quintilianus, qui plerorumque quæ Grammaticè dixiſſet aut ſcripiſſet, certam roganti rationem poſſet reddere, neque aut inepta, aut flagitioſa, aut palam falſa reſpondendò, ludibrium eruditis deberet : quod ego minimè vereor, ne cui audacius, quam verius, inſimulare judicer, qui *Paradoxa* noſtra *literaria* cognoscere dignum habuerit.

Noſtra Syntaxis contra hæc omnia regulas habet numero pauciſſimas : Nam de *Nomine*, *Verbò* & *Participiò*, quicquid dici poteſt, quindecim regulis complexi ſumus, quas bonæ memoriæ & jam judicii nonnullius adoleſcens vel unâ die edidicerit. Deinde eas, quæ *Concordiæ* inſerviunt, ab aliis, quæ *caſuum rectionem* dirigunt, diſtinximus : quâ quidem re hoc præſtamus, ut regulæ minori negotiò intelligi ac memoriæ mandari poſſint. Ubi tamen Lectorem velim monitum, *Concordiam* aliam *naturæ* eſſe, cum ſcilicet duæ res in aliquâ tertiâ conveniunt, cui propriè demum *Concordiæ* vel *Convenientiæ* appellatio debetur : Aliam *Arbitrii*, cum duo quædam nihil habent tertium, in quò conſentiant, uſu tamen hominum conjungi ſolent, cujuſmodi eſt adverbii *utinam* concordia cum verbis ſecundorum temporum : quæ minus propriè *Concordia* dicitur.

Adhæc

Adhæc ita regulas formavimus, ut non modò *nullam* patiantur *exceptionem* (id quod omnibus inconcessum adhuc, sivè impossibile visum est) sed etiam ut ea, quæ regulis alioquin minimè serviunt, & ad *Irregularem Syntaxin*, sivè *Figuras* pertinent, sub se comprehendant. In quò non doctrinæ, sed prudentiæ methodum custodivimus, discentium compendio servientes. Hoc quippe lucri inde facient, quod labore vel falsæ constructionis, vel *Ellipseos* regulas ediscendi levantur. Quì enim (exempli gratia) primam hanc nostræ Syntaxis regulam didicit : *Nomen substantivum sive expressum, sive suppressum cum adjectivò consentit* : is nihil necesse habet ea ediscere, quæ de *Ellipsi* nominis substantivi, deque falsâ gerundorum & participiorum rectiōne tradimus, sed satis erit, si ea sæpius relegat, probèque intelligat : Similiter cognitâ quintâ nostrâ regulâ, quâ docetur : *Omnem genitivum à nomine substantivò expressò aut suppressò regi*, cum nihil attinet in memoriæ mandandis vel *Ellipsisibus* nominis substantivi, vel regulis de falsâ verbi substantivi rectiōne, deque adverbiiis genitivum regentibus operam occupare. Tandem *Fundamenta* majoris partis Syntaxeos duodecim aliquibus *Maximis* sivè *Regulis* complexi sumus, quas qui didicerit, multò minore negotiò tam falsas, quam veras regulas cum veritatis & falsitatis earum causis intelliget, neque semel perceptas facile memoriâ suâ delabi aut effluere sibi sentiet. Harum aliæ ad orationem, aliæ ad orationis partes, *Nomen* puta & *Verbum* pertinent. Prioris generis duæ sunt : una : *Omnis affirmatio & negatio nomine & verbò constat*, sivè iis vocibus, quæ nominis & verbi vim atque significationem habent, quia nimirum *affirmatio* est oratio, in quâ alterum de altero affirmatur : *negatio*, in quâ negatur. Illud, de quò alterum affirmatur aut negatur *Nomen* est : *Verbum* verò, quod de alterò affirmatur aut negatur. Itaque cum

quando

quando dicitur *pluit*, aliquid affirmari certum sit, aliquid necesse est, de quò illud *pluit* affirmetur. Hinc regula Syntaxeos enascitur: *Omne verbum finitum habet ante se nominativum, secum in numero consentientem.* Si quis ergo dicat, *Cælum pluit*, erit *Syntaxis regularis*, quâ scilicet regula modò tradita custoditur. Sed si dicat, *pluit*, erit *Syntaxis irregularis* seu *figurata*, in qua per figuram *Ellipsin* nomen, verbi suppositum, supprimitur, adeoque subaudiri debet. Fecimus igitur regulam in Syntaxi nostrâ, quæ magis Philosophica esset quam Grammatica, & sub se figuram quoque comprehenderet hoc modò: *Omne verbum finitum habet ante se nominativum sive expressum, sive suppressum, secum in numero consentientem.*

Altera ad orationem pertinens *Maxima* est: *Præter nomen & verbum sunt certæ particulae quibus & illæ duæ, & aliæ minores orationis partes, velut nervis colligantur, variis significationibus assignatæ, quæ cum exprimuntur, Regularis; cum subaudiuntur, figurata est Syntaxis.* Exempli causâ. Præpositionum aliarum usus est in significandò locò, à quò, in quò, & ad quem: aliarum in significandò tempore, ante quod, in quò, circa quod, & post quod: aliarum in causâ vel efficiente, vel impellente, vel administrâ sive instrumentali (quo & modus pertinet) vel inficiente seu permittente, vel materiali, vel finali: aliarum in parte certâ: aliarum in adjunctò vel comitatu: aliarum in objectò: aliarum in comparatione: aliarum in pretiò: aliarum in mensurâ, id quod ex illis intelligi potest exemplis, quibus præpositionum *Ellipses* in Syntaxi demonstravimus. Similiter reliquarum particularum, id est, conjunctionum & adverbiorum, aliæ copulationem partium orationis significant, aliæ disjunctionem, aliæ conditionem, aliæ concessionem, aliæ adversationem, aliæ comparisonem, aliæ similitudinem, aliæ relationem, aut causam, aliæ tempus, aliæ votum & desiderium, velut in earum particularum *Ellipsisibus* distinctè exempla singu-

figularum atterendo planum fecimus. Cum ergo in hac oratione, *Gladiò percussus*, manifestum sit *instrumentum* significari: jam suâ sponte quivis intelligit, præpositionem aliquam in eâ desiderari, quæ significando instrumento sit destinata, ut est *ab* & *cum*. Ita in hoc Virgiliano, *Devenêre locos latos*, motum ad locum significari constat. Deest ergo præpositio tali motui significando inventa, ut est *ad* vel *in*. In hoc autem Terentiano, *Hâc non successit, aliâ aggrediemur viâ*, posteriorem orationis partem inferri ex prioris cuius apparet, adeoque particulam aliquam *illativam* subaudiri necesse est, quales sunt ergo, *igitur*, *itaque*. Hoc Magister legendis exemplis, quibus præpositionum, conjunctionum, & adverbiorum *Ellipses* declaravimus, cum ipse facillimè intelliget, tum discipulis explicare poterit, quos etiam ea memoriæ mandare priusquam ad reliquam Syntaxin admittantur, minimè ab re futurum videtur.

Jam *Maximæ* ad nomen pertinentes, aliæ de *Nominum formis* seu *speciebus* agunt, aliæ de *casibus*. Prioris generis tres sunt.

Prima: *Omne nomen adjectivum habet suum substantivum*. Sunt enim ista ex eorum genere, quæ *desic n*, *ad aliquid* seu *relata* perhibentur, & *quomodo Dominus est servi dominus*, item adjectivum est substantivi adjectivum, sive quod substantivo adjungitur. In quâcunque ergo oratione nomen adjectivum invenitur, in eâ substantivum cum adjectivô consentiens sive expressum, sive suppressum sit oportet. Si sit expressum, erit *Syntaxis Regularis*: Si autem sit suppressum, ac subaudiendum, *Syntaxis* erit *Irregularis*, seu *Figurata*. Hujus regulæ probè intellectæ longè maximus est usus. Ex eâ enim de *Participiorum concordia*, deque *falsâ* cum *Participiorum*, tum *Gerundorum rectione* facillimè judicari potest. In auctorum quoque lectione minimum difficultatis legen-

legentibus objicietur, si exempla *Ellipseos* adjectivorum prius sibi familiarissima reddiderint. Ea igitur pueris Magister multum ac sæpe prælegere, tum ex iis auctorum verbis, quæ *Minerva* nostra recitat, magis explanare meminerit.

Secunda: *Omne nomen Relativum habet suum nomen antecedens, quod refert.* Ut *Odis sapientem, qui sibi non sapit.* In hac oratione nomen relativum *qui*, refert sive repetit nomen antecedens, *sapientem*. Itaque in hoc *Horatianô*, *Sunt quos arma juvant*, necesse est suppressum fuisse ac subaudiri nomen, *homines*, quod à relativô *quos* refertur: Est ergo *Figurata Syntaxis*.

Tertia: *Omne nomen Comparatum habet suum nomen positivum, cum quô comparatur.* Cujus regulæ, ut & superioris proximè ratio ex Philosophorum doctrinâ de relatione pendet: neque tamen necesse est, ut positivum sit conjugatum comparati nominis, cum satis sit id quôvis modò in comparatione intelligi, ut cum dico: *Visus est mihi tristior*, subaudis nomen positivum, *equô*, *justô*, aut *solitô*, quasi sit, *Tristior præ illô tristi, qui ex equô, justô, aut solitô tristis est.* Virgil. *Ocyus incubuere omnes*, subaudi, *dictô*, sicut alibi: *Sic ait, & dictô citius tumida æquora placat.* Nempe, *Dictum ejus non tam citum est, quam cita est æquoris placatio.*

De nominum casibus quatuor sunt *Maximæ*.

Prima: *Omnis nominativus est verbi finiti aut suppositum modò, aut simul appositum & suppositum, sive illud verbum sit expressum, sive suppressum.* Si sit expressum, erit *Syntaxis regularis*: sin suppressum, *Irregularis*, & vel *Ellipsis*, vel *Zeugma*. Ratio hujus regulæ ex primâ pendet, quia scilicet omnis oratio ex nomine & verbô constat. In hoc ergo Virgilii, *En Priamus*, quia aliquid affirmatur, necesse est verbum finitum subaudiri, nempe, *adeft*. Atque hæc *Ellipsis* est. Sed in istô Horatii, *O noctes cœnaque Deum, quibus*

bus ipse meique vescor : nominativus *mei* est suppositum verbi, *vescuntur*, quod subauditur, quæ figura *Zeugma* dicitur. In hoc, *Deus est animus*, duorum nominativorum alter est suppositum, alter appositum.

Secunda. *Omnis genitivus Latinâ constructione à nomine substantivò expressio aut suppressio* : Gracæ vero etiam à præpositione in expressâ, aut suppressâ regitur. Latinæ constructionis hæc est ratio, quia genitivus perpetuò possessorem significat, sive activè, sive passivè capiatur, ut *Pelias Achillis vulnere tardus est*, hoc est, *vulnere quod Achilles fecit* : *Paris Achillis vulnere letatur*, id est, *vulnere quod ipse Achilli fecit*. Utrobique autem *Achilles* est velut possessor, sive is, cujus res est. Jam *Possessor & res possessa* sunt nomina relata, quorum alterum sine altero non potest intelligi. Itaque cum audis, *Regis est debellare superbos*, necessariò subaudis nomen substantivum, velut *rem à rege possessam*, quod est, *Munus, officium, opus, res, negotium*. Sic *moris est*, subaudis, *res*. *Romæ vivit*, subaudis, *in locò*. *Domi est*, subaudis *in ædibus*. *Accusatus firti*, subaudis, *crimine*. *Miseret me tui*, subaudis, *miseratio*. *Pudet me facti*, subaudis, *pudor*. *Omnium primus*. *Græcorum optimus*, subaudi, *ex numero*. *Integer vitæ*, *sceleris purus*, *juris peritus*, *cupidus vini*, *vir cæterarum rerum minimè malus*, subaudis, *causâ* : est autem *vini causâ*, *cæterarum rerum causâ*, idem ac si dicas, *quod ad vinum*, *quod ad cæteras res attinet* ; ubi significatur causa non efficiens, sed inficiens, sive permittens, quæ quoque præpositione per significari solet, ut in hoc Cic. *Nunquam per Antonium quietus fui*. *Trabantur per me pedibus omnes rei, non laboro*. *Per me vel stertas licet*. Plaut. *Tu ægrota si lubet per me ætatem*. *Per hanc cœnam tibi incœnato esse licet*. *Meam filiam hanc esse oportet*. G. R. *Sit per me quidem*. Eodem sensu Plaut. Trin. *Dum ne ille sis, quem te esse nolo, sis meâ causâ quidlibet*. Epid. *Dum sine me quæras, quæras meâ causâ vel in mediò mari*. Rud.

Rud. *Meâ quidem causâ saluus sis licet.* Observandum porro est etiam adjectiva nomina, ex participiis facta, genitivum regere, quoniam substantivorum vim habent, sive *ὀνομαστικά*, non *ῥημαστικά* substantiva sunt. Nam *Amans uxoris*, *appetens alieni*, nihil est aliud, quam *amator uxoris*, *appetitor alieni*. Scholastici dicerent esse substantiva virtualia, non formalia. Cur verò Græcâ Syntaxi genitivus ab *ἐκ* regatur, nulla reddi potest ratio, nisi quod Græcum idioma sic ferat, quemadmodum Latino idiotismo, seu propriâ consuetudine ablativum à præpositione *de* regi videmus, quoniam scilicet linguæ conditoribus ita visum fuit. Solent autem Græci præpositionem *ἐκ* per *Ellipsin* maiorem partem suppressere, quam eorum consuetudinem imitantes Latini dicunt: *Impletur veteris Bacchi. Plenus vini. Participare aliquem sui consilii. Abstine irarum. Desine querelarum. Egere medici. Lassus maris*, &c. Vitruvius magis etiam græcissat, Latinis præpositionibus *ex* & *in* genitivum addendô, ut lib. 1. cap. 2. *Quantitas est modulorum ex ipsius operis sumtio*, pro, *ex ipsô opere*. Et mox cap. 4. *Piscium naturæ plurimum ex aëris & terreni sunt compositæ*, pro, *ex aëre & terrenô*. Et cap. 8. *Cum ergo iis rationibus erit salubritatis in mœnium collocandorum explicatio*, pro, *in mœnibus collocandis*. Et lib. 3. cap. 2. *Si ex imbrum aquæ vis occupaverit*, pro, *ex imbris*. Et lib. 8. cap. ult. *Descriptio ex duodecim cælestium signorum sic figurata*, pro, *ex duodecim cælestibus signis*. Sed Vitruvium, ut mechanicum, ac de plebe hominem puritatis linguæ studiosus nihil morari volet. Cæterum de genitivi usu minimè ab re fuerit monere, eô aliàs significari *causam*, ut *Oratio Ciceronis*, cuius auctor est Cicero. *Nummus argenti*, cuius materia est argentum. *Talentum dotis*, quod in dotem datur. *Habet quinquaginta talenta vectigalis*, quæ ex vectigali ad eum redeunt. Aliàs *Subiectum* sive recipiens, sive occupans, quod Logici *Objectum* vocant,

ut *Pudor patris*, quod subiectivè significat *pudorem*, quo pater afficitur; objectivè, quem pater incutit. *Metus hostis*, quò vel metuit, vel metuitur. *Parvi filii desiderium mei*, quò filius me desiderat. *Officii deliberatio me cruciat*, quà de officio delibero. *Regis munus vel officium*. Aliàs *Adjunctum*, ut *Homo magni ingensi*, id est, cum magnò ingenio vel ingeniosus. *Homo multi cibi*, pro, vorax. *Pecus regis*, pro, regium. *Aulam auri inveni*, pro, ollam in quâ est aurum. *Cadus vini*. Aliàs *Totum*, ut *In adibus domi*. *Conclavia mearum adium*. Aliàs *Partem vel speciem*, ut *Res cibi*, pro, cibus. *Res voluptatum*, pro, voluptates. *7 rbs Romæ*, pro, Roma. *Flos violæ*, pro, viola. *Flumen Rheni*, pro Rhenus. *Vitium arrogantiae*, pro arrogantia. *Arbor fici*, pro ficus. *Premia palme*, pro palma quæ est premium. *Deliciae pueri*. *Frustum pueri*, pro, puer qui est deliciae, vel frustum. *Virgil. Hic tibi mortis erant metæ*, pro, hic erat tibi mors metæ. *Idem. Corithi Tyrbenâ à sede profectus*, pro, ab urbe Corithò quæ sedes ei erat. *Curtius: Libri arborum capiunt literarum notas*, pro, literas quæ sunt notæ. *Propert. Vel tibi Medorum pugnaces ire per hostes*, pro, per Medos qui sunt hostes. *Idem: Nam negat Euphrates equitem post terga tueri Parthorum*, pro, Parthos qui sunt eques, sive equestris exercitus. *Livius: Lucus frequenti silvâ & proceris abietis arboribus sæptus*, pro, abietibus, quæ sunt arbores.

Tertia: Omnis accusativus à verbò activò expressò, aut suppressò, vel à nomine substantivò verbali, vel à præpositione regitur, ut Tendimus iter in Latium. Aternas pœnas timendum est. Eo spectatum ludos. Priorum ratio est, quia omne verbum activum significat actionis sive formam, sive materiam, circa quam occupatur, hoc est, objectum, sive effectum: quibus quidem significandis quartus casus fuit inventus. Postremum ab idiomate Latino pendet, quoniam scilicet linguæ effectoribus placuit præpositiones certi usus significationem habentes cum
quartò

quartò casu jungere. Verbi gratiâ placuit, ut in significandò locò ad quem, & in tempore ante & circa quod, certarum præpositionum accusativo junctarum usus esset, quæ quidem secundum regulas exprimuntur, per *Figuram* verò supprimuntur. Hinc fit, ut in *Pridie Calendas*. Multos ab hinc annos, subaudiatur ante: in *homo id ætatis*, hoc noctis, subaudiatur ad vel circa. Plura hujus rei exempla in *Syntaxi de præpositionum Ellipsi* videri poterunt, unde facile quivis intelligat, ubicunque inveniatur accusativus, qui à verbò activò, aut à verbali nomine non regatur, eum necessariò à præpositione per *Ellipsin* suppressâ regi, ut *Albus dentes*. *Fractus membra*. *Cætera latus*. *Alias*, pro, alioqui. *Proficiscor Romam*. *Eo domum*, rus. *Docebo te artem*. *Moneris utilia*. *Hoc sine te exorem*, &c. In illò *Pœnas timendum est*: accusativus pœnas regitur ab activò verbò *timere*, quod subauditur, ut in *Ellipsi verbi cognati* demonstratum est. In hòc *Eo spectatum ludos*, duo sunt accusativi, quorum posterior *ludos* regitur à nomine substantivò verbali *spectatum*, quod ipsum quoque accusativi casus est, & à præpositione *ad* suppressâ regitur, de quò vide *Rectionem nomini verbalis*.

Quarta. *Omnis ablativus à præpositione regitur*. Cujus regulæ ratio etiam ipsa ab idiomate Latinò, eorumque, qui linguam condiderunt, institutò pender. Itaque pro exploratò haberi potest, ubicunque ablativus inveniatur, ibi præpositionem aliquam desiderari per *Ellipsin*, cujus rei exempla in *præpositionum Ellipsisibus* allata, facile cuivis fidem fecerint.

Postremò tres sunt adverb. pertinentes *Maximæ*.

Prima. *Omne verbum accidentale* (id est, quod non sit substantivum) *aut activum est, aut passivum; quorum illud semper accusativum expressum, aut suppressum regit*. Hujus ratio est, quia inter agere & pati nihil est medium, omnisque motus aut actio est aut passio. *Neutra ergo verba nihil sunt, nisi indocto-*

rum Grammaticorum commenta, qui non animad-
 verterunt verborum activorum alia varios habere
 accusativos materiales, ut *Facere verba, fidem, finem,*
invidias: alia non nisi unicum eumque formalem &
 cognatum, ut *Vivere vitam, mori mortem, furere, furo-*
rem, egere egestatem, currere cursum, sedere sessionem,
ambulare ambulationem, servire servitutem, certare certa-
men. Illis, quæ plures accusativos regunt, necesse
 est certum semper accusativum adjungere, quo-
 niam aliter, quid agant, incertum erit. Sed his,
 quæ unum tantum regunt, inane, otiosum ac super-
 vacuum fuerit accusativum adjungi, quoniam ne-
 mini de eò, tanquam essentiali seu formali, dubium
 esse potest. Ubi tamen modum verborum illorum,
 quò agunt, exprimere volumus, rectè & locuple-
 tium auctorum mori convenienter dicemus: *Vivo*
vitam hilarem, mortuus est mortem lentam, furit gravissi-
imum furorem, eget acerrimam egestatem, currit cursum
percelerem, sedet sessionem cominodam, ambulat ambula-
tionem solitam, servit servitutem publicam & laboriosissi-
mam, certat anceps certamen. Sed etiam prioris ge-
 neris verba non pauca sic absolute sine accusativis
 poni solent, quoniam ex quotidiano loquendi scri-
 bendique usu satis scilicet noti erant, quorum
 exempla inter *Ellipses* recensuimus.

Secunda: *Omne verbum finitum habet pro supposito*
nominativum expressum, aut suppressum, aut etiam verbo
infinito, aut alia oratione commutatum. Cujus ratio-
 nem jam reddidimus, quoniam scilicet omnis ora-
 tio ex verbo & nomine constat. Itaque in *Amo,*
amas, subaudiuntur nominativi suppositi *ego, tu*. In
Ajunt, ferunt; subauditur nominativus *homines*. In
Curritur, sedetur, statur, vivitur, evenit, desiderantur
 nominativi *cursum, sessio, status, vita, eventus*. In *Itur*
 subauditur *itio vel via*. Sic *Ningit, nix: Lucescit,*
Advesperascit, Pluit, Jupiter vel æther: Miseret, mise-
ratio: Tædet, tedium: Pudet, pudor: Piget, pigritia:
Fæni-

Pœnitet, pœna. Urbem quam statuo vestra est, pro, Urbs, quam urbem statuo, est vestra. Licet vobis esse beatis, pro, beatitudo vobis licet. Expedit esse divitem, pro, divitiæ expediunt. Deprendi miserum est, pro, deprehensio misera res est. Moneri me non est necesse, pro, monitum mei non est necesse vel necessum livè necessarium: nam sicut imbecillus, a, um & imbecillis, imbecille, similiter, necessus, a, um & necessis, necesse priscis in usu fuit, pro, necessarius, a, um: quam rem si Famianus Strada cognoscendis Grammaticis didicisset, solœcismum illum, vix in puerò ferendum, effugisset: Nos monitore necesse non habemus. Ratio certè & doctrina puerilis postulabat: Moneri necesse non habemus. Ubi moneri vim accusativi habet, sicut nominativi in hoc, Moneri nos non est necesse. Priscò more dici poterat: Monitor nobis non est necessus, vel necessis. Monitorem non habemus necessum vel necessum. In posterum verò nullum Stradæ, ejusque similibus, magnis illis literarum institutoribus, solœcismi tam deformis erit periculum, ubi eos artis hujus nostræ præcepta perdiscere non piguerit. Donati in Ter. Eunuch. act. 5. sc. 5. verba sunt: Necesse est nomen: nam necessus, necessis, & necessum lectum est. Eugraphius in prolog. Heauton. Necesse habeo silentium.

Tertia: Omne verbum infinitum habet pro supposito accusativum expressum, aut suppressum. Ut Volo me facere. Possum me fingere. Studet se placere: vel per figuram: Volo facere. Possum fingere. Studet placere. Dixit se dare, vel, se esse daturum: vel per Ellipsin, Dixit dare & dixit daturum esse. Videor me videre, & per Ellipsin, videor videre. Diceris te fecisse, vel per Ellipsin, diceris fecisse. Videtur eum nos odisse, vel per Ellipsin, videtur nos odisse. Ratio hujus regulæ pendet ex idiomate Latino, quoniam scilicet hic suus Latinis mos est: nam Græcorum more dicendum est: Diceris tu fecisse, dicunt tu fecisse, dicunt ille fecisse. Ita Græcanica & transmarina Syntaxis est in hoc Ovidii Fast. 6. Sen

prius Æneas eripuisse ferunt. Et in hoc Catulli, Phæse-
lus ait fuisse navium celerrimus, pro quò Latinè, se-
cundum regulam dixisset: *Ait fuisse se celerrimum:*
secundum consuetudinem verò per *Figuram:* *Ait-*
fuisse celerrimum. Hor. *Vir bonus & sapiens dignis ait*
esse paratus. Ita legit Charisius, Catull. *Quin Diis*
iratis desinis esse miser, pro, te esse miserum, quomodo
vetus Inscriptio apud Brissonium in formulis: *Quan-*
do me esse desiero. Plautus: *Viginti minas adolescens da-*
zurus dixit, pro, daturus esse. Virgil. *Sensit medios de-*
lapsus in hostes, subaudi, esse, quod Græcò, non Lati-
no more dictum est: sicut Multi dicuntur venturi esse:
nam secundum Latinæ artis regulam dicendum:
Multi dicuntur eos venturos esse, eos venire, & per Ellipsin
Latinam: Multi dicuntur venire, aut venturos esse.
Perpetuò enim verbi infiniti suppositum est accusa-
tivus, nisi verbum substantivi nominis vim habeat.

D E

SYNTAXI NOMINUM
VERBALIUM.

Victimam Sacerdotes mactatum eunt, pro, Sacerdotes
eunt viam ad mactatum victimam, pro, victimæ. Lu-
cret. *Hostia concideret mactatu mæsta parentis.* Accu-
sativus nempe *victimam*, regitur non ab *eunt*, sed à
mactatum. Non ergo Latinè dices: *Victima mox*
mactatum iri videtur, sed, *victimam*, quoniam à *macta-*
tum regitur. Integra porrò oratio secundum regulas
talis est: *Videtur viam iri ad mactatum victimam.* Ubi
viam iri, ponitur pro nominativo, quasi esset: *Ius*
seu *profectio ad mactationem victimæ videtur*: sicut,
Viam istam iri mirum est, cum sit latronibus infesta. Ita
Cato dixit: *Contumeliam mihi factum itur, non con-*
tume-

tumelia: nam integra oratio est: *Via itur ad factum contumeliam*, sicut, *Ille it viam factum mihi conumeliam*: ubi perspicuum est, *contumeliam* regi à *factum*, non ab *it*. Ita si quærenti *quid agitur*? respondeat quis: *Ligna casum itur*: quis non videat, *ligna* esse accusativum, & regi à *casum*, perinde ac si dixisset, *Ligna casum eo*, pro, *eo viam ad casum ligna*. Porro *ire viam*, sive *ire iter*, metaphoricè dicitur pro *conari*, sicut & *viam affectare* usurpatur, & *tendere* aut *intendere viam* sive *iter*. Lucret. *Quod facere intendunt*, nec adhuc *conata* patrantur, pro, *quod facere conantur*.

Admonitio Magistri de Concordiâ Nominis Adjectivi cum Substantivô, & Verbi cum Nomine.

Adjectiva nullum genus habere dixi. Itaque adjectivum in genere cum substantivô nomine convenire non potest. Illa quippe duo dicuntur convenire, quæ aliquid tertium commune habent. Itaque cum dicis *vir bonus*, non conveniunt ista duo nomina in genere, cum *bonus* velut adjectivum nullum habeat genus, sed tantum terminationem generi masculino attributam. Potest ergo Magister, si sic ei videatur, regulam de *nominum Concordiâ* in puerilis ætatis gratiam sic formare: *Nomen substantivum sive expressum, sive suppressum cum adjectivô consentit in numero, casu & generis terminatione*. Ita *vinum* forte habent ejusdem generis, neutri puta, terminationem. Ex versibus enim de genere terminationis jam constitit, nomina in *um* esse generis neutri, similiterque in *e*.

Dixi etiam, *Personam esse specialem numeri verbalis differentiam*. Nomina ergo personam nullam habent, adeoque in personâ cum verbis convenire non possunt. Habent tamen aptitudinem ad personam, ut ei accommodari possint. Et duobus qui-

dem nominibus *ego* & *tu* exceptis, quorum illud primæ tantum; hoc secundæ personæ verbis aptum est; itemque relativis quibusdam, ut jam *sexta Concordiæ nominis regulâ* monui; cætera nomina omnia tertiæ verborum personæ accommodantur. Itaque cum regula nostra de *Concordiâ verbi finiti* dicit; *Omne verbum finitum habet pro supposito nominativum*, intelligendum est, nominativum personæ verbi accommodabilem, si vè habilem. Nam si dicas *ego docet*, convenit quidem verbum finitum cum nomine in numero, sed nomen illud non est habile personæ verbi. Hæc ergo de re Magister discipulos monere poterit.

D E S Y N T A X I P R Æ P O S I T I O N U M.

Præpositiones compositivas alias *Loquelares*, alias, *Significativas* feci. Priorum nulla est Syntaxis præter illam, quam apertè ferunt. Posteriorum quis usus sit, jam exsequemur.

Abhinc.] Significat *tempus*, quasi dicas, *ab hæc die* (vel cum Cicerone *ex hæc die*) *dies numerandò*, ac promiscuè de præterito & futurò tempore usurpatur. Cic. *Abhinc annis quindecim*, ubi subaudi præpositionem, *in*, à quâ ablativus regitur. Idem: *Abhinc duos & viginti annos est mortuus*, subaudi præpositionem *ante*. Terent. *Abhinc triennium huc commigravit*. Plautus eòdem sensu *hinc* usurpat. Trucul. *Menihilò magis respiciet, quam si hinc ducentos annos fuerim mortuus*, subaudi *ante*: similiterque Turpil. *Lindia: Factum esse diem hinc quartum hodie*. Plautus Casin. *Annos abhinc factum est sexdecim, cum conspiciatus est puellam exponi*, pro quò dici poterat: *Annos est sedecim cum conspiciatus est*: sicut idem Aulul.

Hanc

Hanc domum multos annos est cum possideo & colo, pro, ante multos abhinc annos factum est, cum possideo, seu quod possideo: nam quom & quod indifferenter Plautus, Terentius & Cicero hâc in re usurpant, cō quod quom sive quem aut cum sit accusativus omnibus generibus congruens, à quis omnium generum, velut in Paradigmatē annotavi. Quia verò quom & quod adjectiva sunt, eaque relata, nomen substantivum antecedens, quod referant, subaudiri necesse est. Tale verò nomen est tempus, aut etiam negotium, quod Latinis idem est quod res, Italis & Hispanis cosa, Germanis, ding. Gallis chose. Jam satis constat rectè Latinè dici, Si est ut ille banc domum possideat, pro, si ita est negotium, si ita est res ut ille domum possideat. Rectè quoque dicitur, Quom vales, gaudeo, & Quod vales gaudeo, pro, ad quom, sive ad quod negotium, id est, ad quod negotium quod attinet: Sensus ergo est: Quantum ad illud negotium attinet, ad quod vales, gaudeo. Quoniam est ut valeas, quoniam ita res est ut valeas, gaudeo. Vis itaque Plautinorum verborum hōc modō explanabitur: Negotium illud, ad quod ego hanc domum possideo, factum est abhinc ante multos annos. Similis est alter Plauti locus in Persâ: Nondum sex menses est quom leno huc commigravit, pro, nondum abhinc ante sex menses factum est negotium, cum huc migravit. Sin quis tempus subaudire malit, sensus erit: Nondum abhinc ante sex menses factum est tempus, sive fuit tempus. Indifferenter enim dicitur: Factum est, tempus cum, & fuit tempus cum. Ita Tempus erit cum, tempus veniet cum, tempus fiet cum, quod etiam subauditur, in est cum, erit cum. (Si cui insolentius videbitur, Factum est tempus, noverit Ciceronem dixisse 5. Att. 20. Apameæ quinque diēs morati, Iconii decem fecimus. Et Alfenius J C. Servus fugerat, & annum in fuga fecerat. Et Senec. ep. 66. Paucissimos unā fecimus diēs.) Cæterum abhinc de futurō usurpat Pacuvius: Seque ad ludos jam inde abhinc exerceant. Cicero

pro Rosciò Com. Repromittis tu abhinc triennium Rosciò? Ubi subauditur, post.

Admodum.] Cum *Modus* Latinis & quantitatem & qualitatem significet, hinc fit, ut *admodum* aliàs idem significet, quod *valde*, aliàs quod *propemodum*, *ferè*, *quasi*, *circiter*. Cicero: Non *admodum* grandis natu. Livius: *Exattò admodum* mense Februariò. Idem: *Sex millia* hostium cæsa, *quinque admodum* Romanorum. Idem: *Vehicula mille admodum* capta. Cicero: Curio *literarum nihil admodum* sciebat, id est, *quasi nihil*. Columella: *Admodum* exigui pulveris subijcimus. Ubi subauditur *rem*: nam *res* pulveris, est *pulvis*. Ita Varro: *Apponendum est bene olentium herbarum*: aut dictum putabimus, *ad pulveris modum*, sicut *ad instar* dixit Serenus Septimius: cùm *instar* sit nomen substantivum effigiem vel similitudinem significans.

Antehac.] Significat *ante hæc facta* aut *tempora*: nam veteres, *hac*, pro *hæc* dicebant. Plaut. Afin. Ego illum *antehac* semper sum hominem frugi ratus. Idem Mil. *Ante hoc factum hunc* sum arbitratus semper servum pessimum.

Circumcirca.] Plaut. Aul. a. 3. f. 4. Ubi cæpit scalpurre unguis *circumcirca*. Sicut Græci ἀμφιπερὶ κρητὴν *circumcirca fontem*.

Contraea.] Unâ voce dixerunt, sicut *interea*, *præterea*, *postilla*, ubi ultima syllaba à poëtis producitur, ut unum ex duobus vocabulum factum appareat. Exstat apud Cæsar. lib. 3. belli civilis, apud Salust. Jugurth. apud Livium & Cor. Nepotem sæpius. Liv. 4. *Superbè ab Samnitibus legati prohibiti commerciò sunt: contraea benignè à Siculorum tyrannis adjuti*. Nepos Agefil. Nullum in eò signum libidinis, nullum luxuriæ: *contraea plurima patientiæ atque abstinentiæ*. Idem Epam. Quod me Agamemnona æmulari putas, falleris: namque ille cum universâ Graciâ vix decem annis unam cepit urbem: ego *contraea unâ urbe nostrâ, dieque unò totam Graciâ liberavi*. Sic ibi lego, pro,
contra

contra ex unâ. Terentius, *Contra hæc, contra omnia, contra hæc omnia*, eodem sensu usurpat.

Dehinc, dein, deinde.] *Dein* per *Apocopen*, pro *deinde* dictum est. *Inde* verò sicut & *hinc*, motum à tempore aut locò significat. Usurpatur ergo *deinde*, pro *postea*, ratione præteriti & futuri temporis, tum pro *consequenter*, ratione loci. Terent. *Accepit conditionem, dein quæstum occipit*. Idem : *Factum esse non negat, & deinde facturum autumat*. Cicero : *An ego tibi obviam non prodirem? primum Appio Claudio? deinde Imperatori? deinde more majorum? deinde (quod caput est) amico?* Idem usus est præpositionis *dehinc*. Virgil. *Oscula libavit natæ, dehinc talia fatur*. Plaut. *Si quidem ante mentitus sit, nunc jam dehinc erit tibi verax*.

Derepente, desubito.] Cicero : *Tu derepente irrupisses*. Plaut. *Si apud te eveniat desubito prandium aut potatio*.

Desuper.] Significat idem quod *desuperò* aut *superiore locò*, quomodo Plautus loquitur *Amph. Illuc sursum ascendero, inde optinè sic cispellam virum. De superò faciam, ut sit madidus*. Virgil. *His ego nigrantem commistâ grandine nimbum Desuper infundam*. Lucretianum est : *Ex superò*.

Eloco, extemplo.] Significat, *statim, è vestigiò*. *Templum enim* pro quòvis locò undique apertò dicebant. Usus præpositionis hinc licet colligere. Plaut. *Asin. act. 1. sc. 2. At malò cum tuò: nam jam ex hòc locò ibo ego ad tres viros, vestraque ibi nomina faxo erunt*. Et *Trucul. act. 2. sc. 4. Ego isti non munus mitam? Jam modò ex hòc locò jubebo ad istam quinque perferri minas*. Liv. 36. *Alii extemplo agendum, alii differendum in veris principium censebant*. Plaut. *Capt. Ne tu me ignores, cum extemplo e conspectu meò abscesseris. Vide mox in exadversum*.

Exante.] Liv. lib. 45. *Supplicatio pro concione populo indicta est exante diem quintum Idus Octobris, id est, ex illò die in diem quintum, antequam dies quintus finem haberet: sic enim intelligebant, cum dicerent, Ante diem tertium, quartum, &c.*

Exad-

Exadversum.] Terent. Phor. *Modò vidi quandam virginem, suam lamentari matrem mortuam: ea sita exadversum, id est, mater mortua posita erat è regione virginis.* Ibid. *Exadversum ei loco constrina erat quædam.* Ubi Donatus ait, pro eiloco, legi etiam illico. Nimirum scripserat Terentius, è locò. Nepos Thrasyb. *Cecidit Critias, cum quò exadversus Thrasybulus fortissime pugnarat.* Ita est in veteri codice optimò. Cic. 1. Divin. *Ajo loquenti exadversus eum locum consecrata est.* Ubi duo illa verba, *eum locum*, ex glossâ videntur irrepsisse: et si apud Nepotem quoque in Themist. legimus: *Factum est, ut ab Artemisio discederent, & exadversum Athenas apud Salamina classem suam constituerent.*

Examussim.] Significat exactè, perfectè, quasi ad amussim. Plaut. Amph. *Næ ista ædepol examussim est optima.* Et Most. *Ædes factæ examussim.* Et Menæc. *Ut hanc rem vobis examussim disputem.*

Exhinc.] Lucret. lib. 3. citante Priscianò: *Anima cum animi vi percussa est, exhinc corpus propellit, id est, statim, ex hòc locò.* Sueton. Tiber. *Post hæc comitam Galliam rexit.* *Exhinc Reticum Vindelicumque bellum.* Cicero similiter ex hâc die, de præterito & futuro usurpat, pro quò vulgo barbarè, *ex tunc & ex nunc*, quæ tamen sunt facta, ut *exhinc, exinde, inante, exante, præquam.* Plautus de futuro, Perf. act. 4. sc. 3. *Bonus volo jam ex hòc die esse, id est, posthac.*

Exin, exinde.] Virgil. *Quisque suos patimur manes, exinde per alium Mittimur Elysium.* Plautus Pseud. *Proinde ut quisque fortunâ utitur, exinde sapere eum dicimus.* Et Truc. *Postquam alium reperit, qui plus daret, me exinde amovit locò.* Varro 1. rust. 20. *Alii asellis, alii vaccis ac mulis utuntur, exinde ut pabuli facultas est, pro perinde ut.* Justin. *Populum eòdem ornatu vestiri jubet, quem morem vestis exinde gens universa tenet, pro, inde ex eò tempore.* Macer Jurisc. *Annus exinde computandus est, ex quò ea annotatio publicè innotuit.*

Extra-

Extrāquam.] Significat , *præterquam*, nisi. Cicer. *Addat exceptionem hanc, extrāquam si quis reip. causā exercitum non tradiderit.* Livius : *Campanos omnes liberos esse jusserunt, extrāquam qui eorum, aut ipsi, aut parentes eorum apud hostes essent.*

Impresentiārum.] Vix mihi persuadere possum, quin vocem hanc à posterioribus malefictam sciorum audaciā in veterum libros insedisse credam. Legitur etiam in Corneliō Nepote in vitā Hannib. *Cum Scipione, exhaustis jam patriæ facultatibus, cupivit impresentiārum bellum componere, quō valentior postea congrederetur.*

Inante.] Cicero : *Cædem te optimatium contulisse inante diem quintum Calendas Novembris, pro, in diem ante diem quintum, id est, in eum diem, qui incideret antequam dies quintus præterisset.* Propert. *Si quis vult famā tabulas anteire vetustas, Hic dominam exemplō ponat inante meam.*

Inibi.] Significat *ibidem*. Cicero : *Luxuries Annibalem Capuæ corripuit : superbia nata inibi esse ex Campanorum fastidiō videtur.* Idem : *Quod sperare debemus aut inibi esse, aut jam esse confectum.* Plaut. *Perf. Marsupium habeat, inibi paulum præsidii.*

In locō.] *In locō*, ex quō factum *inlicō* & *illicō*, significat *statim, e vestigiō*. Dictys lib. 6. 12. *Acastus ubi præter spem se liberatum animadvertit, sponte in locō cuncta regni Neoptolemo tradit.*

Insuper.] Significat , *præterea*, vel *super illa*, quæ jam dicta sunt. Terent. *An pœnitebat flagitii, ni miserum insuper etiam patri indicares?* Livius : *Si hoc non satis est, insuper pœnas expetite.* Idem : *Humus insuper injiciebatur, pro, supra.* Virgilius cum ablativō ponit, *Insuper his, pro, præter hæc, his amplius.* Lucretius cum accusativō : *Insuper alienos rogos exstructos consanguineorum cadavera locabant.* Ita & Cæsar : *Hanc insuper contignationem tantum adstruxerunt.*

Interea, interim, interibi.] Significat , *inter ea negotia,*

tia, facta vel tempora, id est, per idem tempus, quò aliquid aliud negotii peragitur. Cicero: Hac dum Romæ geruntur, Quinctius interea, &c. Terent. Interea dum is venit, domi opperiamur. Livius: Inter agenda hæc, pro, interea, ut videatur Ellipsis esse in voce interea, subaudiaturque agenda negotia, sicut Plaut. Stich. Inter illud negotium meis amicis curavi, ut cæna esset cocta. Et Cistell. Inter rem istam agendam heræ huic respondi, quod rogabat. Idem Rudente. Jam hic ero, tu interibi adorna, quod opus est. Cicero. Hòc interim spatiò conclave illud concidit. Uterque Seneca & uterque Quinctilianus interim, pro, inerdum, nonnunquam, aliquando ponunt, sed id degenerantis jam Latinitatis specimen existimari potest.

Interdiu.] Significat, de die, interim dum dies est. Plautus etiam interdus usurpat. Cicero: Noctu an interdiu. Ridiculè Quinctilianus lib. 1. extremò cap. 4. Noctu & diu adverbis annumerat. Leguntur enim cum præpositionibus ablativum regentibus, & cum adjectivis ablativi casus. Plaut. Hæc noctu somniavi. Eunius: Hæc noctu filò pendebit Hæcruia tota. Terent. Cras cum primò luci.

Interdum.] Significat, aliquando, aliquò tempore. Cicero: Interdum, vel potius nimium sæpe. Geminatio verborum habet interdum vim, leporem aliàs. Festus: Interduatim & interatim dicebant antiqui, quod nunc interdum & inerdum. Hinc apud Plaut. Truc. act. 4. sc. 4. ubi legitur: Vale Phronesium P H. jam me tuum oculum non vocas? DI. Id quoque interim futatim nomen commemorabitur. Scribendum censeo: Id quoque interduatim nomen commemorabitur.

Perinde] Significat, similitudinem. Plaut. Omnes res perinde sunt, ut agas, ut eas magni facias. Cic. Habes à patre munus meà quidem sententià magnum, sed perinde erit, ut acceperis. Liv. 27. Ut viseret agros cultaque ab incultis notaret, & perinde dominos laudaret castigaretque. Sallust. Mithridates corpore ingenti, perinde armatus.

Postea,

Postea, posthac, posthinc, postibi, postilla, postinde, postmodo, postidea, postidem.] Significat, *post factum vel tempus aliquod, vel post tempora, sicut supra, antehac.* Ovid. 1. Fast. *Postea mirabar, quod non sine litibus esset.* Ubi *a* breve arguit nomen esse. Ubi tamen talia fecit particulas, ex eoque *a*, sapius producitur. Plaut. Merc. *Nescio quid meo animo est agere: postea hanc nocte, non quievi satis ex sententiâ, pro, tum vero, præterea autem.* Idem Stich. *Dejiciam telas aranearum.* *GE* *miseræ algebunt postea.* Idem Curcul. *Eum qui vendidi mihi puellam, numquam postilla vidi.* Catul. *Nec sibi postilla metuebant talia verba.* Cic. *Id ne umquam posthac accidere possit, providendum est.* Virgil. *Posthinc ad naves graditur sociosque revisit.* Plaut. Mil. *Verberetur etiam, postibi amittendum censeo.* Et Stich. *Nunc intro ibo & sacrificabo, postibi jubebo nobis cœnam coqui.* Lucret. *In pedibus primum digitos livescere & ungues, Inde pedes & crura mori: postinde per artus Ire alios tractum gelidi vestigia leti.* Livius: *Si Ardeates arbitrium Senatui permittant, fore ut postmodo gaudeant se ita moderatos.* Plaut. Cist. *Tibi id erit factum, ornamenta ponent, postidea loci qui deliquit, vapulabit.* Idem Aul. act. 1. sc. 2. *Nunc quo profectus sum ibo, postidem dumum.* Sic in optimis libris veteribus legitur. Varro lib. 8. de ling. Latina. *Verbis, quæ non ad rationem sunt, oportet non uti. Sic enim obsolescent, ac postidem facilius corrigi poterunt. Sic ibi lego, pro postea idem.*

Præterea, præterhac.] Significat propriè, *præter vel ultra hæc, quæ jam dicta sunt, aut præter, sive post hæc tempora, aut facta.* Cicero: *Est philosophi nobilis filius, homo præterea festivus.* Idem: *Tibi iri concedo, præterea nemini.* Idem: *Non possumus hujus, & præterea cujusvis civitatis esse cives.* Sallust. *Nunquam Hispanos præterea tale facinus facere auctores, id est, præterquam illò tempore.* Plaut. Rud. *Si præterhac unum verbum faxis, ego tibi comminuam caput.*

Frequam.] Significat idem quod in comparatione

ne

ne alicujus imparis, si cum aliô majori aut minori conferatur. Plaut. Amph. *Parva res voluptatum est in vitâ, præquam quod molestum est.* Mostell. *ſam minoris omnia facio, præquam quibus modis me ludificatus est.* Aulular. *Nemo ſine grandi malô, præquam res patitur, ſtudit elegantie, id eſt, plus quam res familiaris patitur.* Nam præ-comparationem inæqualium ſignificat, ſicut & ante.

Præterquam.] Terent. *Verbum ſi mihi unum, præterquam quod te rogo, faxis.* Cicero: *Nullas tuis præterquam ad te dedi literas.* Livius: *Multitudo coaleſcere tunc populi unius corpus nullâ re, præterquam legibus poterat.* Cor. Celfus: *Aqua frigida inſuſa præterquam capiti, etiam ſtomacho prodeſt, pro, non modo capiti.*

Præut.] Significat idem, quod *præquam.* Plaut. Mil. *Nihil hoc quidem eſt, præut alia dicam, quæ tu numquam feceris.* Amph. Perii, ME. *parum ut æm præut futurum eſt, prædicas.* Menæc. *Modèſtior nunc eſt præut dudum fuit.* Ibid. *Folia nunc cadunt præut, ſi triduum hic erimus, tum arbores in te cadent.* Turpil. Epiclero: *Præut ſolent, me curæ ſomnô ſegregant, id eſt, plus ſoliſ: præ eô modô, quô ſolent.*

Proin, proinde.] Significat idem quod *ideo, propterea, itaque.* Uſurpantur etiam ad exprimendam ſimilitudinem, ſicut *perinde.* Terent. *Orationem ſperat inveniſſe ſe, quare differat: proin fac apud te ut ſis.* Cicero: *Proinde bonô animô ſis.* Plaut. Amph. *Scio iſtæ facta proinde ut proloquor.* Pœnul. *Proinde habet hic orationem, quaſi ipſe ſit frugi bonæ.* Pſeud. *Proinde ut quiſque fortunâ utitur, ita præcellit.* Petron. *Senex exercitati vultus, ſed cultu non proinde ſpecioſus.*

Pronuper.] Significat, *nuper admodum.* Plautus Trin. *Quam ſponſionem pronuper tu exactus es.*

Propalam.] Plaut. Mil. *Metuo ne hoc tandem propalam fiat nimis.* Idem Epid. *Minus jam ſum furtiſcus, quam antehac, rapio propalam.*

Propemodum.] Significat idem, quod *ſerè, pæne.* Terent.

Terent. Propemodum jam tibi habeo fidem. Cicero : Verba componere & propemodum dinumerare.

Proporrò.] Lucret. Et sibi proporrò quæ sint primordia querunt, id est, insuper, porro, præterea.

Propterea.] Terent. Haud propterea te rogo, ut hoc proferam.

Proquam, prout.] Significant comparisonem parium. Lucret. Igitur parvissima corpora proquam, & levissima sunt, ita mobilitata feruntur, pro, quanto minora & leviora sunt, tanto etiam mobilia. Idem : Nec satis est proquam largò se ex æstuat æstu, unde queat tantum suboriri ac suppeditare. Symmachus : Non satis mihi videretur, proquam res postulat fungi debitum meum. Cicero : Tuas literas, prout res postulat, expecto. Idem : Prout facultates ejus ferebant. Interdum per Ellipsin Pro reticetur : Liv. Homo, non quam isti sunt, gloriosus.

Protenus seu protinus.] Significat, porro tenus, continuatè tam temporis, quam loci ratione. Virgil. de Sicilia Italiæ olim conjunctâ : cum protinus utraque tellus una foret. Idem : Protinus aërii mellis cælestia dona exsequar. Idem : en ipse capellas protenus æger ago.

Subinde.] Significat, deinde, paulò post. Horat. Si dicet rectè, primum gaudere : subinde præceptum auriculis hoc instillare memento. Petronius & posteriores eò utuntur, pro frequenter, identidem, per intervalla.

Superquam.] Significat idem : quod præterquam. Livius 22. 3. Primoribus superquam quod dissenserant à consilio, territis etiam duplici prodigiò.


AUCTUARIUM ANNOTATIONUM.

Participia orationis partem feci à Nominine & Verbo diversam: quâ in re plus opinioni Grammaticorum, quam veritati dedisse me fateor. Verè enim nihil aliud participium est, quam verbale nomen, sed quod alicujus verbi accidentis sit particeps, qualia sunt cum tempus, tum casus rectio, tum denique status, aut motus significatio. Substantiva quippe verba statum, seu substantiam, aut subsistentiam significant, reliqua motum, id est, actionem; aut passionem. Rectè proinde nomina verbalia, id est, originem suam verbo debentia, vel à verbo derivata, trium generum fecerimus, ut eorum alia sint *Expertia verbi*, cum quibus nullum verbi accidens communicatur, alia *Participia*, quæ ali-quod verbi accidens participant, alia denique *Participialia*, quæ aliquid participii, etsi nihil verbi participant. Nominum participium alia casus recti-onem & significationem motus de verbi naturâ participant, eaque vel substantiva, vel adjectiva. Substantiva sunt, *Tactio, curatio, & tactus, curatus* quartæ declinationis, *Motio, motus, momen, momentum*: cu-jus generis nomina cum actionem significant, tum priscò more accusativum, id est, verbi sui casum regunt. Dicebant enim, *Quid tibi me tactio est? Quid tibi hanc rem curatio est?* Retentum quoque fuit, *Venio ad spectatum ludos*, & per Ellipsin, *Venio spectatum ludos*. Adjectiva sunt, *Vitabundus, letabundus, ludi-bundus, moribundus*, quæ & actionis significationem & accusativi expressi, aut suppressi recti-onem cum verbis suis participant. Dicitur enim *vitabundus*
hostes,

694.1

162a



Synopsis Nominum Verbalium,

hostes, in cæteris sicut in *letare letitiam*, in *ludere ludum*, in *mori mortem*, subauditur. Alia participium nominum, siue participiorum cum tempus, tum significationem, siue statûs, siue motûs à verbô ducunt. Nam *ens* & *futurus* substantiva sunt: activa verò *amans* & *amaturus*: passiva denique *amatus*, *amandus*. Nonnulla terminatione passiva, significatione autem activa, ut *Cautus*, qui *cavet*: *Furatus*, qui *juravit*: *Cœnatus*, qui *cœnavit*: *Prænsus*, qui *prandit*: *Obitus*, qui *obiit*: *Occasus*, qui *occidit*. Participialia nomina vel originem cum participiis communem habent, vel terminationem. Prioris generis alia sunt comparata nomina, ut *Amantior*, *doctior*, *comitator*: alia composita, ut *Indecens*, *indiligens*, *indoctus*. Sic *Indicens* apud Terentium Adelph. qui non dixit, act. 3. sc. 4. Non me indicente hæc fiunt. Et Cic. Insciente me discessit. Terminationem participiorum cum illis communem habentia, sunt *Laureatus*, *ocreatus*, *cristatus*; eorumque similia. Verum enim cum ista spinosiora, quam ut tenera tironum ætas eâ possit intelligentiâ comprehendere, Magistros de iis admoneri satis mihi visum fuit.

Negotium idem significare quod *res*, *opus*, *factum* (Græcè *χρημα*, *πρᾶγμα*) & in adjectivis plerisque neutralibus subaudiri, ut sit ex iis, quæ Logici *Transcendentia* vocant (tamquam *ens* & *aliquid*, quæ cum adjectiva sint, in iis *negotium* suppressum intelligitur) etsi satis in *Minervâ* planum factum est, non tamen ab re futurum videtur, pauculis hic demonstrari. Cic. lib. 2. Ver. 4. *Fecerunt ut ego istum accusarem*: à quò mea longissime ratio voluntasque abhorrebat. Ubi notat Asconius: *A quò*, à quâ re, à quò negotiò, accusationis scilicet. Terent. Adel. act. 3. sc. 4. *utinam hoc sit modò defunctum*. Ubi Donatus: *Hoc, id est, negotium*. Plaut. Cas. act. 3. sc. 5. *Timeo hoc negotium quid est*, pro eò quod aliter dicitur: *Timeo quid hoc sit*. Sic pro eò, quod omnes dicimus,

Quid mali est, Plautus dixit: *Quid mali negotii est*. Trin. act. 4. sc. 2. *Viden' egestas quid negotii dat homini misero mali?* Ubi in *quid* non minus subauditur *negotium*, ut plena oratio sit: *Quid negotium mali negotii dat egestas homini misero*. Est autem *negotium* *quid negotii* perinde dictum, ut *quæ res rei* sive *rerum*, apud eundem Plaut. Men. act. 5. sc. 2. *Summum Jovem detestor*. S E. *quæ de re rerum omnium*. Terent. Heaut. act. 1. sc. 1. *Tantumne ab tuâ re tibi est otii*, *aliena ut cures?* subaudi *negotia*, ut Horat. *Aliena negotia curo excussus propriis*. Cicer. 2. Philip. *Si tum occisus esset, cum tu illum stricto gladio infecutus es, negotiumque transegisses, nisi ille se sub scalas coniecisset, hisque oppilatis impetum tuum compressisset, id est, rem confecisses*. Idem: *Magnum negotium est navigare*. Ubi per *Ellipsin*, *negotium* omitti poterat, sicut apud eundem: *Quos enumerare magnum est, ita sunt multi*. *Magnum est iisdem uti sacris*. Ergo similiter in *multum est*, *parum est*, *nimum*, *plus*, *tantum*, *quantum*, subauditur *negotium*: pro quo aliter res dici solet: Cic. *Experiar quidem, sed magna res est*: Plaut. Amph. act. 2. sc. 2. pro: *Parvum negotium voluptatum, seu parum voluptatum*, dixit *Parva res voluptatum est in vitâ*. Idem sæpe pro, *Ita opus*, seu *usus est*, aliàs, *ita negotium est*, aliàs, *ita res est*, dicere solet. Bacchid. act. 4. sc. 4. *Cum amicâ suâ uterque accubitus eatis: ita negotium est*. Ibid. *Cur id exquiris?* C H. *res ita est*, dici volo. Menæc. act. 1. sc. 1. *Quare patrem meum, ut veniat ad me, ita rem mihi esse dicitis*. Mil. act. 2. sc. 6. *Cito transcurrere ad nos, ita negotium est*. Terent. Eun. act. 1. sc. 2. *Sed ita res erat, faciendum fuit, pro, ita opus erat*. Similiter autem indifferenter dicitur, *Ut res nata est, ut negotium natum est, pro re, & pro negotiô*. Scipio Africanus apud Festum: *Ut negotium natum erat*. Plaut. Truc. *Ut rem natam video, accipiendum quod datur*. Idem Aul. *Pro re nitorem qui habent*. Lucret. *Quisque suum pro re consortem mæstus humabat*. Dictys lib. 4.

lib. 4. *Armati instructique pro negotiò pugnam aggrediuntur*, id est, pro re natà, ut res ferebat. Sed & factum, pro res dicitur, sæpèque subauditur. Plaut. *Asin.* Non te provideram, ita iracundia obstitit oculis. *ME.* non mirum factum est. Et *Rud.* Haud miranda facta dicis, si Deos decepit & homines. Et *Men.* *Mibi mira* videntur te hic stare foris. Et *Pseud.* *Mira sunt*, ni *Pseudolus* est. Et *Mil.* Ante hoc factum semper hunc sum arbitratus servum nequissimum, id est; antehac, quod ponitur pro ante hac, subaudi facta, quod etiam in postea, interea, supprimitur. Eodem verò sensu dicitur, *Inter ea facta*, inter ea negotia, & inter eam rem. Plaut. *Stich.* Inter illud negotium curavi, ut cœna esset cocta. Et *Cistel.* Inter rem istam huic respondi quod rogabat. Rursum *Stich.* act. 1. sc. 1. Nos ejus animum de nostris factis noscimus; id est, ex nostris rebus. Et. *Merc.* act. 5. sc. 4. Eamus intro, non utilis hic locus factis tuis, pro, rebus tuis. Et *Most.* a. 2. sc. 1. Miserum est opus tum demum fodere puteum, ubi sitis fauces tenet, pro, misera res. *Propert.* Vincere cum *Vejos* posse laboris erat, subaudi, opus seu res, ut *Ovid.* Hic erit artis opus.

De genere nominum in ir desinentium, nullam feci regulam, cum de *hir*, *hiris*, quod volam manus significat, cujus generis sit, sciri non possit: nusquam enim legitur, nisi apud *Cic.* 2. de *Fin.* in *Lucilli* loco, & apud *Charisium* lib. 1. sed sine adjectivò. *Vir* autem cum compositis *levir* & *trevir*, masculinum esse constat ex significatione, tum quia per *Apocopen* factum est, ex priscò *virus*, à quò *fœmina* *vira* dicebatur. *Festus*: *Querquetulana viræ* putantur significari *nymphae* *præsidentes querqueto virescenti.* *Fœminas* quas dicimus, antiqui *Viras* appellabant; unde adhuc permanent *Virgines* & *Viragines.*

Pag. 149. ut docerem rectè dici, *Neceße aliquid habeo*, oblitus fui addere hunc *Senecæ* patris locum 6. *Controvers.* 3. *Sic a te alligatus est, ut neceße haberet, quod non expediebat.*

D E
ORTHOEPEIA
 S E U
RECTA LITERARUM
 Latinarum pronuntiatione.

Veram Latini sermonis *Orthoepeiam* (quam Quintilianus interpretatur *emendatam cum suâ virtute vocum explanationem*) explicare, nec multum habet utilitatis, & est vel doctissimis in omniſque antiquitate verſatiſſimis inconceſſum. Jam ſcilicet unusquiſque perſuaſum habet, ſuæ nationis homines optimè, rectius quidem certè, quam aliarum, linguam Latinam pronuntiare, nec ullâ vel auctoritate, vel ratione adduci poteſt, ut eam pronuntians diſtinctionem, cui jam adſuevit, mutare velit. Et qui peregrinas linguas earumque dialectos non didicere, ſunt ad iudicium hæc de re ferendum ineptiſſimi. Non longè abiero. Itali homines literam *H* pronuntiare non poſſunt, adeoque literam non eſſe facile ſibi perſuadent: ex quo fit, ut non modò *Hiſpanicam*, *Gallicum*, & *Germanicum* ſermonem ægrè addiſcant, ſed neque *Latinum* epigramma *Catulli* in *Arrium* ſine juſtò aliarum nationum irriſu legere poſſint. *Sinenses* *R* non habent, ſed ejus loco *L* proferunt, quod contra fit à *Japanis*. *Galli* non poſſunt efferre *Germanicum* *Ch*, nec *Germani* *Italorum* *Gn* & *Gh*, quæ ſunt *Hiſpanorum* *Nn* & *Ll*. Accedit deinde, quod talis eſt ipſarum literarum, vocalium maxime, & diphthongorum conditio, ut vivam hominis vocem requirant, nec ſcriptò expo-
 ni

ni possint. Sed potissima omnis hac in re difficultatis causa est interitus linguæ Latinæ: quæ quoniam abhinc mille annis amplius depravari cœpit, atque in usu esse desit, Germaniæ populis Gothis, Francis, Burgundionibus, Suevis, Alanis, Vandalis & Langobardis ex suâ vernaculâ & ex vulgari Latinâ nova illa linguarum genera conflantibus, quibus Itali, Galli & Hispani hodie quoque utuntur, nisi quod multa Hispanicæ Arabes intulerunt: cō factum est, ut quæ literarum pronunciandi ratio apud Romanos fuerit, ne suspicari quidem possimus. Hoc nemini non facillimè probavero, qui sciat, quam irritum capiat laborem, si quis hodie exoricas linguas sine vivâ magistri voce discat. Ut enim Hispanus quispiam, aut Germanus, aut Gallus torum Boccatium & Petrarcham memoriæ mandarit, & Hetruscè elegantissimè scribere didicerit, si tamen numquam Italum hominem loquentem audierit, nec aliò præmonstrante pronunciationem Italorum didicerit, certissimum est, vix decimam quamque vocem ejus ore prolatam ab Italis intellectum iri, adeoque nullum ei cum Italis sermonis commercium esse posse. Itaque pro exploratissimo habeo, si Cicero in terris hodie existat, & non modò Gallos, Germanos, aut Hispanos, sed & illum ipsum florem illibatum Italiæ, Hetruscam dico Sirena *Johannem Ciampolum* Latinè loquentem audiat, fore ut ne unum quidem verbum satis percipiat: sicut neque nostrum quemquam declamante Cicerone plus, quam si Arabicè peroraret, intellecturum arbitror. Ut autem hoc fiat planissimum, eâdemque operâ complurium nationum homines errore suô liberentur, & quam ridiculè sibi linguæ Latinæ rectè pronunciatae palmam asserant, intelligere possint, distinctè ac singulatim de iis, quæ rem explicatu adeò reddunt difficilem, ea in medium asseram, quæ inter legendum veteres scri-

ptores, præcipuèque Grammaticos, observavi, quæ quidem ad sex omnino capita revocari possunt: Nempe vel ad *Vocalium* cum *simplicium* tum *compositarum*, id est, *Diphthongorum* & *Triphthongorum*: vel ad *Consonantium* cum *simplicium*, tum *duplicium pronuntiationem*. vel ad *Accentum*; vel denique ad *Euphoniæ rationem*.

DE VOCALIBUS SIMPLICIBUS.

A, duplicem sonum habere, vix quemquam tam illiteratum inveniri arbitror, quin suâ sponte intelligat. In *Anna*, *Arra*, prius *a* perspicuè aliter sonat, quam posterius. Sed & tertium ejus sonum fuisse, qui ad *o* propius accederet, ex Festo discimus. Ait enim: *Fovii*, qui nunc *Fabii* dicuntur: & vicissim *horreum*, antiquis *farreum*. Sic hodie in Germanis *Vestphali* & *Bavari*, *Poter da mihi ponem*, pro, *pater panem*. Quartus ejusdem sonus affinis fuit Græco *η*, sive *eta*; quam literam vox ovium exprimit, quæ est *bee*, *bee*: ex quo Latinis prius *beelare*, post *balare*, sicut Græcum *μέτηρ meeter*, Latini extulerunt *maater*, & ex *ma*, quò Græci adjurantes utebantur, ut *μή τίς ἀπέλθῃ*, fecerunt *me*, ut *Mecastor*, quod Donatus monet, *Hec. act. 1. sc. 2.* Hinc suspicari licet, in *facio* fuisse *a* pronunciatum more Bononiensium, ut ab *e*, in *feci*, minimum interesset.

E, similiter duplici sonò effertur in *esse*, *peste*: testaturque Victorinus aliter *e* longum, aliter breve sonare. Tertius ejus sonus apud veteres ad *i* accedebat, velut ex iis, quæ subjiciam, testimoniis discimus. Quinctilian. lib. 1. c. 4. & 7. *E* quoque *I* loco fuit, ut *Menerva* & *Leber* & *Magester* & *Dijove* & *Veijove*, pro, *Dijovi* & *Veijovi*: *Livius* & *Pedianus*, *Sibe* &

& Quasæ scribebant. In Hære neque E plane, neque I auditur. Nos nunc E literam terminamus, at veterum Comico-
rum adhuc libris invenio: Heri ad me venit; quod idem
in epistolis Augusti, quas suam manu scripsit aut emendavit
deprehenditur. Varro 1. rust. 1. Rustici veam dicebant,
pro viam, & vellam pro villam. Festus: Me pro mi, seu
mibi dicebant antiqui, & ameci per E literam efferebant.
Donat. in Phorm. act. 1. sc. 1. Propter cognationem E
& I literarum, non dubitaverunt antiqui heri & here di-
cere, & mane & mani & vespere & vesperi. Servius
in Æn. 2. Veteres Pennas dicebant, non Pinna.

Sed & cum O, quandam literam E, cognationem
fuisse, frequens alterius pro altera commutatio ar-
guit. Festus: Helus & Helesæ antiqui dicebant, quod
nunc Holus & Holera. Hemonem, hominem.
Quintil. 1. c. 7. Vortices & Vorsus ceteraque ad eundem
modum Scipio Africanus in E literam secundam vertisse
dicitur. Cassiodor. de Orthographiâ: Vostra olim ita
per O, hodie per E, ut Advorsum, adversum: Pervorsum,
perversum: Votare, vetare: Vortex, vertex: Convollere,
convellere: Amplocti, amplecti. Priscianus lib. 1. An-
tiqui Amplocti pro amplecti dicebant & Animadvorti pro
animadverti.

I, quoque duplici sonô exauditur in ipsi, irriti.
Testantur autem Grammatici, alium I, longæ so-
num fuisse, alium I, brevis, ac ne breve quidem uno
eodem sonô pronunciari solitum. Quintil. 1. c. 4.
Medius est quidam U; & I, litera sonus: non enim sic
optimuin dicimus, sicut opimum. Et cap. 7. opti-
mus, maximus, ut mediam I, literam, quæ veteribus U,
fuerat, acciperent, Cæsi primum Cæsaris inscriptione tra-
ditur factum. Festus: Plurima veteres pro plurima. Ve-
lius Longus de Orthographiâ: I, litera interdum
exilis est, interdum pinguis, ut in eo quod est prodit, vin-
cit, condit, exilius, volo sonare. In eodem vero, quod signifi-
catur prodire, vincere, condire, æque usque pinguescit,
ut jam in ambiguitatem cadat utrum per I, quædam ha-

beant dici, an per U, ut est optumus, maxumus. In quibus annotandum, antiquum sermonem plenioris soni fuisse, & ut ait Cicero, rusticanum, atque illis fere placuisse per U talia scribere & enunciare. Manet eadem quaestio, manubiæ, an manibæ; libido an lubido. Nos verò postquam exilitas sermonis delectare cepit usque I, literâ castigavimus illam pinguitudinem, non tamen ut plenè I, literam enunciamus. Idem: In virò & virtute, I, scribitur, & pænè U, enunciat. In contumaci melius puto I, servari. Venit enim à Contemnendo: cû Nisus & contumaci per U, putat posse dici à timore. Variè etiam scriptitatum est, mancupium, aucupium, manubiæ: si quidem C. Caesar per I, scripsit, ut apparet ex titulis ipsius: at Augustus per U, ut testes sunt ejus inscriptiones.

O similiter duplici sonò proferri ex opto, porrò, apparet; Sed in Pono, poto, bis idem sonus auditur. Victorinus etiam aliò sono O, productum, aliò correptum enunciari his verbis docet: O, ut E, geminum vocis sonum pro conditione temporis promit. Qui O, correptum enunciat, nec magnò biatu labra reserabit, & retrorsum aetiam linguam tenebit. Longum autem productis labiis; rectu tereti lingua arcu oris pendula sonum Tragiciam dabit: cujus observationis & in E litera similis pænè ratio est.

Tertius O, sonus fuit, sono U; affinis: quâ de re verba sunt Fabii lib. I. cap. 4. O, & U, permutata, invicem, ut Hecoba & notrix, Culchides & Pulyxena scriberetur, & dederont ac probaveront. Sic Odyseus, quem Udyseia fecerunt Aeolæ, ad Ulyxem deductus est. Nostri præceptores cervom, servomque scripserunt: nunc U, gemina scribuntur: sed neutro modo vox, quam sentimus, efficitur. Festas: Quatenos antiqui dicebant pro quatinus. Velius Longus: Antiqui confusas O, & U, literas habuere; nam consol scribebant per O, cum legeretur per U, consul. Unde in multis etiam nominibus variæ sunt scripturæ; ut fontes, funtes: fron-

frondes, frundes. Victorinus: *Augustus mecum per O, non ut nos per U, litteram scripsit.* Nam O, non solum pro brevi & longa, sed etiam pro U, ponitur, ut populus, piacolum, hoic pro huic, tonus pro funus, item alia multa. Cassiodorus: *Frasto, nos per O, scribimus: antiqui per U, qui & O, pro U, usi sunt.* Publicum enim quod nos publicum, & quod nos culpam, illi colpam dixerunt, & exfoles, quod nos exsules, quod ex solo eant. Prisc. lib. 1. O, aliquæ Italiæ civitates, teste Plinio, non habebant, sed locò ejus ponebant U, & maxime Umbri & Thusci. O, convertitur in U. Huc, illuc, pro hoc, illoc. Virgil. Hoc tunc ignipotens cœlo descendit ab alto. Et pleraque quæ apud Græcos nominativum in OS terminant, O, in U, convertuntur apud nos. Vetusissimi etiam huminem, pro hominem præferebant. Fuites, pro fontes. Frundes, pro frondes. Fretu, pro fretò. Acherunte, pro Acheronte: quæ tamen à junioribus repudiata sunt, quasi rusticò more dicta. U, quoque multis Italiæ populis in usu non erat, sed è contrario utebantur O, unde Romanorum quoque vetustissimi in multis dictionibus locò ejus, O, posuisse inveniuntur, publicum, polchrum, colpam, Hercolem dicentes. Sed si vè longa, si vè brevis est O, affinis est cum U, ut ebur, robur, &c., pro ebor, robor, bos. Servius in Æn. 8. Hoc tunc ignipotens cœlo descendit ab alto, id est, Huc tunc: nam ante, hoc, adverbium loci fuit, quod nunc abolevit: nam crebrò in antiquis lectionibus invenitur, sicut in epistolis probat Verrius Flaccus exemplis, auctoritate, ratione: dicens in adverbis pro U, O plerumque majores ponere consuetos: & sic pro huc, hoc veteres dicere solebant, sicut pro illuc, illo dicimus. Unde etiam hoc, longum esse apparet, sicut illo, quod pro illuc ponitur.

U, gemitò sonò in fructu exaudimus, quamvis utrobique longum sit, adeoque more veteri fructum scribi possit. Plautus ejus sonum noctuæ voci tribuit, quam ait tu tu usque dicere. Et Terentianus non aliud sonare testatur, quam O Y, diphthongum Græcam.

Tertius

Tertius ejus sonus cum *I*, quartus cum *O*, affinitatem habet. Et de hōc postremō jam veterum testimonia audivimus. De tertiō nunc nonnulla subjiciam. Velius Longus : *Variē scriptitatum est mancupium, aucupium, manubiā : si quidem C. Cæsar per I, scripsit; at Augustus per U. Mihi videtur nimis rusticana enunciatio futura, si artubus per U, extulerimus : ita tamen existimo enunciandum, ut nec nimis I, litera exilis sit, nec U, literam scripseris enunciationis sonō cum nimis plenō, ac meminerimus artis Orthoepejæ esse, ut si vè hāc, si vè illā literā scripseris, enunciationis sonum temperet. Idem puto & in clipeō, per I scriptō observandum. Victorinus. C. Cæsar optimus, maximus scripsit, non ut nos per U literam. Messala, Brutus, Agrippa pro sumus, scripserunt simus. Cassiodorus : Lacrumæ an lacrimæ; maxumus an maximus; & si quæ similia sunt, scribi debeat, quæsitum est. Varro tradidit, Cæsarem per I, ejusmodi verba solitum esse enunciare & scribere : inde propter auctoritatem tanti viri consuetudinem factam. Servius in Æn. i. In navibus stipā interponitur vasis, quam stipam dicunt. Et Æn. 5. Stuppa secundum antiquam orthographiam : nam stipa dicta est à stipando. Abusivè etiam linum dicimus.*

Y, Græcam esse vocalem omnes norunt. Eam Latini per *U*, efferebant, sed tertiō ejus sonō, qui ad similitudinem *I*, accedit, quōmodo hodie *U*, Galli & Itali Alpibus finitimi pronunciant. Velius Longus : *Verrio Flacco videtur eandem esse apud nos U, literam, quæ apud Græcos Y, namque his exemplis argumentatur : quod illi dicunt cyminum, nos cuminum, quam illi cyparissōn, nos cupressum, illi kyberneten, nos gubernatorem, nec non ex ejusmodi Theseus, Peleus, & similibus affirmant. Donatus in Hec. act. i. sc. 2. Pro Syra, Sura veteres legerunt, U, pro Y, ponentes, ut Musia, Suria.*

Scaurus de Orthogr. *Y, literam supervacuam Latino sermoni putaverunt, quoniam pro illā U, cederet : sed cum*

cùm quædam in nostrum sermonem Græca nomina admixta sint, in quibus evidenter sonus hujus literæ exprimitur, ut Hyperbaton & Hymnus & Hyacinthus & similia, in eisdem hæc litera necessariò utimur. Cassiodorus de Orthog. Y, litera antiqui non semper usi sunt, sed aliquando locò illius, U, ponebant. Itaque in illorum quoque libris hanc scripturam observandam censeo, Suriam, Suracufas, Sumbola, Sucophantas.

De Vocalibus Compositis, id est, Diphthongis & Triphthongis.

Diphthongus est sonus ex duarum vocalium sonò in unum conflatus, sic ut utriusque sonus exaudiatur, etsi non pari tempore. Aliàs enim prior vocalis integrum tempus, aut etiam duò tempora habet, posterior dimidium modò tempus, aut etiam tertiam partem temporis, ut in *ae*, *ai*, *ao*, *au*, & *eu* usu venit: nam harum priores plenè efferuntur, nisi quod Germani inter *Ai*, *Ei*, & *Eu*, vix quicquam faciunt discriminis: posteriorum sonus ad aures ferè perit, adeo ut certò constitui non possit ultimà in *musæ*, *e* sit, an *i*, in *aura* & *euro*, *o*, an, *u*, ex quò factum, ut veteres indiscriminatim *musæ* & *musai*, *Kaisar* & *Kaesar* scriberent. Sic *Aorelius* (quomodo in veteri saxò scriptum visitur) & *Aurelius* sonò vix discernuntur. Aliàs contra evenit, ut posterior vocalis habeat tempus unum, vel duo, integrèque efferatur, prior verò semissem aut tertiam modò partem temporis consumat, adeoque mutilatè, seu raptim pronuncietur, ut in *eitur*, quod est tertiæ personæ verbum ab *eor*. Hic enim *i*, longa est, ac duorum temporum, sed *e*, propemodum absorbetur, ac vix tertià ex parte effertur. ut *e*, an *o* sit, dubium maneât: eoque factum est, ut pro tali diphthongò solum *i* scriberetur, sed *pingue*, ut à

Gram-

Grammaticis vocatur, cujus sonum Velius ad sonum *u*, propius ait accedere. Bavari hodie, nisi fallor, omnium optimè eam efferunt in *wei* / quod Latine significat *quei* vel *qui*, id est *quò modò*: nec ipsum *quei* aliter Romanis pronunciatum, adeoque si in *quei*, prima deinta sit litera, nihil prorsus eam vocem nec significatione, nec sonò à Bavaricà *wei* interesse arbitror. Plauti Comœdia exstat, quæ *Capteivi* inscribitur, quam vocem hodie nemo, quam Bavarus, rectius pronunciaverit. Sextus Empiricus, *ai* & *ei* apud Græcos simplicem sonum habere ait, quia scilicet unius vocalium *sonus serè perit ad aures* (quomodo in *Vir*, de *V* litera monet Velius) hoc est, minima tantum ejus pars effertur, ut propemodum nihil ejus ad aures perveniat: nec tamen prorsus intercidit, quod aliter vocalis simplex, non diphthongus foret. Itaque non solum *a* in *æi* profertur, sed etiam aliquid literæ Jota, etsi tam obscurè, ut sit ne *i*, an *e*, aures vix dijudicent. Similis est *ei* diphthongi ratio. Græci posteriorem vocalem integram, priorem ex tertiâ tantum parte pronuntiabant. Latini non eandem in eâ efferendâ rationem tenuerunt. Elegantiores imitabantur Græcos, & *Binci* seu *Bini* eodè prorsus modò, quò illi suum *Bivei* efferebant, quod epistolâ ad Patrem Cicero testatur. Sed rustici ac messores, quosque urbanorum peregrinitatem effugere studebant, ut Græcorum dissimillimi essent, ex *ei* priorem plenè, posteriorem ex tertiâ tantum parte pronuntiabant, ut vix Jota animadverteretur, velut ex Ciceronis tertio de Oratore discimus. Similiter autem Varro. 1. restit. cap. 2. *Villam*, quæ ex *vehillam* & *veillam* facta vox est, à rusticis *Vellam* efferri solitam auctor est, quò modò dubium non est, quin & antiquissimi Romanorum pronunciare fuerint soliti: nam *liber* posteriores fecerunt ex *leiber*, priore vocali suppressâ, quod contra veteres dixerant *leber*, posteriorem vocalem suppressantes.

mentes. Hinc porro intelligimus multis aliis diphthongis idem ipsum usuenisse, ut duplex earum esset pronuntiatio, cum aliàs prior, aliàs posterior ejusdem diphthongi vocalis plenè sonaret: cujus rei insigne Germanicus sermo exemplum suppeditat. Vox *Zeder* / Germanis significat *unusquisque*. Prior ejus syllaba diphthongo *ze* constat. Hanc qui elegantius loquuntur, sic pronunciant, ut *z*, audiat^{ur} plenum & duo tempora consumat, *e* verò tertiam modò temporis partem habeat ac vix sentiat^{ur}. Ripuarienses Germani contra *e* plenum efferunt duobus temporibus, sed *i*, non nisi ex tertiâ parte temporis, ut ferè ad aures pereat, quò modò prior in *Iesus* pronuntiatur. Sic Hispani in *nuestro*, *u* plenum efferunt, sed *e* sic supprimunt, ut non nisi minima ejus pars audiatur: quod contra Itali in *unguento* ex *ue* posteriorem integrè pronunciant, priorem *u* tantâ celeritate, ut rectè Terentianus dicat, *eam parte tantum fungi temporis*: Velius verò, *eam ad aures ferè perire*. Sic in *fuisse* Lucillius facit, *u*, *i*, in diphthongum coalescere hòc versu: *Compernem aut varam fuisse Amphitruonis* *Quintus*. Sed ejus diphthongi prior plenè effertur, altera vix tertiâ ex parte. Contra in hòc Horatii versu: *Præcipue sanus, nisi cum pituita molesta est*: *u*, in *pituita* sicut in *vita* vix auditur, sed *i*, tamquam longa duobus temporibus effertur. Idem in *qui* seu *cui* usuenit: nam sive *e*, sive *q* scribas, nihil ad pronuntiationem interesse infra demonstrabitur. In *cui*, integrè sonat prior vocalis, in *qui* posterior, ita ut multi priorem (*u* puta) prorsus extriverint, sic ut *qi* seu *ki*, Hispanicè & Gallicè *qui*, Hetruscè *chi* pronuntiarent. Atque hòc discrimen in efferendis diphthongorum vocalibus non observatum Grammaticis Latinis turpissimum errorem objecit, ut *i* & *u*, sequentibus eas vocalibus, non diphthongi partes, sed conso-

consonantes esse crederent, alii tam vocalium, quam consonantium vim amittere præarent. Sed qui cum diversarum nationum hominibus versati sunt, variasque eorum diphthongos observarunt, quantum Grammaticos ratio fugerit minimè laboriosè intelligent. Certè in *Jam* & *Jus*, primam litteram ita raptim efferri fatendum est, ut vix tertiam temporis partem absolvat: neque tamen suo proprius sonus capiat, quod fieri in his necesse est, quæ consonantæ dicuntur. Similiter in *Qua*, *quem*, *quis*, *quid*, *quod*, *lingua*, *sanguen*, *sanguis*, *suadeo*, *suetus*, *u* vocalis est, quia suum proprium sonum habet, etsi is ad aures ferè perit, quod in quavis diphthongò alterutri vocalium usavenire necesse est, ne non una, sed duæ sint syllabæ. Huic consequens est, ut in *Va*, *ve*, *vi*, *vo*, & *vu* non aliter *V* efferatur, quam in *lingua*, *sanguen*, *sanguis*, sine ullâ scilicet etiam minima adspiratione, quod ratio nulla afferri possit, cur eadem syllaba ex iisdem elementis composita, aliter atque aliter proferri debeat. Itaque rectè Germani suâ linguâ *vinn* / sive ut ipsi perperam scribunt, *vinn* / ita proferunt, quò modò à Romanis, qui vinum eis intulerunt, pronunciari majores eorum audierant, quomodo hodie scilicet ipsi quoque Itali mediam syllabam in *Sang--ui--nis* efferunt: ubi *u* non est consonans, cum sine ullâ spiritûs vel afflatûs parte pronuncietur, secus quam iidem Itali in pronunciando *Vino* faciunt, ubi adspiratio aliqua seu flatus debilis percipitur, etsi non ita plenè, ut fit cùm Germanus *fillo* profert. In quò etsi meritò ridetur, non tamen Italus culpâ vacat, & Germano Priscianus totidem verbis patrocinatur lib. 1. *Apud antiquos Romanorum F littera, habebat hunc sonum, quem nunc habet V, locò consonantis posita.* Verum ego dubium non habeo, quin Priscianus allucinetur perinde ut cæteri, qui *V*, sequente vocali non in diphthon-

diphthongum concrefcere, fed confonantem effe crediderunt: & fonum ejus non F, fed ꝑ digammate Claudiano efferri folitum certus fum. Quod autem de *ei* diphthongō dixi, priorem ejus vocalem tam correptō temporis momento pronunciari litam, ut vix perciperetur, nec decerni fatis poffet, e efferet, an o, id hæc Fefiti verba certius nobis faciunt: *Ab oloes dicebant antiqui, pro ab illis: nam literam non geminabant. Pilumnoe poploe in carne Saliari funt Romani, velut pilis uti affueti.* Nimirum ꝑe efferabatur prorfus ut Græcum *oi*, Terentiano & Victorino teftibus: unde in veteribus Terentii libris *Adelphoe*, & in prologō Cafinæ Plautinæ, *Clerumenoe* legimus. In Græcâ verò diphthongō *oi*, litera *o* vix percipi poterat, nec ab *e* diftingui, cum *i* pingue efferretur fonō literæ *u*, fivè *y* proximō, quem ipfum literæ *i*, in diphthongō *ei*, fonum effe, fupra ex Veliō Longō didicimus. Monet quoque Maximus Victorinus *Hoelas* & *Hylas* fonō haud ferè quicquam differre, quod Infcriptionum veterum mos confirmat, in quibus *Oiti*, *Oeti* & *Uti*, fimiliterque *coera* & *cura*, *poenire* & *punire*, *loidos* & *ludos* paffim legimus. Sed & Servius in principiō *Æneid.* 10. ad hæc Virgilii. *Quin intra portas atque ipsis prælia mifcent Aggeribus moerorum*— ita commentatur: *Macro- rum, antiqui pro murorum: nam veteres pleraque eorum, quæ nos per u dicimus, per æ diphthongon pronunciabant: & contra punio, pro pœnio, quod verbum à pœna venit: hinc eft, Punica regna vides: cum Pœnos ubique legerimus.* Fefitus denique *Loebefum*, inquit, & *loebertatem antiqui dicebant, liberum & libertatem, ita Græci λαιβὸν & λαιβω.* Nimirum Latinis aliàs *leiber* (quod in C. Caffii denariō Ant. Auguftinus invenit) aliàs *loiber* nullâ pronunciationis differentiâ fcribebant, cum utrumque *liber* fonaret, fed *i* pingui, quod inter *u* & *i* exile medium fonum obtinere fupra demonftratum eft: idemque ipfum apud

Græcos obtinebant, ut λείβω, λείβω & λιβω, quod Latinis est *libo*, indifferenter scriberent & pronuntiarent, ita scilicet, ut in λείβω & λείβω, Jota plenè duobus temporibus efferretur, sed prior vocalis ob pronuntiationis celeritatem relinqueretur in ambiguo. Nihil ergo jam mirum est animi dubios fuisse Athenienses, λοιμὸν ne, id est, *pestilentiam*, ἀν λοιμὸν, id est, *famem*, versus hic Delphis ex oraculò redditus minaretur: ἤξει θωρακὸς πόλεμος & λοιμὸς ἀπ' αὐτοῦ. siquidem fieri facillè potuit, ut surdè audientes Jota longum seu pingue ab exili non distinguerent. Est autem in λοιμὸς. Jota breve sive exile, in λοιμὸς verò longum ac pingue. Neque tamen non idem ipsum in οἱ & οε fieri potuit, quod in αἱ, αὐ & εἰ, supra diximus factum, ut prior ο, in aliquibus vocibus plenè efferretur, posterior ο vel ι, tam correptè, ut distinctus & certus ejus sonus ad aures non accederet, quod Suevi & Bavari faciunt in verbo *Woine*/ quod est *plorat*. Sic certè nihil impedit, quin *proinde* pronuntiaretur in hòc Maronis versu: *Proinde tona eloquio, solitum tibi, meque timoris*. Si quis tam n sonò literæ ο suppressò, & pingue ibi efferre malit, cum eò nec verbum commutatum volo, qui cum maximè hoc nunc agam, ut de veteri Linguae latinæ pronuntiatione nihil prorsus explorati haberi posse demonstrarem. Nunc de Diphthongis quædam veterum testimonia recitari operæ pretium fuerit.

Quinct. lib. 1. cap. 7. A I, syllaba, cujus secundam nunc E, literam ponimus, variè per A & I, efferebam: quidam semper, ut Græci: quidam singulariter tantum, cum in dativum, vel genitivum casum incidissent, id est, quidam semper Musai pro Musæ dicunt, quidam tantum in genitivò & dativò singulari.

Velius Longus: Ea quæ nos per A E, antiqui per A I, scriptitaverunt, Juliai, Claudiai. Et nihil obstat, quò minus hòc aut illò modò scribamus in utròque numerò.

Terentianus: Alpha semper atque Jota quem parant Græci

Græcis sonum, A & E nobis ministrant: sic enim nos scribimus.

Scæurus de Orthograph. *Apud antiquos I, litera, pro E, scribebatur, ut testantur metaplasmis in quibus est ejusmodi syllabarum deductio, ut Pictai vestis, & Aulai in mediò, pro pictæ & aulæ: sed magis in illis E novissima sonat, & præterea quoque antiqui Græcorum hanc syllabam per A E scripsisse traduntur.*

Festus: *Aulas antiqui dicebant, quas nos dicimus Ollas, quia nullam literam geminabant. Auxilla, olla parvula. Ausculari, pro Osculari, quod est os cum ore conferre. Aurum rustici orum dicebant, & auriculas, oriculas. Atque ex hõc formavit Catullus oricillam.*

Priscianus lib. 1. *AU, videtur quasi pati divisionem, cum I, post U, addita, transit eadem U in consonantium potestatem, ut Gaudeo, gavisus. Nautus, navita- & naut, navis. Contra fit à Lavor, laurus: faveo, fautor: avis, auceps, augurium, augustus. Transit quoque AU, in O; productam more antiquò, ut lotus, pro lautus: plostrum, pro plaustrum: cotes, pro cautes: sicut etiam contra pro O, AU, ut Austrum, pro ostrum: ausculum, pro osculum, frequentissimè que hoc faciebant antiqui.*

Hic non satis scio tutòne Prisciano de omnibus credamus, quoniam & ratio & auctoritas suadere nobis videtur, ut inter *nauta* & *navita* nihil credamus fuisse discriminis, nisi quod *i*, in *navita*, propter pronuntiationis celeritatem extrita fuerit, sicut in *faustor*, quò Plautus utitur primà correptâ. Et Cicero inter *Caumeas* & *cave ne eas* perpusillum interfuisse significat, ita, ut qui audiret *Cau ne as*, sibi *cave ne eas* dictum putare posset, quasi esset: *Cau--e n' eas*, ut *u* simul cum *a*, non cum *e* efferretur: quod si verum esset, etiam *nau--ita*, non *na--vita* pronuntiandum foret: quid hic veri sit, ab aliis doceri ayeo.

Lucretius lib. 2. *Aut nulla inter se duo sunt ex omnibus eadem.* Hic *EA*, diphthongum habemus, sicut

etiam in hōc versu Terentii prolog. Adel. *Eam commorientes Plautus fecit fabulam.* Et in hoc Virgil. *Nec tantum Rhodope miratur & Ismarus Orpheus.* In hac porro diphthongō, *e* plenè efferri arbitror, *a* verò non nisi ex semisse aut tertiâ parte.

Lucillius : *Uni se atque eidem studio omnes dedere & arti.* Hic diphthongus est, de cujus pronuntiatione diximus, Latinos scilicet & Græcos semper posteriorem plenè extulisse pingui quòdam sonò, qualis ferè est tertius *u* literæ, sive *y*. Vetusiores tamen Romani & rustici, *e* plenum pronuntiabant, ut *i* ferè tollerent : quos imitati posteriores, dixerunt *Calliopea* & *Chorea*, cum in Græcò esset *ei*, teste Priscianò, qui & ista monet : *In vocalibus sunt affines E correpta, sive producta cum E I diphthongò, quâ veteres Latini utebantur ubique locò I longæ, more antiquò Græcorum.*

Virgilius : *Rege sub Eurystheò fati funonis iniquæ.* Idem : *simul accipit alveò.* Idem : *Unò eòdemque igni sic nostrò Daphnis amore.* Lucret. *Omnia jam seorsum carnes ancisa recenti.* Hic est diphthongus, in quâ *e* plenè efferendum puto, ut *o* minimam partem temporis consumat, ex eòque *o*, an *u* sit, satis distinctè sciri non possit.

Virgilius : *Præferimus manibus vittas ac verba precantia.* Idem : *Bis patriæ cecidère manus, quin protinus omnia.* Hic *IA*, diphthongum habemus, in quâ prior vocalis plenè effertur, quod Vittembergenses rusticos facere animadverti, pro quò cæteri Germani posteriorem *a*, duobus temporibus pronunciant suppressâ priore *i*, quod ipsum faciunt omnes in *jam* & *Allelu--ja*. Grammatici hic suas *Synareses* & *Synalæphas* obtrudere conantur, sed nihil afferunt, cur Latini non æquè atque alii populi diphthongum credantur extulisse.

Virgil. *Immortale jecur tundens fecundaque pennis.* Hic *IE* diphthongum habemus, in quâ posterior *e*, plenè

plenè pronunciatur, priore *i* ad aures quasi pereunte. Germani tamen, ut dixi, alteram præterea ejus efferendi rationem servant, in voce *Jeder*/ ut *i* plenum efferant, *e* verò non nisi tertia ex parte.

Sed hoc locò contradici potest, *facet*, *jecur*, *Jovem*, *juvat*, propterea non esse diphthongum, quia *i* fit consonans, cujus rei causa fit, quoniam non fit vocalis, ut quæ syllabam non faciat longam, quod omnes diphthongi faciunt, & quoniam consonanti brevi subiecta, syllabam naturâ brevem faciat positione longam, quod consonantis proprium esse nemo ambigit. Cum enim *ad* sit brevis, tamen in *adjuvat* fieri longam positione, & *ju* brevis est, cum unaquæque vocalis unum tempus habeat, adeoque diphthongus nisi *διχα*, seu duorum temporum intelligi non possit. Ad hoc responderetur, Grammaticorum regulas de syllabarum dimensione ex positione & diphthongò nonnullâ correctione indigere. Positione enim non modò syllaba, naturâ brevis, fit longa, sed etiam naturâ longa fit brevis. Est autem *Positio* vel *Vocalium*, vel *Consonantium*. *Credimus an qui amant ipsi sibi somnia fingunt*. Hic qui naturâ longum, fit breve positione vocalis, quia nimirum ante vocalem posita est: Et *Insula Ioniò in magnò, quas dira Celeno*. *Stipitibus duris agitur sudibusve præcussis*. Hic *AE* diphthongus ex longâ fit brevis positione vocalis consequentis, quia scilicet posterior diphthongi vocalis minimam modò temporis partem habet, quæ sequenti vocali quodammodo accrescit, quod tamen semper fieri nihil necesse est. *Ad* in *adjuvat* longum fit, non ex positu consonantis, sed ejus vocalis, quæ propter moram, quam pronunciationi affert, consonanti fit similis: nec enim tam celeriter, ac sine impedimentò decurrit pronuntiatio, quam in *adipe*, *aditu*: atque ab hac causâ Lucretius, *aqua* & *liquidus*, nonnumquam primâ productâ extulit. Sed hæc morâ in *pluvia* voca-

lem ante se positam propterea non retardat, quia brevissima temporis pars, quæ est in priore diphthongi literâ, utrique vocalium, hoc est, antecedenti & consequenti velut contribuitur, quod præcedente consonante, tamquam soni experte, fieri non potest. Similiter in *Favitor*, prima quamvis longa à Plautò corripitur in prologò Amph. *Si cui favitores delegatos viderint. Virtute ambire oportet, non favitoribus.* Nimirum *Au* fit brevis positione, quia ponitur ante vocalem *i*. quò exemplò nihil peccabit, qui *Gavisus* primâ brevi dixerit, ut sit *Gav-isus*, non *Ga-visus*.

Quintilianus lib. 1. cap. 4. *Litera I, sibi insidit. Conjicit enim est ab illò jacet.* Hæc *ſi*, diphthongus est, in quâ prior *i*, minimam temporis partem absolvit, eoque factum est, ut eam veteres sæpe exterrerent, & *Conicit*, *obicit*, *subicit*, mediâ brevi efferrent. Virgil. *Tityre pascentes à flumine reice capellas.* Hinc porro intelligi potest, nullam fuisse rationem, cur negarent veteres, *v* similiter sibi insidere in *Vulnus*, *servus*, ut in *conjicit*, *subjicit*. Par enim utrobique est ratio.

Lucretius lib. 2. *Quoad licet ac possis reperire inolentis olivi.* Hic Triphthongum, in eâque *OA*, diphthongum habemus, quâ & rustici in Germaniâ alièubi utuntur, cum unò sonò *Jo*a pro *Ja* efferunt, quæ est affirmandi particula: quos si Terentianus audisset, de Diphthongò *oa* minimè dubitasset, quemadmodum nec de *ou*, qua Horatius utitur: *Pasco libatis dapibus prout cuique libido est.* Hanc Bavari in appellandâ vacca exprimunt, cum dicunt *Rou* / ut prior vocalis *o*, vix exaudiatur, quomodo & Latini *loumen*, *loucem* & similia videntur extulisse, qualia Inscriptiones veteres exhibent, *Courato*, *joussit*, *joudicare*, &c.

Velius Longus: *V*, literam digamma esse interdum, non tantum in his debemus animadvertere, in quibus sonat cum aliquâ aspiratione, ut in valente & vitulò: sed
etiam

etiam in his, quibus confusa hæc litera est in eò quod est quis: nam si omnino hæc vocalis est V, præcul dubiò hæc syllaba longa esset, quoniam numquam duæ vocales coeunt, ut non longam syllabam faciant.

Hoc verum est de vocalibus, quæ paribus temporibus efferuntur, ut unaquæque tempus unum habeat. Tum enim duo sunt tempora, quæ syllabam longam faciunt. Sed dispar est ratio in diphthongò *Va, ve, vi, vo*, cum posteriores vocales plenè efferuntur, prior verò vix tertiam temporis justæ partem consumit, ac vix sensibilem pronunciationi moram affert, proptereaque sæpe cum scribendò, tum pronunciandò exterebatur, ut esset *Qis, god, quotidie*, velut infra de consonantibus docebitur. Hòc locò illud observandum moneo, Velii Longi ætate (quæquæ illa fuerit) V, literæ vocalibus præpositæ duplicem sonum fuisse, alterum sine ullà adspiratione in *Qua, que, qui, lingua, suadeo, suetus*, alterum cum adspiratione nonnullà, vel potius flatu, prorsus ut hodie quoque Itali in *Vado, vento, vino, volo & vulgo* pronunciant. Sed veteres Romanos satis exploratum est, ad quemcumque flatum seu fortem, seu debilem, nullà alià notà, quam F literà usos fuisse, sicut H literà ad halitum, seu spiritum, vel adspirationem. Non igitur Æolicum digamma ꝥ, sed F, dimidiatum Itali hodie in *Vini* voce efferunt, adeoque Germanos F, plenum efflantes irridere non debebant. Illud tamen minimè negaverim, jam tum Theodosiò imperante digamma cum flatu aliquò pronunciari fuisse solitum. Servius enim ejus ætatis Grammaticus propter affinitatem ex *Henetis Venetos*, ex *Helià Veliam* exiisse credidit. Verba ejus sunt in *Æn.* 6. *Velia dicta est à paludibus quibus cingitur, quas Græci ἑλῖα dicunt. Fuit ergo Helia: sed accepit digammon, & facta est Velia, ut Henetus Venetus.* Sed de digamma ejusque usu plura qui volet, apud Priscianum librò primò videre poterit.

TRIPHTHONGI.

Quintilianus lib. I. cap. 4. *Aut unam longam vocalem faciunt, ut veteres scripsere, qui geminatione earum velut apice utebantur (ut maater, feelix, abiire) aut duas (ut Musae) nisi quis putat etiam ex tribus vocalibus syllabam effici, quod nequit, si non aliqua consonantium officio fungantur.*

Terentianus: *Syllabam nec invenimus ex tribus vocalibus.*

Annæus Cornutus: *Tres vocales quibusdam videntur esse sub unâ syllabâ V A E: errant, si ita putant, nam nusquam neque apud Græcos, neque apud Latinos ex tribus vocalibus syllaba constat: quare hic Digamma erit, & duæ vocales.*

Charisius lib. I. *Syllabæ naturâ longæ, cum singulæ vocis literæ producuntur, ut A aut E (in maater, feelix) aut cum duæ, ut V A (in vado) aut cum tres, ut V A E (in aquæ.)*

Sic habemus, veterum alios Triphthongis locum dedisse, alios easdem repudiasse, propterea quod ex tribus temporibus syllabam longam constare non posse, rectè judicarent. Sed illos cogitare æquum fuit, diphthongos per se non habere duo tempora, sed unum modò tempus & semis, imò ne semis quidem, sed tantum tertiam partem temporis propterea, quod semper altera vocalium eâ celeritate effertur, ut ferè ad aures pereat. Itaque sequente vocali diphthongi corripuntur, si prior earum vocalis plenè pronuncietur. Sed per accidens seu fortuitò & ex eventu producuntur, quoniam scilicet consonans eas excipit, quæ nullum habet sonum, cum quò vocalis diphthongi posterior, quæ vix exauditur, coalescere queat. Atque hæc demum vera est productionis ratio, non illa, quam Priscianus reddit, quod scilicet consonans dimi-

dimidium tempus habeat, adeoque cum vocali diphthongi antecedente tempus integrum absolvat. Consonans enim nullum omnino sonum proprium habet, proptereaque nec minimum temporis momentum facere potest. Accipio tamen, quod dat Priscianus, diphthongos sequente vocali duo tempora non habere Verba ejus lib. i. sunt.

Invenitur hæc diphthongus AE vel AI in mediâ dictione correpta tunc, quando compositæ dictionis antecedentis in fine est sequente vocali, ut præuistis. Virgil. Stipitibus duris agitur sudibusve præuistis: Homerus:

— ἀνιπτόποδες χαμαὶ ὤναι. *Oe quoque vel Oi idem patitur apud Græcos. Æschylus: ἴσπερ τοιαύτας παρθίνων λοχεύεται. Unde quidam non sine ratione unum tempus & semis singulas eas habere dicunt. Idèoque si consequatur consonans, quæ dimidium tempus habent, omni modò producuntur.*

Jam quod V, in VAE, digamma vocant, & cum quodam flatu proferri volunt, eoque nomine consonantibus accensent, vel vox Italica GVAI (ex Latinò Væ facta, quam Suevi WAJ efferunt) & priscum aquai, errorem eis eripere debebat: nam neque vel minimum ullius flatus, sivè adspirationis hic est vestigium, neque aut g, aut q, cum flatûs notâ consequente pronunciari potest, nisi quis tamen Romanos, Sarmatarum more Qsamqsam, pro quamquam, enunciasse putet.

Triphthongi VAV aliud exemplum non habeo, nisi quod Varro ipsum V, digamma VAV appellandum putavit. Bavari WAD seu WAD/ quod ubi significat, ita efferunt, ut o plenum sit, priores duæ vocales vix exaudiantur, adeoque triphthongus non nisi duorum est temporum, quomodo apud Græcos υυ, & ωυ, non sunt trium temporum, etsi υ & ω, velut longæ, duo absolvunt tempora: eò quod υ insigni labiorum pressu comprimatur. Unam verò syllabam duo tempora & semis habere posse,

ipse quoque Priscianus & alii agnoscunt, tamquam in *tumo*, ubi *u* longa duorum est temporum, *i* verò vix dimidium tempus, atque aded non nisi tertiam temporis partem conficit.

Virgilius: *Seu lentò fuerint alvearia vimine texta.* Hic *VEA* triphthongum habemus. Ubi si quis *v*, consonantem esse & cum adspiratione aliquà proferendam contendat, eum docere velim, cur ergo in *laquearia*, *u* nihil habeat flatulenti.

In *Quei*, quò veteres utebantur pro *qui*, triphthongum esse satis jam planum est.

Horat. *Quis sudor vietis aut quam malus undique membris.* Hic in *vietis* (quæ vox est dissyllaba) prior syllaba ex Triphthongò duorum temporum constat: nam *v* & *i*, vix unum tempus consumunt. *V* verò sine omni flatu proferendum, ex voce *quietis* disci potest.

Lucretius lib. 2. *Quoad licet ac possis reperire inolentis olivi.* Hic triphthongum *VOA* habemus, cujus media vocalis plenè effertur, prima & ultima ferè ad aures pereunt.

Catullus: *Quoi dono lepidum novum libellum.* Hic triphthongus *VOI*, mediam vocalem habet plenam ac duorum temporum, cum extremæ duæ propter pronunciationis celeritatem vix simul unum tempus conficiant.

D E CONSONANTIBUS SIMPLICIBUS.

B.

B, Romani sic efferebant, ut à *p*, quam minimum differret: quæ causa est, cur in saxis inscriptum videamus, *Apsolutus*, *apsens*, *opses*, *optinere*.

Quincti-

Quintilianus lib. 1. cap. 7. *Gum dico* obtinuit : secundam B literam ratio poscit, aures magis audiunt P.

Scaurus de Orthographiâ : B, cum P consentit, quoniam origo eorum non sine labore conjunctione revelli à quôquam potest. Græci *πύππια*, nostri Byrriam : & quem Purrum, antiqui Burrum : Balatium, Palatium : item Poplicolam, Publicolam : Scapillum, alii Scabillum dicunt.

Hanc pronunciandi rationem qui Germanis hodie in usu esse prædicat, quos ille Germanos dicat nescio. Ego quidem nunquam ejus nationis quemquam audire memini, qui *Ponum* pro *Bono* efferret. Sed plerisque scio pro B, efferre digamma sive Vconsonantem quam dicunt, sed sine adspiratione ullâ, ut in *Bene* perinde sonet, atque U in *Quene*, sive W, quomodo ipsi scribunt. Maximè verò omnium in eò sunt ridiculi, qui Bavaricâ dialecto utuntur. *Wacchus* enim dicunt, pro *Bacchus*. *Wuarca*, pro *Barca*. *Wonus*, pro *Bonus*, sicut U in *Quoniam*.

Nec tamen tolerabilius peccant Hispani & Vascones, qui B, & V, adspiratam inter se commutant: nam inter *bibere* & *vivere* nihil faciunt discriminis, nec inter *Baro* & *Varo*, *bellum* & *vellum*. Et in re divinâ faciendâ Sacerdotes sic loqui audiuntur : *Per Christum Dominum nostrum, qui tecum bibit & regnat in sæcula sæculorum*. Est autem error iste pervetus, ut in saxorum veterum Inscriptionibus passim videre est : nam ibi *Bibus*, pro *vivus* sæpius legas, *Vase*, pro *basse* : *Plevi*, pro *plebi* : *Vene*, pro *bene* : *Abe*, pro *ave* : *Bale*, pro *vale*.

C.

C ante A, O & V, rectè hodie ab omnibus pronunciatur. Sed ante E, I & Y, aliæ nationes aliter efferunt, malè tamen omnes : Hispani, Galli & Cisalpinæ Galliæ Itali, *Cicero* sic pronunciant, ac si esset *Dsidsero*, Germani *Ësifsero*. Maximè ridiculi &

li & odiosi sunt Hetrusci, inprimisque Florentini, qui in *Cicero* aliter primam, aliter mediam syllabam efferunt, utrobique scil. strepitum, sive *S* densum aut pingue, sed ei in priore syllabâ, & præmittunt. *Strepitum* voco, quem Germani per *Scha/ Sche/ Schi/* scribunt: Galli per *Cha, Che, Chi*: Hetrusci per *Scia, Scie, Scio*, Hispani per *Xa, Xe, Xi*, aut *Ge, Gi*, aut *Je, Ji*, etsi ab annis non ita multis morem hunc Hispanæ mulieres mutarunt, ita ut ista cum adspiratione efferant, ut χ Græcum, vel Ch Germanicum, vel gutturale *Ca* Hetruscorum, quod ipsi *La gorga* vocant, cum *Duca* pronunciant, ut Germani *Ducha*, Hispanæ fæminæ *Duxa* vel *Duja*. Galli id efferre non possunt. Hetrusci ergo *Cicero* sic pronunciant ac si Germanus legeret *Schischero/* Hispanus veteriore modò, *T--xixero*. Itaque si nihil aliud inter hodiernam & veterem Romanorum pronunciationem esset discriminis, vel hujus solius literæ pronuntiatio omne inter nos linguæ commercium impedire posset. Illi enim *KIKERO* efferebant, sive ut Italus scriberet, *Chichero*, ut Gallus & Hispanus *Quiquero*.

Fest. *Prisci pro acipenser dicebant acqipenser, pro sexdecim, sexdequim. Ex Græcò κάρκαρ fecerunt sebrim querqueram & carcerem; quia scilicet κάρκαρ efferebant.*

Quintilian. l. c. 7. *Quidam K necessariam credunt quoties A sequatur, cum sit C litera, quæ ad omnes vocales vim suam perferat.* Ergo nulla prorsus inter *ka* & *ca*, inter *ke*, & *ce*, inter *ki* & *ci*, fuit pronunciationis differentia: proindeque Cato pro *dicam*, scribebat *dicem*, & *faciem* pro *faciam*, ut eodem capite Fabius auctor est. Et Livius lib. 21. *Saguntum à Zacynthò* nomen duxisse monet, quoniam scilicet *cy* Græcorum, à *Gu* Latinorum sonò vix quicquam interesset.

Julius Hyginus apud Servium Æn. 8. *Cum Romani euntes per Tisicam interrogarent Agyllinos, quæ dicere-*

tur civitas, illi utpote Græci quid audirent ignorantes, & optimum ducentes, si eos prius salutarent, dixerunt χαῖρς quam salutationem Romani nomen civitatis esse putaverunt, & detractâ adspiratione eam Cære nominaverunt.

Ergo inter Latinum Cære & Græcum χαῖρς nulum aliud soni discrimen fuit, quam quod in Græcô esset adspiratio: ex quò planum fit Cæsar Romanis itidem ut Germanis hodie pronunciari solitum, nempe Kaisar / quomodo & Græci scribebant. In compluribus quidem Claudii Imp. Inscriptionibus CAISAR disertim perscriptum visitur, ut mirari satis non possim, quâ ratione barbarum nostrate Zesar vel Tschesar aut Tsciesar aut T—chesar (quomodo Germani & Galli Hetruscum Cæsar scriberent) subrepere potuerit. Similiter autem aliàs pulcher, aliàs pulcer, nullò ferè pronunciationis discrimine scribi solitum ex Grammaticis discimus.

D.

Quintilianus lib. i. cap. 4. T literæ cum D, quædam cognatio est: quare minus mirum, si in vetustis operibus urbis nostræ & celebribus templis legantur Alexanter & Cassantra. Et cap. 7. Illa quoque servata est à multis differentia, ut A D, cum esset præpositio, D literam, cum autem conjunctio, T acciperet. Multi ergo ad & at indifferenter pronunciabant.

Festus: Apot antiquis erat, quod postea apud.

Idem: Odefacit veteres dicebant pro olfacit, & dacrimas pro lacrimas, item dautia pro lautia: impedimenta pro impedimenta.

Scaurus de Orthograph. Seddam antiqui dicebant, quam nos Sellam.

Victorinus: Kadamitatem veteres & scribebant & dicebant pro calamitatem. Communionem enim habuerunt literæ hæ apud antiquos, ut dinguam & linguam: dacri-

lacrimis & lacrimis : capitodium & capitolium : & sella à sede: olere ab odore.

Terentius Phorm. act. 2. sc. 2. *Rete accipitri tenditur. Ubi Donatus : Legitur & tennitur. Habet enim N litera, cum D communionem.*

Servius in Georgic. 2. *DI, in Media, sine sibilò proferenda est : Græcum enim nomen est, & Media provincia est. Hinc apparet in Latinò vocabulò medio, D cum sibilò proferri solitum. At enim D cum sibilò est consona duplex Z. Dicebant ergo Mezo, quomodo hodie quoque Itali suà linguà pronunciant. Sed & hoc ab eàdem pronuntiatione ortum video, ut Zabolus dicerent, pro Diabolus, Zata, pro Dieta.*

Antiquissimi vocalibus D adjiciebant, ut in columnà rostratà Duilii : *In altod marid pugnandod cepet* : pro *In altò mari pugnandò cepit*. Alii vocalibus duabus hiatus vitandi causà interponebant, sicut in *Redeo, redambulo, redigo, redarguo, prodest*, adhuc apparet. Hinc Plautinum *antidhac*, pro *antehac*. *Antideo*, pro *ante eo*. Horat. *Omnem crede diem tibi diluxisse supremum*. Idem : *Maled ominatis parcite verbis*. Vide Muret. 14. Var. lect. 19.

F.

Hæc nota flatûs est, quam Priscianus monet *non tam fixis labris esse pronunciandam quam P H*. Cicero pro Fundaniò (ait Fabius) testem irridet, qui primam Fundanii literam dicere non posset, nimirum Græculus ille *Bfundanium* proferebat, qui literæ Græcæ sonus erat. Similiter Græcorum & Latinorum interjectionem *Phui* vel *Phy* (quæ est aspernantis aliquid, ut spurcum aut foetidum) Germani hodie *Bfui* vel *Pfui* pronunciant.

Priscianus lib. 1. *Apud antiquos F litera hunc habebat sonum, quem nunc habet V, locò consonantis posita.*

Unde

Unde antiqui A F pro A B , scribere solebant , & sifilum pro sibilum dicebant.

G.

Festus : Antiqui per C literæ formam nihilominus G usurpabant. Acetare dicebant , pro agitare. Prodigia , quod prodicunt fixura , permutatione G literæ : nam que nunc G appellatur , ab antiquis C vocabatur. Quincen- tum per C literam usurpabant antiqui. Negotium , quod non sit otium. Neglegens dictus est , non legens , neque de- lectum habens quid facere debeat , omiſſâ ratione officii sui.

Quinctilianus lib. I. c. 4. Quedam scribuntur aliter , quam enunciantur : nam & Gajus , C literâ notatur : nec Cneus eam literam in prænominis notâ accipit , quam sonat.

Servius Geor. I. Amurca per C scribitur & per G pronunciatur , ut C Gajus , C N Gneus.

Victorinus Artis Grammat. lib. I. Pro agrô Gabinô dicebant Cabinô : pro Lege , lece : Acna pro agna. * Auctio certè ab augendô dicta est : & numeri cum C habeant , ut Ducenti , trecenti , sexcenti ; G reliqui habent , ut Quadrin- genti , nongenti. Et infra : C & nomen habuit & usum præbuit literæ G.

Scaurus de Orthogr. Camelum alii dicunt , alii Ga- melum. Negotium dictum est , quia nec otium. Nec por- rô significat non , ut Nec rectè loqui alicui , pro , non rectè , seu malè.

Ex omnibus istis apparet : Romanos legio , legere pronunciaſſe , quomodo hodie effertur ab Italis & Germanis legbio , legbere , ab Hispanis & Gallis leguio , leguere : nam cæteræ omnes literæ , G , pronunciatio- nes , quæ hodie in usu sunt iisdem nationibus , à Ro- manis nullô pactô intelligerentur. GA etiam GO & GV , Romani sic efferebant , ut à CA , CO , CU , perpaulum interesset. Testatur Fabius , G , in fine quoque vocabuli lectum , ut in Vesperug. Eò utuntur Germani in Sing / cano : Gesang / can- tus : habentque hunc morem ut in Singen / G ,
priori

priori syllabæ attribuant, ut sit **Sing--en**: quod haud scio, an & Romani fecerint in *longa*, *longæ*, *longis*: sicut nec illud possum decernere, quam rectè veteres Grammatici *unguen* admittant, *ungo* verò & *ungentum*, sine *u* scribi postulent.

H.

Festus Longus: De *Ha* litera quæritur, quæ inservit his vocibus, *Vebemens*, *Reprehendit*: cum elegantiores & *Vemens* dicant & *Reprendit* secundum primam positionem. *Prendo* enim dicimus, non *Prehendo*. Idem: *Alia* est syllaba *Ha*, *alia Ah*. Idem: *H* adeò litera est, ut possit videri etiam vicem duarum consonantium implere.

Scaurus de Orthogr. Respondemus *H* & esse literam, & apud Græcos quoque fuisse, qui ἑκατὸν, id est, centum, *H* litera notant. Et sicut *As*, & *Sa*, *aliam* vocem & *aliam* efficiunt potestatem, & *Ad* & *Da*, ita *Ha* & *Ah*. Et *literarum* proprium est propinquitate sociari & invicem succedere, ut quam nos *Fabam* dicimus, antiqui *Habam* dixerint, &c.

Priscianus initiò libri quinti: In *A*, neutra non inveniuntur *Latina*, nisi tria monosyllaba *literarum* nomina indeclinabilia, *A*, *ka*, *ha*.

Quintilianus lib. i. c. 6. irridet eum, qui dixerat *Avete* sine adspiratione. Et subjicit: *Recta* est hæc via: quis negat? Sed adjacet & mollior & magis trita.

Velius Longus: *Harena*, ut testis est **Varro**, à *Sabinis* *Fasena* dicitur, & sicut *S* familiariter in *R* transit, ita *F*, in vicinam adspirationem mutatur. Similiter ergo & *Hædos* dicimus cum adspiratione, quoniam *Fædi* dicebantur apud antiquos: item *Hircos*, quoniam eosdem æquè *Fircos* vocabant: nam & è contrariò, quam antiqui *Habam* dicebant, nos *Fabam* dicimus.

Festus: *Fædum* antiqui dicebant, pro *hædum*: *Folus*, pro *holus*: *Fostis*, pro *hostis*: *Fostia*, pro *hostia*. *Formiæ* ex Græcò *hormiæ*. *Hanula*, parva delubra & quasi sanula. *Hæreum* prisca dicebant *farreum*, à *farre*.

Dona-

Donatus in Phorm. act. 4. sc. 4. *Hariolus est, qui divinâ mente vaticinatur, quasi Fariolus, à faris & à fandô, cum F pro H, & item H pro F, in multis locutionibus ponatur, an quod imitantur adspirationem in exhalandô: nam halitu solent excludere velut mortalem animam ut divinam recipiant: unde & vocem ejusmodi dabant, quæ est OE, quod OE sonus exhalandi vim præstat. Ubi scribendum videtur OH vel HO aut HOE.*

Servius in Æn. 7. *Halisci immutatô H in F, Falisci dicti sunt, sicut Febris dicitur, quæ ante hebris dicebatur. Formiæ, quæ hormiæ fuerunt.*

Varro. lib. 3. rei rust. cap. 1. *Colles vocant Tebas sine afflatu, id est, sine H literâ.*

Scaurus iterum de Orthogr. *Nec minus consonantes inter se mutuis vicibus funguntur, ut F & H. Utraque enim flatus est, quare quem antiqui Fircum, nos Hircum, & quam Falisci Habam, nos Fabam appellamus, & quem antiqui Fariolum, nos Hariolum.*

Quintilianus lib. 1. c. 5. & 7. *Illâ vitia non nisi aure exiguntur, quæ sunt per sonos: quanquam per adspirationem, sive adjicitur vitiosè, sive detrahatur, apud nos potest quæri, an in scripto sit vitium, si H litera est, non nota. Cujus quidem ratio cum temporibus mutata est sæpius. Parcissimè cã veteres usi etiam in vocalibus, cum Oedos Ircosque dicebant. Diu dein servatum ne consonantibus adspiraretur, ut in Graccis & Triumphis. Erupit brevi tempore nimius usus, ut Choronæ, Chenturiones, Præchones, adhuc quibusdam inscriptionibus maneat: quâ de re Catulli nobile epigramma est. Inde durat ad nos usque vehementer & comprehendere & mihi: nam mehe quoque pro me, apud antiquos Tragediarum præcipuè scriptores in veteribus libris invenimus. Fortasse sicut scribebant, etiam ita loquebantur. Hic enim usus est literarum, ut custodiant voces, & velut depositum reddant legentibus. Itaque id exprimere debent, quod dicturi sumus. In quam sententiam Papyrianus: Aliter scribere, aliter pronnnciare vâcordis est Galli.*

Ex istis primum discimus, nomen *H* literæ fuisse *HA*, ut à Germanis pronunciatur, non *ACA* Italo-
rum, neque *ACHE* Hispanorum, quod illi perinde
pronunciant, ac si Hetruscè *ACIE*, Germanicè
Arsche / Gallicè *At-che* scriptum foret. Nimirum
ex *Ha* primum factum fuerat *Ab*, quod alii pronun-
ciârunt, ut *Ach*, sicut ex *mibi* fecerunt *michi*. Inde
porrò natum est Italicum *Acha* vel *Aca*: unde postea
Hispani & Galli plus etiam literæ appellationem
corruerunt.

Deinde discimus, *H* esse literam consonantem,
nequicquam reclamantibus Varrone & Nigidiô
Figulo, maximis Romanorum literatoribus, quo-
rum plurimis aliis, quæ ridiculè, atque adedò stolidè
censuerunt, hoc addamus licet, quod *H*, non esse
literam statuerunt, eò quod sit *adspirationis nota*. At
enim non propterea *F*, litera esse definit, quod sit
flatus nota, neque *S*, quod sit nota sibili, neque *R*,
quod sit nota rictûs.

Præterea discimus, Romanos solitos *H* pronun-
ciare, siuè eam in scribendò vocalibus præmitte-
rent, siuè consonantibus subjicerent. Itaque aliter
efferebant *Ave*, aliter *Have*, sic aliter *commoda*, aliter
chommoda: nec dubium est aliter *Tebas*, aliter *Thebas*
efferi solitum; hoc scilicet cum afflatu, ut Varro
vocat, illud sine eò. *Afflatum* verò Varro improprie
vocat *adspirationem* siuè *exhalationem*. Aliud quippe
flare est, aliud *balare* seu *spirare*, siuè *halitum* emittere.
Flat, qui *F* pronunciat: *Halat*, qui *H*. Arrius Ca-
tullianus consonantibus & vocalibus pariter adspi-
rabat, siuè *H* proferebat etiam, ubi minimè opus
erat, ut *Chommoda*, *hinsidias*, *mather*, *havus*, *havuncu-
lus*. Assentior enim iis, qui partim veteris scripturæ
vestigia persecuti, partim conjecturâ ducti, sic le-
gunt Catulli epigramma:

*Chommoda dicebat. si quando Commoda vellet
Dicere, & Hinsidias Arrius Injidias:*

Et

*Et tum merificè sperabat se esse locutum ,
Cum quantum poterat, diceret Hinfidias.
Credo, sic Mather, sic liber Havunculus ej est ,
Sic Mathernus, Havus dixerit, atque Havia.*

Hos versus multi Italorum non si capitis res agatur pronunciare sciunt, sed neque quomodo pronuncietur, suspicari possunt, nisi Arbitri Eumolpum illum cum maximè nequam facientem capere magistrum velint, de quo rivalis ejus verba sunt: *Unus, & senex non erit gravis. Etiam cum voluerit aliquid sumere, opus anbelitu proderet: aut illum, ad quem poëtæ versus est: Quod lateri parcas, nec quantum jussit, anbeles.* Hispani non ferè *H* pronunciant, nisi cum pro *F* positum est, ut in *Haba*, pro *Faba*, in *Hacer*, quod est *facere*: in quò Romanos imitantur. *Ave* tamen dicunt, cum *Fabius* ætate suâ molliorem magisque tritam viam fuisse testetur adspirandi, id est *Hæve* pronunciandi.

K.

Priscianus lib. i. *K & Q*, quamvis figurâ & nomine videantur aliquam habere differentiam cum *C*, tamen eandem tam in sonò vocum, quam in metrò continent potestatem. Et *K* quidem penitus supervacua est: nulla enim ratio videtur, cur *A*, sequente *K*, scribi debeat.

Scaurus de Orthogr. Antiqui in connexionè syllabarum, ibi tantum *K* utebantur, ubi *A* litera subjungenda erat: quoniam multis vocalibus instantibus quoties id verbum scribendum erat, in quò retinere hæc litera nomen suum possent, singule pro syllabâ scribebantur, tamquam satis eam ipsò nomine explerent, ut puta *Decimus*, *D*, per se im dicimus (lego: *D*, per se, inde *cimus*) item *cera*, *C simplex & ra*: & *Bene*, *B & ne*: ita & quoties *Karus* & *Karus* scribendum erat, quia singulis literis primæ syllabæ notabantur, *K* prima ponebatur, quæ suò nomen *A* continebat: quia si *C* posuissent, *Cenus* & *Cerus* futurum erat, non *Canus* & *Carius*.

Sententia est veterum morem fuisse, ut *DCEM* vel *DCM* esset *Decem*, quia *E* continetur in *D* & *C*. *BNE* sonaret *Bene*. *CRA*, *Cera*. *KNUS*, *Canus*. *KRUS*, *Carus*. *CNUS*, *Cenus*. *CRUS*, *Cerus*.

L.

Priscianus lib. i. *L* triplicem, ut Flinio videtur, sonum habet. *Exilem*, quando geminatur secundo loco posita, ut *Ille*, *Metellus*: *Flenum*, quando finit nomina vel syllabas, & quando habet ante se in eadem syllaba aliquam consonantem, ut *Sol*, *filva*, *flavus*, *clarus*. *Medium* in aliis, ut *lectus*, *lecta*, *lectum*.

Hanc sonorum ejusdem literæ varietatem nemo est hodie qui dijudicare possit, nisi quod suspicari licet, hodiernam literam, quam Itali per *GL*, Hispani per *LL*, exprimunt in *Capegli* & *Cabellos*, aliquam cum exili sono illò affinitatem habere, de cujus pronuntiatione mox agemus, ubi ad duplices consonantes perventum fuerit.

M.

Quintilianus lib. 9. cap. 4. *M* litera, quoties ultima est & vocal'em verbi sequentis ita contingit, ut in eam transire possit etiam si scribitur, tamen parum exprimitur, ut *malum* ille & quantum erat: adeo ut pæne cujusdam novæ literæ sonum reddat, neque enim exprimitur, sed obscuratur, & tantum aliqua inter duas vocales velut nota est, ne ipsæ coëant.

Priscianus lib. i. *M* obscurum in extremitate dictionum sonat, ut *templum*: *Apertum* in principio, ut *magnus*: *Mediocre* in mediis, ut *umbra*. *Transit* in *N*, & maxime *D* vel *T* vel *C* vel *Q* sequentibus, ut *Tam*, *tandem*: *tantum*, *tantundem*: *idem*, *identidem*: *num*, *nuncubi*: & ut Flinio placet, *nunquid*, *nunquam* *Anceps* pro *Ambiceps*. *A* *M* enim *præpositio*, *F* vel *C* vel *Q* sequentibus in *N* mutat *M*, ut *Anfractus*, *ancisus*, *anquiro*: vocali verò sequente *intercipit*,

pit B, ut Ambitus, ambesus, ambustus, ambages: nec non etiam in comburo, combustus idem fit. Immo verò comburo formatum fuit ad exemplum verbi amburo, quod fuit compositum ex ambi sive ambe (sicut heri & here) & uro. Ambe porro factum est am, & ex hoc an, sicut a ex ab, & hoc ex abr. Ambi autem est à Græco ἀμει, & significat circum. Festus: A M præpositio loquularis significat circum, unde serous ambactus, id est circumactus dicitur. A M ex Græcâ præpositione sumtum, quæ est ἀμει, significat circum. Hinc Ambegni bos & vervex appellabantur, cum ad earum utraque latera agni in sacrificium ducebantur. Varro de lingua Lat. lib. 6. Ambages profectum est à verbo ambe, quod est in ambitu. Ambustum, quod circum ustum est, ut Ambiegna bos apud augures, quam circum aliæ hostiæ constituuntur. Ancilia dicta ab Ambecifu, quod ea arma ab utrâque parte incisa. Et lib. 4. Amictus est dictus amjectus, id est, circumjectus. Amnis id flumen est, quod circuit aliquid: nam ab Ambitu amnis. Sed fieri potest, ut comburo, ex con & buro factum fuerit, cum à buro profectum videatur bustum seu bustar, id est usti cadaveris locus, sicque buro esset ex Græco πυρ. nūp verò ignem significat.

Annæus Cornutus de Enunciatione: Si duo verba conjungantur, quorum prius M consonantem novissimam habeat, posterius à vocalibus incipiat, M consonans perscribitur quidem, ceterum in enunciandò durum & barbarum sonat. At si posterius verbum quamlibet consonantem habuerit, vel vocalem positam locò consonantis, servet M literæ sonum. Par enim atque idem est vitium ita cum vocali, sicut cum consonante M literam exprimere. Tamentus & quantus, in mediò M habere debent: quam enim & tam est: unde quantitas, quantus, tantus: nec quosdam moveat, si M non sonat. Tam enim docui, non sonare debere, tametsi in scriptura M posita sit.

Velius Longus: Ipsa N litera in locum M cedit, ut cum dicimus, clandestinum, cum ab eò trahatur, quod

est clam. Item sinciput, quod est semicaput: ex eò scilicet factum, semicaput, sinciput, sinciput.

Idem: Cum dico, Etiam nunc, quamvis per M scribam, nescio quomodo tamen exprimere non possim. Nonnulli Synalæphas quoque observandas circa talem scriptiōnem existimaverunt, sicut Verrius Flaccus, ut ubicūque prima vox, M litera finiretur, sequens à vocali inciperet: M non tota, sed pars illius prior tantum scriberetur, ut appareat exprimi non debere.

Cicero in oratore: Quid? illud non olet unde sit, quod dicitur cum illis, cum autem nobis, non dicitur, sed nobiscum? quia si ita diceretur, obscœnius concurrerent literæ, ut etiam modò, nisi autem interposuissim, concurrissent. Ex eò est mecum & tecum, non cum me & cum te, ut esset simile illis: vobiscum atque nobiscum.

Quintilianus lib. 8. cap. 3. Vitanda est junctura deformiter sonans, ut si cum hominibus notis loqui nos dicimus, nisi hoc ipsum hominibus medium sit, in κακόφωνον videmur incidere: quia ultima prioris syllabæ litera (M puta in Cum) quæ exprimi nisi labris cœuntibus non potest, aut ut interfisere nos indecentissimè cogit, aut continuata cum (N) insequente in naturam ejus corrumpitur.

Sententia horum Tullii & Fabii verborum est, M sequente N, pronunciari ut N. Itaque cum nobis, sonat cum nobis, ubi auditur obscœna vox cummo, quam deformitatem seu turpitudinem ut vitarent, dixerunt pro eo nobiscum, posteaque ad idem exemplum vobiscum, mecum, tecum. Idem hodie fit ab Italis, qui omnia dicunt pro omnia.

Victorinus Artis Gram. lib. 1. Clari in studiis viri, qui aliquid de Orthographiâ scripsere, omnes ferè ajunt, inter M & N literas mediam vocem, quæ non abhorreat ab utrâque literâ; sed neutram propriè exprimat, tam nobis deesse, quam Græcis: cum illi Sambyx scribant, nec M exprimere, nec N.

N.

Priscianus lib. 1. N plenior in primis sonat, & in ultimis partibus syllabarum, ut nomen, stamen: exilior in mediis, ut amnis, damnum. Transfit in G, ut Ignosco, ignarus, cognosco, cognatus. Et sequente G, vel C, pro eâ G scribunt Græci: & quidam tamen vetustissimi auctores Romanorum Euphoniæ causa bene hoc facientes, ut Agchises, agceps, aggulus, aggens: quod ostendit Varro primò de origine linguæ Latinæ his verbis: Aggulus, aggens, agguilla, iggerunt. In ejusmodi Græci & Actius noster binam G, scribunt, alii N & G, quod in hóc veritatem facile videre non est. Similiter agceps & agcora. Hæc Priscianus.

Nigidius Figulus in Commentariis Grammaticis: Inter literam N & G, est alia vis, ut in nomine anguis, & angaria & ancora & increpat & incurrit & ingenuus. In omnibus enim his non verum N, sed adulterinum ponitur: nam N non esse lingua indicio est: nam si ea litera esset, lingua palatum tangeret. Cum enim nos dicimus, neque projectis labris pronunciamus, neque profuso, interitoque statu vocis, sed & spiritum & labias quasi intra nosmet ipsos coercemus.

Q.

Quintilianus lib. 12. cap. 10. Duras facit syllabas, Q, quæ ad jungendas demum subjectas sibi vocales est utilis, alias supervacua, ut equos ac equum scribimus, cum ipsæ etiam hæ vocales duæ efficiant sonum, qualis apud Græcos nullus est, ideoque scribi illorum literis non potest.

Idem lib. 6. cap. 3. Cum is candidatus, qui coqui filius habebatur, coram Cicerone suffragium ab aliò peteret, Ego quoque, Cicero inquit, tibi jure favebo, pro ego coque.

Donatus in Adelph. act. 3. sc. 3. Ciceronis dictum refertur in eum, qui coqui filius secum causas agebat: Tu quoque aderas huic causæ: nam apud veteres coquis non per C, literam, sed per Q, scribebatur.

Velius Longus : *Cocum*, nonnulli in utraq̃ue syllabâ per *Q*, scribunt, nonnulli & insertâ *U*. In verbô etiam *coquere*, pro *quoquere* : Nisus censet ubique *C*, literam ponendam tam in nomine, quam in verbô.

Idem : De *Q* litera quæsitum est, & multi illam excluderunt, quoniam nihil aliud sit, quam *C* & *U*, & non minus possit scribi quis per *C*, & *U*, & *I*, & *S*. Ideoque nonnulli quis & quæ & quid, scripserunt *qis*, *qæ*, *qid*, quoniam scilicet in *Q*, esset *C* & *U*.

Idem : *Quor* est cui *re*, quod significat ob quam rem. Ex hõc retinuit consuetudo hodierna, ut diceremus quare : Quod unâ syllabâ castigatum fit *cur*, quod nos contenti sumus per *C* scribere.

Festus : Quando & Quando ab Enniô scriptum invenitur. *Quaxare*, pro *coaxare*, rana dicuntur, cum vocem mittunt. *Querquera* à Græcô *κέρκερα* certum est dici, unde & *carcer*. *Querquetum*, pro *quercetum*.

Priscianus lib. I. Apud antiquos frequentissimè locò *CU* syllabâ, *QUU* ponebatur, & è contrariô, ut *Arquis*, *coquis*, *oquulus*, *quum*, *quur*.

Donatus in Andr. act. I. sc. I. Cui, per *Q* veteres scripsere. Nimirum nihil inter qui & cui interest, nisi quod diphthongus aliter atque aliter effertur, ut scilicet modò *U*, modò *I* integrum tempus consumat.

Scaurus de Orthogr. Quis, quidam per cuius scribunt, quoniam supervacuam esse *Q* literam putant. Sed nos *C* in dativô ponemus, ut sit differentia cui & qui, quamquam secundum analogiam omnes partes orationis, quæ per casus declinantur eandem literam in primâ parte omnis casus servant, quam in nominativô habuerint. Cum, quidam, nonnulli quom scribunt, quidam etiam esse differentiam putant, quod præpositio quidem per *C*, adverbium autem per *Q* debeat scribi, ut *Cum* *Claudiô*, quom legissem : quoniam antiqui pro hõc adverbio *cume* dicebant, ut *Numa* in *Saliari* carmine.

Annæus Cornutus de Orthograph. Quotidie, sunt qui per *CO*, cotidie scribant, quibus peccare licet desinere,

nerent, si scirent inde tractum esse à quot diebus, hoc est, omnibus diebus.

Papyrianus: Reliquia & Reliqui per C, scribebantur. Cotidie per C & O dicitur & scribitur per Q, quia non à Quotodie, sed à continenti die dictum est.

Victorinus Artis Grammat. lib. 1. Licinius Calvus Q, litera non est usus. Antiqui cum adverbium, scribebant quatuor literis quom, sed pronunciabant tamen perinde, ac si cum scriptum esset.

R.

R, omnes hodie, nisi quibus blæsa est lingua, rectè pronunciant, inprimisque Hispani, qui eam geminant, ut in *Homra*, sicut Romani fecerunt in *narrare*, pro *narare*, id est, *narum* vel *gnarum* seu scientem facere.

Papyrianus: *Narare*, per unum R, scribitur, ut Varro placet. Secutus est enim etymologiam nominis ejus, quâ gnarus dicitur, qui scit & accipit quod loqui debeat. Denique compositio verbi ita scribitur, ignorare, quæ non per duo R, sed per unum scribitur, ideo & narratio unum R, habere debet.

Festus: *Torum*, ut significat torridum, aridum, per unum quidem R, antiquâ consuetudine scribitur, sed quasi per duo R, scribatur, pronuciari oportet: quoniam antiqui nec mutas, nec semivocales literas geminabant, puta in scriptiõne.

Priscianus lib. 1. Antiquissimi pro ad, frequentissime at ponebant, ut in *arvenas*, *arventores*, *arvocatos*, *arhines*, *arvolare*, *arfari*, *arcio*, unde *arcesso*. Ager pro agger, qui dictus ab adgerendõ.

Festus: Antiqui dixerunt *malosibus*, ex quo factum, *majoribus*, *meliosibus*, *lasibus*, *fesiis*: ex quibus facta, *melioribus*, *laribus*, *feriis*. Sic *furui* factum ex *priscõ* *fufui*. Dicebant veteres similiter *Labos*, *color*, *odor*, *arbos*: pro *labor*, *color*, *odor*, *arbor*. *Dasi*, pro *dari*, & *plissima*, pro plurima.

Servius in *Æn.* 4. *Veteres Asas dicebant, postea immutata litera S, in R, Aras dixerunt, sicut Valesios, Valerios: Fusios, Furios.* Ita Cicero ad *Pætum Papyrios* prius dictos ait *Papysios*.

S.

S, nota sibili est, sed ex illis, non illius denſi aut pinguis, qui *strepitus* rectius dicatur, quem Germani tribus literis exprimunt *SEH A / SEH E / SEH J* / Hetrusci verò sic *SCIA, SCIE, SCIO*, Galli hoc modò *CHA, CHE, CHI*. Hispani veteriore pronunciandi ratione per *XA, XE, XI*, aut per *j* oblongum, quod illi Jota vocant *ja, je, ji*, aut per *g*, sequentibus dumtaxat *e* aut *i, ge, gi*. Itaque *Oxeare* (quod Hispanis est gallinas aliasque aves vocis strepitu abigere à voce *Ox, Ox*.) Germani scribunt *Oscheare* / Galli *Ocheare*, Hetrusci *Oscieare*. Sed proprium ei sono characterem inventum oportuit, qualis esse poterat illa Jurisconsultorum Paragraphi nota §. Verùm ego Romanos nullò strepitu in pronunciandò usos puto, contra quam hodie faciunt non modò Galli *ge & je & che* pronunciantes, aut Germani, qui *Statum*, seu *schatum*, *Sponte* seu *schponte*, *Scamnum* seu *schamnum*, *Suavis* seu *schavis* molestissimò strepitus genere effecerunt, sed ipsi etiam Hetrusci in *Scipio*, *scire*, *discere*, & similibus, quæ Romanis erant *Skipio*, *skire*, *diske-re*, exili illò sibilò, quem omnium optimè Hispani edere solent, aded ut *cassus & divissio* dicant, pro *cassus & divisio*, quod & Romanos factitasse scimus.

Quintilianus lib. 1. cap. 7. Cicero, & Virgilius scribebant caussa, cassus, divissiones, quod manus eorum docent. Sed paulum superiores etiam illud, quod nos gemina S dicimus iussi, una dixerunt iussi.

Festus: *Dusmosò* in locò apud Livium significat dumosum locum. Antiqui enim interferebant S, literam & dicebant cosmittere, pro committere & casmoenæ,

pro

pro camœnæ. Sic pœnas, pro pœnis & cœnas, pro cœnis. Dicebant quoque stlocum, pro locum, stlitem, pro litem, stlatam, pro latam, strenam, pro trenam, stritavum, pro tritavum.

Id. Serpentes dicimus ex Græcô, quod illi ὄφεις nos pro adspiratione eorum S litera posita, ut ἑξ sex, ἑπτὰ septem.

Priscianus lib. 1. S saepe pro adspiratione ponitur in his dictionibus, quas à Græcis sumimus. Semis, sex, septem, se, si, sal. Et Bæoti in quibusdam dictionibus pro S, solebant H scribere, muha, pro musa dicentes, propter cognationem literæ S cum H.

Maximus Victorinus: Antiqui S literâ quasi pro liquenti utebantur, ineruditâ adhuc novitate, quod posteriores poëtæ non ferunt, Lucilius: Tum lateralis dolor certissimus nuncius mortis: pro, Tum laterali dolor certissimu nuntiu mortis.

Agrætius de Orthogr. Apud Latium, unde Latinitas orta est, major populus & magis egregiis artibus pollentes Tusci fuerunt, qui quidem naturâ linguæ suæ, S, literam raro exprimunt. Hæc res fecit haberi liquidam.

Cledonius in Arte: Quia S, superflua invenitur, interdum & ipsa liquescit in metrô, quia sibilus magis est, quam consonans.

Virgil. Æn. 1. Troas reliquias Danaum atque immittis Achilli. Ubi Servius: Propter homœoteleuton detraxit S, literam, quæ plerumque pro sibilô habetur, non solum necessitatis, sed etiam Euphoniæ causâ, ut Sallust. A principio, Urbis ad bellum Persi Macedonicum. Detrahatur autem S, tertiæ declinationis genitivo.

Charisius lib. 1. Varro genitivô hujus fami dixit, cum famis sit rationis. Herculi, pro Herculis & Ulyxi, pro hujus Ulyxis dici cœptum est, inquit Plinius, ut fortis Achatî, acris Oronti.

Prisc. lib. 6. Sciendum in nominibus tertiæ declinationis frequentissimè veteres dativum protulisse pro genitivô, Aristoteli, Demostheni, Euripidi, pro Aristotelis, Demosthenis, Euripidis ponentes, ut Virg. Cic. Terent.

Victo-

Victorinus lib. 1. Artis : Nemo & nullus quorum genitivum aliter , quam nos, veteres extulerunt : Nemini enim & nulli dixerunt : item bonæ frugis quoque , nos omiſſâ parte ejus ſolum trugi ſcribimus.

T.

T, rectè hodie pronuntiatur ab omnibus , niſi ubi I cum aliâ vocali eam conſequitur. Tum enim additô ei ſibilo , perinde eam efferunt , ut z : nam *litium* dicunt *lizium* ſeu *liſſium* : quod quidem ſatis ſcio , Romanorum nemo intelligeret. Maximè tamen in eâ efferendâ ridiculi ſunt Galli , quos cum *intentio* dicentes audias , *intentio* an *intenſio* illa ſit , diſcernere haud quaquam poſſis. Hiſpani in linguæ ſuæ vocabulis , t ſine ullo ſibilo efferunt : adeoque Sacerdotem , ego in Hiſpania ad altare canentem audivi : *Et ne nos inducas in tentationem* : quô modò & Itali *Malatia* dicunt , quaſi eſſet *Malathia*. Non poteſt vocalis poſt i poſita eam habere vim , ut ſonum illum , qui t literæ ſuus ac proprius eſt , immutet. Nam , ut ait Fabius , *hic eſt uſus literarum , ut custodiant voces , & velut diſpoſitum reddant legentibus*. Itaque ſi in *juſti* , ſonus literæ t , eſt affinis ſono d , ac ſine ullo ſibilo , non poteſt ille alius atque alius eſſe in *juſtitia*.

D E
CONSONANTIBUS
DUPLICIBUS.

X.

Quintilianus lib. 1. cap. 4. X literâ carere potui-
mus, ſi non quaſiſſemus.

Annæus Cornutus de Orthogr. Varro X literam eſſe negat : in quô quid viderit, nondum deprehendi.

Victo-

Victorinus Artis Gram. lib. 1. Latini voces, quæ in X literam incidunt, si in declinatione earum apparebat G, scribebant G & S, ut conjugs, legs. Nigidius in libris suis, X litera non est usus, antiquitatem sequens.

Priscianus lib. 1. X duplicem locò C & S, vel G & S, postea à Græcis inventam, assumsimus, ut Dux ducis, Rex regis.

Charisius lib. 1. Merx, Sallustius merces dixit. Sic faces antiqui pro fax, teste Festo: quomodo etiam hodie Italos dicentes audias: Pacis (seu paches, pakes, paques) huic domui, pro pax.

Servius in Æn. 1. Adnixus antiquum est, ut connixus, quibus hodie non utimur. Dicimus enim adnexus & connexus. Et in Æn. 8. Galli Senones dicti sunt, quod Liberum patrem hospitio recepissent, quasi Xenones: cum ξένος Græcum significet hospes.

Festus: Senonas Gallos Verrius ait existimari appellatos, quia novi venerint ex transalpina regione, ac primum appellatos Xenos, postea Senonas.

Cicero in Oratore: Verba sæpe contrahuntur non usus causa, sed aurium: quomodo enim vester Axilla, Ahala factus est, nisi fugâ literæ vastioris? quam literam etiam è maxillis, è taxillis, & vexillis, & paxillis, consuetudo elegans Latini sermonis evellit. Maluerunt scilicet dicere Malas, talos, velum & palum. Ita & sedecim, pro sexdecim, sedigitus. pro sexdigitus. Sic Avaulla prisca fuit olla parvula Fest.

Z.

Maximus Victorinus de Litera: Litera peregrinae sunt Z, & Y, quæ propter Græca quædam assumptæ sunt, quæ si non essent, pro Hylas & Zephyrus diceremus Hoelas & Dsepharus. Z, apud nos locò duarum consonantium fungitur DS.

Diomedes lib. 2 Z, admissa nominum Græcorum causa. Pro hac veteres quidam I, vocalem, nonnulli duas SS, ponere solebant, unde Zugum dictum est veluti ζυγόν, &

et Jupiter velut $\zeta\upsilon\delta\epsilon$ pater : Messentius et pitissare, et cætera huiusmodi usum veterem declarabant.

Prisc. lib. 1. Pro Z, quod pro SS, conjunctis accipitur, veteres inveniuntur vel S, vel D, posuisse, ut Saguntum, pro $\Sigma\alpha\gamma\upsilon\nu\theta\omicron$. Massa, pro Maza. Setus, pro $\xi\eta\theta\omicron$. Odor $\delta\omicron\theta\epsilon\tau\omicron\upsilon\delta\epsilon\zeta\epsilon\upsilon$. Medentius, pro Mezentius dicentes.

Annæus Cornutus de enunciatione : Z, in antiquis libris modò scripta est, modò non : sed pro illa dua SS, ponebantur, ut Crotalizo, crotalisso, Malacizo, malacisso, et his similia.

Velius Longus : Sciat Mezentium solitum scribi per duo SS, et sic enunciari.

CH.

Hæc consonans duplex est χ , Græcorum, id est c vel k cum spiritu, quam soli hodie Germani rectè pronunciant : proximè accedunt Hetrusci cum anferinò seu gutturali suò CA, CO, QUA, ut cum dicunt Duca, Quaranta, pro quibus Germanus scriberet, Ducha, Chubaranta : similiterque Hispani cum recentiore pronunciatione à fæminis inductâ, dicunt Muger, Baxo, quod Germanis est Mucher, Bacho. Galli enunciare non possunt, & in Gallia Cisalpina pauci. Cæterum che hodie Itali efferunt, ac si esset Germanicum ke, Gallicum & Hispanicum que. Pro che, Galli dicunt Italicum scie, Germanicum $\text{sch}e$ / cum strepitu scilicet, de quò supra cum de S, ageretur, dictum fatis est. Hispanis autem che est Italicum ce, Germanicum $\text{tsch}e$ / quod Galli efferunt, si t, ante che exprimant. Sed Romani sine dubiò per c gutturale efferebant, velut ex Catulli epigrammate supra patuit.

Quintilianus lib. 1. cap. 5. Diu servatum, ne consonantibus adspiraretur, ut in Graccis et Triumpis. Erupit brevi tempore nimius usus, ut Chorona, Chenturiones, Præchones adhuc quibusdam inscriptionibus maneat, quæ de re Catulli nobile epigramma est.

Servius in Geor. 3. *Tria veteres habebant nomina, in quibus C, litteram sequeretur adspiratio, Sepulchrum, Orchus, pulcher: è quibus pulcher tantum hodie recipit adspirationem.*

Idem in Æn. 6. *Thus & Orchus veteres dicebant & Lurcho, id est vorax: quibus sequens ætas detraxit adspirationem.*

Scaurus de Orth. *Negat Varro Gracchus adspirandum, quoniam à gerendò sit cognominatus. Matrem enim ejus, qui primus Gracchus sit dictus, duodecim menses uterum gessisse. Et pulchrum quamvis in consuetudine adspiraretur, nihilominus tamen ratio exiliter C, enuncians & scribendum esse persuadet, ne una omnino dictio adversus Latini sermonis naturam in mediò adspiraretur: quamvis Sancta a Græcis putet esse translata, quasi πολυχρόν.*

Victorinus Artis Gram. lib. 1. *Legistis præceptum antiquorum, qui ajunt scribi omnibus literis oportere chirona, anchora, sepulchrum, brachium, pulcher: in enunciandò autem H elidere.*

P H.

Priscianus lib. 1. *Eum prope sonum, quem nunc habet F, significabat P, cum adspiratione, sicut etiam apud veteres Græcos pro φ, π & H. Unde nunc quoque in Græcis nominibus antiquam scripturam servamus pro φ. P & H ponentes, ut Orpheus, Phaeton: postea verd in Latinis placuit, verbis, pro P & H, F scribi, ut fama, filius, facio. Hoc tamen scire debemus, quod non tam fixis labris est pronuncianda, F, quomodo P H. Atque hoc solum interest inter F & P H.*

T H.

Hujus in Græcis modò vocibus usus est, eamque omnes hodie exiliter, ut t pronunciamus, sed sine dubiò vitiosè Hodierni quidem Græci, id longè aliter effecerunt, quam nos Theos, sed id nisi vivà voce declarari non potest. Adspirationem aliquam, sivè ut Varro vocat afflatum, in eà audiri oportere certum est.

P S.

Priscianus lib. i. *Litera S*, præponitur *P*, & locô ÷ *Græcæ* fungitur, pro quâ *Claudius Cæsar* antisigma hâc figurâ *ſ* scribi voluit, sed nulli ausi sunt antiquam scripturam mutare: quamvis non sipe ratione hâc quoque duplex à *Græcis* addita videatur: nam multô molliorem & volubiliorem sonitum habet ÷, quam *P S*, vel *B S*.

C O N S O N A N T E S

Duplices Novitiæ.

G L. L L.

Itali & *Hispani* hanc consonantem duplicem usurpant, quam *Latini* ignorarunt, & *Germani* hodie difficillimè pronunciant. Qui *Latini* sunt *capilli*, *Italis* dicuntur *capegli*, *Hispanis* *cabellos*: ubi eodem modô *gl* & *ll* pronunciat. *Hispani* etiam in vocum principiis eâ consonante utuntur, ut in *Llano*, *Lleno*, *Llorar*, *Lluvia*. Sed revera hic sonus suum proprium characterem desiderat, cum nec *gl*, nec *l* duplex eum exprimat. *Germani* ut eum efferre discant, scriptum putent *capelij*, *cabelios*, sic tamen, ut prior vocalis *i*, cum sequenti *i* vel *o*, in unam velut diphthongum coalescat, fiatque *i* consonans, quam vulgo vocant: aut fingant scriptum *capejili*, *cabejilos*, sic ut illud prius *i*, velut consonans, alterô *i*, velut absorptô efferatur.

G N. N N. sive N cum apice.

Ex *Latinô Senior*, quo *Gothi* pro *Dominô* usi fuerunt, *Hispani* *i* in *n* converso, fecerunt *Sennor*, sive ut ipsi scribunt *Señor*, ex eô postea *Itali* *Signor*, *Galli*

li *Seigneur*, unde porrò nata sunt *Seor*, *Ser*, *Missor*, *Sire*, *Monsieur*: quod contra Latinos olim *n* & *l*, conversò in *i*, ex Græcis *Αμίνων*, *ἀμείνων*, *Menius*, *melius*, *melior*, ex *ἄλλος* *alius*, ex *ἀλλοιού* *salio*, ex *φύλλον* *folium* formasse Festi emendator observavit, qui tamen fallitur, cùm id *semper* eos factitasse censet. Ex *ἑρπυλλον* enim eos non *serpilium*, sed *serpillum* fecisse constat. Cæterum & huic sono suum ac proprium characterem effectum oportebat, cum eum nec *gn*, nec *n* duplex efficiat. Romani, *g* nondum inventò, *pugnare* scribebant, à cuius vocis sonò sive Italicum *pugnare*, sive Hispanicum *punnare* dissidet longissimè: quem quidem Germani multum sudant, ut efferre discant, eòque id magis, quod *n*, ante *g* pronunciant. *Mangnus* enim dicunt pro *magnus*. Oportet ergo ut prius *n*, in *Sennor*, vel *g*, in *Signor*, illud ipsum *n* esse meminerint, quod Nigidius supra *adulterinum* esse dixerat, quale in *Ancus*, *angor*, *incus*, *ingratus* exauditur: posterius autem *n*, velut *i* consonantem exprimant, quæ cum sequente vocali in diphthongum coëat, quasi esset *Sen--ior*.

D E

A C C E N T U.

Cicero in Oratore: *Quid hôc elegantius; quod non sit naturâ, sed quòdam institutò?* Inclitus dicimus brevi primâ literâ, insanus productâ, inhumanus brevi, infelix longâ, & ne multis, quibus in verbis eæ primæ literæ sunt, quæ in sapiente atque felice, productè dicitur, in cæteris omnibus breviter, itemque, composuit, confluxit, concrepuit, confecit. *Consule veritatem, reprehendet: refer ad aures, probabunt, quære, cur?* Ita se dicent iuvare. Voluptati autem aurium morigerari debet oratio.

Putant viri docti, qui priores de pronunciatione

linguæ Latinæ commentati sunt, Ciceronem non de syllabæ, sed de literæ quantitate loqui. At nos mox dabimus, qui perspicuè idem de syllabis dicant. Sed esto: qui tandem fit, quod nostræ aures non hoc magis sonò, quàm illò juvantur?

Maximus Victorinus: In & Con, præpositiones aliquando corripuntur: sequentibus S, vel F, literis producuntur, ut instare, infidus: & cæteris omnibus corripuntur, ut inconstans, imprudens.

Varro lib. 8. de lingua Latinâ: Quidam reprehendunt, quod pluit & luit dicamus in præsentì tempore. Falluntur: nam est, ac putant aliter: quod in præteritis U, dicimus longum, in præsentì breve. Ideoque in venditionis lege fundi, ruta cæla ita dicimus, ut U, producamus.

At enim in præsentì non minus Luu—it, U, longâ dixit Lucillius: Tantalus qui pœnas ob facta nescientia luit, quomodo in veteri librò Gifanius se legisse testatur. Et ruta, ubrevi habemus apud Virgil. Aut Idâ in magnâ radicibus eruta pinus.

Asconius Pedianus in Verrin. 3. Poscunt majoribus poculis. Sunt qui productâ scilicet O, literâ, poscunt legunt, quasi sæpe potant.

Consentius: Accentus ostendit diversam significationem unius dictionis. Pone, si verbum est, gravis est ultima: si adverbium, circumflexa.

Maximus Victorinus: Adverbium ponè, posteriore acutum recipit accentum, ne sit verbum.

Velius Longus: Multa nomina & contracta syllaba aliud significant, & producta: quomodo aliud sit producas Pila, & corripias Pila. Et locò rursus transmutatus accentus partes quoque orationis immutat, ut aliud est Circum, aliud Circum: aliud Ergo, aliud Ergò.

Servius in Æneid. 1. Maria omnia circum. In fine accentum ponimus contra morem Latinum: sed correptio hoc facit; nam præpositio postposita correpta est sine dubiò.

Festus: Ergo correptum significat idem, quod apud Græcos οἶ, (igitur) productè idem quod χαιρ, hoc est gratiâ

gratiâ seu causâ. Hic de productione non vocalis, sed syllabæ loquitur.

Quinctilianus lib. 1. c. 5. Si Cethegus primâ acutâ pronuncias, media mutatur. Ultima nunquam acuitur, in dissyllabis prior.

Idem cap. 6. eum irridet, qui salutans amicos, Avete sine adspiratione & productâ secundâ syllabâ dixerat. Recta est (addit) hæc via: quis negat? sed adjacet & mollior & magis trita.

Ergo ætate illâ Havete mediâ syllabâ (non literâ) correptâ dicebant, idque mollius pronunciaru, auditûque judicabant, quod nobis nihilò secius videtur, quam insomnia.

Agell. Noctium Attic. lib. 7. c. 7, Probus Grammaticus & Anianus poëta, affatim, admodum, primâ acutâ pronuntiabant. Causam esse huic accentui Anianus dicebat, quod affatim non essent duæ partes orationis, sed utraque pars in unam coaluisset, sicut in exadversum, secundam syllabam debere acui existimabat, quoniam una, non duæ essent orationis partes. Addebat, quod ad, præverbium tum fermè acueretur, cum significaret in mentem sive intentionem, sicut affabre & admodum & approbè dicuntur. Sed id non perpetuum videtur: nam & appotus cum dicimus & apprimus & apprimè, intentio demonstratur, neque tamen ad particula, satis commodè accentu acutò pronuntiatur. Approbus tamen, quod significat valde probus, non inficias eo quin primâ syllabâ acui debeat. Igitur in istis vocibus, quæ non acuiuntur, ea causa est, quod syllaba sequitur naturâ longior, quæ non fermè patitur acui priorem in vocabulis syllabarum plurium quam duarum. In præmodum prima syllaba acuitur.

Ita discimus cæteros plerosque in affatim & admodum mediam syllabam acutò accentu proferre solitos, nec locum habet doctissimi viri commentum de A brevi & longò. Similiter enim Agellius præmodum & admodum primâ syllabâ acui affirmat.

Idem lib. 9. cap. 6. Ab eò, quod est ago & egi, sunt verba

verba frequentativa actito & actitavi: quæ quosdam sane non indoctos viros audio ita pronunciare, ut primam in his literam corripiant, quoniam in verbò principali, quod est ago, prima litera breviter pronunciatur. Cur igitur ab edo & ungo, in quibus verbis prima litera breviter dicitur, esito & unctito, primâ literâ longâ promimus? & contra dictito à dico, correptè dicimus: num ergo potius actito & actitavi producenda sunt? quoniam frequentativa fermè omnia eodem modò in primâ syllabâ dicuntur, quò participia prateriti temporis ex his verbis, unde ea profecta sunt, in eadem syllabâ pronunciantur; sicut lego, lectus, lectito facit, &c. Sic igitur actito productè in primâ syllabâ pronuncianum, quoniam ex eò fit, quod est ago & actus.

Hic perspicuè habemus, in actus & actito, non primam modò literam, sed & syllabam productè pronunciarì debere, etsi alii docti homines eadem corripere.

Terentianus au, in Aurunci breve esse ait, adeòque barbarè produci, & eu semper esse breve, propterea quod e Græcum breve sit. Hoc quale sit, quis hodie vel suspicetur? Verba ejus sunt:

*Aut age, inquit ille vates: sæpe dixit aut ubi
Dixit Aurunci, quod æque barbarum est producere.*

Pes ubique lege constat prima cùm correpta sit

Au, tamen capere videtur sæpe productum sonum,

Auspices cùm dico & Aurum, sive Græcus aurion.

Mira nec putanda nobis talis alternatio est.

Dichronon quod alpha notum est, sicut à nostratibus

Indè communem ministrat sola diphthongus sonum.

Eu, manet correpta, semper est quod E Græcum breve.

Literis sed E, latinis sæpe cum sit dichronos,

Facta diphthongos nequibit esse producti soni.

Charisius lib. i. Calumniâ primâ syllabâ correptâ effertur. Venit enim à verbò calvor, hoc est, frustror. Plinius Os, oris, productè efferendum censuit: Os, ossis, correptè.

Donatus in Andr. act. 1. sc. 1. *Filium perduxêre ut unâ esset. Si producte legatur esset, significat cibum caperet, sive ederet. Et Eunuc. act. 3. sc. 4. Ut de symbolis essemus. Melius essemus, productâ E, literâ.*

Servius in Æn. 5. *Edo habet & rectam, sed antiquam declinationem, ut Edo, edis, edit: & anomalam, ut Edo, es, est: quarum secundæ & tertiæ personæ longæ sunt propter differentiam, Sum, es, est.*

Idem in Æn. 1. *Ibidem & ubinam, multi dubitant, ubi debeat esse accentus, quia ubi & ibi naturaliter breves sunt, sed ratione finalitatis plerumque producuntur in versu; nescientes hanc esse rationem, quia pronuntiationis causâ contra usum Latinum syllabis ultimis, quibus particule adjunguntur, accentus tribuitur, ut mulâque, illêne, hujuscê. Sic ergo & Ibidem. Et infra: Ut, cùm est quemadmodum, in pronuntiatione extenditur; quando temporis non est.*

Ibidem: Sarpedon, ubi tot Simois correpta sub undis. In Sarpedon & in ultimâ syllaba & in pænultimâ possumus accentum ponere: nam Homerus & Sarpedonis declinavit & Sarpedontis: unde & varius accentus est: nam si Sarpedonis, in antepenultimâ erit: si Sarpedontis, penultima habebit circumflexum, qui est in ultimâ syllabâ nominativi. Simois, hoc nomen integrum ad nos transiit, unde suô accentu profertur: nam si esset Latinum, in antepenultimâ haberet accentum, quia secunda à fine brevis est. Vult scilicet Simois in hoc versu pronuntiari cum accentu in mediâ syllabâ, quamvis correptâ.

Idem in Æn. 2. *Unâ ingens Periphas & equorum agitator Achillis. Ultima in Periphas accentum non habet, ne fæmininum sit, nec tertia à fine, quia novissima longa est. Ergo RI, habebit accentum. Quid hoc locò dicent, qui inter vocalem longam & syllabam longam distinguunt?*

Idem in Æn. 6. *Exinde una pars orationis est, & in tertiâ à fine accentum habet, licet pænultima longa sit.*

Idem in Æn. 7. *In Asia cum paludem significamus,*

A, longa est: cum de provinciâ dicimus, *A*, brevis est.

Idem in *Æn.* 10. *Dum* textit Imaona Halesus, id est, dum spoliât, nam tempus præsens est, non præteritum. Et textit, te primam syllabam corripuit, ut tantum positione longa sit. Et infra: *Trophæum*, declinatio Latina est: unde pænultima habebit accentum. In numero verò plurali, quia tropæa dicimus, sicut Græci, nec aliquid inde mutilamus, erit Græcus accentus, sicut apud Græcos, scilicet tertiâ syllabâ à fine.

Donatus in *Eunuc.* act. 5. sc. 1. Si quando & primâ syllabâ acui potest & mediâ. Tamen variat sententiam.

Festus: Quando, cum gravi voce pronuntiatur, significat quoniam, & est conjunctio. Quando, acutò accentu est temporis adverbium.

Idem: *Illex*, productâ sequenti syllabâ, significat qui legi non paret. Corruptâ sequenti inductorem, ab illiciendò. *Plaut. Persa*: Impure, inhoneste, injurie, illex, labes populi. Idem *Asin.* *Esca* est meretrix, lectus illex est, amatores aves, Et *Pœn.* Qui illi malæ rei tantæ fuimus illices.

Idem: *Muscerdas* primâ syllabâ (non literâ) productâ stercus murum appellant.

Idem: *Quincentum*, & productâ primâ syllabâ, & per *C*, literam usurpabant antiqui.

Diomedes lib. 1. *Comperio*, *comperii*. *Comperco*, *comperii*. Sed accentu discernitur sensus. Acutò enim accentu profertur, quoties pro eò accipitur, quod est rescii. *Compereo* verò circumflexò accentu declinatur, quoties pro eò accipitur, quod est, cum aliò perii. *Comperieram* enim facit.

Charisius lib. 1. Quoties de neutrò loquimur, corruptâ *O*, literâ dicimus, *Duo* millia. In accentu longò, duo homines, ambo homines.

DE EUPHONIA.

Euphonia seu Sonoritas est, quæ pronuntiationem auribus commendare quærit, ut suavi minimeque

mēque odiosū sonū ad eas allabatur. Hujus causā Latini literarum alias omittebant, alias inferebant, alias mutabant.

Cicero in Oratore : *Inclitus dicimus primā brevi, Infanus productā. Consule veritatem, reprehendet : refer ad aures, probabunt, quare, cur ? Ita se dicent iuvare. Voluptati autem aurium morigerari debet oratio. Pomeridianas quadrigas, quam postmeridianas, libentius dixerim.*

Velius Longus : *Meminerimus artis Orthœpejæ esse, ut sive exili cum literā Artibus, sive cum plenā Artibus scripseris, enunciationis sonum temperet.*

Idem : *Scio sermonem decori servire & aurium voluptati. Unde fit, ut sæpe aliud scribamus, aliud enunciemus. Cum dicimus, hic est ille, unum C, scribimus, & duo audimus. Confitendum quædam aliter scribi, aliter enunciari. Nam quibusdam literis deficiamus, quas tamen sonus enunciationis arcessit, ut cum dicimus virtus, perisse ferè ad aures primam literam invenies.*

Idem : *In hac præpositione D E, quam dixi plenam præponi, animadvertendum illud, quod minuitur, si quando sequens vox à literā E incipit, ut est deerrare, deesse : quā enunciatione sufficit ipsa productio. Virgil. Vir gregis ipse caper deerraverat, atque ego Daphnin. Lucret. Talibus in rebus communi deesse saluti.*

Idem : *Sequenda est nonnumquam elegantia eruditorum, quod quasdam literas lenitatis causā omiserunt, sicut Cicero, qui Foresia & Megalesia & Hortesius sine N literā, libenter dicebat.*

Hinc judicari potest, quam parum justī & æquī fuerint, quibus Lambinum notare libuit, tamquam Hortesium contra receptam scripturam malō novitatis studiō approbarit.

Servius in Æn. i. *Adplicat, secundum præsentem usum per D, prima syllaba : secundam antiquam autem orthographiam. (quæ præpositionum literam consonam in vicinam mutabat) per P, secundum verò euphoniā per A, tantum. Præpositio enim cum ad compositionem transferit,*


aut vim suam retinet, ut indico; aut mutat ultimam litteram, ut sufficio; aut perdit, ut Coemo. Hinc discimus veteres applicat scribere, sed aplicat pronunciare solitos.

Quinctilianus lib. i. cap. 7. *Quædam scribuntur aliter, quam enunciantur: nam & Gajus, C, literâ notatur, nec Cneus eam litteram in prænominis notâ accepit, quâ sonat.* Sensus est: scribi *Cajus* & *Cneus*, pronunciari autem *Gajus* & *Gneus*.

Ibidem: *An cujusvis auris est exigere litterarum sonos? non hercule magis, quam nervorum.*

Igitur Romani partim pronunciabant literas, quas non scribebant & quarum characteribus deficiebantur; partim eas, quas scribebant, non pronunciabant, vel certè aliter multò, quam vel ipsi in aliis vocibus, vel in iisdem ipsis nos hodie, pronunciabant; partim accentu utebantur, quem nos, qualis fuerit, nec imaginari possumus; partim denique aliter, quam nos, litterarum sonos exigebant, ut jucundum eis esset, quod nos hodie offendit, sicut vicissim satis exploratum haberi debet, multa quæ nostras aures hodie minimè offendunt, vel molestissima eis futura fuisse. Itaque & imperiti & ridiculi sunt, qui ex Italis tantò cum superciliò de suavitate compositionis Latinæ sententiam ferre audent, velut is, qui vocem *plerorumque* nimis asperam judicabat, & alter, qui negabat aures suas verbum *recreaverunt* ferre posse. Si enim in legendis optimis linguæ latinæ auctoribus aliquantum diligentiores fuissent, effæminatam illam suam, mollem ac discinctam pronunciandi rationem longè à masculâ altius cinctorum Romanorum consuetudine diffidere intelligerent. Qui usque eo delicati sunt, ut eos *Ipse, Rex, pax, plenus* & *Cnossius* pronunciare pigeat, atque *Ipse, Res, pax, pienus* & *Conossius* dicere malint, quis eos animum inducturos putet, ut non lapides loqui Romanos conquerantur, si eos *Stilis* pro

pro *lis*, *Stlatus* pro *latus*, *Stritavus* pro *Tritavus* dicentes audiant? Certè nisi omnia me fallunt, Lucretium patriâ multabunt, nec Romanum magis, quàm Transalpinum perhibendum censebunt, cùm hunc ejus versum legent. l. 5. *Religione refrænatus ne fortè rearis*. Fortassis autem neque illud Ciceronis Verrin. 5. propitiis excipient auribus: *Quem agrum si obsitum vidisses, ammonæ caritatem minimè verere*. Sed de Orthoepejâ Latini sermonis hæctenus.



FRIDERICI SILBURGII

DE

Vetere Romanorum Scripturâ tractatio.

VT de vetere Scripturâ pauca præmoncam, differt ea ab recentiore, quæ hodie in usu est, vel *quantitate*, vel *qualitate*, vel *utrôque*. *Quantitas* in *additione* cernitur, vel *detractione*. *Additio* aut *vocalis* est, aut *consonantis*. *Vocalis* additio est in diphthongis *ei* & *ou*. Sic enim *eidem* *jous*, scripsere, pro *idem* *jus*. Sic *leitem*, *leimites*, *meilitiæ*, *opeima*, *inveito*, pro, *litem*, *limites*, *militiæ*, *opima*, *invito*. Sic *Eito*, *deixi*, *seierit*, pro, *ito*, *dixi*, *fievit*. Item *Quei*, *sei*, *nei*, pro, *qui*, *si*, *ni* (*nei* tamen etiam pro *ne* usurparunt interdum, & quidem non raro) Sic *utei*, *ubei*, *ibei*, pro, *uti*, *ubi*, *ibi*. Eamdem diphthongum usurparunt in genitivis singularibus, ut *dolei*, *malei*, pro, *doli*, *mali*. Item in nominativis pluralibus: ut *Iei*, *trevirei*, *decumanei*, pro, *ii*, *treviri*, *decumani*. Item in dativis & ablativis pluralibus: ut *Ieis*, *terticeis*, *ricinieis*, pro, *Iis*, *tertis*, *riciniis*. Præterea in dativis singularibus tertiæ declinationis: ut *Mortei*, *clientei*, pro, *morti*, *clienti*. Item: *Alterei*, *sibei*, pro, *alteri*, *sibi*. Et frequentissimè in nominativis atque accusativis pluralibus: ut *Omneis*, *civeis*, pro, *omnes*, *cives*. O, verò ad *u* adjectæ tùm alia sunt exempla, tùm hæc: *jous*, *jousta*, *joudicare*, pro, *jus*, *justa*, *judicare*. Item *Solio*,

Souo, *louci*, *doucito*, pro, *suo*, *luci*, *ducito*. In quibusdam utramque diphthongum conjunxerunt: ut *Soueis*, *ſoudicei*, pro, *ſuis*, *judici*. In nonnullis u geminum uſurpârunt pro *ou*, ſeu *u*: ut *Fluus*, *ſecuus*, pro, *Plus*, *ſecus*. Sic *Comitatu*, *arbitratu*, pro, *comitatu*, *arbitratu*. Interdum o poſt u, interſeruerunt: ut *Quicicumque*, pro, *quicumque*. Conſonantes quoque interſeruerunt, ut *Quotiens*, *quotieſcumque*, pro, *quoties*, *quotieſcumque*. Sic *exſigunto*, *exſercere*, pro, *exigunto*, *exercere*. Item *Quips*, *aliquips*, pro, *quis*, *aliquis*. In *ſouxſta* verò pro iuxta gemina eſt inſertio vocalis o & conſonantis s. In quibusdam integram ſyllabam interſeruere, ut in *Poſtidea*, *indoteſtato*, pro, *poſtea*, *inteſtato*. Ejus generis etiam *Æuitas* videri alicui poſſit: ſed habet illud legitimam ab ævo derivationem: in *Ætas* verò, quod poſt uſurpari cœpit, facta eſt contractio. Quibusdam à fronte conſonantes adjecere: ut *Stilis*, pro, *lis*. Nonnullis in fine: ut *Ead*, *tua*, *plebed*, *frauded*, pro, *ea*, *tua*, *plebe*, *fraude*. Sic in verbis *Datod*, *removetod*, *luitod*, *eſtod*, pro, *dato*, *removeto*, *luito*, *eſto*. In *exſercetod* autem geminata eſt additio ſemivocalis s, & mutæ d. Sic in *Leibertated*, additio eſt vocalis e, & conſonantis d.

Detraſtio & ipſa vocalis eſt, aut conſonæ. Vocalis detraſtio eſt in monophthongis illis, *ſenus*, *ſemina*, pro, *ſænuſ*, *ſemina*. Sic *heres*, quanquam eam vocem non ab *herendo*, ſed ab *herô* deductam malunt eruditiores. Detraſtio etiam quibusdam videtur eſſe in verbis iſtis, *Adicito*, *cicito*, *deicitor*, *conicere*, *ſubicere*, pro, *adjicito*, *ejicito*, *dejicitor*, *conſicere*. Quod ſi ita eſt, eadem ratione ſimplex *icere* contractum erit ex *jacere*. Sic certe *Dis*, contractum ex *Diis*. E conſonantibus etiam, quæ nunc geminari ſolent, omittebant alteram, ut *Oſa*, *claſe*, pro, *oſſa*, *claſſe*. Item *Aceras*, *combria*,
pro,

pro, *Acerras, connubia* : *pelex, tolito, puluceto, pro, pellex, tollito, polluceto.*

Qualitas in commutatione potissimum cernitur. Ea quoque vocalis est, aut consonantis. Vocalis ut *e*, pro *i*. Sic enim *leber, addecito* scripsere, pro, *liber, addicito*. Item *u*, pro *i*. *Æstumata, pro æstimata*. Sic *optumus*, pro, *optimus*. Eadem ratione *postumum* quoque, pro, *postimum*, seu *postremum* à veteribus dictum volunt eruditi : ut significet non tam eum, qui post inhumatum patrem est editus, quam eum qui postremus patri, seu vivo, seu mortuo natus est. Item *u*, pro *y*, ut *Ægyptus, pro Ægyptus*, quemadmodum *mus* quoque & *sus* & hujus generis alia, sunt ex Græcis *μῦς, σῦς*. Frequentius *o*, pro *u*, ut *Totela, porporea, pro, tutela, purpurea*. Sic *Oscapitor, pro usucapitor*. Item *soper, quomque, pro super, quumque*. Sic in nominum finibus *Patronos, servos, pro patronus, servus*. *Vitiom, manom, pro vitium, manum*. Nec non in verborum finibus. *Conseront, moritor, pro conferunt, moritur*. In nonnullis geminatur hæc mutatio, ut *Piacolom, fortom, foratos, pro piaculum, furtum, furatur*. In quibusdam hæc cum superiore conjungitur : ut *Lèberom, pro liberum*. Sic *Ædebos, compedebos, noctebos ; tibicinebos, soperstitebos, pro Ædibus, compedibus, noctibus, tibicinibus, superstitis*. Interdum diphthongò *oe* & *oi*, pro *u* longò usi sunt : ut *Oetier, Oesocapio, Oesorpatum, pro uti, usucapio, usurpatum*. Sic *Ceratores, pro curatores* : *Oi, pro u* positum in *Oitier, Oitile* & consimilibus. Sic *Moinicipium, pro mimicipium*. Consonantes quoque non paucas inter se commutârunt : *C*, pro *g*, frequenti in usu fuit. Sic enim *Cenas* dixerunt pro *genas*. Sic *Frucem, lece, pro frugem, lege*. Itidemque *Lecere, rocato, pro legere, rogato*. *D*, pro *l* posuere, cum *Dingua* dixere, pro *lingua*. Sic *Fedetrio, pro Feretrio*. *F* pro *B*, usurpârunt sequente *vau* : ut *Afvirod, pro ab viro*. *Q* pro *c*, ut *Pegunia, pro pecunia*. *S* pro *r*. *Asa, nesvo, casmen, pro ara,*

ara, nervo, cannen. Sic in nominum flexionibus, *Majose, minose, arbores, plusa*, pro *maiore, minore, arbores, plura*. Sic *Fenose, unciasio*, pro *sanore, uncario*. Item in verborum flexionibus: *Arafit, vocafit, fecuefit*, pro *aravit, vocavit, fecuerit*. *T*, pro *d*, ut *Quit*, pro *quid*. In compositis finalem præpositionis consonantem plerumque retinuerunt: ut *Conlegium, improbus, adsignare, adtribuere*. Interdum tamen etiam mutârunt: ut *Opsepito, opturato, optinere*. In quibusdam geminata est commutatio, altera consonantis, altera vocalis, ut *Rocom, flacitiom, prodicos*, pro *Rogum, flagitium, prodigus*. Sic *Acrom, acnom, ticnom*, pro *agrum, agnum, tignum*. Item *Fidius*, pro *filius*. *Osvagolatom*, pro *Obvagulatum*. *Poplicom*, pro *publicum*. *Quoi*, pro *cui*. *Ausom*, pro *aurum*. Sic *Capiuntor*, pro *captiuntur*. In quibusdam duarum vocalium & unius consonantis facta mutatio, ut *Centileom, arvorsom*, seu *asvorsum, plusebos*, pro *gentilium, adversum, pluribus*. In nonnullis gemina consonantis mutatio est, ut *arcuefit*, pro *arguerit*.

Interdum *quantitatis* metaplasmos conjunxerunt, *additionem* scilicet & *detractionem*: ut *Jousus, jousit*, pro, *jussus, jussit*. Sic *Poplei, confesei, demiseis*, pro *populi, confessi, dimissis*. Interdum ad *quantitatis* metaplasum adjunxerunt metaplasum *qualitatis*, ut cum unum idemque vocabulum *additione* & *commutatione* transformârunt. Sic enim *Deicundo, adeictos* usurpata, pro *dicendo, addictus*: sic *Maxsumo, proxsumos, fousiosos*, pro *maximo, proximus, furiosus*. His adde *Endo, entera, supera, continocis*, pro, *in, intra, supra, continuis*: in quibus *commutatio* præcedit, *additio* sequitur. *Detractionem* quoque & *commutationem* quandoque copulârunt, idque *commutatione* interdum sequente: ut *Adécito, poplos, prasentebos*, pro *addécito, populus, prasentibus*. Interdum præcedente: ut *subicito*, pro *sub. icito*. Sic *Olo*, pro *illo*. Item *Fasis*, pro *farris*. In quibusdam triplicatus est me-

taplasmus : ut *Pupilei*, *præfeted*, pro *pupilli*, *præfente*.

In nominum flexionibus præter superiora notabilem mutationem habent *Folminis*, *ipfos*, *im*, pro *fulmen*, *ipse*, *eum*. Sic *Oloe*, pro *illi*.

In verbis quoque varii præter supradictos metaphrasmi à veteribus facti sunt : ut in verbo substantivo, *escit* & *escunt*, pro *erit* & *erunt*. Itemque *fiet*, *fient*, pro *fit*, *sint* : & in futurò perfectò, *fuat*, pro *fuertit*. Ejusdem futuri perfecti magna in aliis quoque verbis est varietas, ut *Vindicit*, *verberit*, *prohibe-fit*, *occisit*, pro *vindicarit*, *verberarit*, *prohibuerit*, *occiderit*. Item *tagit*, pro *tetigerit*, *pacit* & *pacont*, pro *pepigerit* & *pepigerint* : *faxsit*, *rupsit*, pro *fecerit*, *ruperit*. *Paret*, *cepet*, pro *pararit*, *ceperit*. *Miseit*, *viveit*, pro *miserit*, *vixerit*. Item *Duit*, *adduit*, *conduit*, *transduit*, pro *dederit*, *addiderit*, *condiderit*, *tradiderit*. In passivâ etiam formâ *turbassitur*, pro *turbatum fuerit* : *fariator*, *nancitor*, pro *fari velit*, *naetus fuerit*. Item *dariet*, *leibariet*, pro *dari*, *libari*. Sic *oetier* & *oitier*, pro *uti*.

In conjunctis vocibus facta interdum separatio : ut *En do*, *in do*, *in dii*, pro *endo*, *indo*, *indu*. Sic *indo testato*, pro *intestato*. *Endo ponito*, *endo jacito*, *endo manes jactio*, pro *imponito*, *injacito*, *manus injectio* : Item *quicquomque*, pro *quicumque*, & consimilia. Contra interdum conjunguntur, quæ alioqui separari solent, ut *Statoleberom*, pro *statu liberum*.



Vetus
scri-
bendi
ratio
ab ho-
diernâ
differt
vel

Quan-
titate
in

Addi-
tione

Vo-
ca-
lis,
ut

I. Eidem, pro idem.
Leitem, pro litem.
O. Jous, pro jus. Souo,
pro suo. Queicum-
que, pro quicumque.
U. Juus, pro jus. Arbi-
tratuus. Luuit.

Con-
so-
nan-
tis, ut

N. Quotiens.
S. Exfigunt. Exsercere.
Amassô, pro amaso,
& hoc pro amâ-
ro, seu amavero.
P. Quips, pro quis.
S T. Stilis, pro lis.
Stritavus.
D. Tuad. Plebed.
Marid. Estod.

Syll. ut Postidea. Indotestato.

Vo-
ca-
lis,
ut

O. Fenus. Femina. Heres.
Popli, pro populi.
I. Adicito. Subice. Di-
fice. Reice.

Detra-
ctione

Con-
so-
nan-
tis,
ut

S. Osa, pro ossa.
Clase, pro classe.
Jusit, pro jussit.
R. Acera, pro acerra.
L. Pelex, pro pellex.

Utrâque, ut Jousit, pro jussit. Jousus,
pro jussus. Poplei, pro populi.

E, pro I. Leber, pro liber. Mener-
va. Prasentebos, pro prasentib.

Qua-
litate
in
com-
muta-
tione

Vo-
ca-
lis,
ut

O, pro E. Vorsus, pro versus.
Voster, pro vester.
O, pro U. Servos, pro servus. Voi-
nus. Dicont. Fiacolom. Noctebos.
Oe, & Oi, pro U. Cœrare,
pro curare. Oitier, pro utier.
Oitile, pro utile.

A

B

A	B	U, pro E. Dicundo. Faciundo, F-rundo.
		U, pro I. Optumus. Maximus. Astumare.
		U, pro O. Adulesc. Epistula.
		U, pro Y. Aegyptus. Suvius. Sulla.
		C, pro G. Cenas, pro genas. Lece, pro e. Lecio, pro legio. Rocom, pro o.
		D, pro L. dius, pro filius. Dingua, pro lingua.
		D, pro R. Redetrius, pro Feretrius. F, pro B. A virod, pro ab virō siflet, pro a.
Consonantis, ut	L, pro D. Delicat, pro deducit.	Q, pro C. Pecunia.
	R, pro D. Arlabi, pro adlabi. Arfinis, pro adfinis.	S, pro R. Afa, pro ara. Casmen, pro carmen. Minose, pro minore. Amaso, pro amaro.
	T, pro D. Alexanter. Cassantra. Set. Quit.	{ Præpositionum finales, ut Inlustris. Adfectus. Conlega. Optineo. Exfociont, pro effugiunt.
	r, ut Arcuesit, pro arguerit. Exfo-	
	c, ut, pro effugiunt.	
Utrōque, ut Adecito, pro addicito. Addeictos, pro addictus. Continoeis, pro continuis. Deicundo, pro dicendo. Endo, pro in. Fasis, pro farris. Foussiosos, pro furiosus. Maxsun, pro maximo. Oloi, pro illi. Poplos, pro populi. Praseted, pro presente. Prasentebos, pro presentibus. Proxsumos, pro proximis. Sopera, pro supra. Aula, pro Olla.		

